

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<http://books.google.com>





A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>




*44. Q. 8.

MENTEM ALIT ET EXCOLIT



K.K. HOFBIBLIOTHEK
ÖSTERR. NATIONALBIBLIOTHEK

*44.Q.8



LA FAVCONNERIE

DE IEAN DE FRANCHIERES,

GRAND PRIEUR D'ACQUITAINE AVEC
tous les autres auteurs qui le sont peu trouuer
traictans de ce sujet

DE NOUVEAU REUEUE, CORRIGEE

Et augmentée, outre les precedentes impressions.



A PARIS,
EN LA BOVTIQUE DE L'ANGELIER,
Chez CLAYDE CRAMOISY, au premier pillier de la
grand' Salle du Palais.

M. DC. XXVIII.
Avec Privilège du Roy.





A TOVS AMATEVRS DV PASSETEMPS ET VERTVEVX

exercice de la Fauconnerie,

Salut.

A Pres auoir imprimé vn traicté de la Venerie, il n'o
a sèblé cōuenable de mettre aussi en lumiere ces
presensliures concernans la Fauconnerie: qu'ou
tre ce que ces deux exercices ont quelque simili
tude & s'accompagnent l'un l'autre, ils sont aussi
inuentez à mesme fin, qui est d'accoustumer les hommes au
labeur, & les rendre plus addroicts aux armes: deliurer le peu
ple des bestes & oiseaux qui luy portent dommage: & quasi
par manière de guerre chasser ses ennemis, & seruir à la Repu
blique. Et sont aussi moyens hōnestes pour éuiter oysiueté, me
re de tous vices, alleguer les ennuis qui suruiennent quelque
fois, & donner plaisir hōneste à l'homme, pour lequel Dieu
à fait toutes choses.

En la Venerie on pratique plusieurs inuétions pour surpren
dre les bestes, quelques rusees qu'elles soient. Et n'y en a point
de si furieuses, qui ne puissent estre prinsees ou aux rets, ou à for
ce, ou par autre industrie du bon Veneur: & avec ce il n'y a mu
sique plus harmonieuse, que les abbois d'une meute de chiens,
avec la trompe du Veneur, dedans vne forest.

La Fauconnerie aussi n'est pas moins loüable & recreatiue: car
les Fauconniers ne prennent peu de plaisir à traicter & dresser
les oyleaux & les rendre prests à voler. A quoy ils sont si affe
ctionnez, qu'ils delaissent toutes voluptez deshonestes pour y
vacquer: tellement qu'on dit en commun prouerbe, que ia
mais bon Fauconnier ne fut mal conditionné.

Mais quād ils les voyēt au partir de leurs poings passer les nuës,
fédre le ciel, se perdre de veüe & donner pointe, se fōdre en bas

sur leur gibbier, ou faire les autres deuoirs, qu'ils redent & donnent cōme par les mains à leurs maistres la proye qu'ils desirēt, serendans de rechef à leur seruice & subiection: c'est vn passe-temps & plaisir si grand, qu'il ne cede en rien à celui de la Venerie. Et voilà cōment ceste ancienne contention tāt debatue entre les Veneurs & Fauconiers, à sçauoir laquelle est à preferer à l'autre, a esté iusques icy indecise. Tāt y a que l'une & l'autre est si recommandable, que les Rois, Princes, grands Seigneurs & autres esprits nobles & bien nez, ne trouuent passe tēps plus vertueux, ne plus digne de leur grandeur, que ceituy-cy.

Or nous esperons que ces liures seront d'autant plus recommandables que les anciens nous en ont donné moins de cognoissance: car il en ont si peu escrit, qu'on doute s'ils l'ont pratiquée. Je laisse le iugement aux plus doctes, qui ont amplement leu & feuilleté les auteurs.

Le premier a esté composé, ou plustost rassemblé & extrait de plusieurs pieces çà & là esparées sans aucun ordre, par Iean de Franchiere Cheualier del'ordre de l'Hospital de S. Iean de Hierusalem Commandeur de Choisy en France: retirees sans grand labeur des memoires & brouillards de trois Maistres fort sçauans & renommez en cest art: sçauoir est Molopin, Fauconier du Prince d'Antioche, frere du Roy de Chipre: Michelin, Fauconnier du Roy de Chipre: & Aimé Cassian, Grec de nation, Fauconier des grands Maistres del'Isle de Rhodes.

Le second est vne Fauconerie de Guillaume Tardif, du Puy en Vellay, Lecteur du Roy Charles 8. & dediee à sa Maiesté.

Le 3. est la Volerie de messire Arthelouche de Alagona, Seigneur de Marauecques, Cōseil. & Châbel. du Roy de Sicile.

Le 4. & dernier est vn recueil de tous les oyseaux de proye qui seruent à la Vollerie & Fauconnerie, par G. B.

Icy dōc sōt recueillis & mis par ordre tous les secrets de cest art, obseruez par l'ōg vsage & bien experimētez: afin que le tēps glorieux deuorateur de toutes choses, n'en esgare la souuenance: & que d'autant plus soient aduācez les nobles esprits, addonnez au plaisir du vol du Faucon, & à la chasse oiseliere.

TABLE DE LA FAVCONNERIE DE
F. IEAN DE FRANCHIERES, GRAND
Pricur d'Aquitaine.

Le premier liure.

DE la difference & di-
uerse nature des Fau-
cons. f. 1. u
Du Faucon dit Gêtil
& de sa nature. mes. f.
Du Faucon dit Pelerin, & de sa na-
ture. la mesme.
Du Faucon dit Tartaret, & de sa
nature. là mesm.
Du Faucon dit Gerfant, & de sa
nature. 3. a
Du Faucon dit Sacre, & de sa na-
ture. mesm. f. b.
Du Faucon dit Lanier, & de son na-
ture. là mes.
Du Faucon Tiquislan, & de sa na-
ture. 4. a
De quelques autres oiseaux de leurre
& du poing, & de leur nature. mes.
fu. b
Quels moyens faut garder pour faire
biē voler les oiseaux, s'as pour rinie-
re, que pour champs. 3. a
Cōment il faut dūre la Faucon à biē
voler par les champs mes. f. b
De la vo. erie des champs pour le gros
là mes.
Des moyens qu'on doit obseruer pour
bien instruire & gouverner Fau-
cons & autres oiseaux, soient niais
ou bagars, & les apprendre à valer
& oiseler. 6. b
De la differēce des Faucons, & de leur
naturelles conditions. 7. b
D'aucuns Faucons Gentils, differens
des autres. la mes.

De la differēce qu'il y a entre le Fau-
con Pelerin, & le Faucon Gentil &
comme on les pourra remarquer &
discerner l'un de l'autre tant à la
composition du corps qu'à la ma-
niere de voler. 8. b

Le second Liure

Enseignemēs pour conseruer tous oi-
seaux de proie en santé. 10. b

Autre remēde pour oster rheumes &
eaux de la tēte en lieu de tirer. 12. b

Autre recepte pour garder les oi-
seaux en santé. 13. a

Les causes & signes du mal de la tē-
te, qui auient pour auoir donē aux
oiseaux trop grosses gorges, & de
males chairs: & les remedes pro-
pres pour les guerir. mes. f. u. c. b

Remedes pour guerir l'oiseau qui a
mal aux yeux, à cause du rhume, ou
distillation de cerueau. 14. b

Moyen aisé & propre pour conser-
uer l'oiseau en santé, & en bonne a-
leine là mes.

Remedes pour le mal de rheume éra-
ciné de long temps, & qui procede
de froidure. 15. a

Autre remēde pour la maladie des-
susdictē. 19. a

Autre remēde pour descharger l'oi-
seau de rheume de la tēte. là mes.

Remēde pour le mal des oreilles qui
viēnt aux oiseaux de rheumes ou
froidure. mesme f. u. c. b.

Remēde pour mal de paupiere, qui
t. iij.

TABLE

aduiët par froidure de rheume. 17. a
Du mal de l'ongle qui vient en l'œil
des Faucons, de ses causes & signes,
& des remedes propres pour le guer-
rir. mes. f. b

Remedes pour guerir l'oiseau, qui a
eu coup en l'œil. là mes.

Remedes pour le mal de la taye en
l'œil des oiseaux, qu'aucuns appel-
lent verole. 18. a

Du mal de la couronne du bec, de ses
causes & signes, & des remedes
propres pour le guerir. 19. a

Remedes pour le mal des narilles, &
du bec. la mesme

D'un autre feu qui se dono aux na-
riles des oiseaux pour les embellir.
mes. f. b

Du mal de barbillons, qui viët dedäs
le bec des oiseaux, de ses causes &
signes, & des remedes propres pour
le guerir promptement. là mesm.

Du mal de chancre, de ses causes &
signes & des remedes, propres pour
le guerir. 20. a

Du mal de la pepie qui viët aux rau-
cös, sur la lëgue, ä cause du rheume,
de ses causes & signes, & des reme-
des propres pour le guerir. mes. f. b

Du mal de palais, qui enfle aux oi-
seaux par froidure & rheume de te-
ste de ses causes & signes & des reme-
des propres pour le guerir. 12. a

Du mal des sangsues, de ses causes &
signes, & des remedes propres pour
le guerir. mesm. f. b

Du mal des maschoires, qui viët de-
dans le bec, de ses causes & signes
& des remedes propres pour le guer-
rir. 22. a

Du mal de bët, de ses causes & si-
gnes, & des remedes propres pour le

guerir. là mesme.
Du haut mal ou epilepsie, dont les oi-
seaux töbent par fois, de ses causes
& remedes propres pour les guerir
mesm. f. b

Le tiers liure.

Du mal de la pierre ou de la croye,
qui aduiët aux boyaux ou bas fö-
dement des oyseaux : de ses especes,
causes & signes, & des remedes pro-
pres pour le guarir. 23. b

Du mal des filädes, qui aduiët aux
Faucons en plusieurs parties interi-
eures de leurs corps, & des remedes
pour le guerir: et des especes, causes
& signes, & premierement des fi-
lindres de la gorge. 66. a

D'une autre secöde espee de filädes
qui viennent aux estreines & aux
reins des oiseaux : & des remedes
propres ä les guerir. 27. a

D'une autre espee de filandres, qui
viennent aux cuisses des Faucons: &
les remedes pour les guerir. mes. f. b

D'une autre espee de filädes, que l'on
nomme vulgairement aiguilles, &
söt pires que toutes les autres & des
remedes pour les guarir. là mes.

Des apostumes qui s'engendrent au-
cunefois dedäs le corps des oiseaux:
de leurs causes & signes, & des re-
medes pour le guerir. 28. b

Du mal de foye aduenät aux oyseaux
de ses causes & signes, & des reme-
des propres pour les guerir. 29. a

Du mal de chäcre qui vient de cha-
leur de foye, & des remedes pour le
guerir. mesm. f. uel. b

Du mal de pätais, de trois especes d'i-
celuy, des causes & signes, & des re-
medes pour le guerir, nommément
d'apantais de la gorge. 30. a

DES CHAPITRES

De la seconde espece de pantaïs, qui vient de froidure, des causes & signes, & des remedes qui y sont propres. *mesm. f. b*

De la tierce espece de pantaïs, qui tiët es reins & roignôs, de ses causes signes & accidens : & des remedes propres pour la guerir. 32. b

Du mal de morfondure, qui aduët à l'oïseau par quelque accidēt : des signes & causes dudit mal, & des remedes propres pour le guerir. 32. b

Du mal vulgairement appellé le mal subtil, de ses causes & signes, et des remedes propres pour le guerir. la mesme.

Autres remedes propres pour l'oïseau qui n'ēduit, & ne peut passer sa gorge. 33. b

Autres remedes pour guerir l'oïseau qui remet sa chair & ne la peut enduire. 34. b

Autres remedes propres pour remettre l'oïseau degousté, & luy faire venir l'appetit de manger. 35. a

Autres remedes pour remettre sus un oïseau quand il est trop maigre. m. f. b.

Autres remedes pour un oïseau qui est alenty & paresseux, & n'a volonté de voler. la mesme.

Le quart liure

Du mal appellé la taigne, qui viët aux aïles & quēues des oïseaux, & de ses especes. 36. b

De la premiere espece de la taigne, & de ses causes, signes & remedes. 37. a

De la seconde espece de taigne de ses causes & signes, & des remedes propres pour le guerir. m. f. b

De la tierce espece de taigne de ses

causes & signes, & des remedes propres pour le guerir. 38. a

Si un oïseau a l'aïle rōpue par quelque accident, quels moyens il faut tenir pour la luy remettre, et le guerir. m. f. b

Si l'oïseau ne souffient bien ses aïles quelle en est la cause, & quels sont les moyens d'y remedier. 39. b

Si l'oïseau a l'aïle desloquee & demise hors de son lieu, quels moyēs faut tenir pour la remettre et le guerir, m. f. b

Si l'oïseau a de mal auenture l'aïle-ron rōpu, quels remedes sont propres pour le luy raccoustrer. la mesme.

Si l'oïseau a la iambe ou cuisse rōpue quels moyens il faut tenir pour la remettre & guerir. 40. a

Si l'oïseau est blessé de coup, quels moyens & remedes sont propres pour le bien traiter & guerir. la mesme.

Quand l'oïseau a les pieds enflēz, quelles en sōt les causes, et les moyēs pour y remedier. 41. b

Quand les oïseaux ont les chifses ou iambes enflēes, quelles en sōt les causes, & les moyens estrouuez pour les guerir. 42. a

Si les oïseaux ont clous ou galles aux pieds que l'on appelle podagres, qu'elles en sont les causes, & les moyens d'y donner remede. m. f. b

Si un oïseau se gratte ou mange les pieds quelle en est la cause, et quels moyēs faut tenir pour y obuiuer. 43. b

Quels moyens sont à garder quand on veut serrer ou estoupper les veines des iābes de l'oïseau, pour le garentir des enflēures, clouds, galles, podagres & demangaisons d'assu-
dēt. 44. b

TABLE DES CHAPITRES

Quels moyens on doit tenir, quand on veut rōpre la iambe à l'oiseau, pour le garantir de podagres & autres maladies de pieds. 45.a

La façon de mettre les oyseaux en muë: & les moyens qu'on y doit tenir pour les conseruer en santé & alegresse. mes. fueil.b

Quels moyens sont propres pour auancer un oiseau de muë. 46.a

Quels moyens sont bons à garder, pour faire que tous oiseaux se portent bien en la muë, & qu'ils en puissent sortir sains & drus. mes. fueil.

Commēt on doit traitter Faucons apres qu'on les a esleuez hors de la muë. la mes.

Si quand, & comment on doit donner l'aloës aux oiseaux volans. 47.b

Si l'oiseau s'est rompu les angles, quels moyens & remedes sont propres pour les faire reuenir, & les guërir. 48.a

Quand les Faucons font des œufs en la muë ou dehors, & puis en deuient malades & en danger de mon-

rir par quels moyens on y doit remedier. 48.a

Quels moyens doit tenir le Fauconnier voulant prendre Faucons en l'air ou au nid. mes. fueil.b

Par quels moyens on peut voir si les Faucons ont pouls ou mouches: & s'ils en ont, comment on les peut oster ou faire mourir. 49.a

Quand loiseau pend & traîne l'aïste par quel moyen on la luy peut faire leuer & soustenir. mes. fueil.b

Si les oiseaux se sont cassé froissé ou rompu quelques penes des aïstes ou de la queue, par quels moyens on les doit accoustrer, & enter s'il en est besoin. la mes.

Quand une penne est arrachée par force ou tirée en sang, quel moyen il y a de la faire reuenir sans offense de l'oiseau. 50.b

L'oiseau a l'alaine puante qu'elle est la cause, & quels moyens sont bons pour y donner remede. 51.b

Conclusion de l'auteur. mes. fueil.b


F I N.



DE L'ART DE FAU- connerie liure premier.

De la difference & diuerse nature des Faucons.

CHAPITRE I.

 ELON ce que i'ay peu apprendre des trois maistres Fauconniers dessusdits, il y a sept especes de Faucons de leurre : lesquels ils (ont tout compris soubz ce nom general de Faucon) pource que tous bons Fauconniers (lesquels aussi ont pris leur nom du Faucon) ont de tout temps appellé Faucon tout oiseau de leurre. & de proye. Et neantmoins ont-ils donné à chacune desdites especes vn nom propre & particulier : comme aussi les ayans ainsi particulierement veuz, cogneuz & nommez, ils les ont puis apres affaittez & introduicts chacun selō sa complexion & nature. Et pour ce mettrons nous orendroi & premierement leurs noms pour fin de ce premier chapitre : puis aux chapitres ensuyuans declarerons de chacun à part & par ordre la complexion & la nature. Ces sept especes doncques sont.

Le Faucon, dit Gentil.
Le Faucon, dit Pelerin.
Le Faucon, dit Tartaret.
Le Faucon, dit Gerfault.
Le Faucon, dit Sacre.
Le Faucon, dit Lanier.
Le Faucon, dit Thunisien.

A



Du faucon dit Gentil, & de sa nature.

CHAP. II.



E Faucon dit Gentil, de sa nature est bon Haironnier dessus & dessous: est bon pareillement aux Rousseaux ressemblans aux Haironniers, aux Espluquebaux, aux Poches, aux Garfotes, & à plusieurs autres especes d'oiseaux; & principalement est bon pour la riuere. Cestuy Gentil soit prins mais pour mettre à la Gruë, car s'il n'estoit niais il ne seroit pas si hardy: pource que venant du nid il n'a iamais rien cogneu. A ceste cause si vous l'oiselez premierement sur la gruë, il en sera plus vaillant, & en fin deuindra bon Gruyer, pource qu'auparauant il n'auoit point veu d'autre oiseau.

Du Faucon dit Pelerin & de sa nature.

CHAP. III.

LE faucō dit Pelerin est naturellemēt vaillant, hardy & de bō affaire: & est moult courtois à sō maistre. Cestuy faucō est dit, Pelerin, pource qu'il est oiseau de passage: & va de regiō en autre comme qui fait vn pelerinage. Et encores dit on de luy, que iamaïs ne se recontra homme, fust Chrestien ou infidelle, qui ait peu dire auoir veu ou trouué, où sceu où le Faucon fait ses petits, ny son aire: ains se prent tous les ans enuiron le mois de Septembre en la saison qu'il fait son passage. Quand vous en aurez recouuré aucun, aduisez premierement à l'affaiçter, leurrer & asseurer comme il appartient: puis le pourrez faire à la Gruë, à l'oiseau de Paradis (qui est vn peu moindre que la Gruë) au HIRON, aux Rousseaux, aux Espluquebaux, à Poches, à Garlottes, & à toutes autres sortes d'oiseaux de riuere. Aussi le pourrez vous oïselez & aduire pour les champs à l'Oye sauuage, aux Oustardes, aux Oïms, aux Fauſſes perdrix, & à toutes manieres d'oiseaux de menu gibier. Car de sa nature il est prompt & propre à tout faire, docile & aisé à apprendre.

Du Faucon dit Tartaret, & de sa nature.

CHAP. IIII.

LE Faucon dit Tartaret, est vn oiseau qui n'est pas commun par tout pays, ains est de passage aussi bien que le Pelerin. Cestuy Faucon est plus grand & plus gros que le Pelerin. roux dessus les aïſles, au surplus bien empieté & ayant longs doigts. Aucuns dient que ce sont Pelerins d'autre espee: & de fait les Tartarets sont bien peu differens de ceux que vulgairement on appelle Pelerins. Tant est que Tartarets sont oiseaux bien volans & hardis à toutes manieres d'oiseaux, & se peuvent oïselez & aduire à tout ce qui a esté dit du Pelerin. Or faictes cestuy Tartaret & pareillement le Pelerin, leurrer & voler pour tout le mois de May & de Iuin: car ils sont tardifs en leurs muës: mais aussi

A ij

LIVRE PREMIER

quand ils commencent à muer , ils se despouillent promptement. Cestuy Faucon se dit Tartaret de Barbarie, pource que communément il fait son passage par le pays de Barbarie où il s'en prend plus grand nombre qu'en aucune autre contree. Comme sont'auſſi pris les Faucons Pelerinsés Isles de Cypre, Candie, Rhodes, & autres Isles de l'Archipel. Neantmoins en ladite isle de Candie sont en plus grand & frequent vſage les Pelerins & Tartarets qu'en tous les autres pays: Pource que les nobles Candiotſ les font & aduiſent plus à la Gruë, qu'à aucuns autres oiseaux. De fait là plus qu'en autre lieu ſe treuuent Tartarets & pelerins ſingulierement bons & adroits.

Du Faucon dit Gerfault, & de ſa nature.

CHAP. V.





Le Faucon dit Gerfault est vn Faucon de grande force & de rare puissance, singulieremēt bon oiseau, spécialement apres qu'il a mué. Le Gerfault est bien empieté, & à longs doigts, & les serres fortes. Il est fin & hardy de sa nature: & d'autant en est-il plus fort à faire. Car il veut auoir la main douce, & le maistre debōnaire. Cestuy Faucon fait ses petis & son aire es parties de Prusse & de Damnemarc deuers Lubec. Mais communement il se prend es confins del' Alemaigne en faisant son passage. Le Gerfault de sa nature est propre à tout vol: & le poupez oiseler & mettre à toutes manieres d'oiseaux de riuieres & de champs, comme ditta esté du Pelerin & Tartaret.

Du Faucon dit Sacre, & de sa nature.

CHAP. VI.



LIVRE PREMIER



LE Faucon dit Sacre, est vn Faucon assez grand, & plus grād que le Faucon Pelerin : toutesfois laid de pēnage, & court empieté. Mais si est il de grande force, & hardy à toutes manieres de voleries, autant ou plus que le Pelerin & le Tartaret : Toutesfois n'est il point si franc pour faire grans efforts sur la Gruē, ou faire vn semblable fort vol, comme est le Pelerin. Maistre Molopin dit que cestuy Sacre est oiseau de passage : & qu'il ne s'est rencontré homme, quel qu'il fust, qui ait peu dire auoir veu, sceu, ny trouué le lieu ou vn Sacre feist son aire & ses petits. Combien qu'és cōtrees où il se prend, l'on die qu'il vient de Rouffie & de Tartarie, & delà la mer Majeur. Pource qu'és voyages que l'on fait tous les ans vers les Indes & Isles Orientales, on le prend vers la Natolie, & les contrees de leuant tant en Chipre, Rhodes, & Candie, comme és autres Isles de l'Archipel. Le Sacre encores est plus enclin & plus propre de sa nature pour la volerie des champs, comme pour l'Oye sauuage, Butors, Gelines de bois, Phaisans, Perdris, Lieures, & toute autre sorte de gibier : Et est moins dāgereux en son viure ; mais aussi est meilleur pour la riuiera le Sarret, que le Sacre forme.

Du Faucon dit Lanier & de son naturel.

CHAP. VII.



LE faucon dit Lanier, est assez commun en tout pays, spécialement en France & és pays circonuoisins. Car il fait volontiers son aire & ses petis aux bois sur les hauts arbres, ou és hautes roches, selon l'aisance des pays où il se retrouue. Cestuy Lanier est plus petit de corsage que le Faucon gentil : & est fort beau de pennage, principalement apres la muē : & est plus court empieté que aucun des autres Faucons. Et dit Maistre Michelin que le Lanier qui a plus grosse teste, & dont la couleur des pieds tire plus sur le bleu, soit niais ou sot, est meilleur que les autres. De cestuy Faucon pouuez vous voler en riuiera, & en plusieurs autres manieres de volerie. Specialement est bon par les prez pour battre les Lieures, voler Perdris, Phaisans, Chahuans, & toute autre sorte de menu gibier. Il n'est point dāgereux en son past ny en son viure : car il supporte mieux son past gras, qu'aucun des autres Faucons de gente penne.



Du Faucon Thunisien, & de sa nature, CHAP VIII.

LE faucon dit Thunisien, approche assez pres de la nature du faucon Lanier : car il a semblable pennage & semblable pied, toutesfois il le corps plus dedié, plus long devant, & mieux croisé, & la teste plus grosse & plus ronde, Il est appellé Thunisien, pource qu'il fait son aire & ses petis au pays de Barbarie, enuiron la ville de Thunis, qui est l'une des principales villes de Barbarie, en laquelle le Roy du pays reside avecques ses Gentils-hommes, qui font grand compte de tels oiseaux : qui naissent là, & y sont bien recuillis, comme les Laniers en France, Le faucon Thunisien est bon à ruiere, & à tous oiseaux hantans

LIVRE PREMIER.

sur icelle. Encores est il bon aux champs (ne plus ne moins que le Lan-
nier :) bat volontiers les Lieures, & vole tout autre gibier. Cestuy
Faucon n'est pas commun ne cogneu par tout pays, ainsi que sont au-
tres oiseaux: & ne s'en trouue gueres ailleurs que audit pays de Barba-
rie & de Thunis.

De quelques autres oiseaux de leurre & de poing, & de leur nature.

CHAP. IX.

Maitre Aymé Cassian dit, qu'il se trouue encores quelques
autres oiseaux de leurre & de poing, propres au deduit de
la volerie, comme le Hobier, l'Espreuier, l'Autour, & l'Es-
merillon: combien l'esmerillon pour sa petitesse & delica-
tesse ne vole gueres que aux Allouettes & semblables oisillons, & que
rarement il prenne le Cailletteau & le Perdriau. Les trois autres com-
mes ils sont plus grands & plus forts, aussi font ils les vols plus beaux, &
plus hautes entreprises. Quelqu'vns ont voulu dire qu'on pouuoit
dresser & leurrer le Corbeau & le Milan: pource que tous deux sont
oiseaux de proye: lesquels l'on voit iournellement chasser de nature,
& poursuyure le gibier. Mais ce ne sont bestes si nobles comme fau-
cons & espreuiers: lesquels semblent plus s'efforcer à faire vol grâd &
hautain pour quelque sentiment de gloire & honneur de la victoire,
que pour appetit de la proye. Où au contraire Milans & Corbeaux ne
volent & suiuent gibier que pour la cuisine, & pour contenter leur
appetit affamé. Aussi ne se mettent ils iamais à suiure ne Gruë, ne Hai-
ron, ny semblables oiseaux de combat: ains seulement Poulets & Pi-
geonneaux & semblables, qui n'ont ne vol ny autres defenses pour se
sauuer de leur bec & griffes. Et ceste est la cause pour laquelle les Gen-
tils-hommes & nobles esprits ne s'amusent à leurrer & affairer tels
oiseaux, villains, poltrons & tripiers de nature: & si quelqu'vn s'est
trouué qui en ait voulu prendre la peine, ce a plus esté par curiosité,
que pour plaisir qui en peust reuenir.

*Quels moyens faut garder, pour faire bien voler les oiseaux.
tant pour riniere que pour champs*

CHAP. X.

Maistre

Maitre Molopie estoit d'advis, que l'oiseau volant pour rivi-
 quere, par celui qui desiroit luy voir faire bon vol, devoit estre
 lalché contre le vent, & au dessus de son gibier, pour luy
 donner autant d'avantage de sa môtée. Aussi qu'il faut con-
 duire les Faucons à l'endroit des oiseaux de riviere: & quand on les ver-
 ra bien à leur point, escrier les dits oiseaux de riviere, & les chasser en
 sus, en les faisant sortir hors de l'eau. Et s'il auient qu'ils faillēt à se bien
 dresser vers la proye, il les faudra lancer à quelque poulet ou autre oi-
 seau vif, pour les arrester, & donner bon enseignement à ses oiseaux,
 que de nouvel on met à voler, tant qu'ils cognoissent bien le vif, &
 entendent mieux ce qu'ils doivent faire. Quant à la volerie du Heron,
 maitre Michelin dit, que c'est la plus noble de toutes: Aussi que le
 Faucon qu'on y affecte, doit estre bien instruit à cognoistre le vif, & à
 sçavoir monter. Quele Faucon Heronnier ne doit point estre em-
 ployé à autre volerie que celle du Heron: pource qu'en autre volerie
 quelconque ne se fait telle montée, ny effort si grand, qu'au vol du
 Heron: partant est bien raison que Faucons Heronniers ne soient mis
 plus bas, ny au moindre effort de volerie: attendu aussi qu'il doit bien
 suffire au Gentil homme, ou au Fauconnier, de voir son Faucon bon
 Heronnier. Car si on le veut puis apres appliquer à autre legere vole-
 rie de commun gibier il prendra incontinent vn desdain, & vne paresse
 telle, qu'au lieu qu'auparavant il estoit bon Heronnier, il ne le sera plus
 & s'appoltronnira de sorte, qu'il n'aura plus d'envie de voler le Heron:
 & se voudra arrester au commun gibier, qu'il aura trouvé le plus aisé,
 quittant & abandonnant toute violence & courageuse hardiesse: qui
 reuient à grand dommage & regret à celui, qui auoit auparavant vn si
 bon Faucon Heronnier. Bien est vray, que le Sacre vole à tous oiseaux,
 plus aisément que tous les autres Faucons, pource qu'il est prompt &
 franc, & commun à tout: mais il est grossier d'entendement, & mal
 aisé à façonner, combien qu'en fin il se rende bon, à qui voudra pren-
 dre le travail, qui est neccessaire.

Comme il faut conduire le Faucon, à bien voler pour les champs.

CHAP. XI.

B



Aistre aymé Cassian a dit : pource que quelques seigneurs & Fauconniers prennent plus grand plaisir aux faucons faits pour la volerie des chāps, qu'à ceux qu'on fait voler pour ruiere : que pour bien instruire les Faucons au vol des champs, il faut commencer à les faire cognoître les chiens, & à les aymar, soit pour le poil, soit pour la plume. Car il n'est pas possible se retirer de la volerie des champs, le plaisir qu'on en desire, si les chiens ne cognoissent & aymēt les oiseaux, & les oiseaux les chiens. Et combien que l'oiseau de la nature soit mal-aisé à approcher, & entrer en cognoissance & amitié avecques le chien, ne s'en fait point estonner. Car avec le temps, & la journaliere communication que faire on pourra de l'oiseau avecques le chien, pour l'en aseurer, auindra qu'en fin ils s'entrecognoistront & s'entraimeront. Aussi les faut-il souuent mener aux champs à la volerie : car ceste hantise fera qu'ils s'entrecognoistront, & s'accoustumeront encores dauantage de l'un à l'autre. Et pourra on faire bons faucons pour les champs, si on les tient bien curez & accommodez, en leur baillant du premier, du second, & du tiers oiseau qu'on prendra, vne assez bonne gorgee : & apres cela le faudra retirer petit à petit, pour le mettre en plus grand erre : car cestuy est un bon moyen pour mieux luy faire cognoître le vis, & en faisant becqueter la teste de l'oiseau prins, & en manger de la ceruelle, & de chacun autre qu'on prendra iusques à ce qu'on le vueille paistre à l'heure accoustumee, & lors luy faudra donner gorgee raisonnable.

De la volerie des champs pour le gros.

CHAPITRE XLII.



Ly a vne autre volerie pour les champs, qu'on appelle, vol pour le gros : comme quand on fait voler le faucon aux Grues, aux Oyes, aux Butors, à l'oiseau de Paradis (qui est quasi aussi grand que la Grue) aux Rouilleux, (qui ressemblent aux Herons) aux Espluquehos, aux Valerans, aux Poches, aux Garfortes, & à plusieurs autres sortes d'oyseaux de grossiere nature, & de cuisine. En ceste volerie les faucons peuuent faire bon vol partans du poing, que l'on dit à la source : toutesfois ne se peu-

uent, ils bonnement faire, & bien deduire ce vol pour le gros, pour prendre Grues, Oyes, & autres oiseaux de fort, sans Espaignoul, ou leurette, ou autre chien appris & façonné avecques le Faucon : duquel le vol pour le gros requiert prompt & present secours, avecques toute diligence. Si pour ce vol de gros, & pour toute autre volerie, que vous voudrez faire faire à vostre oiseau, vous le voulez rendre prompt, hardy, courageux & vaillant; il le vous faut souvent & quasi tout le iour tenir sur le poing, & le paistre de poulets (tant que vous en pourrez recouurer) environ l'heure de tierce: & apres qu'il sera peu, le mettre au Soleil, en lieu où il ait l'eau deuant luy, afin qu'il s'y puisse baigner, quand il luy plaira. Mesmes qu'il y puisse boire, comme bien souvent il le desire; car le boire luy fait grand bien, & par fois le prend tant à propos, qu'il le preterue de maladie. Toutesfois quelquesfois auient, que l'oyseau beuant apres vne longue maladie, par le boire se donne la mort: d'autresfois que par le boire il se guerit. Apres cela, soit baigné ou non, il le faut encores tenir sur le poing, iusqu'à ce qu'on s'aille coucher: & quand on se va coucher, mettre deuant luy vne chandelle ou lumiere, qui dure toute la nuict. Si d'auanture il s'estoit baigné: le lendemain le faudroit mettre vne heure au Soleil & iusqu'à ce qu'il fust rechauffé: Mais s'il ne s'estoit point baigné, faudroit prendre du vin & de l'eau, meslez ensemble, puis l'arrouser avecques la bouche environ l'heure de tierce; & apres le remettre au Soleil, & à l'ombre de Soleil, deuant le feu, tant qu'il soit bien sec: & si on le cognoist bien essuyé, net, & assésuré, trente ou quarante iours apres, on le pourra seurement mener aux champs, pour le faire voler au gibier. Lors si on void qu'il soit en bonne disposition & volonté de voler, le faudra laisser voler à son aise: & s'il prend, luy donner à manger de l'oyseau qu'il aura prins vne assez bonne gorgee: mais si ce iour-là il ne prend rien, le faudra paistre d'une cuisse ou aile de pou, le lacer en eau fresche: en le tenant tousiours sur le poing, ainsi que dit est. Le lendemain le faudra encores porter à la volerie; & s'il prend quelque chose, le traicter comme dessus, & le tenir & conduire en ceste façon, tant qu'il soit bien enoïellé: cependant le gouverner & conduire tousiours, avecques prudence & sage discretion: pour ce que par fois il se pourroit mettre bas, & ne pourroit satisfaire à la force & continuation de son vol. Autres disent, que si l'oyseau se monstre rebelle au Fauconnier, qui prend peine de l'enseigner à bien voler, sera bon l'arrouser de rechef

LIVRE PREMIER

d'eau chaudette ou tiède, puis le mettre la nuit au ferein, & la matinee ensuiuant le remettre au Soleil ou au feu: & quand il sera bien essuyé, & aura bien tiré, on pourra le porter au deduit de la volerie. Et lors s'il oiselle & prend bien, luy faudra continuer celle trempe: autrement pourroit-il se rendre enclin à quelque mauuais vice. Et si vqulez que les oiseaux ayment mieux le gibier, prenez de la canelle, & du sucre candy, autant d'un que d'autre: & en faites de la poudre: & quand vous luy baillerez sa gorgee de l'oiseau qu'il aura prins, saupoudrez-en ce que luy en donnerez, & vous le verrez puis apres bien aymer son gibier.

*Les moyens qu'on doit observer, pour bien instruire & gouverner
Faucons & autres oiseaux, soient niais, ou hagers,
& les apprendre à voler & oiseler.*

CHAP. XIII.



Aistre Aymé Cassian a enseigné, que pour bien appriuoiser vn oiseau tout neuf, & le rendre à droit & prompt au vol: est besoin en premier lieu le mettre sur le poing, puis le chapperonner: & le voiller trois iours & nuits, sans le deschapperonner ou descouvrir, mesmes en luy donnant à manger.

Après ces trois iours & trois nuits passez, il n'y aura point de danger de luy oster le chapperon, ne de le faire manger descouvert: mais apres qu'il sera repeu, le faudra recourir, & ne le descouvrir point, si ce n'est pour le paistre, iusques à ce qu'il cognoisse bien la chair. Quand il commencera de s'asseurer, il sera bon de souuent le descouvrir, & souuent le recourir: car c'est le moyen de le rendre bon chapperonnier, pourueu qu'il ait main douce, & gouverneur patient. Pour mieux asseurer vostre oiseau, & plustost aussi, sera-il bon de le porter tousiours, ou le plus souuent que faire se pourra, aux lieux ausquels il y aura grande compagnie, & plusieurs esbastemens. Lors qu'il sera bien asseuré, petit à petit faudra le faire venir sur le poing: & en luy montrant la barre, & le liant sur icelle, mettre avecques luy sur ladite barre quelque poulaillle viue, ou autre oiseau vif, le plus souuent qu'on pourra, & luy faire plumer & manger à son aise & plaisir, iusques à ce qu'il en ait prins gorge raisonnable. Après que vous l'aurez ainsi aduit & façonné, par quelque espace de temps, deux fois le iour, mesmes avec le leurre, le

quel il cognoistra & le vif aussi, vous le pourrez lors lascher à tout la filiere (qu'on surnomme, vn Tien le bien) en le leurrant de plus loing en plus loing deux fois le iour. Et apres qu'il sera bien reclamé & bien leurré, luy faudra apprendre à roder haut en l'air, tant qu'il sçache bié monter & roder. Puis apres luy faudra lascher quelque oiseau vif : & quand il sera descendu, luy laisser tenir & plumer tout à son plaisir, luy en donnant gorge competante, comme a esté dit cy-dessus. Faudra aussi continuer à luy donner plaisir sur le leurre : de maniere que iamais il ne voye, qu'il n'y ait tousiours quelque morselet de chair lié ou autrement attaché dessus iceluy : de fait celà luy fera tousiours aymer son leurre & son maistre, & l'engardera de iamais se perdre : & continuant d'ainsi le traicter, par l'espace de quarante iours ou enuiron, vous le pourrez puis apres faire seurement voler. Mais sera besoing auparavant qu'il soit baigné, & nettoyé dedans le corps, & peu de chair bien lavée & bien nette : & que chaque nuit on luy ait baillé les cures, qu'on a de coustume de donner aux oiseaux volans. Au surplus quand vous aurez quelque oiseau niais, vous le faudra souuent paistré de poulailler, de chair de bœuf, ou de chevre : car les paissant de telle viande, elle les empeschera d'encliner à quelque fascheux & mauuais vice. Et quand ils seront bien arrestez & allongez, les faudra tenir sur le poing en chapperonnez : & les penser & gouverner en la maniere dessusdite au commencement de ce chappitre. Et apres les trente ou quarante iours, mis là où il faudra voler : & au premier, second, & tiers vol, bien doucement traitez, en les retirant peu à peu, tant qu'ils demeurent en temperature de vol, en leur arrousañt souuent la bouche de vin & d'eau. Car les maistres dessusdits tiennent que les aucuns d'entr'eux se veulent baigner. Toutesfois il doit bien auoir de la discretion, pour le regard du rocher : pource qu'en fin l'oiseau pourroit estre maigre & bas, qui plus auroit besoing d'vne bonne gorge, que du bain, du rocher, & de la bouche. Ce qu'il faut entendre des Faucons ou autres oiseaux, fiers de leur nature, lesquels ne veulent estre baignez.

De la difference des Faucons & de leurs naturelles conditions.

CHAP. XIV.

B iij.

L I V R E P R E M I E R



ifferent est le naturel des Faucons & oiseaux de proye. Car les vns veulent oiseler & voler haut & gras, & les autres plus bas & plus maigres. A ceste cause doit le Fauconnier sur ce auoir bonne cognoissance du naturel de son oiseau, & bonne discretion pour le bien gouverner. Car tous Faucons sont pour voler & prendre grands & petits oiseaux, pourueu qu'ils soient selon leur nature bien gouuernez & conduits. Car les Faucons noirs sont d'une nature, les blancs d'une autre, & ceux de roux pennage d'une autre. Neantmoins ie trouue & est vray, que les Faucons blancs sont sur tous les plus hauts, & de meilleur affaire: aussi pour bien voler desirēt ils estre tenus plus hauts & plus gras, qu'aucuns autres. Aussi se trouuera le blanc Faucon, past pour past, plus gras & plus haut, que tous autres complexions d'oiseaux: & l'occasion de cela est, que le Faucon blanc est plus doux & gracieux, & plus courtois enuers son maistre en toutes ses actions: & pource s'entretient mieus en bon estat, & plus haut en sa nature & condition, qu'aucun des autres Faucons.

D'aucuns Faucons Gentils differens des autres.

C H A P. X V.



Ntre les Faucons Gentils s'en trouue vne espee, qui est ordinairement de grand courage, mais au surplus d'assez peruerse nature. Aucuns les appellent Faucons Gētils d'un strange pays, & dit Molopin que telle espee de Faucon est mal-aiée à garder saine, cōme les autres: ains se veut repir maigre, & estre bien soignée: Car elle desire estre tenue sur le poing, & la faut faire souuent voler: pource qu'elle en vaudra, & s'en portera mieus: & s'il auenoit, que tels Faucons fussent trauaillez des maladies, desquelles les autres oiseaux sont coustumierement verez, ne leur faut appliquer ne donner aucune medecine: Seulement est besoing les paistre de quelque pigeon, & leur en faire boire le sang, puis emplissez vn pot neuf plein d'eau, & la faites bouillir au feu, où il n'y ait point de fumee: & l'ayant versée en vn bassin, ou autre vaisseau bien net, apres que elle sera refroidie, & comme tiede, la faudra presenter à l'oiseau: & s'il en boit, on le pourra curer & medeciner comme on a accoustumé de faire les autres oiseaux: combien que aucunesfois, quand l'oiseau malade se met à boire, ce soit vn vray signe de sa mort: nommément quand



il est grièvement malade, & la bouche luy devient blâche & palle. Tâc est, que si vn tel Faucon se peut garder sain : il se trouuera à la fin des meilleurs qu'on puisse souhaitter : pourueu que la nuit & il ne soit point tenu dehors : & quand on le voudra faire voler, qu'auparauant il soit peu de quelque poulaille, & qu'il ait eu cure de plume avec vne iointe : s'il se trouue de bonne volonté, & en humeur de voler, lors le faudra il laisser oïselez tout à son aise, & à son plaisir, & roder çà & là avec les autres oïseaux ainsi qu'il voudra. Et s'il ne fait tant de son deuoir, que son maistre le désireroit, mesmes qu'il ne prenne rien, ne s'en donner autre peine : car en luy continuant le dessusdict traitement, il ne peut manquer à deuenir très bon.

LIVRE PREMIER

Et pour bien cognoistre, si le Faucon Gentil sera pour deuenir bon, selon l'aduis de Michelin, faut auiser s'il a la teste ronde, le bec court & gros, le col long, les espaules larges, les pennes des ailes subtiles, les cuisses longues, les iambes courtes, & les pieds longs, larges, & grans. L'oiseau qui aura toutes ces conditions, bien le pourra ton tenir pour Gentil, & à cela se pourra bien cognoistre. Le Faucon Pelerin, à la verité, auance & surmonte de beaucoup du pied, le Faucon Gentil, car il a plus grande prise, & plus longs doigts.

De la difference qu'il y a entre le Faucon Pelerin & le Faucon Gentil: & comme on les pourra remarquer, & discerner l'un de l'autre, tant à la composition du corps, qu'à la maniere de voler.

CHAP. XVI.

DE ces deux manieres de Faucons, i'ay maintesfois discouru & disputé avec plusieurs excellens Fauconniers, de diuerses nations, & comme on les peut bien cognoistre, & discerner les vns d'avecques les autres: à quoy faut bien pres auiser: car la cognoissance en est biē subtile, & mal-aisée à ceux qui n'en ont veu, & souuent tenu des vns & des autres. Et certainement les Fauconniers de Leuant sont fort experts en ceste cognoissance: comme ceux du Royaume de Chypre, de Rhodes, de Syrie, & de plusieurs autres Isles de l'Archipel, où s'en prend grande quantité en la saison du passage: & par ce moyen les Leuantins les scauent cognoistre & discerner naturellement. Toutesfois pource que ie sçay, que nos François desirent auoir l'adresse de les bien discerner & recognoistre: ie vous en veux icy declarer quelques enseignes & marques. En premier lieu, le Faucon Pelerin est plus grand, & plus gros que le Faucon Gentil, a les iambes plus longues, les pieds plus grands, les doigts plus longs, le col plus long, la teste plus longue & plus subtile, le bec plus long. Quant aux pennes des ailes, il ne les a pas si longues, comme aussi n'a-il pas le col si long, que le Gentil: mais il a la queue vn peu plus grande qu'iceluy. Le pennage du Pelerin grand & petit est tout bordé, & plus que du gētil for ou mué: & se tiēt en for plus qu'en muē. Encores a le Pelerin la cuisse plus platte, & le Gentil l'a plus rōde. Et si on regarde tout au long du plat de la cuisse du Pelerin, & on y trouue tout le duvet entierement blanc, sans aucune macule ou difference, on se



se peut bien assurer qu'il est Pelerin. Et ce peu que i'en ay dit doit suffire, pour la seure cognoissance & remarque du Faucon Pelerin. Toutesfois encores sont les Faucons Pelerin & Gentil, bien differens l'un de l'autre quand au vol. Car le Pelerin se tient mieux & plus longuement son aile & en son vol bat plus à l'oisir, & à son aise, que ne fait le Gentil: car le Gentil volant sur aile, bat plus fort & plus viste que le Pelerin. De fait plusieurs Fauconniers experts, discernent l'un de l'autre au seul battement de l'aile: neantmoins dient que le Prinsaut le Gentil passe le Pelerin: mais qu'au long vol, le Pelerin passe tous autres oiseaux, pour bon aile qu'ils puissent auoir. Et se peut dire Pelerin, mesmement pour le passage qu'il fait, comme cy dessus a esté dit. Encores se peut louer le Pelerin d'une grande douceur & courtoisie.

sie qui est en luy : car quand il aura eu cure au matin , venuë l'heure
 qu'on le deura mettre sur le poing , & le paistre , si on le met sur aïlle
 il regardera çà & là à l'entour de luy , où il deura prendre sa contree &
 sa proye : & s'il vnit autres oiseaux de proye le suiuan derriere ou à sa
 costé , abbatra ce qu'il pourra de proye , pour les paistre : puis la lais-
 sera passant outre , pour trouuer autre gibier , duquel il puisse estre peu
 Et dient lesdits maistres Fauconniers , que plusieurs fois ils ont veu
 maints Faucons Pelerins de la proye par eux prise , faire telle largesse
 & courtoisie aux autres oiseaux de proye , tant ils sont de bonne &
 douce nature. I'ay pareillement ouy dire à plusieurs estrangers Fau-
 conniers , singulierement à ceux des pays , par lesquels ils passent &
 repairent , comme d'Egypte , de Surie , Cypre , de Rhodes , & au-
 tres lieux circonuoisins , qu'en ces contrées de Levant , és lieux par les-
 quels ils passent , en la saison du passage , se prend si grande quanti-
 té de ces faucons dits pelerins , que les vilains qui les prennent ,
 les vendent à d'autre vilains du pays , qui les achettent pour man-
 ger. Et sont en ces quartiers à si bon marché qu'ils les ont & don-
 nent par fois pour trois ou quatre medins la piece. Le medin est vne
 piece d'argent monnoyé , qui peut reuenir à la valeur de deux soulds ,
 de monnoye de France. Mais pource que les Mores , Sarrazins & au-
 tres gens des pays où on les prend , sçauent que les Chrestiens en font
 cas , ils leur en enuoyent tant qu'ils peuuent , & leur vendent trente
 ou quarante medins la piece. Les Pelerins faucons , enuiron le mois
 de Septembre & Octobre , passant au pays d'Inde la Majeur , ou ils se
 tiennent de trois à quatre mois : puis s'en riuient és parties Septen-
 trionnales , subiettes à la Tramontane , pour faire leur aire , & leurs
 petis : mais on ne peut sçauoir où ils les peuuent faire. De fait ne s'est
 oncques trouué , ne Morene Chrestien , comme dit est deuant , ou
 i'ay parlé du naturel des Faucons , qui ait peu dire auoir iamais veu
 aire ne petis de quelque Faucon Pelerin. Et le mesme se dit du Sa-
 cre. Dient aussi les maistres & experts Fauconniers , qui ont longue-
 ment tenu & nourry ces deux especes de Faucons : que le Faucon ,
 Gentil de sa nature en toutes ses actions est plus prompt , plus ardent
 & plus remuant , que le Pelerin : & l'estiment folastre & outrageux , à
 comparaisson de l'autre. De fait quand ils viennent à voler ense-
 mble , le gentil est plus tost sur aïlle , & plus hastif à monter & à descen-
 dre que le Pelerin. Et quand de mal heur il vient à faire vne faute
 par defaulture , il commence à se despiter & à se mettre au chan-

par autre gibier, ou oyseau puissant : de manieres que souuent
 tesfois il est bien mal aisé de les faire reussir : Mais aucuns di-
 sent que du Pelerin tout le contraire, & qu'il est d'autre
 complexion : car il est posé & attrempé en
 tous ses faits, & sçait bien prendre son
 aduantage tout ainsi qu'on veut.

FIN DE CE PREMIER LIVRE

C ij

LIVRE SECOND



Liure Second.

CHAP. I.

NOus vous auons cy dessus declaré la diuersité des Faucons & autres oyseaux de leurre & de poing, & leur nature brieuement & sommairement. Pource que les Gentils-hommes qui prennent plaisir à la Fauconnerie pourront d'eux meismes assez pratiquer & apprendre la nature & complexion de chacun oiseau, sans ce qu'il soit besoin vous amuser à plus long discours de cette matiere. Je ne me suis point aussi voulu arrester à plus lōgs enseignemens de siller, affaier & leurrer oyseaux: pource qu'en telle petites pratiques ne cōsistent les secrets de l'art de Fauconnerie: & qu'il est aisé à chacun de cognoistre en peu de temps tout ce qui en est. Mais les plus grands secrets que i'y voye, & que i'aye appris des trois maistres dessusdits, sont pour conseruer les oyseaux en santé, & les guerir des maladies & autres petis accidens qui leur peuuent suruenir par fortune ou par la negligence & paresse de ceux qui en ont la charge. Tous lesquels secrets ie vous vueil enseigner cy apres. Nōmément en ce second liure les moyens de conseruer les oyseaux en santé & de les guerir des maladies & accidens qui leur peuuent suruenir en la teste & parties d'icelles.

Enseignemens pour conseruer les oyseaux de proye en santé.

CHAP. II.

MAistre Molopin dit, que pour conseruer Faucons & toutes autres manieres d'oiseaux de proye en santé, il se faut sur tout garder de leur donner grosse gorge. Specialement de grosse chair, cōme de bœuf, porc, & sēblables chairs de dure digestiō & facheuse concoction. Encores vous faut-il bien soigneusement donner garde de paistre vostre oiseau de chair, dōt la beste soit en rut: car vous le verriez tost apres mourir, sans luy en auoir donné autre occasiō. Or tiennēt tous les trois maistres dessusdits, que pour auoir donné aux oyseaux grosses gorges, nōmēmēt de telles grosses chairs, & autres chairs froides, ils les ont souuēt veuz se perdre, ou enchoir, en maladies plus dāgereuses, que toute autre maladies qui leur puissent suruenir. Et partant vueil ie bien aduiser tous Fauconniers de se don-



ner garde de bailler grosses gorges à leurs oiseaux. Et que si en défaut de meilleure chair ils sont contrains les paistre de grosse chair, qu'ils la trempent Premièrement en eau nette, fraîche en esté, chaude en hiver: puis l'espreignent: toutesfois ne leur donēt trop es-
 printe: car l'eau, qui est laxative, sera moyen de la faire plustost passer
 & couler, & leur enduire la gorge: aussi leur tiendra, elle les boyaux
 plus larges: lesquels se purgeront encores mieux par bas des phlegmes
 & grosses humeurs que les oiseaux pourront auoir dedans le corps. Et
 cōuenient il entēde des grosses chairs, dont on est par fois cōtraint
 paistre l'oiseau à faue d'autres: mais non des autres passez vifs & de
 bonne digestion. Ce faut auoir ceste discretion de recompenser &
 refaire quelquesfois un oiseau de quelque bon pas vif & chaud: au-

trement on le pourroit bien mettre trop bas. Combien que donner chair lauee à l'oiseau, non trop esprinée toutesfois en esté fresche en huiuer chaude, est bon & certain moyen de le tenir en santé. Disent aussi lesdits maistres, que pour entretenir tous oyseaux en bõne santé, & les garâtir de maux, leur faut donner de 15. en 15 ou de 20. en 20 iours de l'aloës cicotrin, le gros d'une pastille febue, & leur mettre au bec enuuelopé de quelque petit de chair, ou d'un boyau de geline pour leur oster le goust & l'entiment de l'amertume. Et quand l'oiseau l'aura mis bas, le faudra tenir sur le poing, apres toutesfois qu'il aura tenu le plus lōg temps que possible sera. Apres ce, le faudra laisser ietter les phlegmes & coles qu'il aura dans le corps tout à son plaisir: en reprenant le reste del'aloës qui ne sera point fondu, car il sera bon pour vne autrefois. Puis soit mis l'oiseau au soleil ou au feu en chapperonné: & ne soit peu de deux heures apres, qu'il lui sera donné de quelque bon past vis, gorge raisonnable. Vous pourrez encorres à vostre discretion au lieu dudit Aloës faire vser à vostre oiseau de ceste maniere de pillules communs que les hommes prennent communément pour lascher le vêtre & est maistre Michelin d'opiniõ qu'elles sont beaucoup meilleures que ledit Aloës, pource qu'elles chassent par bas, & font plus grande purgation. Toutesfois del'un ou des autres pouuez vser à vostre plaisir: mais choisissant les pillules, vous en baillerez à l'oiseau vne, ou deux à discretion, selon ce qu'elles seront grosses: puis apres le mettez au feu ou au soleil, & ne le paistrez que deux heures apres & lors luy donnerez quelque bon past vis, car il aura tout le corp. destrempé.

Item par autre moyen paruiendrez vous à ce mesme effect: Prenant d'Aloës cicotrin & de graine de filandres, autant de l'une comme del'autre le gros d'une febue, & le mettant dedans un boyau de geline du long d'un pouce en trauers lié des deux bouts puis le faisant aualler à l'oiseau de maniere qu'il le mette à bas puis soit mis au soleil ou au feu, & soit peu de poulant le contraindre pas vis deux heures apres. Ainsi vostre oiseau se tiendra sain. Mais notez qu'à un Accour, il ne luy en faut pistant donner: pource qu'il n'est de si forte complexion, cõme les autres oyseaux de proye. Moins encorres à l'Esprieur, pour ce qu'il n'est assez fort pour supporter si forte medecine. Ainsi pareillement faut il entendre toutes les choses dessusdites, à fin'en donner à chacun oiseau selon sa complexion avec la bonne discretion des personnes, qui a ce s'appliquent:

Autre aduis a encorres donné M. Molopin pour la santé des oyseaux

Si est, qu'à d'aucuns oiseaux siens trop leur curre, ou l'on est en doute
 s'ils ont cure ou non: en ce cas vous leur pouuez donner vn petit d'A-
 loes & en defaut d'Aloes, de la racine d'vne herbe, nommée Chelidoine
 ou esclere, le gros d'vng febue en deux ou trois lopins: & vostre oiseau
 puis apres viendra à émeutir, & à ietter flegmes & coles: ce qui fera
 grand bien à la teste, & au corps. Autre aduertissement à d'auantage
 donné M. Cassian, qui est, que pour tenir oiseaux en santé, & les faire
 bien voler, on les doit souuent baigner: & les mettre de l'eau deuant
 encores qu'ils ne se vueillent baigner: pource que par ce moyen les oi-
 seaux aucunes fois prennent appetit de boire, & faire boyau, qui leur
 sert de remede & allagement aux accidens qu'ils peuuent auoir à cause
 de l'eschauffement du foye ou autre intemperie du corps. Et à lors l'eau
 qu'on leur presente, est suffisante pour les remettre en meilleur estat.
 Ce que l'on pourra aisément recognoistre au semblant que fera l'oy-
 seau se monstrant puis apres plus gaillard & allegre. Soient aussi adui-
 ser tous Fauconniers, que quand ils viendront de voler, ou de gibier, ou
 d'ailleurs, & leurs oiseaux seront baignez par pluye ou autre inconue-
 nient, ils les face essuyer diligemment au soleil ou au feu: car autrement
 ils se pourroient morfondre, & refroidir, ou prendre rhumes en la te-
 ste ou au corps: & de là se pourroit aussi engendrer le mal de pantois:
 & autres maladies qui de iour à autre suruiennent aux oiseaux par la
 negligence des Fauconniers. Et apres qu'ils auront seiché leurs oiseaux,
 qu'ils se gardent bien de les mettre en lieu remugle ou rhumatique:
 ains en lieu chaud & sec, en leur mettant dessus les pieds quelques
 draps à la peche ou dessus le bloc. Car bien souuent il aduient que les
 oiseaux, qui iuront battu ou feru le gibier, ou à la riuere, ou aux
 champs, auront les pieds foullez, froissez ou eschauffez: & à ceste occa-
 sion s'engendreront les galles & cloux aux pieds, à cause des humeurs
 qui y descendent & arrestent: laquelle maladie (qu'aucuns appellent Po-
 dagre) aduient par la paresse des Fauconniers qui à ce que dessus ne pré-
 nent garde. Par ce defaut aussi viennent souuent aux oyseaux les pieds
 & iâbes erflez qui sont maux perilleux & forts à guerir. Admoneste
 aussi M. Michelin, que pour tenir vostre oiseau bien sain, vous le deuez
 tous les iours faire urer vers le vespre auant qu'il se mette à dormir.
 Et apres qu'il aura inquit & passé sa gorge, luy donner cure à vostre dis-
 cretion. Et pourrez si bon vous semble, mettre vn petit d'aloes en la-
 dite cure: ou bien uy bailler vne pillule qui luy pourra descharger la
 teste: & ce de huit n huit, ou de dix en dix iours.

Aucuns routesois leur en donnent bien plus souuent

LIVRE SECOND


quand ils ne veulent point faire tirer leurs oiseaux. Neantmoins faut-il bien entendre que le tirer du matin est moult bon, apres que les oiseaux ont cure. Mais si le tirer est de plume, gardez le bien de prendre plume: afin que ne mettiez rien en cure iusques au vespre. Car deuers le vespre n'y a nul danger. Soient aussi aduertis le rauconniers de faire tirer leurs oiseaux contre le soleil, en les abecquant vn petit, à discretion, selon ce qu'ils sont las & affamez, & en attendant qu'ils voyent aller au desduit.

Maistre Aymé Cassian dit, qu'il a veu & cogneu assez de rauconniers qui iamais ne faisoient tirer leurs oiseaux: disans que ce n'est pas bonne accoustumance, & que le tirer n'est point necessaire, ains que les oiseaux en tirant se greuent le corps & les reins. Toutesfois il est d'opinion contraire, & soustient que en tant que l'oiseau prend exercice à tirer raisonnablement, il en est plus sain de corps, & plus léger de teste: comme on peut apprendre de tous exercices qui se font avec moderation. Dict encorés que ceux qui tiennent ces opinions de ne point faire tirer leurs oiseaux sont apoltronis de paresse: qu'ils procedent du peu d'amour qu'ils portent à leurs oiseaux, ausquels semble par ce moyen qu'ils craignent faire trop de bien.

Le tirer doncques soit deuers le soleil, comme cy dessus a esté dit: car l'oiseau s'en deschargemieux des rhumes & eaux qui luy descendent de la teste: & le mettez puis apres au preau ou à la perche au soleil, afin qu'il s'y esgaye & dedaismieux à son plaisir, puis le remettez au lieu accoustumé.

*Autre remede pour oster rhumes & eaux de la teste
en lieu de tirer.*


CHAPITRE III.

 O I T pris agaric & mis en poudre, Hiera-piera. & ces deux simples soit faicte vne pillule grosse comme vn: moyenne febue (Toutesfois sera bon y mettre la tierce partie moins d'Hiera-piera que d'Agaric pour mieux lier ensemble l'vn & l'autre.) Ceste pillule soit bailee à l'oiseau sur le Vespre enuoloppée d'un peu de cotton, apres qu'il aura passé la gorge. Et en default d'Hiera piera, luy pourrez donner cure du seul Agaric du gros d'une febue, ainsi que l'est. Laquelle luy sera

sera cōtinuée en ceste forme par trois iours consecutifs. Apres le quels vous pourrez voir vostre oiseau deschargé des eaux & rhumes de la teste, & encores de grosses humeurs dont il auoit le corps plein. Et de ceste maniere de cure pourrez vser de mois en mois ou plus ou moins à vostre discretion, & selon la complexion de vostre oiseau. Laquelle a esté experimenté moult profitable, mesmes contre toutes sortes d'aiguilles & filandres qui peuuent aduenir aux oiseaux. Et encores sont d'opinion les trois maistres dessusdits, & plusieurs autres experts Fauconniers, qu'à faute d'autre remede ceste pillule est bonne pour toutes maladies d'oiseaux. L'Agaric & l'Hiera-piera se trouuent aux boutiques des Apothicaires.

Autre recepte pour garder l'oiseau en santé.

CHAP. IIII.

 Oit pris Chamelon surmontain (dit en Latin) Siler montanus, basilicon, mil, fleurs de genest, demie once de chacun: ysope, saulge pouliot, calamitte, quart d'once de chacun: noix muscades, quart d'once, iuiubes, sidrac, borac, mommie, armoise, macis, rue, tiers d'once de chacune: myrabolans indes, myrabolans belleris, myrabolans emplis, demie once de chacun: aloës cicotrin, vn quart d'once. De toutes ces choses soit faite poudre, de laquelle vous donnerez de huit en huit, ou de douze en douze iours à vostre oiseau (à vostre discretion:) & luy en pulueriserez sa chair iusques à la cōcurence de la grosseur d'vne moyenne febue. Et si l'oiseau faisoit difficulté ou refus d'ainsi la prendre esparse sur la chair, mettez la poudre dedans vn boyau de geline, comme cy dessus vous a esté dit, & ainsi la prendra aisément. Mais faut bien auiser que le tout soit fait nettemēt, & qu'en quelque sorte que ce soit luy soit couuerte ou desguisee l'amertume de la poudre, de façon que l'oiseau la prenne, & la mette en bas. Et si vostre oiseau venoit à rendre sa chair au moyen de l'amertume ou force de la poudre, ne luy en faudra puis apres plus bailler sur la chair, mais dedans le boyau de geline, en la forme cy dessus declaree. Et se faudra garder de le paistre d'vne heure ou demie heure apres. Ainsi pourrez-vous donner de ceste poudre à vostre oiseau à vostre discretion, & selon sa complexion & bonne disposition. Car quelques fois les oiseaux sont ords par dedans le corps à l'occasion des mauuaises chairs dont on les a puz, &

D

LIVRE SECOND

qu'il leur ont fait engendrement & mouuement d'aguiilles & de filandres. A cause de quoy se perdent & meurent plusieurs oiseaux. Partant era bon d'vser de la poudre dessusdite pour les conseruer en santé.

*Les causes & signes du mal de teste, qui aduient pour auoir donné
aux oiseaux trop grosses gorges, & de males chairs: &
les remedes propres pour les guerir.*

CHAPITRE V.



Es trois maistres Fauconniers dessusdits s'accordent sur ce point, & diēt que le mal de la teste vient & procede d'auoir donné aux oiseaux trop grosse gorge, spécialement de trop grossiere & mauuaise chair, Pource que quand l'oiseau a trop grosse gorge, il ne la peut passer ne digerir: tant qu'elle vient puis apres à se corrompre & empuantir par dedans pour la tenir & garder trop longuement. Et en ce cas prend plustost mal l'oiseau maigre que l'oiseau gras: puis apres il luy est force de la remettre toute puante. Et s'il aduient qu'il la passe ainsi puante & corrompue ceste chair, & la puanteur d'icelle luy vint à estraindre & assecher les boyaux, de façon que les fumées & vapeurs montans à la teste luy causent vn rhume ou catarre qui luy reserre & estoupe les aureilles, & autres cōduits du col & de la teste: les constipant auecques le temps de telle sorte, que les humeurs qui ont accoustumé de descendre & purger le cerueau, y demeurent arrestez. A ceste cause s'enfle la teste, au moyen de la douleur & repletion: tant que nature cherchant à vuidier, & se descharger de ce qui l'offence, s'efforce de ietter ces humeurs pechans par les aureilles, les narilles, & la gorge, & celà met l'oiseau en grand danger de mourir, si promptement n'y est remedie. Vous pourrez cognoistre ceste maladie de teste à ce que vostre oiseau esternuera souuent, & sur le vespre fera les grands yeux, fermant par fois l'un, & puis l'autre, & faisant contenance de dormir, & plus mauuaise chere qui de coustume. Il regarde aussi bien fort les personnes quand il est atteint de ce mal, & est enflé entre l'œil & le bec. Mais quand le rhume fait semblant de yssir par les yeux, les narilles, & les aureilles, lors se faut donner garde de l'oiseau: parce qu'il est en danger de se perdre s'il n'est secouru. Pour guarir ceste maladie, enseigne maistre Aymé Cassan vn bon remede. Et dit que pour purger l'oiseau, & luy allegier son mal de teste, il faut prendre lard de porc, qui ne soit rance ne trop vieil

& du plus gras faire deux lardons, comme pour larder de la chair, ou peu plus menus, puis le mettre tremper dedans eau fresche toute vne nuit, ou plus lōg temps, iusques à ce qu'ils soient suffisamment trempés: en changeant l'eau par trois ou quatre fois cependant qu'ils tremperont: & de la mouëlle de bœuf bien nette, & du sucre de premiere cuitte, autant del'un comme del'autre, & les battre tres-bien ensemble: puis en faire vne pillule du gros d'une bonne febue, ou deux plus petites, & les donner à vostre oiseau en luy ouurant le bec par force pendant qu'un autre le tiendra. Puis soit mis ledit oiseau au feu ou au soleil: & tost apres vous pourrez voir comment il se nettoiera & purgera des grossieres & mauuaises humeurs dont il auoit le corps remply. Et apres qu'il aura bien esmeuti par trois ou quatre fois, soit leué du feu, ou du soleil, & remis en sa place ordinaire: & ne soit pû iusques à vne heure ou deux apres, que vous le paistrez de poullaile, ou de mouton à demy gorge, Et luy soient baillées & continuees lesdites pillules par la forme cy dessus recitée par trois iours consecutifs. Et les trois iours passez apres quel'aurez ainsi purgé, versez vn peu de vinaigre en vne escuelle, avec poudre de poiure bien subtile, & les mellez bien ensemble. Puis ouurez le bec à vostre oiseau, & luy frottez le haut du palais de ceste pouldre ainsi destrempee, le mettant puis apres au feu ou au soleil. Ce fait vous apperceurez tost apres qu'il se deschargera fort de la teste. Mais aussi gardez vous bien de donner de ceste pouldre & vinaigre à oiseau qui soit trop maigre. Car à peine les pourroit il supporter. Tant est quel'oiseau auquel vous en aurez fait prendre, deura vne heure ou deux apres estre pû d'une cuisse de ieune poullaile: Et le lendemain pu à ses heures deux autrefois de gorge raisonnable. Mais aussi vous faut-il souuenir de ne luy faire plus d'une fois verser de celle poiurade. Au lieu de laquelle aucuns donnent d'une graine qu'on appelle Saphisagria. Toutesfois est ladite graine moult forte, qui ne la sçait attremper. Mais si vous en voulez donner à vostre oiseau, prenez en seulement trois ou quatre grains, & les liez dedans vn linge, & battez en poudre. Puis versez vn peu d'eau nette en vne escuelle: & mettez vostre poudre dedans, & les meslees ensemble, comme si en vouliez faire lessiue: vous en mettrez puis apres trois ou quatre gouttes es narilles de vostre oiseau, lequel ce fait sera mis au feu ou au soleil, ainsi que i'ay dit apres la poiurade: & vne heure apres gorge de quelque bon past, comme de cuisse de ieune geline, ou autre telle viande delicate.

LIVRE SECOND.

*Remede pour guarir l'oiseau, qui a mal aux yeux, à cause de
rhume, ou distillation de cerueau.*

CHAP. VI.

Quand vostre oiseau aura mal d'yeux (ce dist maistre Molopin) prenez marquerite franche, avec deux ou trois grains de sel, & les ayant broyez dedans le creux de vostre main, faites en distiller le ius dedans les yeux de vostre oiseau, tost apres il guarira. Autrement, prenez de la soucie (ce dit M. Michelin) & la pillez: puis faites en distiller le ius dans les yeux de vostre oiseau: & il s'en trouuera bien. Autrement, prenez de la coupperose blanche: ce dit maistre Aymé Cassian (& vn œuf frais. Faites cuire vostre œuf en l'eau, tellement qu'il soit bien dur: puis le coupez par moitié coque & tout, & ostez le moyeu; & au lieu dudit moyeu mettez en chascue moitié de l'œuf de ladite coupperose blanche aussi gros qu'une noisette, puis l'emplissez d'eau rose par dessus la coupperose, & la faites chauffer pres du feu iusques à ce que la coupperose soit fonduë. En apres espreignez-le tout ensemble, & le passez par vn linge net, & en mettez le ius en vne phiole, duquel vous ferez distiller le plus souuent que vous pourrez dedans les yeux de vostre oiseau continuant par plusieurs fois. Et vous assurez que soit homme, soit oiseau auquel mal d'yeux vous appliquiez tel remede, il s'en sentira bien tost guarir.

*Moyen aysé & propre pour conseruer l'oiseau en santé & en
bonne haleine.*

CHAP. VII.

Vous auez aussi à noter, selõ l'aduis de maistre Aymé Cassian, que pour reconforter vostre oiseau & le cõseruer en vigueur & santé, vous luy pourrez dõner au vespre quatre ou six clouds de girofle (selon ce qu'ils seront gros) enveloppez en la cure: car ceste chose est souuerainement bonne à tous oiseaux, cõtre le rhume & eaux de la teste, leur fait auoir l'haleine bonne, & leur garde de puyr, leur reconfortant au surplus tout le corps: mais aussi suffira d'vser desdits clouds de girofle de six en six, ou de huit en huit iours, à la maniere deuant dite.

*Remede pour le mal de rhume enraciné de long temps,**qui procede de froidure.*

CHAP. VI II.



Vousuez ouy cy deuant les remedes propres pour al-
 leger & guerir les oiseaux des maux & maladies qui
 leur aduiennēt à raison des grosses gorges, c'est à di-
 re, des mouuaises chairs: maintenant verrez & oyrez
 parler des remedes plus conuenables pour guerir le
 mal du rhume qui aduiēt aux oiseaux par froidure de
 cerueau del'ogue-main enracinee. Or est-il qu'à cause de la douleur
 prouenāt dudit rhume froid, le plus' souuēt les oiseaux ne peuenēt bon-
 nement ouurir les yeux, ne les tenir ouverts. Et de ce mal renaissent
 quelques-fois plusieurs autres maladies: comme la taye en l'œil:
 (dont plusieurs oiseaux perdent la veüe): l'ongle en l'œil, comme
 aux cheuaux: & par fois aussi leur en vient la pepie en la langue, qui
 s'appelle les efforcillōs. Leur aduient pareillement le mal de palais en-
 flé, & souuent le mal de chancre: qui sont maladies moult perilleuses,
 si tost n'y est remedié. Or dit maistre Cassian que telles maladies se
 concreent & auiennent aux oiseaux à cause des Phlegmes & mau-
 uaises humeurs acūmulez dedans leurs corps, ainsi que si deuant a
 esté dit de l'autre rhume. Aussi leur peuenent-elles aduenir pour les re-
 nir en lieux rhumatiques & froids: & encores quand quelques-fois
 on reuiet des champs par tēps pluuieux: & on remet les oiseaux bai-
 gnez & mouillez au billot ou à la perche, sās les auoir fait secher au so-
 leil ou au feu: Pour ces causes donc auiennent souuent aux oiseaux
 lesdittes maladies pour ausquelles remedier est besoin faire ce qui
 en suit. En premier lieu, soit fait faire vn petit fer en forme d'espreu-
 ue ou sonde, qui soit rond par le bout à la grosseur d'vn petit bois:
 soit ce fer mis au feu tant qu'il soit rouge, puis en soit donné le feu
 à l'oiseau malade tout au plus haut de la teste: car coustumierement
 en celieu luy tient la douleur: mais adssi gardez bien que ne luy en
 donnez trop: & luy reuersez vn peu les plumes en cest endroit: Puis
 à l'heure mesmes que luy aurez ainsi doné le feu sur la teste, prenez vn
 autre fer bien subtil: delié & aigu par l'vn des bouts comme vne ai-
 guille, lequel mettrez pareillement au feu tant qu'il soit rouge, puis
 en percerez les narilles à vostre oiseau de part en part: Et au bout de
 deux ou trois iours prenez vn autre fer qui soit plat par l'vn des bouts,
 & enuiron de la longueur d'vn canuet, dont on taille les plumes, les

LIVRE SECOND

quel mettez semblablement au feu tant quil soit rouge : puis en donnez le feu audit oiseau du taillant dudit fer droitement entre l'œil & le bec : mais entendez bien, quand ie dy du taillant dudit fer: que ce n'est pas à dire qu'il soit tranchant comme pourroit estre vn cousteau ou trancheplume, ains suffit qu'il soit plat de ceste forme, & rabbatu & mouffe par l'endroit que i'appelle tranchant, ou taillant. Mais ce faisant donnez vous bien garde que le feu ne touche au tournat des aureilles ny aux narrilles: aussi vous faudra-il couvrir l'œil de vostre oiseau d'un petit drapeau mouillé, afin qu'il ne puisse estre offensé de la fumée: Et toutes ces manieres de feu se doiuent donner deuers le Vespere: Et puis apres donner à l'oiseau demie gorge (ou moins) de bon past vis. Or ce iour mesmes que le feu aura esté donné à l'oiseau, le Fauconnier debura auoir fait prouision de limaçons qui se trouuent aux vignes ou aux iardins sur les arbres & herbes: toutesfois ceux que l'on pourra trouuer sur le fenail, & qui auront les coquilles rayes seront les meilleurs: & d'iceux en mettra cinq ou six trepper dedans lait d'anesse ou de cheure, & en defaut de lait d'anesse ou de cheure, dedans lait de femme: qui sera mis en vn verre couuert, afin que les limaçons n'en puissent sortir, Et le lendemain matin apres auoir ronpu les coquilles. & auoir lauë lesdits limaçons en autre lait fraichement tiré, en pourrez donner à vostre oiseau quatre ou cinq, selon ce qu'ils seront gros: & incontinent apres le mettre au feu ou au soleil, d'où il ne le faudra leuer iusques à ce qu'il ait esmeury quatre ou cinq fois: Toutesfois s'il endureit bien la chaleur, l'y faudroit laisser plus longuement: pource qu'elle luy feroit grand bien: Et apres midy le paistre d'une cuisse de geline, ou de petis oiseaux, rats, ou fourris qui valent encores mieux: puis le mettre en lieu chaud & non rhumatique avec bien petite gorge, & venu le vespere, qu'il aura enduit & passé sa gorge, prenez cinq ou six clouds de girofle qui soyent ronpus en deux, & les enueloppant en vn petit morceau de chair, faictes tant qu'il les mette bas, par force, ou autrement en luy ouurant dextrement le bec: Continuez ceste medecine par cinq ou six iours, & vostre oiseau guarira.

Autre remede pour la mal aise de l'oiseau.

CHAP. XI.

MAistre Molopin a enseigné, q̃ pour guarir l'oiseau du rhume fufdit, est bon & biẽ experimētẽ luy faire vſer de la medecine qui enſuit. prenez du ſaffran & de la camomille battus en pouldre de chacun le gros d'un petit poix, & les meſlez enſemble. puis ſoit pris du lard qui ne ſoit ne fẽce ne trop fort, & ſoit fait tremper vne nuit & vn iour, en luy changeant d'eau trois ou quatre fois: ſi lauerẽz puis apres ledit lard ainſi tempẽ en eau freſche & nette: & meſlant ledit lard avecques ſuccre de premiere cuitte & mouelle de bœuf, autãt d'un comme d'autre enſemble avecques leſdites poudres, en ferez cinq ou ſix pillules de la groſſeur d'une febue, & chaque matin en donnerez vne à voſtre oiseau iuſques à ce qu'il les ait toutes vſees. puis le mettez au ſoleil ou au feu: & ne le paſſez que vne heure ou deux apres la pillule priſe, que vous luy donnerez d'une cuiſſe de geline, ou petis oſeaux, rats, ou ſouris, à demie gorge. Et au ſoir apres qu'il aura bien enduit, luy donnerez quatre ou cinq clouds de giroſle envelopez en quelque petit lopin de chair ou de peau de geline, ainſi que deſſus a eſtẽ dit: Auffi auant cẽſte medecine pourrez vous donner le feu à voſtre oiseau par la forme cy deuant deduite, & ſemblablement luy faire puis apres vſer de medecine des limaçons deſſusdits.

Autre remede pour deſcharger l'oiseau du rhume de la teſte.

CHAP. X.


DIt maistre Michelin, que vn iour ou deux apres que l'oiseau aura vſẽ des pillules deſſusdites, eſtans par le moyen d'icelles les humeurs in eſmeuz, il ſera bon prendre pouldre de poiurẽ avec vn peu de bon vinaigre, & les battre enſemble, puis luy en frotter le haut du palais, & encores luy en faire entrer ou diſtiller deux ou trois gouttes dedans les narilles: puis apres le mettre eſſorer au feu ou au ſoleil & lors luy pourrez vous voir les phlegmes & mauuiſes humeurs iſſir & couler hors de la teſte. ce fait, & vne heure ou deux apres, ſera pu de quelque bon paſt viſ. Aulieu de poiure, vous pourrez vſer de trois ou

LIVRE SECOND

quatre grains de staphilagria en la forme deuant dite: mais ne luy en faudra bailler qu'une fois. Et si vous voyez que l'oiseau ait trop grande peine à vider les humeurs peccantes: iettez luy de l'eau fresche par la teste, & es narilles, & elles passeront plus legerement.

*Remede pour le mal des oreilles qui vient aux oiseaux
de rhume ou froidure.*

CHAP. II.

 Vcunesfois aduient aux oiseaux vn mal d'oreilles à cause de froidure & rhume de teste. Et se cognoist ceste maladie quand l'oiseau met l'œil de trauers, & ne fait point si bon ne chere que de coustume, à cause des humeurs qui luy fluent par les oreilles: comme vous pourrez apperceuoir en y regardant. Pour remede à ceste maladie enseigne maistre Caillan, de prendre le fer cy dessus mentionné, qui a l'un des bouts rond comme vn petit pois, & de l'huile d'amandes douces, & s'il ne s'en trouue, l'huile rosat: & apres que le fer sera vn peu chauffe, soit ce bout rond trempé dedans l'huile, lequel huile sera fait degoutter dedans les oreilles de l'oiseau, & pour empescher qu'elles ne se constipent & estoupent, sera bon faire entrer tout doucement ce bout de fer rond & ainsi trempé que dit est dedans les oreilles de l'oiseau: ce qui profitera aussi pour faire entrer l'huile plus auant. Mais aussi gardez vous bien de mettre le fer trop auant, ou trop chaud: car l'un & l'autre pourront grandement offenser l'oiseau. Continuez ceste medecine par quatre ou cinq iours consecutifs, en luy ostant & leuant tousiours bien doucement les humeurs fluans aux oreilles, & luy visitant par fois la gorge pour voir si elle sera nette: & vous en cognoistrez vostre oiseau bien tost & bien fort allegé: & sera besoin d'y pouruoir d'heure: car de tel mal aduient aucunesfois le chancre au cerueau de l'oiseau: qui est vn mal incurable, & est force que l'oiseau en meure. Vous en pourrez semblablement en ceste maladie faire vser à vostre oiseau des pillules de lard, sucre, & mouëlle de bœuf, dont cy-dessus au neuuiesme chapitre a esté faite mention: car ie vous veux bien donner aduis des vnes & des autres, afin d'en vser à vostre choix.

Remede

CHAP. XII.

N autre maladie aduient aux oiseaux quel'on appelle mal de paupieres: pource que les humeurs tombent sur la paupiere, & la font enfler au dessus de l'œil. Et si prompt remede n'y est mis, l'enfleure gaigne tout l'entour de l'œil, & par fois croist tant quel'œil mesmes en est offensé, & bien souuent se perd ou creus si l'oïseau porte longuement ce mal: Et de fait en a-on veu mourir plusieurs oiseaux, à faute d'estre à temps secourus. Or enseigne le bon maistre Cassian pour remede à ceste fascheuse maladie: de prendre ce ferrond par le bout, ainsi qu'à esté deuisé cy dessus au huitiesme chapitre: le faire chauffer, & luy en donner le feu sur la teste, ainsi qu'à esté dit audit chapitre, & semblablement de l'autre petit fer pointu & aigu par le bout luy percer les narilles par la forme deuant dite: puis luy donner la medecine des limaçons trempéz en lait d'anelle ou de cheure, ainsi qu'à esté enseigné au mesme endroit. Ou au lieu de ceste medecine, luy pourrez faire vser des pillules faites de pouldre de safran & camomille, lard sucre, & mouëlle de bœuf, comme cy dessus a esté monstré. Et si d'auenture il ne pouuoit guerir pour toutes ces choses, vsiez de la medecine que maistre Molopin dit auoir extraicte du liure du Prince, dont la recepte ensuit. Soit prise cascade fistule, & la faites battre avecques l'ecorce, puis la passez par vne estamine avecques le blanc d'un œuf meslé ensemble. De tout cela faites vn emplastre estendu sur vn linge delié, & l'appliquez sur l'œil de l'oïseau par trois ou quatre iours consecutifs. Et là où vous congnostrez qu'il y aura plus grâds amas de phlegmes, dōnez luy en cest endroit là vne touche du cautere ou fer dessus dit. Mais aussi si vous congnaissez qu'il n'y ait autre plus apparente enflure, abstenez vous de luy bailler le feu: ains continuez luy seulement ledit emplastre. Et si feu luy voulez donner faictes mesches de papier: dont chacune soit de la grosseur d'un fer d'aiguillette, & les ayant allumees au feu, touchez l'en tout doucement sur l'enflure: Mais sur tout donnez vous garde de luy donner le feu trop a pre:) & par ce moyen il guarira.

E

LIVRE SECOND

Du mal del'ongle, qui vient en l'œil des Faucons, de ses causes, & signes, & des remedes propres pour le guerir.

CHAPITRE XIII.

Aucunesfois aduient en l'œil des oiseaux, vn mal qu'on appelle l'ongle, qui vient ainsi comme aux cheuaux, quelquefois de coup, quelquefois de froidure & mal de teste: autrefois au moyen du chapperon, qui trop longuement & rudement aura pressé & foulé l'œil de l'oiseau, & autresfois par autres accidens que l'on ne peut euitier. Ce mal d'ongle se cognoist & apperçoit, quand l'on voit comme vne petite taye en l'œil de l'oiseau, qui luy vient comme vne bande couvrir peu à peu le coin de l'œil du costé du bec, estant vn peu noire pardeuant: & c'est pourquoy on l'appelle longle. Et aduient souuent lors qu'elle surmonte la prunelle de l'œil, qu'elle le creue ou perd tout à fait. Pour y donner prompt & seur remede enseigne maistre Cassian, de prendre vne petite aiguille bien subtile enfilée de fil de soie, & en enfiler & enleuer l'ongle bien doucement & dextrement: puis avec vn petit ciseau couper mignonnement ledit ongle, en la forme & maniere que les bons mareschaux ont accoustumé de le couper aux yeux des cheuaux: mais aussi donnez vous bien garde d'en trop couper: car l'œil en demeureroit trop laid & difforme. Ce fait soit l'œil arrousé de bonne eau rose par trois ou quatre iours consecutifs: & par ce moyen l'oiseau guerira.

Remedes pour guarir l'oiseau, qui a eu coup en l'œil.

CHAP. XIII

Aduient par fois que l'oiseau a mal en l'œil à raison de quelque coup qu'il a receu. Et dit maistre Cassian, que si le mal est encores petit, & resent en luy lauant l'œil d'eau rose & d'eau de fenail meslées ensemble en egale quantité, il en resentira prompt allegement. Maistre Molopin enseigne, que si l'oiseau a coup en l'œil, il faut prendre de l'herbe aux Harondelles, vulgairement appelée chelidoine ou esclere, la broyer, en tirer le ius, & le mettre en l'œil de l'oiseau: lequel par ce moyen

guarira. Et si ne pouuez finer de ceste herbe verte, trouu ez en de seiche & en faites pouldre, laquelle auec vn bout de plume vous soufflez dedans l'œil de l'oiseau malade. Et si n'en pouuez recouurer ny verte ny seiche, prenez la semence de l'usquiane & la broyez, & duius mettez luy dedans l'œil, & il guarira.

Remede pour le mal de la taye en l'œil des oiseaux, qu'aucuns appellent, verole.

CHAP. XV.

VNe maladie aduient aux yeux des oiseaux, appelée plus communement, la taye en l'œil & par aucuns dite verole : qui procede du mal de la teste & de rhume, chéant sur les yeux par froidure. Et encor ce mal peut venir de ce que le chapperon touche trop longuement ou serre trop fort le dessus del'œil de l'oiseau. Pour remede à ce mal, maistre Cassian ordonne qu'on face & donne à l'oiseau la medecine deuant ditte au chapitre cinquiesme de se second liure, composée de lard, de sucre, & mouëlle de bœuf, cy dessus deuisee pour purger & nettoier le corps de l'oiseau. Et faut qu'elle luy soit cotinuee par trois ou quatre fois à diuers iours. puis le mettre au feu ou au soleil, & puis apres le paistre d'un bon past vis, vt supra : & le bien garder du vent & d'humidité. Apres que vostre oiseau aura esté ainsi purgé, ainsi la taye se montre & descouure fort, lors luy faudra donner le feu au haut de la teste : & pareillemēt l'autre petit feu en re l'œil & le bec, en la maniere ditte cy dessus au chapitre huitiesme de ce liure, où nous auons enseigné les remedes pour guarir le rhume. Puis apres vous luy lauerez l'œil de bonne eau rose : & si voyez que besoing soit, luy pourrez aussi appliquer, comme dessus a esté dit, du ius ou de la pouldre de l'herbe d'Arondelle, appelée Escclere. maistre Molopin a laissé par escrit, que pour remede prompt & seur à ce mal de la taye en l'œil, que luy mesme appelloit, verolle, faut prendre de l'escaille d'une Tortue, & la mettre bouillir dedans vn pot neuf, puis la bien battre, & mettre en pouldre, qui soit puis apres passée au trauers d'un linge bien delié, ou d'une estamine. Prendre aussi vne de ces coquille de mer, qui sont longues en maniere d'un cor, & la faire bien cuire au feu, tant qu'on la

LIVRE SECOND.

puisse battre & en faire pouldre bien subtile : qui soit puis apres passee par vn linge bien delié ou estamine, comme a esté dit de l'autre pouldre d'escaille de Tortue. Prendre encores sucre candy en pouldre, & de toutes cestrois pouldres faire vne composition, y mettant autant de l'une que de l'autre, & les meslant fort bien ensemble. De ceste composition & mistion mettrés puis apres dedans l'œil de l'oiseau malade, luy continuant ceste medecine iusques à ce que le voyez bien guery.

Le bon maistre Michelin a enseigné encores vn autre remede : qui est de prendre vn œuf frais, & y faire vn petit pertuis par lequel on en puisse tirer tout le blanc de dehors. Le blanc ainsi tiré faut prendre de bonne eau rose & de la pouldre de sang de dragon, & les mettre dedans ledit œuf avec le moyeu qui y sera demeure, & le tout bien battre & mesler là dedans ensemble avecques vn petit baton. Puis prendre de la paste, & en boucher & couvrir tellement ledit œuf que rien n'en puisse sortir : puis le mettre au feu & le faire cuire tant que la paste deuienne noire ou rouge quand le tirerez hors dudit feu. Prenez puis apres tout ce qui sera dedans l'œuf, & en faictes pouldre bien subtile, que vous passerez par vn linge bien delié ou estamine, & de ceste pouldre mettez dedans l'œil de vostre oiseau malade, continuant iusques à ce qu'il soit bien guery : l'arroufant toutesfois par interualle d'eau de fenoil & de roses meslees, comme cy dessus a esté dit. Maistre Molopin a encores laissé recepte d'une autre pouldre, qui dit estre souveraine pour remedier à ce mal : Prenez, dit-il, fiente de lezart, dit Provençal, & en faictes pouldre : prenez, aussi pouldre de sucre candy, & de ceste plus que de l'autre, & les meslez bien toutes deux ensemble, depuis en mettez dedans l'œil malade de vostre oiseau, & le lavez & arrousez par fois des eaux de roses & de fenoil, comme cy dessus a esté dit. Et est ceste pouldre de singulier effait sur toutes autres, ce dit le maistre Molopin.

*Du mal de la couronne du bec, de ses causes & signes,
& des remedes propres pour la
guérir.*

CHAP. XVII.

Aucunesfois aduient vne maladie sur la couronne du bec de l'oileau, qui decharne ledit bec d'avecques la teste, Et dit maistre Ayme que c'est cōme vne fourmiere qui leur mange par dedans ladicte couronne: d'ont l'oileau est souvent en bien grand danger. Ce mal pourrez vous appercevoir lors que verrez ladicte couronne du bec deuenir rouille & peu à peu descharner, & separer d'avecques le bec & la teste. Or enseigne le bō maistre Cassia que pour remedier à ceste maladie: faut prēdre fiel d'un bœuf, ou d'un toreau (qui vaut mieux) & le rōpre & espādre dedans vne escuelle: puis mesler & deslaier parmy ledit fiel de l'aloes cicotrin à discretion, & tant que de raisō: De ceste mixtiō oignez la couronne du bec & fourmiere de vostre oileau deux fois le iour, iusques à ce qu'il soit guery: Mais l'en oignāt gardez-vous biē de roucher à l'œil ny aux narilles: pource que celā luy pourroit beaucoup nuire.

Remedes pour le mal des narilles & du bec.

CHAP. XVII.

Adiēt aussi par fois aux oiseaux vn mal qui leur fait enfler les narilles tout à l'entour: & leur monte aucunesfois iusques à la couronne du bec, & puis se fait vne croûste laquelle se venant puis apres à leuer, le bec se trouue tout descharné par dessoubz: Encores par le moyen de ce mal eschet bien souvent que l'oileau acqueille plusieurs petits pons en la teste, qu'il luy conuient & deuenir iusques sur le bec, & entrent dedans les narilles: Et adoncques l'oileau se donne des pieds esdites narilles, dont luy procede ceste maladie. Pour prompt & leur remede à cestuy mal, dit maistre Cassian qu'il faut prendre du papier, & en faictes des petites melches grosses comme vn fer d'esguillette. Puis prendre & tenir l'oiseau extrêmement, & apres auoir allumē lesdites melches à vne bougie, luy en donner le feu sur l'enflure: mais qu'il ne luy soit donné trop adre: Apres soit oingt l'enflure avecquel on luy aura donné le feu d'un peu de gresse de geline, & par ce moyen il guarira. Aucuns ont esté d'aduis de luy donner le feu d'un fer rond: mais il est plus dangereux que le feu des melches ou alumettes susdites.

Eslij

LIVRE SECOND

D'un autre feu qui se donne aux narilles des oiseaux pour les embellir.

CHAP. XVIII.



Les rencontres des oiseaux qui de leur naturel ont les narilles fort petites: aucuns Fauconniers qui pour le cuide embellir, leurs y donnent le feu. mais le plus souuent au lieu de les amender ils les gâtent, Pourtestoys si pour cest effect vous prend fantaisie de donner le feu a vostre oiseau, faire le pourrez en ceste maniere. Prenez vn caniuert de moyenne taille, & le faites chauffer bien chaut, puis appuyez-le doucement & dextrement sur le bord de la narille de l'oiseau, en esleuant la main à fin de toucher plus sur le dehors: mais mieux vaudra que ce soit du taillant dudit caniuert, pour luy donner le feu moins paroissant: puis oigaez l'endroit eschaudé d'un peu de gresse de geline: & vous sera leur moyen de rendre à vostre oiseau plus belles narilles.

Du mal des barbillons, qui vient dedans le bec des oiseaux, de ses causes & signes, & des remedes propres pour les guarir promptement.

CHAP. XIX.



Auioy aux oiseaux aucunes fois à l'occasion de rhume ou froidure descendant de la teste sur le bec & machoires, vn mal appelle, les barbillons, ou fourchillots: lequel s'engendre dedans le bec de l'oiseau, & luy fait enfler, & puis se rend & s'estend iusques à la langue, de sorte qu'il luy fait perdre l'appetit. Et en fin croist de façon que les oiseaux ne pouuans plus serrer le bec, sont forcez de mourir. Qui est vne maladie partant moult dangereuse. Pour laquelle bien cognoistre d'ors le commencement d'icelle, prenez l'oiseau, & luy ouurez le bec: & luy contemplez bien la langue & les barbillons: s'ils sont plus enflés qu'à de coutume. Et pour vous en esclaireir d'auantage, vous pourrez prendre vn autre oiseau, & luy ouuir semblablement le bec, pour voir s'il aura la langue & les barbillons en mesme point, que celui que pensez malade. & par ce conseil pourrez discerner le point & la grandeur du mal. Pour remede maistre Molopin au liure du prince enseigne, qu'il faut prendre à men- des douces ou huile d'olives lauee en quatre ou cinq eaux puis avec vne plume de beste huile arrouser la gorge & la langue de l'oiseau

trois ou quatre fois le iour, cinq ou six iours durans. cependant si vous voyez que l'oiseau ne puisse paistre, taillez luy la chair en petits morceaux, & luy ouurant le bec dextrement & doucement faictes la luy aualler avec vn petit baston. Mais ne luy donnez que demie gorge de moutõ ou de pouaille. Cescinq ou six iours passez, luy soit ouuert le bec dextrement & avec vn petit cizeau ou caniuet raillẽ le bout des barbillons, tant que le sang en sorte: mais aussi gardez vous bien d'en tailler trop: Apres ce soit l'oiseau oingt & arrousé de sirop de meures par dedans la gorge, & quelque temps apres d'huile d'amende douces & d'olives, & continuez tant qu'il soit guarý.

Du mal de chancre, de ses causes, signes, & des remedes propres pour les guarir.

CHAP. XX.

LE mal de chancre aduient souuent aux oiseaux par de mau-
uaises chairs, & de grosses gorges, qui baillies leur ont esté
sans preallablement les lauer ou tremper, ou sans les mon-
der en hyuer d'eau chaude, en esté d'eau froide. Ce qui est
bien souuent cause de grosses flegmes & autres mauuaises humeurs
s'engendrent dedans le corps & les entrailles des oiseaux: lesquelles
venans puis apres à s'esmouvoir, montent ou font monter des fu-
mees en la teste, qui causent vne eschauffaïson de foye, & font puis
apres paistre & croistre le chancre en la gorge & en la langue de l'oi-
seau. De cestuy mal vous pourrez apperceuoir, lors que le paissant
vous le verrez laisser choir ce qu'il prend avec le bec, ou l'aualler à biẽ
grande peine. Et alors luy ouurant le bec vous luy apperceuerez le
chancre en la gorge ou en la langue. Pour guarir ce tant fascheux
mal, maistre Cassian enseigne, qu'il faut prendre huile d'amendes
douces, ou huile d'olives, lauee ainsi qu'il a esté dit au chapitre pre-
cedent, & luy en oindre la gorge & la langue trois ou quatre fois le
iour: Puis apres faire vser à l'oiseau des pillules de lard, de sucre, &
monëlle de boeuf, ainsi que cy dessus elles ont esté deuisees, & ce par
trois ou quatre iours consecutifs. Et ce fait luy donner le past de pou-
aille ou chair de Mouton gresse de l'huile dessusdite. Et si cest huile
d'amendes, ne sera point besoin qu'elle soit lauee. Mais vous faudra
voir & visiter le chancre: Et si vous le trouuez blanc ayez vn petit
fer fait par l'vn des bouts en forme de racloire ou ratissoire, & par
l'autre bout taillant. Si la langue est trop chargee de chancre,

LIVRE SECOND

& tant qu'il ne se puisse tirer avecques la racloire, fendez luy bien dextrement & doucement avecques le taillant du long du costé de la langue, puis dudit raclet rasclez toute telle blancheur de chancre que vous y verrez & trouuez, & gardez bien que rien ny demeure: Puis prenez vn peu de cotton pour essuyer le sang de la langue. Et si tant estoit que l'autre costé de la langue fust pareillement chargée de chancre, fendez le tout ainsi que l'autre, puis prenez l'herbe dicte, Capilli Veneris, & en tirez le ius, & l'en arrosez: Et si netrouuez de ladite herbe, prenez vn peu de vinaigre: Mais encores mieux vaudra le ius de limon: duquel lauerez sa langue & sa chair, iusques à ce qu'il soit du tout bien guery. Encores enseigne maistre Michelin vn autre remede tel qu'il ensuit. Prenez, dit-il, du sirop de meures, & en oignez bien la langue & la gorge à l'oiseau qui aura le chancre par deux ou trois iours consecutifs. Ayez puis apres du camphre en poudre, du sucre candy, ou autre sucre blanc, autant de l'vn comme de l'autre, & mesclez bien tout ensemble: & de ceste poudre mettez-en vn petit dessus le chancre: car si vous en mettiez par trop, il le pourroit manger trop asprement: mais y en mettant mediocrement, encores donnera elle atteinte au fort chancre iusque à la racine: puis apres soit l'oiseau pu de chair bonne & fresche de Volaille ou de Mouton: laquelle ait esté préalablement lauee en bonne huile d'oliues ou d'amendes douces.

Du mal de la pepie qui vient aux Faucons sur la langue à cause de rhume, de ses causes & signes, & des remedes propres pour la guerir.

CHAP. XXI.



LE mal de la pepie vient le plus souvent en la langue des Faucons, à cause qu'ils ont esté puz de mauuaises chairs & puantes, qu'on leur a baillees sans lauer ou nettoyer: à ceste occasion s'engendrent phlegmes & grosses humeurs dedans leurs corps & entrailles, dont les fumées & vapeurs leur montent puis en la teste: lesquelles puis apres condensees en pituité leur descendent sur la langue, & de leur corruption s'y engendre la pepie au bout d'icelle, tout ainsi que l'on voit aduenir aux pontailles. Vous apperceuez cestuy mal lors que verrez vostre oiseau souvent esternuer, & apres auoir esternué faire vn cry par deux ou trois fois. Ce que luy voyant faire, le prendrez, & luy visitant la langue trouuez la pepie au dessous

pubs d'icelle. Pour y donner remède, prenez maître Molbpin au liure du prince, qu'il faut prendre bonne caurole & d'un morceau de corton traché au bout d'un petit baston & trempé en icelle caurole frotter & laver très bien la langue à l'oiseau, puis apres d'huile d'amandes douces, ou d'oliuss, ainsi l'aup. comme cy dessus a esté enseigné, iluy oindre la langue deux ou trois fois le jour par trois ou quatre iours consecutifs. Ce fais vous verrez la pepie toute blanche & mollifiée & alors prendrez un canist, & de la pointe d'iceluy soulèverez la pepie en la tirant tout doucement dehors, ainsi que l'on accoustumé de la tirer aux poulailles. Mais donnez vous garde de ne la tirer, tant qu'elle soit bien mollifiée, car autrement vous pourrez faire à l'oiseau grand mal & grand dommage. Et n'oubliez, après queluy aurez esté la pepie, deluy oindre & arrouser (seus ou quatre fois le iour) la langue de l'une des huilles dessusdictes iusques à ce qu'il soit guarý.

Du mal de palais, qui ensuit aux oiseaux par froidure & rhume de teste, de ses causes & signes, & des remedes propres pour les guerir.

CHAPITRE XXII.

Aduient aux oiseaux par fois vne autre maladie, qui est, que le palais leur enfle, point ce qu'ils font morfondus & chargez le rhume en la teste. Ce mal pourrez vous cognoistre & apperceuoir, lors que verrez vostre oiseau ne pouvant & n'osant bonnement serrer le bec: & au surplus faire chere triste & mauuaise plus que de coustume, & mettre avecques bien grande peine la chair en bas. Voyant cela si vous luy ouurez le bec, vous luy trouueriez le palais blanc & enflé. Mais aussi ayât trouué quel que commencement de ce mal, il vous faudra bien diligemment visiter le bec de l'oiseau, & regarder s'il y a auoune chose qui l'empesche de le serrer ainsi que de coustume. Car aucunes fois le bec croist & s'armonte d'une bande plus que de l'autre, & fait ceste excrescence que l'oiseau ne peut pas ressestir le bec à son droit point.

Pour remède à ce mal enseigne maître Cassian, qu'il faut faire des pillules de lard, sucre, & moille de bœuf, composées par forme cy dessus enseignée, & en donner à l'oiseau malade chaque matin vne ou deux par l'espace de quatre ou cinq iours. Et ne le paistre iusques à

une heure ou deux apres la prise desdites pillules & mais à son past luy donner chair de mouton ou poulaille arrousee des huilles dessusdictes. Ces cinq ou six iours passez, luy faudra ouvrir le bec, & avecques la racloire mentionnee cy dessus au chapitre du chancre, luy racler tout doucement ceste blancheur appareissant en son palais. Toutesfois si vous apperceuez quel'enfleure soit diminuce, ne sera besoyn d'y faire autre chose: ains seulement luy continuer l'arrousement des huilles susdites. Mais si l'enflure se trouuoit haute outre mesure, vous la luy pourriez fendre au long, ou vn peu gerier sans entrer trop auant, pource qu'on le pourroit legerement faire mourir. Puis apres ayant espraint du ius de l'herbe de Capilli Veneris, l'en pourriez lauer par dessus le mal: & tousiours luy arrouser son past des huilles dessusdites iusques à ce qu'il fust bien guarý.

*Du mal des sangsues, de ses causes & signes, & des reme-
des propres pour le guarir.*

CHAP. XXIII.

Aucunesfois il aduient, que les oiseaux se baignans en eaux coyes & croupies, ou en fontaines limonneuses, s'amuse à y boire, & lors leurs entrent petites sangsues dedans la gorge, ou dedans les narilles: lesquelles viennent puis apres à s'enfler du sang qu'elles boient dedans le corps de l'oiseau qui bien souuent enchet en peril de mort à faute d'y donner bon & prompt remede. De ce mal vous pourrez appercevoir, voyant la sangsue se remuer dedans la gorge de l'oiseau lors qu'il prend son past, & aucunesfois se monstrer par les trous des narilles. Pour remede à ce mal, dit maistre Aymé Cassian, qu'il faut prendre quatre ou cinq punaises toutes vives, & les mettre sur vn charbon de feu ardens: puis faire ouvrir la gorge à l'oiseau, & luy faire pancher la teste sur ledit charbon, de façon que la fumee de ses punaises brulantes luy puisse entrer en la gorge & es narilles: car lesdictes sangsues y seront incontinent qu'elles auront senty ladite fumee, chervont dehors. Autre remede extraict du liure du Prince enseigne maistre Molopin: Prenez, dit-il, deux ou trois gouttes de ius de limon, & les faites degouter dedans les narilles de l'oiseau, verrez qu'incontinent apres il mettra les sangsues dehors. Encores a dit maistre Mi-

chelin, qu'en mettant de la moutarde sur les narilles de l'oiseau, il a par plusieurs fois expérimenté que des sangues en sont tirées.

Du mal des machoires, qui vient dedans le bec, de ses causes & signes, & des remedes propres pour le guerir.

CHAP. XXIV.

A Vnefois aduient dedans le bec des oiseaux vn mal, que les Fauconniers appellent vulgairement, le mal des machoires : & procede le plus souuent de trop leur serrer le chapperon, ou de ce que le chapperon est trop petit. Aduient aussi par fois du rhume de la teste, qui leur descend sur le dos du bec. Vous apperceurez ce mal de ce que l'oiseau ne pourra bonnement ouvrir ne fermer le bec. Pour remede à ceste maladie enseigne maistre Ayme Cassian, prendre de l'huile d'amandes douces, & en arroustres bien la gorge & l'os du bec de l'oiseau par trois ou quatre iours consecutifs. Et au defect de ceste huile d'amande prendre de bonne huile d'olives, & la lauer en l'eau deux ou trois fois, & luy en faire semblable arroustement : mesmes luy en oindre & lauer sa chair, comme a esté dit cy dessus. Aussi dit ledit maistre Cassian que pour oster la premiere & principale cause du mal, il sera bon luy faire prendre des pillules de lard, sucre, & moëlle de bœuf, par la forme cy devant plus au long deduire.

Du mal de bec, de ses causes & signes, & des remedes, propres pour le guerir.

CHAP. XXV.

VN autre mal & facheux inconuenient aduient par fois aux oiseaux par la faute des Fauconniers qui les gardent & pensent. Qui est vn certain mal de bec, qui le fait rompre & esclatter. Et procede de ce qu'en passant les oiseaux, aucunes fois il leur demeure quelque petit de chair au dessus du palais près le bout du bec : laquelle chair se vient puis apres à pourrir, & pourrissant corrompt & gaste le bec de l'oiseau tellement qu'on le void se rompre & cheoir par esclats. Autres fois aduient aussi ce mal à faute d'affiner & appointer le bec à l'oiseau

F ij

LIVRE SECOND

ainsi qu'il est requis: car il croist tant d'une part & d'autre, qu'en fin est force qu'il se rompe: & puis y engendre vne formiere, qui les fait esclatter & dechoir. Pour remede à ceste maladie, dit maistre Aymé Cassian qu'il faut prendre l'oiseau, & diligemment luy visiter le bec, en le luy taillant & bien nettoyant. Et si on y trouue formiere, la laver & nettoyer aussi tres bien, tant qu'on la mette dehors,

*Du haut mal ou Epilepsie, dont les oiseaux tombent,
par fois, de ses causes & remede propres
pour les guarir.*

C H A P. X.

L aduient quelques fois que les Faucons tombent de l'Epilepsie ou haut mal: & leur procede ce mal, comme dient les maistres Fauconniers, de certaine chaleur de foye qui leur fait monter les fumees au cerueau, & puis apres tomber du haut mal. Pour remedier à ce fascheux inconuenient, maistre Molopin au liure du Prince, dit qu'il faut chercher derriere la teste de l'oiseau, & là on luy trouuera deux fosses, lesquelles il luy faut chauffer d'une verge d'airain ou fil de richard, & il guarira. Et si celle recepte ne profite, faites celle qui cy apres ensuit. Prenez le petit fer rond, duquel a esté cy dessus, & le faites fort chauffer: puis luy en baillez le feu sur la teste par la maniere deuant dicté: mais que ce soit doucement & dextrement: car autrement le pourriez tuer. Ce fait prenez lentilles rousses, & les mettez secher au four, & en faites pouldre subtile: & encore de la limure de fer la plus deliée que pourrez trouuer, autant de l'un cōme de l'autre, & les mellez & battez fort ensemble avecques du miel de mousches recent. Puis en ayant fait des pillules de la grosseur d'un moyen pois, prenez vostre oiseau, & luy en faites aualler deux ou trois: le tenant puis apres trois iours sur le poing, tant qu'il ait elmeuti vne fois ou deux: puis soit mis au feu ou soleil, ne soit pu iusques à deux ou trois heures apres, que vous luy donniez d'une aile de pigeon: luy continuant ceste façon de medecine & regime iusques à sept ou huit iours consecutifs. Et ce pendant soit ledit oiseau tenu de nuit à la frescheur, & de iour en lieu obscur. Autre recepte pour guarir de ce mal à enseigné maistre Aymé Cassian, disant qu'il faut tendre à l'oi-

DE LA FAVCONNERIE

32

seula peau dessus la teste à l'endroit des fossettes dessusdictes, & la
sont petites veines ou artères qu'il faudra serrer & lier avec vn petit
fil de soye : puis apres oindre & engresser cest endroit de sang ou
grosse de poulaille & consequemment luy donner des pillules de len-
tilles & limure de fer par la forme cy dessus escrite, par l'espace de
sept ou huit iours. Et de nuit soit tenu au serain & au vent, & de iour
en lieu obscur, comme cy dessus a esté dit, & deux ou trois heures a-
pres soit pu d'une aille de pigeon ou de volaille de moyenne gorge:
Mais donnez vous garde de tenir autre oiseau pres de luy, ou le pai-
stre sur mesme gand: Car ceste maladie est dangereuse & cōtagieuse,
& pourroit prendre à autres oiseaux qui en seroient approchez, ou
puz sur le mesme gand.

FIN DE CE SECOND LIVRE.

F iii

Liure Troisieme.

CHAPITRE I.

AV liure precedent nous vous aués déclaré & enseigné au plus pres de bien qu'il nous a esté possible, tous les moyens laissez par escrit & monstrez par ces trois bons & excellents maistres Fauconniers cy dessus nommez, tant pour cōserver Faucons en santé, que pour les guerir des maladies & accidens qui leur peuuent aduenir en la teste & parties d'icelle : Or reste il maintenant à vous déclarer par ordre les maladies qui suruiennent en & dedans le corps des oiseaux, & les remedes propres & requis pour icelles guarir & saner, & remettre les oiseaux au premier & bon estat de leur santé : Ce que i'ay entrepris vous enseigner en ce troisiemeliure : & ne vous rien celer des notables secrets & bons enseignemens que i'ay peu par experience apprendre & sçauoir des trois maistres dessusdits: nommément du bon maistre Aymé Cassien, qui furtous a esté expert & bien experimenté en ce noble art de Fauconnerie.

Du mal de la pierre, ou de la croye, qui aduiene aux boyaux ou bas fondement des oiseaux: de ses especes, causes & signes, & des remedes propres pour le guarir.

CHAP. II.

Pour y commencer, vous serez aduertis qu'il aduiene souuent aux Faucons vn mal de pierre (qu'aucuns maistres Fauconniers ont voulu appeller, mal de croye) qui les tourmente & vexe merueilleusement. De ce mal de pierre y a deux especes, l'vne se prend & demeure aux boyaux & intestins de l'oiseau: L'autre se tient au bas du ventre pres

DE LA FAVCONNERIE



du fondement : & se peuvent bien guerir & tirer toutes deux ensemble. Si dict maître Cassian, que le mal de la pierre, dicte Croye, vient à l'oiseau de manger mauuaises viandes & grosses chairs, lesquelles leur opillent & aboutissent tous les boyaux & le ventre ainsi que cy dessus a esté dit en parlant, du mal de rheume qui prend aux oiseaux par la teste. Et de telles ordures & bontelles leur aduient vn eschauffement de foye. Lequel est tant ainsi excessiuement eschauffé, leur desseiche les boyaux de telle façon qu'ils ne peuvent esmentir, & faut que la mort s'en ensuiue, si on ne leur donne prompt & seur remede. La pierre du bas intestin pres le fondement procede de l'ordure que fait l'oiseau de esmentir : & se conctee, ladicte pierre au bout du boyau cullier, ou fondement : & deuiet tant grosse, que l'oiseau ne

LIVRE SECOND.

la pouuant ietter dehors, deuiant tout maigre, & alangoury, & en fin demeure constipé de telle sorte qu'il luy conuient mourir, Toutesfois quand le Faucon est de sa nature chaud & gras, il la iette bien dehors. Vous pourrez apperceuoir ce mal de pierre ou croye, lors que vous verrez vostre oiseau esmeutir piece à piece: Car lors se commenceant la croye à engendrer & concreer, le passage des intestins deuiant estreit, d'autant qu'en emporte & estouppela pierre, qui commence à se former: Et quand vous le verrez esmeutir à deux fois coup sur coup, & à vne autre fois vn peu plus retardee, lors vous pourrez estre asseuré que la pierre sera formee dedans le corps. Encores veux-je bien vous aduertir, que luy voyant le fondement eschauffé & sortant vn peu dehors les plumes de son brayer ordés de son esmeutissement, & le voyant pareillement souuent mettre son bec dedans son fondement, & lors pourrez vous bien seurement apperceuoir qu'il aura là pierre ou croye au fondemēt. Encores quand il esmeutir, & fait semblant de se coucher sur le poing du Fauconnier qui le tient, & a les yeux troubles plus que de coustume, sçachez qu'il à la pierre pres du fondement: & pource qu'il ne la peut vider, est en danger apparent de mourir. Pour remede à cē mal, dit maistre Aymé Cassian qu'il faut faire vn petit lardon de lard frais & non rance, de la grosseur d'vne plume d'Oye, & de la longueur d'vn poulce en trauers: puis prendre Aloes cicotrin en poudre, & en poudrer entierement ledit lardon: apres auoir pris l'oiseau, & luy auoir dextrement ouuert le fondement, luy mettre là dedans ledit lardon, en la forme qu'on baille aux hommes vn suppositioire: Et si le lardon est trop tendre mol pour entrer dedans le fondement de l'oiseau, soit embroché d'vne plume de geline, laquelle neantmoins ne debura passer tout outre ledit lardon car passant outre, elle pourroit faire grand mal à l'oiseau. Par le moyen doncques de ladicte plume pourrez-vous plus aisement paruenir à l'effect dudit lardon, mais aussi vous la faudra il tout doucement retirer apres que verrez le lardon entré dedans le fondement de l'oiseau. Ce fait prenez des limaçons, & les ayant preparez & accoustrez en la forme dicte cy dessus au 8. chapitre du second liure, en baillerez à vostre biseau ainsi que audict chapitre a esté plus à plain deuisé: Et luy sera baillie ladicte medecine de limaçons incontinent apres luy auoir mis le lardon dedans le corps. En defaut de limaçons, vous luy pourrez bailler aussi les pillules cōposees de lard, melle de bœuf, & sucre, par la forme cy dessus de ladicte au cinquieme &c.

neufiesme chapitres dudit secōd liure. Puis sera mis l'oiseau au feu ou au soleil, & ne se fera pu iusques à vne heure apres midy . 'et si voyez qu'il endure bien le feu ou le soleil , laissez ley plus longuement, car la chaleur luy est fort profitable : puis soit peu d'vne cuisse de geline à demie gorge ou peu plus, & si pouuez recouurer rats ou souris, ne faillez à l'en faire paistre. Car trop mieux valent que pigeons ou gelines. et ne soit tenu au vens, sinon quand il fera grand chaud. Puis apres au vespre quand il aura enduit, luy soyent donnez cinq ou six cloudz de girofle enueloppez en vn petit de cottō ou peau de geline, ou rompus vn peu avecques les dents: Soit ceste forme de medecine continuee par trois ou quatre iours, (excepté le lardō suppositoire qui ne se doit donner qu'vnes fois) & par ce moyen sera fort bien purgé vostre oiseau. Mais aussi donnez-vous bien garde, qu'il ne remette hors les cloudz de girofle. Car meilleure drogue ne plus propre ne pouuez-vous donner à l'oiseau malade, spécialement de rhume de la teste: combien qu'en toutes manieres de filandres, & autres maladie, ce luy soit fort idoine secours, Maistre Molopin au liure du Prince a enseigné encores vn autre bon remede à ce mal de pierre: Soit prins, dit-il, le fiel d'vn petit cochon de laid, aagé de quinze iours ou trois semaines, & mis au bec de l'oiscan de telle adresse & dextérité qu'il le puisse aualler sans le rompre, & sans rien en remettre ou reietter: puis luy soit donné vn petit lopin du cœur d'iceluy cochon de la grosseur d'vne febue moyennement grosse: Et l'ayāt puis apres mis au feu ou au soleil, laissez le ainsi ieusner iusques au vespre. Ceste medecine est moult propre & bien approuuee pour tous aiseaux de proye qui ont mal de pierre ou de croye. Mais si c'estoit vn autour ou vn espreuier qui eust ceste maladie de la croye, ne luy en faudroit dōner qu'vne fois: & aux autres oiseaux estans de plus forte nature & complexiō n'y oura dāger de leur en faire prendre par trois diuers iours. Or l'heure du vespre venue, vous paistrez vostre oiseau de poulaille, ou mouton, ou biē de quelques petits oiseaux. Et le lendemain aiez lait de cheure, si en pouuez recouurer, sinon prenez lait de femme, & y trempez la chair dōc voudrez paistre vostre oiseau: Si ainsi le païssez trois iours à petite gorge, sansdoubte il se guarira. Autre remede enseigne encores maistre Michelin, pour cestuy mal de croye ou pierre, disant. Soit faict la medecine dessusdictē de lard, mouëlle de bœuf, & succe en pouldre de moyenne cuitte: & safran en pouldre, moins la moitié que de succe, & des trois autres autant de l'vn que de l'autre: Mais

G

que le lard ait trempé, ainsi que cy dessus a esté dit, par l'espace de vingt & quatre heures, luy changeant l'eau trois ou quatre fois, & soit mis de nuict au serain: Puis soyent faictes vos pillules de la grosseur d'une moyenne febue, & vne ou deux d'icelles (à vostre discretion) données à l'oiseau qui soit mis au feu ou au soleil, & puis apres à son heure peu de mouton ou de poullaille par raison: continuez ceste medecine par trois ou quatre iours, luy donnant, si bon vous semble, des cloux de girofle, par la forme cy deuant enseignée, & vous l'en verrez bien fort allegé. Luy mesmes à laissé par escrit & enseigné encores autre bon remede. Prenez, ce dit-il, le cœur d'un mouton, & l'ayant couppé en petis morceaux, mettez-le tremper en lait d'anesse ou de cheure, ou de femme, tout vne nuit: Et le lendemain matin poudrez vostre lait d'un petit de sucre de premiere cuitte, puis de ce cœur de mouton ainsi trempé dedans ce lait soit pu vostre oiseau raisonnablement. Si luy continuez par trois iours ceste medecine, vous le trouvez grandement soulagé de son mal de croye, & en pourrez faire vser indifferemment à tous oiseaux sans nul danger.

Autre recepte pour guarir ce mala enseigné maistre Molopin. Prenez, dit-il, d'une herbe appelée, Nasitort, & la pillez dedans un mortier: puis en prenez le ius, & le mettez dedans un boyau de geline long d'un poulce en trauers, qui soit lié par les deux bouts: présentez puis apres ce boyau au bec de vostre oiseau, & faites tant qu'il l'auale & mette en bas. Et si ne trouuez du nasitort, recourez s'il est possible, d'une autre herbe comme, Theodin, de laquelle vous ferés comme de la precedente: Puis boutez vostre oiseau au feu ou au soleil, & ne soit puiusques à qu'elque my-iour de quelque bon past vif: pour ce que telle medecine luy aura destrempé tout le corps, laquelle neantmoins vous continuerez par deux ou trois iours: ou moins, selon ce que verrez que la premiere prise aura fait bonne ou moindre purgation. Et par ce moyen vostre oiseau guarira.

Autre recepte pour guerir ce mal, encores maistre Molopin, dit au liure du Prince: Prenez, dit-il, semence de Lambrusque pesant un tournois, semence d'espargoutte pesant un tournois, semence de persil pesant un tournois, semence d'Ache pesant un tournois, sucre de premiere cuitte vne dragme, graine de Staphizagria pesant un tournois, la moitié de la coquille d'un œuf, un demy septier ou peu plus d'eau de riuere bien netre, & mettez le tout ensemble en un petit pot n'œuf, & le faites bouillir tant qu'il vienne à la moitié moins.

Après soit coulé & passé par vn linge delié, Puis soit prins casse fistule le pesant d'un tournois, Turbithile, le pesant d'un tournois. Hermo-
da&yles le pesant de deux tournois, Aloes dit cicotrin pesant trois
tournois: et de tout ce soit fait pouldre subtile, qui soit mise dedans
ladite eau boullie avec les autres mixtions. Puis mettez ladite eau
ainsi mixtionnee dedans la vessie d'un porcelet, au col de laquelle
vous attacherez bien proprement le tuyau d'une plume d'oye ou de
quelque autre oiseau pour ieruir de conduit au clystere que voulez
bailler à vostre oiseau, & le lierez si bien que rien n'en puisse sortir ou
eschapper: Puis apres appliquerez tout doucement ledit tuyau
au fondement de vostre oiseau, & luy ferez peu a peu entrer toute
ladite eau dedans le corps, par la mesme forme & maniere que vous
voyez bailler les clysteres aux hommes. Puis soit mis au soleil ou au
feu: & ne soit pu iusques apres midy, que vous luy donnerez de la
cuisse d'une ieune volaille: & par ce moyen il quarira. Or deuez-vous
sçauoir & noter diligemment, que de toutes les receptes cy dessus
declarees vous pouuez choisir celles qui vous sembleront mieux à
propos: & d'icelles vser a vostre bonne discretion, pour donner gua-
rison à vostre oiseau malade de la pierre ou croye dessus dite.

*Du mal des filandres, qui aduient aux Faucons en plusieurs parties interieures
de leurs corps, & des remedes pour les guarir. Et de ses especes, causes
& signes, & premierement des filandres de la gorge.*

CHAP. III.



Esmaistres Fauconniers dient & tiennent pour chose as-
seuree, que tous oiseaux ont des filandres: Dont ils font
trois sortes ou manieres communes & ordinaires: & en a-
ioustent vne, 4. espece, pire que les autres (qu'ils nomment
aiguilles): dont sera cy apres parlé en son lieu & ordre. De toutes ces
quatre manieres de filandres aucuns oiseaux en sont plus, & aucuns
moins affligez. Et leur aduiennent ces maladies pour auoir esté puz
& nourris de grosses & mauuaises chairs, & aucunes fois puantes
ou autrement mal nettes: à cause de quoy s'engendrent & multi-
plient en leurs corps les humeurs grosses & vicieuses, qui font les-
dites filandres Par fois aussi leur aduient ce mal, du vol qu'ils peu-

G ij

uent auoir fait , soit aux champs soit en riuere : C'est à sçauoir , quand l'oiseau volant abat sa prise , & s'efforçant à l'abbatre s'est rōpu quelques pitites venes dedans le corps : & à ceste occasion s'espand le sang dedans ses entrailles , & là se seiche & caille , dont viennent & s'engendrent ces filandres en grand nombre . Et puis pour la puanteur du sang ainsi caillé & figé , qui est tout corrompu de dans le corps , comme estant le sang hors de ses vases , les filandres viennent à chercher le plus net du corps pour fuir celle puanteur , & montent ou au cœur de l'oiseau ou iusques à la gorge , tellement qu'il en meurt . Lors quelques vns disent que l'oiseau est mort du mal de la teste , ou de croye : mais ils s'abusent , car il est mort de filandres , ou d'aiguilles , qui pis est . Or nous dirons premier des filandres , l'abondance desquelles est aucunes fois si grande , qu'elles viennent à monter iusques à la gorge des oiseaux & iusques au pertuis pres du palais , car où l'oiseau prend & remet son haleine , & par iceluy montent ou cerueau , dont aduiēt qu'ils en peuuent mourir . Et pourrez cognoistre , que l'oiseau aura cest inconuenient à la gorge , si quand vous l'aurez pu , les filandres sentans la frescheur de la chair se remuent en telle maniere que verrez vostre oiseau qui se prend à bailler souuentefois , pensant secourir & ietter ces filandres dehors , dont par fois viennent à ietter leur gorge . Encores pourrez cognoistre que l'oiseau a des filandres en la gorge , quand il s'y grattera du pied : adonc soit pris gentiment , & luy soit regardé dedans la gorge , & vous les verrez remuer dedans icelles . Pour faire mourir lesdictes filandres , dit maistre Aimé Cassian , Prenez vne grosse raue , & faites vn trou dedans , en maniere d'une fossette . & l'emplissez d'eau , & puis mettez ladicte raue dedans la braise bien chaude , & en luy changeant la braise tant qu'elle soit bien cuitte par l'espace de demie heure ou plus . Et si vostre eau se diminue , remplissez tousiours vostre dite fossette : combien que de sa nature la raue rende assez d'eau . Apres soit mise la raue en vne escuelle , & pressez tout le ius tant qu'il ne demeure rien . Puis prenez safran en pouldre du gros d'un petit pois , & le mettez en la dicte eau , & luy en lavez sa chair quand le paistrez . & ne luy en donnez que demie gorge . Et si d'auenture il ne se peut paistre , gardez la luy iusques à ce qu'il ait plus grand appetit de manger . Si vous luy continuez ceste medecine par trois ou quatre iours continus , sans doubte mourront lesdictes filandres , & guirira vostre oiseau .

D'une autre espece de filandres, qui viennent aux estraines & aux rains des oiseaux: & des remedes propres à les guarir.

CHAP. IIII.



Ly a vne autre espece de filandres qui s'engendret & creent pareillement dedans le corps des oiseaux: lors qu'il se retrouuent chargez de grosses homeurs, ordures, & putrefaction: dont naissent lesdites filandres: puis cherchant quelque endroit plus net, montent aux reins & aux estraines des oiseaux, qu'ils percent & gastent, tellement que tost apres on les voit mourir. De ceste espece de filandres vous pourrez appercevoir, lors qu'orez vostre oiseau crier & se plaindre la nuit, avec vne voix lamentable come, crac, crac, Encore autrement le pourrez vous descouvrir, quand portant au matin vostre oiseau sur le poing vous sentirez qu'il vous estraindra plus fort qu'il n'auoit accoustumé: & il fera semblant de se coucher sur la main, ou se plumer sur le dos à l'endroit des reins ou estraines. Et lors tenez-vous tout asseuré que les filandres ou aiguilles des reins le tourmentent: & qu'il est en grand danger de mort, si vous n'y donnez quelque bon & prompt remede. Lequel, si vous en voulez croire le bon maistre Ayme Cassian, sera tel. Vous prendrez des lentilles des plus rouges que vous pourrez recouurer: & les ferez bien esluyer & secher au soleil, ou deuant le feu: & prendrez aussi de la graine à vers la moitié moins toutesfois que lesdites lentilles, puis de tous ces deux simples meslez ensemble, ferez poudre bien deliée & subtile, laquelle vous delayerez en huile d'olif: puis en ferez vne emplastre, que vous estendrez sur toile ou cuir, & puis l'appliquerez sur les estraines ou reins de l'oiseau: & la chāgerez apres qu'elle y aura demeuré quatre ou cinq heures. Et par ce moyen ce dit maistre Cassian, mourront lesdites filandres. Vne autre recepte enseigne maistre michelin pour faire mourir lesdites filandres. Prenez, dit-il, fueilles de pescher, herbe de rue, & herbe de mente: & apres les auoir bien pillees en vn mortier, tirez & exprimez-en le iust: puis dedans ledit iust delatiez de la poudre à vers: & en faites emplastre sur toile ou cuir, qui puis apres soit appliquee sur les reins de l'oiseau, deux fois le iour: c'est à dire vne fois au matin, & autrefois au vespere, & ainsi continuée par quatre ou cinq iours. Et cestuy vous fera vn bon moyen pour faire mourir lesdites filandres.

LIVRE TROISIESME.

D'une autre espece de filandres qui viennent aux cuisses des Faucons: & les remedes pour les guarir.

CHAP. V



Vtre maniere de filandres (lesquelles aucuns ont appellees , vers) viennent aux cuisses des oiseaux. Et s'engendrent à l'occasion de ce que par fois les negligens ou mal aduisez Fauconniers mettent leurs oiseaux sur la perche sans chapperon : qui est cause de les faire debattre à grande force: tellement qu'ils se rompent par fois les venes des cuisses, spécialement les oiseaux Hagars plustost que les fors. Par ce moyen le sang escoulant des venes rompues s'espand au long des cuisses, & encores au long du bas ventre entre cuir & chair: & de ce sang ainsi caillé & corrompu se concreent & engendrent puis aprestant de vers ou filandres: qu'il est force à l'oiseau de mourir. Encores aduient par fois cest inconuenient à l'oiseau, de ce que se battant sur le poing du Fauconnier, il se donne aucune fois forte escousse, & le Fauconnier qui le porte par colere ou autrement luy en redonne aussi par fois vn autre, qui est cause de luy faire rompre les venes. & engendrer/ ainsi que cy-dessus est recité) lesdites filandres. Desquelles vous pourrez appercevoir, voyant vostre oiseau se plumer souuent les cuisses & le ventre, & en faire choir des plumes. Pour remede à ces vers ou filandres, maistre Molopin enseigne & commande de faire à l'oiseau malade, la medecine ou emplastre du ius de feuilles de pelcher, ruë, & mère & pouldre à vers, dont a esté mise la recepte au chapitre precedent cestuy. Ou bien du ius desdites feuilles & herbes, luez les cuisses & le ventre de l'oiseau malade deux fois le iour par quatre ou cinq iours: & sans doute mourront lesdits vers & filandres, & vostre oiseau guarira.

D'une autre espece de vers ou filandres, que l'on nomme vulgairement aiguilles, & sont pires que toutes les autres: & des remedes pour les guarir.

CHAP. VI.



Encores y a il vne autre quatriesme espece de vers ou filandres, plus dangereuses & pernicieuses que toutes les autres, qui sont nommees aiguilles, à cause qu'elles sont plus courtes & subtiles que les autres filandres qui montent à la gorge & aux estraines. Les aiguilles s'engendrent & concreent és corps des oiseaux,

à cause des mauuaifes humeurs qui y abondent, comme nous auons dit des autres. Mais elles sont beauconp pires, pource que fuians la puâteur desdites humeurs corrompues, & chersâs lieu plus net, passent au trauers des boyaux, & montent iusques au cœur. Et si plus tost n'i est remedié, l'oiseau ne peut fuir qu'il ne meure. Vous vo' pourrez apperceuoir de ce mal d'aiguilles, lors que voirez vostre oiseau s'escourre dessus le leure. Ou quâd le tenant sur le poing, vous le sentirez vous estreindre & serrer beaucoup plus fort que de coustume. Pour remede à ce mal des aiguilles, enseigne maistre Molopin ceste medecine. Prenez dit-il; Staphizagria, & de l'herbe de Barbarie ou rheubarbe autâr de l'vne cômme del'autre: & de l'aloes cicotrin autant que des deux autres ensemble, & ayant tout mis en pouldre, mellez les bié l'vn parmy l'autre: puis enuveloppez ladite pouldre en peau de geline, ou en cotton la grosseur d'vne noisette, & la faites aualler à vostre oiseau. Apres ce, donnez luy de la chair aussi gros qu'vne febue: puis le mettez au feu, ou au soleil: & ne le laissez iusques apres midy, que vous luy donnerez demie gorge. Si vous luy continuez ceste medecine par trois iours consecutifs: vous y cognoistrez grand amendement, Mais aussi soiez aduertis de ne faire vser de ceste Pouldre à vn oiseau qui soit meigre: car il ne la pourroit endurer: Soiez aussi aduisez de luy mettre sur la chair du poil de porc taillé bien menu: car il luy pourra grandement profiter. Vn autre bon & seur remede pour le mal des aiguilles, a enseigné maistre Michelin au liure du Prince: duquel vous pourrez aider & accômoder au defaut du precedent. Prenez, dit-il, de la corne de Cerf, & la mettez au feu, tant qu'elle soit tres bien cuite, & cômme reduitte en charbon, puis apres qu'elle sera bien refroidie, mettez là en pouldre bien subtile. Prenez aussi d'vne grosse graine, que l'on appelle en Latin Intibus, autant comme ladite corne, & la mettez pareillement en pouldre: Prenez encores de la pouldre à vers, autant comme des deux autres: & de l'aloes cicotrin la moitié moins que de la pouldre de corne de cerf: & de la theriaque, qu'on appelle vulgairement triacle, la moitié moins que dudit aloes. Et toutes ces choses bien meslees ensemble, soient destrempees dedans du miel, & lesdites pouldres y mixtionnees peu à peu, tant qu'elles soient reduites en masse pour faire pillules: lesquelles vous pourrez former puis apres de la grosseur d'vne noisette, & en donner tous les matins à vostre oiseau par l'espace de cinq ou six iours: & tost apres soit peu à demie gorge. Et si la premiere fois que luy en aurez donné vous

apperceuez qu'il ait vouloir de remettre dehors les iours ensuiuans vous pourrez enueloper ladite pillule de peau de geline ou de cottõ, comme auons cy dessus remonstré. Et tiennent lesdits maistres Fauconniers, que ceste forme de medecine est vn prompt & seur moyen pour faire mourir lesdites aiguilles. Maistre Ayiné Cassiã dit, que pour remede à ce mal d'aiguille est propre la medecine cy dessus recitee, & par luy enseignee pour les filandres. Prenez, dit-il, de l'herbe de ruë, & del'herbe d'absinte, (ou encens puant) autant de l'une que de l'autre, feuilles de pescher autant que des deux autres: pilez tout ensemble, & en espreignez le ius: dedans lequel mettez puis apres vn peu de la pouldre à vers: puis mettez la medecine ainsi cõposée en vn boyau de geline, & en faites vser en la maniere dessusdicte à l'oiseau malade des aiguilles. Aussi soyez aduisez que de tous les remedes cy dessus recitez vous pouuez faire vser à vostre oiseau, selon vostre bonne discretion, tant pour les filandres que pour les aiguilles. Mais donnez vous bien garde de donner à vostre oiseau fortes medecines, s'il n'est haut & gras: autrement ils ne les pourroit supporter.

Des apostumes qui s'engendrent aucunes fois dedans le corps des oiseaux: de leurs causes & signes, & des remedes pour les guarir.

CHAP. VII.

20 Ouuent aduient que dedans le corps des Faucons, s'engendrent & forment grosses & dangereuses apostumes: & leur vient ce mal, pour prendre trop les hayes & les buissons: ou pour trop se debatre, soit sur le poing, soit à la perche: de frapper sur leur proye, en quoy faisant ils se froissent, & s'eschauffent puis se refroidissent, & de ce leur vient l'apostume. De ce mal vous pourrez prendre indice & demonstration quand vous verrez les narines de vostre oiseau souuent s'estouper, & le cœur luy battre bien fort dedans le corps. Pour remedier à ce mal, enseigne maistre Molopin au liure du Prince ceste medecine. Prenez dit-il, le blanc d'un œuf, & le battez bien fort, & des feuilles de chou, que ferez piller, & en esprindrez le ius, puis le mellerez avecque le blanc del'œuf battu, & en cõposerez vne medecine: laquelle vous mettez dedans vn boyau de geline, & la ferez le matin prendre à vostre oiseau que vous ferez puis apres tenir au feu ou au soleil, & ne le paistrez iusques apres midy, que luy dõnez d'un cœur de moutõ, ou d'une ieune poulaille. Le lendemain prendrez du romarin, q̃ ferez brusler & reduire en cédre & pouldre: de laquelle vous luy poudrez sa chair quand le voudrez

voudrez paistre à discretion. Puis par trois iours luy donnerez du sucre : & le quatriesme iour ensuiuant retournez à luy donner de telle pouldre ou cendre de Rommarin, changeant ainsi le sucre & la pouldre de trois en trois iours, par l'espace de quinze iours : pendant lesquels aduisez soigneusement à le tenir chaudement iour & nuict, & ne le paistre que de bon past à moyenne gorge.

Du mal de foye aduenant aux oiseaux, de ses causes & signes, & des remedes propres pour les guarir.

CHAP. VIII.

Alou eschauffement de foye aduient aux oiseaux, par la faute des Fauconniers qui les gouernent : c'est à sçauoir, pour les paistre de grosses, & mauuaises chairs, le plus souuent vieilles & puantes à faulte de les lauer & nettoyer : ou au defect de ce qu'ils ne sont baignez, & qu'on ne leur donne l'eau commode & necessaire quand il en est mestier : ou par trop & longuement les faire voler à iun : Qui sont tous moyens de faire eschauffer le foye de l'oiseau. De ce mal vous pourrez apperceuoir, voyant vostre oiseau auoir les pieds fort eschauffez, & la gorge changée de couleur, & comme blanchie à cause des fumées montans du foye eschauffé : Mais si vous trouuez que la langue luy deuienne noire, lors le pourrez vous croire en grand danger de mort. Pour remede à ce mal, maistre Aymé Cassian enseigne pour prompt & propre remede, la medecine cy dessus enseignée pour le mal de teste, & le mal de pierre : C'est à sçauoir, de limas detrempez en lait d'anesse ou de cheure, par la forme cy dessus d'escriete au second liure chapitre huitiesme : & luy en donnez au matin par trois ou quatre iours consecutifs : Et si ne pouvez recouurer des simples requis pour ladicte medecine : vous pourrez vser de l'autre medecine, de lard, de mouëlle de bœuf, & de sucre, descritte au cinquiesme chapitre dudit second liure, & en donner par chasque matin à vostre oiseau l'espace de quatre ou cinq iours. Car par la purgation des humeurs vicieux qu'il aura dedans le corps, luy fera diminuer la chaleur du foye. Puis apres vous le pourrez paistre de mouton ou poulaille baignee en lait : & luy continuer ce past huit ou dix iours : Car le lait est vn simple fort propre pour temperer la chaleur du foye : Mais aussi gardez vous bien de luy donner à manger pigtons, ny autre gros past. Apres que vostre oiseau aura esté

H

purgé par le moyen des medecines dessusdictes, & la langue luy sera amendée: Prenez huile d'amendes douces, & si n'en trouuez, prenez huile d'olives lauee deux ou trois fois, & luy en arrousez la langue avec vne plume, & la gorge trois ou quatre fois par iour: puis d'une petite racloire d'argent ou d'autre metal, raclez luy la langue & la gorge iufques à ce qu'il soit bien guarý: mais sur tout souuenez vous de luy laver tousiours son past dedans du lait. Cependant si tant estoit malade qu'il ne peust manger, gardez vous bien de l'abandonner: mais avec vne petite fourchette ou vergette mettez luy sa chair à petits morceaux tout doucement dedans la gorge, & tant auant qu'il la puisse aualler & mettre bas. Car ce n'est que le mal de la langue enflée, qui le garde de manger: & partant ne doit estre abandonné. Maistre Michelin enseigne encores la medecine qui ensuit pour rafraeschir le foye de l'oiseau. Prenez, dit-il, de la Reubarbe, & la mettez en lieu frais tremper toute vne nuit en belle eau claire: & de ceste eau lauez le l'endemain la chair dont voudrez paistre vostre oiseau, luy continuant ceste medecine par quatre ou cinq iours, vous verrez que le foye luy retournera en bon estat, & guarira. Mais aussi deuez vous entendre que ceste eau de Reubarbe pourra profiter à l'oiseau qui ne sera tant ord dedans, comme cy dessus a esté déclaré. Car si ainsi estoit qu'il eust bonte de dedans le corps, mieux luy vaudroyent les autres medecines dessusdictes.

Du mal de Chancre qui vient de chaleur de foye, & des remedes pour le guarir.

CHAP. LX.

AV C V N E S F O I S aduient qu'à l'occasion de l'excessive chaleur eschauffant le foye de l'oiseau, le chancre le prent en la langue ou en la gorge: Pour à quoy obuier & remedier, dit maistre Aymé Cassian qu'il luy faut faire vser de la medecine dessusdite faite de limaçons: ou de l'autre composée de lard, mouëlle de bœuf, & sucre, le tout par la forme & maniere cy deuant recitée ausdits cinquiesme, & huictiesme chapitres du second liure. Et luy soit lauee sa chair de lait ou d'huile d'amendes douces, ou d'huile d'olives, au defaut de l'autre: & en soit le chancre arrosé deux ou trois fois le iour tant qu'il soit bien blanc & meurt: puis raclé avecques la racloire tant qu'il n'y demeure rien. Et si

chair morte s'y prenoit, mettez y un peu d'Alun ou poudre de con-
treux le lait ou huile de l'aldide tant que vostre oiseau soit bien
guary.

*De mal de Pantais, des trois especes d'halitus, des causes & signes, & des remedes
pour le guarir non seulement le Pantais de la gorge.*

CHAP. X.

Du mal de trois sortes de Pantais, qui est un mal
dont les oiseaux sont bien souvent atteints. Ce
mal se fait de trois manieres, l'autre pantais qui
vient de froidure : & le tiers qui aduient aux reins
& rongne des osseaux : comme de l'autre d'i-
celles lors qu'ay approuable en son lieu & ordre. Or
ce mal de pantalais de la gorge aduient aucunes fois

de ce que l'oiseau estant fort, se debat sur la perche ou sur le poing : &
se debattant se ronge d'aucunes petites venes du cerueu, puis se band
sur le gosier le sang escoulant des venes rompues, & se desseche, & a-
stant sec se desfait par petites escailles. Puis de rechef l'oiseau se debat,
& se debattant si meurt que l'un de ces dites escailles, qui luy viennent à
couvrir quelques conduits approchans de la gorge, & lors il commen-
ce à pantalaiser. Puis de rechef viens à se debattre, & se debattant fait
approcher les dites escailles plus pres de la gorge : lesquelles par fois
se meurtant de trauers, & luy empeschent belement la respiration & le
cours de l'haleine, qu'en fin il est force de mourir. Et la verité c'est ce-
ste espede de pantalais que fait principalemen & ordinairement mou-
rir les oiseaux. De fait qui en vouldra faire preuve plus certaine, face
ouurer & fendre la gorge à l'oiseau que l'on croit mort de ce mal du
pantalais & on y trouuera l'escaille ou escar qui en aura donné l'ocasi-
on. Maître Aymé cassan dict que bonnement on ne peut donner
remede à ce mal : pource qu'il tient à un pertuis appelle la quenouille
de la gorge, par lequel l'oiseau prend & remet son haleine. Toutes fois
dict ledict cassan qu'il a veu resusciter quelque allegement aux Fau-
cons malades du pantalais de la gorge, des mettrant en une chambre close
& nette, de laquelle toutes les fenestres soyent ouuertes, treillees ne-
anmoins de façon que l'oiseau ne puisse y sir dehors. faut aussi qu'en
ladite chambre soyent mises deux ou trois perches, afin qu'il puisse saillir
de l'une à l'autre : & que la chambre, si est possible, soit exposée au soleil

de leuant, Pant aussi que l'oiseau ait tousiours de l'eau deuant ses yeux. Et quand on le veut paistre, que sa chair soit taillee en petis morceaux à fin qu'il ne s'efforce point à tirer : mais qu'il ne soit pu qu'à demie gorge, & seulement vne fois le iour : Et sur tout se faut bien donner garde de luy donner bœuf, ou autre grosse gorge. ainsi le pourrez vous tenir trois semaines ou vn mois, puis aduisez s'il sera point amendé. Et si le trouuez amendé, soit remis tant qu'il soit bien guarý. Cependat n'oubliez à luy lauer & baigner tousiours la chair dedans du lait, ou en huile d'amendes douces : & celuy pourra estre cause d'un grand bien. Car bien peu d'autres remedes se trouuent pour amender ou guarir ce mal de pantaís de gorge, depuis quel'oiseau en est surpris.

De la seconde espee de Pantais qui vient de froidure, des causes & signes, & des remedes qui y sont propres.

CHAP. XI.

Ne autre maniere de pantais aduient aux oiseaux par froidure & morfondure : c'est à sçauoir quand ils se baignent aux champs en volant, & puis apres ne sont seches ne essuyés à propos, ne mis en lieu sec & chaut, où l'humidité par eux accueillie se puisse esparer & assecher. Aduient aussi aucunes fois le pantais à l'oiseau pour auoir esté mis en lieu remugle & humide, ou auquel il ait fumée ou pouldre remuée, qui sont sous moyens de le faire paistraiser : c'est à dire de luy faire remettre son haleine à peine, qui est le propre accident du Pantais. Maistre Molépinau liure du Prince contre cest espee de pantais, enseigne le remède qui ensuit. Prenez, dit il, limures de fer bien menues, & farine de lentilles, autât de l'un que de l'autre : & meslez tout ensemble auesques miel, de maniere qu'en puissiez faire pillules : lesquelles ferez du gros d'un pois, & en baillerez deux ou trois le matin à vostre oiseau par trois ou quatre iours cōsecutifs : puis le paistrez apres le midy de quelque bon past vis & delicat. Et si au bout desdits quatre iours vous y trouuez quelque amendement, mettez luy puis apres par deux ou trois iours de la pouldre d'orpiment sur sa chair lors que viédrez à le paistre, & celuy pourra estre moyen de guarir. Toutes fois où toutes les choses dessusdites ne luy profiteroient, vous pourrez essayer de la medecine qui ensuit, laquelle maistre Aimé cassia enseigne pour bien fort remediabla à ce mal. Prenez, dit il, d'une herbe qui se nōme

en Latin Pulmonaria; & apres l'auoir fait bien deslecher au soleil, faites en pouldre bien subtile : puis prenez beurre frais trois fois autant que de ladite pouldre, & trois fois autant de miel que de beurre : puis mettez tout ensemble en vn pot neuf, & le faites bouillir, & n'oubliez de l'escumer en bouillant, & apres qu'il sera bien refroidy, faites en pillules qui soient de la grosseur d'vn pois: & luy en donnez deux ou trois tous les matins de quatre ou cinq iours, ainsi que dit à esté en la recepte precedente : & le païssez & gouuernez au surplus en la forme y mentionnée.

Autre medecine enseigne maistre Michelin pour le mal du pantais. Quand l'oiseau pantise, ce dit-il, prenez de l'herbe de Capilli Veneris qui croist aux prez, racines de persil, & racine d'ache, & pommes de saint Jean vieilles, qui soient parees (ces pommes viennent coustumierement plus-tost que les autres:) toutes ces choses soient mises ensemble en vn pot neuf de moyenne grandeur, & faites bouillir au long du feu : puis en soit l'eau du bouillon coulee par vn linge net, & en icelle mis du succe fin, avec vn peu de mouëlle de bœuf taillée bien menu & le tout bien battu & meslé ensemble. De ceste composition vous baillerez à vostre oiseau vne fois au matin & vne fois au vespre, vne cuillerée, que luy ferez prendre avecques vne cuiller ou avec vn petit entonnoir: comme verrez qu'il vous sera & à l'oiseau plus aisé & commode, & continuez d'ainsi le faire par l'espace de quatre ou cinq iours: pendant lesquels vous ne païssez vostre oiseau iusques apres midy de poulaille avecques le sang: & tousiours luy arroseriez son past d'huile d'amendes douces, ou d'huile d'olif au defaut de l'autre. Apres toutes fois que vous aurez lauë ladite huile dedans deux ou trois eaux. Et encores apres que sa chair sera, ainsi que dit est, arrosee, il la faudra poudrer d'vn peu de succe fin, & d'vn peu de saffran, moins la moitié que de succe. Apres lesdits quatre ou cinq iours, si voyez que mestier en soit, vous luy pourrez d'abondant par quatre ou cinq autres iours poudrer son past d'orpiment sans gresse : & puis apres reprendre l'huile dessusdicte iusques à ce qu'il soit bien guarý.

*De la tierce espee de pantais, qui tient és reins & rongnons
de ses causes, signes, & accidens : & des remedes
propres pour la guarir.*



L y a vne tierce autre espece de pantaïs, qui afflige les Faucons de la part des reins & rongnons. Et leur aduient souvent ce mal, apres qu'ils ont esté vexez de quelque autre griefue maladie: de laquelle neantmoins ils sont reschappez par le bon soing & diligente cure que le Fauconnier en a peu auoir, & par le moyen du reliqua des mauuaises humeurs qui auoient causé ladite maladie, l'oïseau apres qu'il semble en estre guarý vient à pantaïser. Or gist la cause de ceste maladie es reins de l'oïseau, esquels se concreate & engendre ie ne scay quel mal ressemblant à chancre, qui est de la grosseur d'une febue: qui fait quel oïseau vient tousiours de plus en plus à s'enfler: & se trouue en fin auoir l'estomac pantaïs, & empesché de telle façon, qu'il est contraint rendre & reïetter son past. Ceste espece de pantaïs est moult diferente des autres: car vous verrez souvent aduenir que le pantaïs laissera l'oïseau par l'espace de six ou sept iours, & puis le reprendra plus fort que deuant aucunes fois le lasche & intermet de mois en mois, ou de trois en trois mois: de maniere qu'il le portera quelques fois tout vn an. Vous pourrez apperceuoir de ce mal, lors que verrez l'oïseau pantaïsant moult plus les reins plustost & plus fort que les espaulles: ou au contraire aux autres especes de pantaïs, l'oïseau remue plustost & plus fort les espaulles que les reins. Encores en aurez-vous plus certain indice, quand vous verrez le pantaïs lascher par intermission huit ou dix iours vostre oïseau, & puis apres le reprendre. Et s'il aduenoit qu'il en mourust: faites le ouïrir: & vous trouuerez comme vne glande au dessus des rongnons ou estrenes. Pour remede à ce mal, enseigne maître Ayme Cassian ceste recepte. Prenez, dit-il, racines d'asperges, racines de capres, racines de fenouil, racines de persil, & racines d'ache, & les faites toutes bouillir ensemble dedans vn pot neuf, tant que l'eau en laquelle elles auront bouilly vienne des trois parts aux deux. Prenez aussi vne tuelle qui soit vieille (car plus sera vieille, mieux vaudra) & en faites poudre bien subtile. Puis quand voudrez paistre vostre oïseau, ayez tousiours fresche & bonne chair, & non de bœuf: & la faites tremper en l'eau, en laquelle auront cuit lesdites racines, dedans vne escuelle, environ vn quart d'heure deuant que le paistre: mais donnez vous garde que vostre eau où vous tremperez vostre chair, soit tousiours nettement gardee. Et quand vous aurez le maïn donné à vostre oïseau malade la chair trempee en ladite eau: donnez luy au soir chair poudree de ladite poudre, changeant ainsi de fois à autre: mais le paissant

ne luy donnez que demie gorge par fois, & autres fois quand le verrez en appetit, donnez luy tant de chair, qu'il en voudra manger & prendre. Continuant ceste medecine par huit ou neuf iours, ou plus si voyez que besoin soit, vous en ressentirez quelque amendement. Toutesfois si ceste maladie estoit trop enracinee, & l'oiseau l'auoit portee longuement, à bien grande peine en pourroit-il guerir: tât est qu'y obuiant & pouruoyant diligemment du commencement plusieurs fauconniers & Gentils-hômes ont trouué & experimenté grãd soulagement de la medecine dessusdite. Maistre Cassian a enseigné encores vn autre moyen de guarir l'oiseau de ce mal: lequel est souuerain & bien approuué, combien qu'il semble dangereux & difficile. Si vostre oiseau, dit-il, a porté cestuy mal de pantalx six ou neuf mois, ou vn an, & vous le voulez guarir, tenez le haut & en assez bon point, & s'il est possible qu'il soit tousiours bien net dedans le corps. Si le prenez tout doucement, & le mettez en maillolot, puis sera ouuert, ainsi que l'on ouure vn coq, quand on le veut chapponner. Et quand aurez fait ceste ouuerture, vous tournerez tout doucement les boyaux de l'oiseau, tant que luy puissiez voir l'eschine à l'endroit des reins. Lors regardât en haut, vous voirez comme vne petite vessie qui commencera à durcir, & sera aussi grosse qu'une fêbue. Aucunes fois vous y en trouuerez deux, pendans à vn petit filet, esquelles entre aussi par fois quelque chancre & ont la forme d'une glande. Et quand vous les aurez choisies de l'œil, prenez quelques petites pinsettes, & les tirez dehors, en sorte qu'il n'y demeure rien: puis soit recousue l'ouuerture de fil de soie rouge ou blanche, ou au deffaut de ces deux, de quelque autre couleur. Mais la recousant donnez vous bien garde d'atteindre ou prendre les boyaux de l'oiseau, lequel vous mettrez puis apres sur vn coussin en quelque lieu obscur & haut, qui ne soit point rheumatique: puis le paistrez de bon past vif taillé bien menu: qui luy fera encores plus grand bien, si le voulez arrouser de la bonne huile d'amendes douces. Toutesfois si vous cognoissiez qu'il fist quelque difficulté d'en manger à cause de l'huile, il se faudroit abstenir de l'arrouser pour ceste fois. Et dit ledit maistre Aymé Cassia qu'il en a ouuert plusieurs en son temps de la façon cy dessus recitée, qui ont recouré leur santé. Mais doit estre aduisé le fauconnier, qu'il vaudra mieux faire telle ouuerture au decours de la Lune qu'en son croissant combien que de ce maistre Michelin au liure du Prince n'ait fait aucune mention.

LIVRE TROISIESME.

Du mal de morfondure, qui aduient à l'oiseau par quelque accident. des signes & causes dudit mal & des remedes propres pour le guarir.

CHAP. XIII.

Les Faucons par fois se morfondēt à l'occasion des trop grosses gorges qu'on leur donne : spécialement quand ils sont mouillez : car ils ne peuuent passer ny enduire leur gorge, à cause du froid qui les restraint : & ne la pouuans bien cuire & digerer, force est que elle se conuertisse en flegmes & autres grosses humeurs, qui font perdre à l'oiseau l'appetit du past, & puis apres vient à mourir, comme dit le liure du Prince. Or vous pourrez vous appercevoir de ceste morfondure, lors qu'apres auoir sur le vespre baillé à vostre oiseau grosse gorge, vous verrez le lendemain matin qu'il aura perdu l'appetit du past, à cause qu'il sera refroidy & lent plus que de coustume. Pour remede à ceste maladie, dit maistre Molopin au liure du prince, qu'estant l'oiseau ainsi morfondu & degousté il ne doibt estre pu de tout le iour que commencerez à vous en aduiser : ains doit-on seulement mettre de l'eau deuant luy, & s'il en veut boire ou sy baigner, ne laisser faire à son desir : puis luy ietter vn pigeon vif deuant luy & s'il le prend & tuē, luy en laisser boire le sang tant qu'il voudra, puis apres ne luy en donner à manger sinon vne cuisse pour le plus : apres cela le mettre reposer en lieu chaud & sec, pourueu qu'il y ait tousiours de l'eau deuant luy, & se bien garder de luy donner grosse gorge. Mais sera bon de luy bailler par l'espace de quatre ou cinq iours cinq ou six clouds de girofle enuolopez en peu de cotton.

Du mal vulgairement appellé le mal subtil, de ses causes & signes, & des remedes propres pour le guarir.

CHAP. XIII.

Aucunes fois sont les oiseaux vexe d'une maladie, que les Fauconniers ont nommee, le mal subtil : ou pource qu'elle rend l'oiseau maigre, delié & subtil, ou pource que promptement & subtilement il passe & esmeutist tout ce qu'on luy baille. Et de ce mal se perdent plusieurs oiseaux, à faute de s'en donner

nergarde de bonne heure. Or le pourrez vous descouvrir & appercevoir à ce que verrez, que quand vous luy aurez le matin donné quelque grosse gorge, il aura incontinent passée. Et si vous luy en donnez puis apres vne autre pareille à midy, il la passera encores plus legement: Encôres si luy en donnez vne tierce au vespre, elle sera aussi tost passée. Qui pis est, plus mangera, plus deviendra megre: Ce mal aduient coustumieremēt de ce, que quand vous voyez voſtre oiseau fort megre, vous efforcez de bien tost le remettre sus, & pour y cuider paruenir, vous luy donnez de trop grosses gorges de pigeons, ou autres bonnes chairs, pensans par ce moyen le remettre & rēdre gras en peu de iours. Mais il en adurent tout au contraire: par ce qu'ayant l'estomach greué & offencé de si grosses gorges, il ne les peut naturellemēt digerer: pource qu'il a le foye alteré, duquel la chaleur tēperee est cause de toute bonne digestion naturelle. Donques pourrez vous iuger l'oiseau affligé de ce mal, quand le verrez tel que cy dessus a esté recité: & au surplus fort affamé, & esmeutissant beaucoup plus souuent, & en plus grande quantité que de coustume: Maistre Molopin au liure du Prince, dit que pour prôptement & seurement remedier à ce mal, faut prendre le cœur d'un mouton, & le laisser toute vne nuit tremper dedans du lait d'anesse, ou de cheure, apres toutesfois qu'on l'aura mis en morceaux assez petis: car il en trempera mieux: Et le lendemain matin en donnera manger le quart à voſtre oiseau: vn peu apres midy autant, & au vespre le demourant: & luy faire cependant prendre & aualler le plus que vous pourrez d'adict lait: Luy continuant ceste forme de viure par l'espace de cinq ou six iours, & iusques à ce que verrez qu'il commencera à faire ses esmeutes plus naturelles. Et apres ce que l'aurez veu plus naturellement esmeutir, vous le paistrez peu à peu & assez raisonnablement de quelque bon past, dont la chair sera arrosée de quelque bonne huile d'amendes douces, & ce par trois ou quatre iours, pendant lesquels il ne sera, pu que deux fois le iour. Mais fait à fait que le verrez amender, croissez luy son past peu à peu, afin qu'il puisse en greſſer & reuenir en son premier estar. Et luy continuez tousiours le lait ainsi que nagueres vous a esté enseigné. Car le lait d'anesse & de cheure est fort propre à ceste maladie: & comme dient aucuns, à toutes autres maladies d'oiseaux. Maistre Aymé Cassian enseigne encores vne autre recepte pour guarir cestuy mal subtil. Prenez, dit-il, vne tortue de garrigues: c'est à dire, q̄ celles qui viuēt en terre en lieux secs, & qui n'entrent point en l'eau: & apres que vous en aurez séparé

la chair d'auec les escailles, mettez la tremper en lait d'anesse, ou de cheure, ou de femme, au defaut des autres : & en païssez vostre oiseau, peu au premier past, plus au second, encores plus au tiers, en augmentant ainsi de peu à peu iusques à six ou sept iours : Puis apres païssez-le de cœur de mouton trempé dedans le lait suldit, cōme cy dessus a esté monstre, luy en augmentât ainsi le past de peu à peu, iusques à ce qu'il soit biē guarý : Et ne le tenez en lieu rheumatique, mais en hïuer en lieu chaud, & en esté en lieu frais, & tousiours en chapperonné. Continuât de le traicter de ceste façon, tenez vous seur qu'il guarira.

Autres remedes propres pour l'oiseau qui n'enduit, & ne peut passer sa gorge

CHAP. XV.



Lors que verrez vostre oiseau degousté, & ne pouuant enduire ou passer sa gorge, donnez luy petit past : mais qu'il soit de rats, ou de fouris, mesmes de grands rats : car ils sont bien plus substancieux que les petis : & ne luy en donnez que de me gorge, car il la digera mieux, & plus naturellement. Autrefois soit peu de chair de poulaille, ou de bon mouton trempée en lait d'anesse, ou de cheure, ou de femme, ainsi que cy dessus a esté dit, & ne luy en donnez que le quart de sa gorge. Mais quand le voudrez paistre de vif, baignes luy sa chair en sang, & celà luy fera fort grand bien, Continuant ce traitement par quelques iours : vous remettrez sus vostre oiseau. maistre Michelin dit, que quand on void vn oiseau qui ne peut enduire ne passer sa gorge, c'est signe qu'il est refroidy dedans le corps, & luy manque la chaleur naturelle. Et que pour y dōner remede, faut prendre vin blanc bien subtil qui soit chauffé tiede, & dedans iceluy tremper la chair dont on veut paistre l'oiseau, & toutes-fois luy donner peu à manger, deux fois le iour seulement, & augmenter petit à petit à mesure que l'on y cognoistra amendement. Mais aussi fera bon luy changer souuent son past, & de chairs de bon fuc, & de legere digestion. Ce traitement debura estre continué iusques à ce que on le voyeremis sus : en luy donnant d'abōdant tout les soirs cinq ou six clouds de girofle enuoloppez en peu de cotton : pource qu'ils luy eschaufferont la teste & tout le corps, & par ce moyē luy ferōt moult grand bien & plus encores si le cotton sera trempé en vn peu de bon vin blanc vieil. Aucunes fois aduiēt que l'oiseau ne peut enduire ne reietter sa chair, pource qu'on luy aura donné trop grosse gorge, laquelle

le il n'aura peu digérer : Ou pource que s'estant esgaré avecques sa proye, il se lera (estant affamé) puis gloutement , qu'il n'a puis apres peu enduire ne reietter sa gorge. A ceste cause tout Fauconnier doit estre discret, & bien se garder de donner à son oiseau trop grosse gorge. Pour y remedier, dit maistre Aymé Cassian, qu'il faut mettre eau fresche dedans vn vaisseau net, & la poser devant l'oiseau, & s'il luy prend enuie d'en boire, l'en laisser boire à son plaisir. Puis prendre lard de porc du plus gros & qui ne soit point rance, le gros d'une febue, de la poudre de poiure les deux parts moins que le lard, cendre la tierce partie moins avecques vn petit de sel, & le tout bien battre & mesler ensemble & en faire vne pillule de la grosseur d'une moyenne febue, la luy mettre au bec, & tant faire qu'il la mette bas : puis soit posé au soleil ou au feu, & tost apres y cognoistrez amédement & qu'il enduira sa gorge. Mais aussi gardez que l'oiseau auquel vous baillerez ceste pillule ne soit trop maigre : car à peine le pourroit-il supporter. Maistre Molopin enseigne encore vn autre remede faisant mesme effaict. Prenez, dit-il, l'oiseau doucement & dextrement, & luy fendez la gorge, puis luy en tirez gracieusement la chair dehors : Et apres que l'aurez essuyée d'un peu de cottō mouillé en vin, recousez-la de fil de soye vermeille, puis l'oignez de gresse de geline : & tantost apres païssez-le de quelque cuisse de geline trempée dedans le sang, & la luy taillez en petis morceaux : Par ce moyen vous pourrez sauuer vostre oiseau. Encores ont enseigné ces bons maistres vn autre remede : Qui est, que quand vouldres faire reietter & rendre la gorge à vostre aileau, vous faudra prendre poudre de poiure, & la mettre en peu de vinaigre : puis en frotter le palais de vostre oiseau par le haut avecques le bout du doigt, tost apres la mettre hors. Si vous voulez vous luy en pourrez bien mettre aussi deux ou trois gouttes aux pertuis des narilles, car encores plus tost il la mettra hors. Mais si vous voyez qu'il l'ait mis hors, & neâtmoins que le poiure luy face trop de mal : lauez luy d'eau fraische la bouche, le palais, & les narilles, afin de les luy netoyer. Si ne luy voulez faire verser de celle poiurade, vous luy pourrez mettre du poil de la queue de cheual dedans les narilles : & s'il remet, par ce moyen, ne sera besoin luy faire autre chose.

Autres remedes pour guarir l'oiseau qui remet sa chair, & ne la peut enduire.

CHAP. XVI.

I ij



Duient par fois que l'oiseau, quand il a esté pu, ne peut tenir sa gorge, ains incontinent la rejette, & en procedel occasion de ce qu'on le paist de quelque grosse chair non lavée, ou ia toute infectée. Aucunefois aussi l'oiseau se desgoute pour ce qu'il est plein dedans le corps, & pour ce ne peut tenir sa gorge. A ceste cause tout Fauconnier se doit bien garder de couper la chair de son oiseau de quelque cousteau sale ou mal net, & dont on ait au parauant taillé aulx, porreaux, ou oignons, ou autre chose puante: mais sur toutes choses se fault bien garder de luy donner trop grosse gorge. Pour obuier à ce mal, lors que verrez vostre oiseau remettre sa gorge: ne le paisez de tout ce iour, ains le mettez au soleil, avec vn vaisseau net plein d'eau nette deuât luy, & s'il en veut boire soit laissé boire à son plaisir, car cela luy fera grand bien. Et quand puis apres viédrez à le paistre ne luy dōnez que vn quart de gorge. Aussi par fois le pourrez vous biē paistre de vis, & en le paissant ainsi petit à petit, il se pourra remettre sus. Toutesfois si vous voyez qu'il ne puisse encores retenir sa chair, donnez luy à māger petis rats, ou petites souris, ou petis oiselets si rats & souris vous defaillent, & luy continuez ce traitement iusques à ce qu'il soit bien guarý. Et si ce remede ne vous vient à effait: ou à gré, vsfer pourrez du conseil de maistre Molopin, qui dit au labeur du Prince, que quād l'oiseau remet sa gorge, & ne la peut retenir, faict prendre coriandre, & la mettre en poudre, bien subtile, puis la detréper en eau tiede, & ceste eau faire puis apres passer par vn linge delié, & en lauer la chair de vostre oiseau auant que de l'en paistre par l'espace de quatre ou cinq iours: Et si pour cela ne guerissoit, vous pourrez experimenter ceste autre recepte qu'enseigne maistre Michelin. Prenez, dit-il, feuilles de laurier, & apres que les aurez bien laves mettez les en pot neuf avec du vin blanc, & les y laissez tant bouillir que le vin reuienne à sa iuste moitié, & puis apres refroidir avecques les feuilles. Et quand ce vin sera froid, faictes en tāt boire à quelque ieune pigeon qu'il s'en enyure, & en meure: Apres soit pu l'oiseau de la cuisse de ce pigeon, ou d'autāt que monte la cuisse. Et s'il ne retiēt iceluy past, ains le remet, faictes ce qui en suit, s'uyuāt le cōseil de maistre Aymé Cassia. Prenez, dit il, des cigales: (cigales sont comme fauterelles ou grandes mouches, qui à la grand chaleur del'esté se posent, & chantent sur les arbres) & les faictes biē secher au four ou au soleil, puis en faictes poudre bien subtile, de laquelle vous poudrez la chair de vostre oiseau auant que l'en paistre, & par ce moyen il guarira.

*Autres remedes propres pour remettre l'oyseau desgousté, & luy faire
reuenir l'appetit de manger.* CHAP. XVII.

A Vcunesfois l'oiseau se trouue auoir perdu l'appetit de manger, à l'occasion de ce qu'on luy aura peut estre, donné trop grosse gorge vers le vespere : laquelle il ne peut enduire ne passer la nuict ensuiuant, pource qu'il est plein & ord par dedans le corps : & par ce moyen perd l'appetit de manger. Or dit maistre Molopin, que quand vostre oiseau sera desgousté ; & aura perdu l'appetit de manger, il vous faut prendre de l'aloës cicotrin, succe d'une cuitte, & mouëlle de bœuf, autant de l'un comme de l'autre, fors qu'il y ait un peu moins d'aloës : & apres auoir bien tout meslé ensemble, en faire une pillule de la grosseur d'une febue, & la donner le matin à l'oiseau : puis le tenir au feu ou au soleil, tant qu'il ait vomü & reietté toutes les colles & superfluites qu'il a dedans le corps : & ne soit peu iusques à midy : luy continuant ceste medecine & traitement par trois ou quatre iours, vous luy verrez tost apres recouurer entierement son bon appetit. Encores un autre bon remede enseigne maistre Michelin pour donner guarison à cestuy mal. Prenez, dit-il pillules communes : (c'est à dire, de celles que l'on ordonne & donne communement aux personnes malades pour purger le corps) & en donnez le matin deux à vostre oiseau. puis l'ayant mis au feu ou au soleil, avecques le chapperon en teste, laissez le vomir tant qu'il vouldra. Si dit le liure du Prince que les pillules susdittes sont bonnes à donner à tous Faucons au commencement du mois de Septembre. Pource que s'ils ont filandres, ou autre mal dedans le corps, ils en sont par ce moyen bien purgez & nettoyez. Mais pour reuenir à nostre propos, apres que par trois ou quatre iours vous aures fait à vostre oiseau desgousté vser desdites pillules, si pource l'appetit ne luy estoit reuenü, poudrez luy aux trois ou quatre iours ensuiuans sa chair de limeures de fer, & l'appetit luy reuiendra. Dit outre maistre Aimé Cassian, si le Faucon de fortune a perdu son bon appetit, luy soit baillé un pigeon, lequel on luy laissera ruer & boire le sang à son plaisir : mais apres ce on ne luy en donnera à manger qu'une cuisse, ou la valeur d'une cuisse. Et s'il ne vouloit tirer, luy faudra tailler en petis morceaux, & l'arrouser de quelque bonne huile d'amendes douces ou d'oliues, ou la poudre de suecre & luy continuer ainsi peu à peu tant qu'il ait recouuré son bon appetit.

LIVRE TROISIESME

Autre remede pour remettre sus vn oiseau, quand il est trop maigre.

CHAP. XVIII.

ENseigne le bon maistre Aymé Cassian, quand vostre oiseau est par trop descharné, si le voulez remettre en gresse, païssez-le de bonnes viandes, spécialement de rats & de souris, si en pouuez recouurer. Car ils sont bons & de léger past, comme aussi sont les petits oisillons: mais ne luy en donnez que demie ou moindre gorge. La poulaille est bonne de sa nature, toutesfois ellen'égresse pastant, comme la chair de moutō. Le traittant de telles viades petit à petit, vous le verrez reprendre chair: & se mettre en gresse. Le mesme maistre Cassian enseigne encores vn autre remede pour mesme effaiçt. Prenez dit-il, vn pot neuf, & mettez de l'eau dedans que vous ferez bouillir au feu. Dedans ceste eau bouillant mettez deux cuillerees d'huile d'olives & quatre cuillerees de beurre frais, & faites le tout bien bouillir ensemble. puis prenez chair de porc frais, de laquelle bien lauee & trempee en l'eau dessusdite vous ferez paistre vostre oiseau. Et si pouuez recouurer des limas qui se trouuent en l'eau courante, luy en soit donné au matin. Car ils le purgeront des grosses humeurs qu'il a dans le corps, & luy donneront substance.

Autres remedes pour vn oiseau qui est alenty & paresseux, & n'a volenté de voler.

CHAP. XIX.

SI vn faucon ou autre oiseau est remis & paresseux, & ne vole le point de bon hair, dit maistre Aymé Cassian, qu'il doit estre recongneu & reuisité par les maistres Fauconniers, & puis par eux traitté & medeciné comme il appartient. C'est à sçauoir, en le baignant, & luy mettant l'eau deuant luy: & s'il est haut & ord, luy soit la chair bien lauee: & faire la medecine deuant ditte, de lard, mouëlle de bœuf & sucre: & si l'oiseau estoit deshaitté de voler à cause de quelque accident de maladie, il y faudra pourvoir par les remedes propres à chacune desdites maladies, selon ce qui en a esté cy dessus particulierement enseigné.

FIN DE CE TROISIESME LIVRE.




Liure Quatriefme.

CHAPITRE. I.



Vous auez cy deuant peu entendre les remedes propres pour les maladies qui viennent dedans les corps des oiseaux & cy apres vous pourrez apprendre les causes, signes & remedes des maladies qui aduiennent aux Faucons par de hors les corps: & partant se descouurent & voyent à l'œil se touchent & manient de la main, & consequemment sont plus aisees à cognoistre, & à guarir: comme celles qu'on voit naistre, croistre, moindrir, empirer, ou amender à veuë d'œil: & desquelles au surplus les signes & causes sont plus certains, & moins secrets, comme aussi sont les remedes. Et neantmoins telles maladies sont autant ou plus de nuisance à l'oiseau, & autant ou plus luy empêchent ses actions & allegresses, comme celles qui luy occupent & vexent les principales interieures parties du corps, & de la teste, & dont a esté parlé bien au long au trois liures precedens. A cestes doncques doit le Fauconnier prendre garde d'aussi pres, comme à toutes les precedentes: & estre diligent à y pourvoir & remedier promptement: d'autant que ces mots extérieurs, desquels nous entendons discourir en ce quatriefme liure, outre ce qu'ils donnent peine & grand trauail à l'oiseau. encores luy rendent-ils le corps plus laid & difforme, & d'autant plus mal agreable aux yeux de tous ceux qui le voyent, soient Fauconniers ou autres personnes.



LE plus commun & dangereux de tous les maux extérieurs qui viennent hors du corps des oiseaux, est celui que vulgairement tous Fauconniers appellent, la taigne. Or pour en avoir plus entière & certaine cognoissance, est besoing d'entendre, qu'il y a trois especes de taigne: de chacune desquelles especes nous ferons particulier traité. La premiere especes de taignes, est quand les grosses & grandes pennes des ailes & queues des oiseaux leur cheent & tombent. La seconde especes est quand la taigne mange

māge & rongeleldites grandes pennes tout au long du tuyau, de telle façon que par laps de temps rien n'y demeure. La tierce espece est, quand leldites grandes pennes se fendent tout au long de la verge, & par ce moyen se corrompent, & empeschent l'oiseau de bien voler. De toutes ces trois especes combien que le nom soit vn, neantmoins les causes, & les signes, & semblablement les remedes sont diuers & differens.

De la premiere espece de la taigne, & de ses causes, signes & remedes.

CHAP. IAL.

NOUS vous auons dit au chapitre precedent, que la premiere espece de la taigne est, quand les plus grosses & grandes pennes des ailes & queuës des oiseaux leur tombent & cheent. Si dit le bon maistre Aimé Cassian, que plusieurs bons oiseaux il a veuz se perdre de ce mal au deffaut d'y donner prompt remede. Et qu'il leur procede à l'occasion de la chaleur de foye, & autrefois à cause de quelque excessiue ardeur & distemperature de tout le corps. Et de ce font signe les vessies quel'on apperçoit dessus les ailes & queuës denuës de plumes. Cestuy mal est contagieux, & se doit bien garder le Fauconier d'approcher autre oiseau, ou le percher pres de celuy qui en sera entaché. Mesmes dit iceluy maistre Cassian. qu'il se faut aussi biē garder de dōner à manger à autre oiseau dessus le gan du Faucō qui aura la taigne. L'on ce peut bien apperceuoir de ce mal, quād on void l'oiseau souuent toucher le bec dessus les tuyaux des grosses pennes de ses ailes & de sa queuë, comme s'efforçant de les faire choir. De fait quand vous luy verrez faire ceste contenance, soit visité: & vous le trouuerez vexé de la taigne. Pour obuier à ce mal faut (ce dit maistre Cassian) prendre l'oiseau, & aduiser aux endroits dont luy seront tombées les plumes: & là vous trouuerez vne ou plusieurs vessies, qui vous feront certain indice qu'il est malade de la taigne. Lors faites vne petite brochette d'un bois appellé Sapin, qui est de substance grasse, & visqueuse: & n'est point besoing de la faire aiguë par vn bout plus par quel'autre, pource qu'il ne faut pas aussi qu'elle entre ou isse en malaïse & cōme à force, ains doucement & legeremēt.. Et si vous ne pouuez recouurer dudit bois, prenez vn grain d'orge, & luy coupez la pointe, puis l'oignez d'un peu de theriaque, ou d'huile d'oliues: & le mettez dedans le pertuis d'ou sera tombee la penne, de

K

telle maniere qu'il en sorte vn petit bout au dehors, afin que ledit pertuis ne s'estoupe ou ferme puis apres soit prinse vne lancette, ou vn trancheplume, & luy en percez ladite vessie ou vessies, tât qu'en faciez saillir vne eau rousse qui sera dedans. Apres prenez aloes citotrin mis en pouldre, & du fiel de bœuf, & mettez l'vn & l'autre dedans vne escuelle, & les battez & meslez tres-bien ensemble, & de cest onguent oignez ceste vessie persee tout à l'entour: mais donnez vous bien garde qu'il n'en entre rien dedans ledit pertuis de la penne: car il en pourroit aduenir grand mal à l'oiseau. Apres cela fait, prenez lentilles des plus rousses que pourrez recouurer, & limures de fer moins la moitié que de lentilles, & apres que les aurez bien meslees & battues ensemble avecques du miel, faites pilules de la grosseur d'un pois, & en donnez à vostre oiseau tous les matins deux ou trois puis le mettez au feu ou au soleil: & le laissez apres midy de poulailler ou de mouton de assez bonne gorge. Et si vers le soir vous voulez donner des dites pilules à vostre oiseau, faire le pourrez. Mais vous souuienne de tremper sa chair dedans lait d'anesse, ou de cheure, ou de femme, comme dessus a esté dit: car cela luy fera grand bien: & aussi de souuent visiter les iarsures desdites vessies perrees, pour les oindre de rechef dudit onguent, si besoin sera. Luy continuant tout ce traitement par cinq ou six iours, vous verrez qu'il se guarira de ladite taigne.

De la seconde espece de taigne, de ses causes & signes, & des remedes propres pour le guarir.

CHAP. IIIE.



La seconde espece de la taigne, comme a esté cy dessus enseigné, prend aussi es grandes penes des ailes & queue des oiseaux, & les ronge & mange tout du long, de maniere que si on n'y pourroit de bone heure, à la fin il n'y demeure riē. Et ont laissé par escrit les mesmes Fauconniers dessusdits, que ce mal aduient aux Faucons par la negligence de ceux qui en ont la charge & la garde: c'est à sçauoir, à faute de les baigner, & curer en temps & lieu mesmement de les tenir en lieu net, ains pour les auoir tenus en lieu ord, plein de pouldre ou de fumee. Et telles ordures leur engendrent vn humeur ou excrement aigre & aigu, qui les ronge & mange ainsi tout le long des grosses plumes des ailes de la queue. A ceste cause admonestent expressement & diligemment lesdits maistres

tous Gntils. hommes & Fauconniers de iamaiz ne tenir leurs oiseaux en lieu ord, mais au plus net & honneste que possible leur sera. Ce mal encores peut aduenir aux Faucons. pour estre nourris de mauuaises chairs, ordes & puantes: qui sont causez de les charger de poux & taignes, qui leur mangent & gasteir le pennage. Pour remede à ce mal enseignent les maistres susnommez la medecine qui ensuit. Prenez, ce disent-ils, cendre de serment de vigne, & en faites laissue la plus forte que vous pourrez, de laquelle vous lauerez vostre oiseau vne fois le iour, & le laisserez tres-bien resseuyer: apres ce prendrez bon miel de mousches, en oindrez toutes les penes entachees de ce mal. Encores apres vous faudra prendre sang de dragon, & alun de glas, & de ces deux battus ensemble faire pouldre bien subtile, dont vous pouldrez puis-aprestous, les tuyaux, & penes dessusdites: & par ce moyen vostre oiseau guarira.

Maiſtre Aimeé Gassian dit que pour obuier à ce mal, il s'est souuent bien trouué de la recepte qui ensuit. Prenez, dit-il, vne taupe, de celles qui fouillent aux prez, & la mettez dedás vn pot de terre tout neuf qui soit bien estouppé & bien lutté, & puis mis au feu tout vn iour: & en ayant retiré la taupe, en ferez pouldre bien subtile, de laquelle vous pouldrez les grosses penes & leurs tuyaux entachez & gastez de taigne, apres les auoir tresbien lauez de la laissue de serment par la forme cy deuant dite: & par ainsi vostre oiseau se guarira.

De la tierce espee de taigne, de ses causes & signes, & des remedes propres pour le guarir.

CHAP. V.



A tierce espee de taigne, dont nous auons cy dessus parle, est quand l'humour peccāt ne ronge pas la penna de l'oiseau: mais la fait fendre de long en long de la verge mal aduient, ce dient lesdits maistres, de ce que les oiseaux ne sont pas tenus nettement, ne curez, baignez, pus, & gouvernez comme ils doiuent: Dont se conecree ceste humeur vicieuse qui leur fait ainsi fendre & rompre les penes. Pour remede à cestuy mal enseigne maiſtre Molopin au liure du Prince, la medecine qui ensuit. Prenez, dit-il, vne canne verde, & la fendez tout du long: puis la raelez par dedans, & il en sortira ius ou suc;

K ij

duquel ius fut vous baignerez & mouillerez les penes fendues de vostre oiseau tout le long des fentes & par ce moyen elles se reprendront reserrentont tout ainsi qu'elles estoient au parauant ladite taigne. Et s'il romboit d'auanture puis apres quelque vne desdites penes, soit mise dedans le pertuis du tuyau la tante du bois de Sapin, ou le grain d'orge, ainsi que cy dessus a esté enseigné: & ce faisant vous verrez que vostre oiseau metra la plume plus droicte.

*Si un oiseau a l'aile rompue par quelque accident, qu'els moyens
il faut tenir pour la luy remettre, & le guarir.*


CHAP. VII.

S'il aduient par quelque accident que vostre oiseau ait l'aile rompue, vous vseres de ce remede, qu'enseigne maistre Molopin au liure du Prince. Premièrement fait que l'aile rompue soit bien remise & resoincte a son droicpoint: & puis que l'onguent, dont la composition sera cy apres enseignee, luy soit mis en cataplasme sus l'endroit de la rupture. Et apres luy auoir bien dextrement appliqué ledit cataplasme dessus la rupture, luy remettre & disposer bien doucement les deux ailes croisees dessus le dos, en la mesme forme qu'il a de coustume de les tenir en pleine santé. Puis l'emmaillotter d'une bonne bande, de façon qu'il ne puisse remuer les ailes en maniere que ce soit. La recepte ou composition dudit onguet est telle qu'il en suit. Soit pris sang de dragon, terre d'Armenie appelée vulgairement boliarmeni, gomme Arabique, encens blanc, momie, mastic, aloes cicotrin, autant de l'un comme de l'autre, farine bien delicee autant que besoin sera: soyent toutes ces choses destrempees en blanc d'œufs, & fait onguent: lequel sera puis apres appliqué en cataplasme en la maniere dessusdite. Lequel premier cataplasme ne sera remué ne changé de cinq ou six iours apres ledit premier appareil, & quand on y remettra autre cataplasme, se faudra bien soigneusement donner garde que l'aile rompue ne soit desmeute ny esbranlee en maniere que ce soit. Car pour petit qu'on la desmeue ou desloche tout ce qu'au parauant on y pourroit auoir fait, seroit perdu & gasté: & l'oiseau en grand danger de demeurer pareillement perdu & affolé à jamais sans esperance de salut. Or le faudra-il traiter & medicamenter en la maniere dessusdite par l'espace de douze ou quinze iours: & pendant iceux le tenir & faire reposer sur un

couffin bié mol afin qu'il y demeure plus à l'aise & à son repos. Au past luy faudra aussi tailler sa chair en petis morcèaux, & luy en donner assez bonne gorge: car il n'aurapoint mestier d'estre tenu ny gras ny maigre pour plustost recouurer sa guarison.

Si l'oiseau ne soustient bien ses ailes . quelle en est la cause, & quels sont les moyens d'y remedier.

CHAP. VII.

 Vand l'oiseau ne soustient bien ses ailes: c'est pource qu'estant mis sur le poing ou sur la perche, il s'est trop alpre-més de battu & de battât s'est eschauffé & puis refroidy: & se refroidissement luy a fait alentir & pendre les ailes: Pour remedier à ce mal, enseige maître Aymé Galian, qu'il faut prendre vn pot de terre tout neuf, & l'emplir de fort bon vin: puis mettre dedans ledit vin, saulge, mente, & pouliot, autant de l'vn que de l'autre, & apres auoir mis ledit pot pres du feu, faire le tout bien bouillir ensemble. Et quand ils auront bien bouilly, tirez le pot hors du feu, & le mettez sur charbons & cendre chauds, bien couuert & estouppé de drap ou linge, afin qu'il n'en puisse rien sortir. Apres cela faiges vn pertuis assez grand et au milieu du drap ou linge dont aurez couuert vostre pot, par lequel pertuis en puisse fortir la fumée. Puis mettez vostre oiseau sur le poing, & apres luy auoir releué les ailes, le tenant droit sur ledit pertuis, laissez-le parfumer de celle fumée & cha leur issant dudit pot: & ly tenez si longuement, qu'estant bien reschauffé & parfumé d'icelle fumée, il en soit comme baigné & en sueur. Apres ce tenez-le pres du feu ou en autre lieu chaud: car s'il venoit à se refroidir, ce seroit mal pire que le premier. Tant est que luy continuant ce traitement trois fois le iour par l'espace de quatre ou cinq iours, vous y apperceurez grand amendement, & le verrestost apres bien quary.

Si l'oiseau à l'aile disloquée, & demise hors de son lieu, quels moyens faut tenir pour la remettre, & le guarir.



Vand vostre oiseau en volât trop rudemēt, ou don-
nât atteinte à la proye qu'il poursuit, se sera démis
l'aile hors de son lieu & siege naturel, vous luy don-
nerez prompt & seur remede, le traitant de la façō
qui ensuit, & qui enseignee a esté par maistre Aymé
Cassia: Soit, dit-il, prins l'oiseau doucemēt, & luy soit
l'aile disloquee, dextrement remise en son lieu. Puis
sur l'endroit de la dislocature soit mis vn cataplasme de l'onguent de
sang de dragon, boli armeni, nommé, &c. ainsi composé comme a esté
monstré cy dessus au chapitre 6. de ce quatriesme liure, auquel est parlé
del'aile rompue, puis soit emmaillotté, & laissé en ceste maniere trois
ou quatre iours. Au past luy soit sa chair taillée en petits morceaux, afin
qu'en mangeant il ne se contournen y efforce.

*Si l'oiseau a de mal-aventure l'aileron rompu, quels remedes.
sont propres pour luy racoustrer.*

CHAP. IX.

QUand vostre oiseau de fortune auoit l'aileron rompu: maistre
Molopin au liure du Prince conseille vser des mesmes re-
ceptes, remedes & traitemens, qui n'agueres ont esté
monstrez pour remettre & racoustrer son aile rompue.
Et si besoing est, en l'vne & en l'autre rupture, apres auoir rejoint &
reuni dextrement le membre rompu, le faudra lier avec petites lat-
tes, afin de l'affermir d'auantage. Aussi faudra-il au past luy bailler sa
chair en petits morceaux, comme aux chapitres precedens a esté
monstré: afin que tirant il ne se contorne, & desmeue les pieces join-
tes: & au surplus le tenir & faire reposer emmaillotté sur vn coussin
pour les mesmes causes cy dessus deduites.


*Si l'oiseau a la iambe ou cuisse rompue, quels moyens il faut tenir
pour la remettre & guarir.*

CHAP. X.

S Il aduenoit par quelque accident que vostre oiseau eust iambe ou cuisse rompuë, maistre Aymé Cassian donne aduis de le traiter & medicamenter en ceste sorte. Premièrement, si c'est la cuisse qu'il ait rompuë, luy faudra plumer ladite cuisse : & puis apres auoir doucement & dextrement reioint la rupture, y appliquer vn cataplasme de l'onguent qui ensuit : Soit prinse escorce de cheïne sechee, battue, & mise en pouldre, & avec vn peu de sang de dragon, icelle pouldre meslée & delayée en blanc d'œufs : & de cest onguent couurez le desd'it emplastre : lequel emplastre ayant appliqué sur la rupture, bandez ladite cuisse ou iambe d'une bande de linge bien propre : mais gardez-vous bien de la trop serrer ou estreindre : car celà pourroit estre cause de faire secher le pied à vostre oiseau. Or bien pourrez-vous laisser ledit emplastre de premier appareil cinq ou six iours sans le renouveler ; mais puis apres le pourrez changer de deux en deux, ou de troisen troisiours, iusques à ce que vostre oiseau soit bien guarý. Au past luy faudra tailler la chair en petis morceaux, & tousiours le tenir sur la perche avecques le chapperon en la teste.

Si l'oiseau est blessé de coup, quels moyens & remedes sont propres pour le bien traiter & guarir.

CHAP. XI.

 Vand vostre oiseau sera blessé de coup, comme de ferrement baston, bec de HIRON, ou a autre chose semblable, maistre Aymé Cassian a laissé par escript le remede qui ensuit. Prenez, dit-il, de l'herbe vulgairement appelée pied de colomb, autrement herbe Robert, & l'ayant pillée en vn mortier, exprimez-en le ius. Puis soit prins l'oiseau, & sa playe visitée : & si le coup est grand & noir à l'entour, & neantmoins il n'y ait pas grand pertuis, en faudra faire l'ouerture plus grande, ainsi que l'on verra en estre besoin, & dedans ladite playe mettre du ius de l'herbe susdite, & dessus icelle puis apres en appliquer le marc en forme de cataplasme, & le bander bien mignonement, & puis n'y toucher de 24. heures. Aussi doit estre le Fauconnier aduertý d'arracher les plumes de l'entour de la playe, en tant qu'il les verra faire nuisance & empeschement à l'application du medicament. Or à ladicte herbe Robert telle vertu que la playe, à laquelle est appliquée en la matiere des-

LIVRE QUATRIESME

susditen'apostume point : qui est vn admirable soulagement pour les
 oiseaux. Toutesfois au deffaut de pouuoir recouurer de ceste herbe
 de pied de colomb en sa verdeur & vigueur, & consequemment du
 ius d'icelle, prendra peine le rauconnier d'en auoir de la seche & la
 mettre en poudre: & d'icelle poudre se pourra aider ne plus ne moins
 que du ius: Appliquant l'vn ou l'autre (à son aissance & commodité)
 à la playe par la forme cy dessus desseignée, apres auoir neantmoins
 bien nettoié & laué ladite playe de vin blâc: car l'vn des grands secrets
 & moiens de bien tost guarir l'oiseau blessé, est de luy tenir tousiours
 sa playe nette. Encores a enseigné maistre Molopin au liure du Prince,
 vn autre bon & seur moyen pour guarir promptement le coup ou
 plaie du raucon blessé. Prenez, dit-il, huile rosat, & gresse de geline
 autant de l'vne comme de l'autre, vn peu moins d'huile violat, & la
 moitié moins de terebenthine, si les meslez & fondez toutes ense-
 mble. Puis prenez encores, de l'encens blanc & du mastic autant de
 l'vn comme de l'autre, & en faites poudre: Et si vous pouuez d'auan-
 tage finer de celle poudre de ladite herbe Robert, mettez toutes ces
 trois poudre ensemble parmy leddites huiles & gresse, & les remuez
 & battez fort ensemble avecques vn baston, iusques à ce que les voiez
 bien viues & incorporees, & reduites en forme d'onguent. Et si la
 playe de l'oiseau sera grande & fort ouuerte, aduisez premierement de
 la recouldre bien doucement & dextrement, laissez toutesfois au
 plus bas vn pertuis, auquel puissiez appliquer & faire entrer vne tente
 de chergie oincte del'onguent dessusdit. Duquel ferez aussi cataplas-
 me, qu'appliquerez puis apres sur ladite playe. Par iceluy pertuis (le-
 quel demourera ouuert par le moyen de la tente que souvent vous y
 renouuellerez) se purgera peu à peu ladite playe: & par la vertueuse
 efficace de cest onguent, l'oiseau recouurera bien tost sa santé. Autre
 recepte a enseigné maistre Michelin pour guarir coup ou playe de
 Faucon: Si vostre oiseau, dit-il, a playe par Gruë. ou HIRON, ou au-
 tre oiseau semblable, ostez luy la plume tout à l'environ de la playe.
 Laquelle estant si profonde qu'elle ne puisse bonnement estre recon-
 sue: mettez dedans icelle promptement de la poudre dont la com-
 position ensuit. Soit prins sang de dragon, encens blanc, aloes
 cicotrin, & mastic, autant del'vn que de l'autre, & le tout bien battu
 ensemble soit reduict en poudre bien subtile: & de ceste poudre
 medicamentez ladite playe ainsi que a esté predict: Puis soit ladite plaie
 aux enuirs & par dessus oincte d'huile rosat ou d'huile d'olistiede
 pour

pour l'adoucir, Mais si la place n'estant profonde, qu'elle ne se puisse bien couldre, soit recousue: en y laissant toutesfois au plus bas endroit d'icelle vn petit pertuis pour la purger, ainsi qu'a esté cy deuant remonstré. Puis soit pris le blâc d'vn œuf, & appliqué dessus la playe par forme d'emplastre, apres toutesfois qu'elle aura esté arroulee d'huile de roses, ou d'oliues, comme naguères a esté dit: & que pareillement sur la cousture auez mis de la pouldre susdite: & encores mis audit pertuis la petite tente pour tousiours le tenir ouuert: & par ce moyen mondifier la plaie à quoy proffitera moult l'onquent dessusdit, duquel ladite tente sera oincte. Continuant ceste façon de traitement à vostre oiseau, vous le verrez tost guarir. Encores autres médicament à ce mesme effait a conseillé le bon maistre Aymé Cassian. Si vostre oiseau, dit-il, a eu coup de bec de Gruë, Hairon, ou autre oiseau, prenez demie-once de mastic, quart d'once de boliarmeni, demie-once gresse de geline, vne once d'huile rolat, vne once d'huile violat, vn quart d'once de terebenthine, vne once d'herbe pied de coulomb, & vn quart d'once de cire vierge: Soyent toutes les choses liquides susdites mixtionnées, fondues & battues ensemble: & les pouldres de mastic, boliarmeni, & herbe Robert (que vous auez au parauant faites) meslees parmy lesdites huiles, gresses, & cire mises sur le feu, & remuées avec vn baston peu à peu, tant que le tout soit bien incorporé ensemble, & reduit en forme d'onguent, Mais gardez-vous en mixtionnant de luy donner le feu trop aspre: Puis mettez dudit onguent) qu'aurez ainsi fait chauffer en vn pot net & neuf) sur linge ou cuir, & en appliquez le cataplasme sur la playe de vostre oiseau: apres qu'aurez mis la tente oincte de cedit onguent en la maniere cy dessus deduite. Et s'il aduenoit que l'oiseau eust coup orbe avec contusion sans playe ouuerte. Prenez, dit ledit maistre Cassian, mommie en pouldre, & la delayez en sang de coulomb, ou de poulaille, & luy mettez dedans la gorge: & ne passez de deux heures apres, que luy donnerez gorge raisonnable: Toutesfois si la contusion ou froissure paroist & se monstre à l'œil, n'oubliez de l'arroser d'huile rolat ou violat à vostre aissance & commodité, Vous souuienne aussi en toutes les blessures cy dessus declarees de bander & emmaillotter vostre oiseau, si vous cognoissez qu'il en soit besoing.

L

CHAP. XII.

Aucunefois les pieds enflent aux oiseaux par quelque froi-
 dure: à l'occasion de ce que s'estans eschauffez à battre
 le gibbier, ils se sont puis apres morfondus, à faute de
 leur mettre quelque drap sous les pieds quand ils sont
 retournez de la volerie. Autrefois ce mal de podagre leur aduient
 à cause qu'ils se trouuent pleins de grosses & mauuaises humeurs, les-
 quelles au travail s'esmeuent. & deuallans sur les pieds y font l'en-
 flure. Ceste maladie vexe plus souuent les Faucons surnommez, Sa-
 cres, que toutes autres especes d'oiseaux: pource qu'ils sont pesans,
 & ont les pieds gras de leur nature. Or enseigne le bon maistre Aymé
 Cassian, quand l'oiseau a les pieds enflez, de commencer son traite-
 ment par purgation, en luy faisant vsr de la medecine de lard, suc-
 cre, & moëlle de bœuf, dont la recepte a esté descrite au cinquies-
 me chapitre du second liure, & si souuent mentionnee par tout ce
 discours. De ceste composition donques seront faites trois pillules de
 la grosseur d'une moyenne febue, & puis donnees à vostre oiseau par
 trois diuerses matinees: lequel sera puis apres mis au feu ou au soleil,
 & deux heures apres pu de quelque bon past: Puis ayez vne once
 de boliarmeni, & demie once de sang de dragon, & les faites battre
 & mettre en pouldre, laquelle vous destremperez & meslerez fort
 dedans le blanc d'un œuf, & de cest onguent oindrez les pieds enflez
 de vostre oiseau deux fois le iour, par l'espace de trois ou quatre
 iours: pendant lesquels vous n'oubliés aussi de luy mettre quelque
 drap dessous les pieds pour le tenir plus chaudement. maistre Mo-
 lopin au liure du Prince donne aduis d'un autre remede qu'il dit es-
 tre souuerin & bien aisé. Si vostre oiseau, dit-il, a le pied, ou les pieds
 enflez seulement, sans ce qu'aucques l'enflure il y ait des clouds:
 prenez cizeaux ou pincertes, & luy taillez les ongles des pieds ou
 du pied qui sera enflé de si pres que le sang en sorte, de façon qu'il
 saigne tres bien: Puis prenez gresse de geline, huile rosar & huile vio-
 lette, autant de l'un que de l'autre, & un peu de cire vierge, & fondez
 tout cela ensemble: Apres ce ayez pouldre d'encens blanc, & de ma-
 stic, autant de l'une que de l'autre, & de pouldre de boliarmeni deux

fois autant: & battant & meſſant bien fort le tout enſemble, faites en onguent: duquel vous luy oindrez les pieds enſlez deux fois le iour iuſques à ce qu'il ſoit bien guarý: Et ſont ces deux dernieres receptes bien experimentees & elprouuees.

*Quand les oiſeaux ont les cuiſſes ou iambes enſlees, qu'elles en ſont les cauſes,
& les moyens pour les eſprouuez pour les guarir.*

CHAP. XII.



Duient par fois que les iambes des oiſeaux enſlent, comme auſſi ſont les cuiſſes: aucunes fois toutes les deux enſemble, autre fois les vns ſans les autres. Ceſtuy mal ſurprêt les Faucons à cauſe du travail qu'ils ont prins au vol, ou au battre de la proye ou gibier qu'ils ont pourſuiuy, où ils ſe ſont etchauffez, puis refroidis & morfondus: ou bien à cauſe que ſe trouuans pleins d'humeurs dedans le corps, ils les ont eſmeuz au travail du vol & de la chaeſſe. & descendans ſur les iambes ou cuiſſes, y ſont l'enſleure ſuſdite. Pour y remedier, Maiſtre Caſſian conſeille de purger & curer premierement l'oiſeau malade, en luy bail-
lant les pillules compoſees de lard, moëlle de bœuf, & ſucce, par la forme diuiſee au chapitre precedent ceſtuy. Et apres ladite cure bien & deuëment faite, prendre huit ou dix œufs, & les faire cuire avecques la coque tant qu'ils ſoient bien durs: puis les laiſſer refroidir & leur oſter les coques, & les rompant en retenir les moyeux ſeulement: leſquels faudra qu'ils ſoient bien fort durs, autrement ne ſeroient pas propres à faire la medecine qui enſuit: Puis prendrez vne petite poille de fer, qui ſoit bien nette & bien claire, la mettre ſur vn bon feu cler, & dedans icelle rompre & eſmenuiſer avec la main leſdits huit ou dix moyeux, & avec vne cuiller de fer les mouuoir ſans ceſſe. Et quand verrez qu'ils deuiendront fort noirs, & lors que les cuiderez tous gaſtez, les ramafferez tous enſemble: & apres les auoir fait bouillir en vin blanc, les exprimerez, & en tirerez de l'huile que vous receurez en vn verre net, puis de rechef les chaufferez & mettrez en preſſe, & en tirerez tout ce que vous pourrez. Et quand voudrez vſer dudit huile pour les enſleures deſſuſdites, prenez dix gouttes de ceſt huile de moyeux d'œufs, & les mellez parmy trois gouttes de vinaigre, & trois autres gouttes d'eau roſe: puis en frottez doucement l'enſleure des iambes & cuiſſes de l'oiſeau. Dit ledit maiſtre Caſſian, que ceſte medecine a eſté par luy maintes fois eſprouuee, & qu'il ſ'en eſt fort bien trouué en la cure des oiſeaux des grands Maiſtres de Rhodes: & quelle

LIVRE QUATRIES ME

est singuliere pour conforter & assouplir les nerfs des iambes & des pieds des Faucons. De fait continuant à l'oiseau malade des enflures dessusdites la friction dudit huile avecques le traitement susdit par l'espace de sept ou huit iours, vous y verrez prompt amendement & entiere guarison.

Si les oiseaux ont clouds ou galles aux pieds, que l'on appelle Podagres, quelles en sont les causes, & les moiens d'y donner remede.

CHAP. XIII.

SI clouds ou galles viennent aux pieds de vostre oiseau (aucuns appellent ce mal, Podagre) cest chose facheuse & dangereuse, & à laquelle sera bien besoin de promptement remedier. Ce mal suit volontiers les enflures des iambes & cuisses, dont n'aguères a esté parlé : & procede communément des mesmes causes. Aussi dit maistre Aimé Cassian qu'il est besoin de proceder à la cure de ceste podagre par la mesme forme cy dessus deduite: c'est à sçauoir, de commencer par la purgation de l'oiseau malade, en luy faisant prédre par trois diuerses matinees consecutives les trois pillules compoées de lard, de mouële de bœuf, & succe dont naguères a esté parlé. Apres ladite purgatiō, Prenez, dit il, du papier, & en faites des melches de la grosseur d'un fer d'aiguillette, desquelles allumees vous donnerez le feu aux clouds ou galles de l'oiseau. Et si lesdits clouds estoient fort apparens & eminens dessus le pied, seroit bō de les fendre tout du long avec quelque trancheplume ou autre fer taillant venāt du feu & fort chaud: Et apres les auoir fendus bien doucement & dextrement, mettre dedās la fente & ouuerture de chacun d'iceux vn petit morceau de lard gras, pour empescher qu'il ne se ferre & recloe, puis mettez l'oiseau sur vn morceau de sel menu: & s'il aduenoit aucune chair morte, mettez-y dessus de la pouldre dont letiers soit de verd de gris, & les deux parts d'hermodactyles: Puis quand l'ulcere sera mōdifé, oignez le de seing de porc & de miel meslez ensemble: Et le mettez tousiours sur ledit mōceau de sel menu iusques à ce qu'il soit bien guarý. Vne autre belle & bonne recepte a enseigner. Maistre Molopin pour guarir ceste maladie: Prenez dit il, trois onces des fueilles de la Rhubarbe, des moines, trois onces de fueilles de chou rouge, vne once de terebenthine, trois onces d'huile violat, trois onces de miel, cinq onces de

grosse de mouton, vne once & demie de gresse de ieune geline, vne once de mastic, vne once d'encens blanc, vne once de poiure long, deux onces d'Alum, & vne once de cire vierge. Et premierement des herbes faudra tirer & exprimer le ius, puis les huiles, gresses, & autres liquides meslez ensemble & fondue au feu en vn pot neuf, les remuant tousiours avecques vn baston : & apres qu'aurez fait pouldre du mastic encens, poiure, & alum, & meslé toutes icelles pouldrees ensemble, vous le coulerez peu à peu dedans le pot avecques le ius desdites herbes, remuant tousiours avec le baston, iusques à ce que le tout bien meslé & incorporé ensemble soit reduit en forme d'onguent. Lequel vous estendrez puis apres sur cuir ou linge, & en appliquerez le cataplasme sur les pieds podagres par l'espace de quinze iours, le changeant toutesfois de deux en deux iour. Et si les clouds par le moyen dudit onguent ne se fendoient & ouvroient d'eux mesmes, les faudra fendre d'un fer tranchant & chaut par la forme dite au precedent chapitre. Et en ceste mesme forme luy faudra pareillement oster tout l'ordure & chair morte que l'oïseau pourra voir dedans lesdits clouds & galles, tant qu'il n'y demeure rien, & iusques à ce qu'il soit bien guarý. C'est onguent, ce dit maistre Molopin, a souuent esté esprouvé, & experimenté bon par luy : & peut durer en sa bonté deux ans. Encore vne autre bonne recepte a enseignée Maistre Cassian pour remedier à cestuy mal. Prenez, dit-il deux onces de terebenthine, & vn once de saun blanc mis en pouldre, & demie once de cendre de ferment de vigne : mettez tout ensemble en vn pot neuf dessus le feu, & le mouuez avec vn baston peu à peu tant qu'il soit bien meslé & incorporé l'un avecques l'autre, & reduit en forme d'onguent : duquel estendu sur cuir ou linge vous ferez emplastre, que vous appliquerez dessus les galles ou clouds que l'oïseau aura dessus les pieds : & lierez ledit emplastre par entre les doigts de l'oïseau, de façon qu'il ne le puisse arracher ne tirer dehors : Ce que vous luy continuerez par l'espace de qu'inze iours, changeant ledit cataplasme de deux en deux iours, iusques à ce que les clouds soient bien molifiez. Et si ce pendant lesdits clouds s'ouvroient d'eux mesmes, tant mieux vaudra : sinon, il les faudra fendre avec le fer tranchant & chaut, en la maniere dessusdite. Et puis apres qu'ils seront ouuerts, y pourrez appliquer de l'onguent, dit Diaculum, lequel assouplira le pied de l'oïseau, & en tirera les humeurs si aucuns y

LIVRE QVATRIESME

ena. Et où il se trouuera de la chair morte, mettez y vn peu de verd de gris puluerisé en la maniere susdite. Pour remede à ce mal enseigne maistre Cassian encore vne autre bonne recepte, Prenez, dit-il, limure de fer le gros de deux febues, & limure d'acier le gros d'vne febue : escorce de chesne, dont vous leuerez le dehors, & du dedans bien asseché ferez pouldre bien subtile, & pour la faire bien subtile la passerez par vn sas ou par l'estamine, & en messerez le gros de deux febues parmi les limures susdites : puis tout ensemble mettez bouillir dedans vn pot neuf avec vne chopine d'eau & autant ou environ de vinaigre blanc, tant qu'ils diminuent du tiers ou de moitié : apres ce tirerez du pot tout ce que vous pourrez scouler de cler de ladite eau & vinaigre, & le fond ou marc qui restera le ferez encores espurer le plus qu'il vous sera possible : puis le mettez en vn sachet de linge de telle longueur & largeur que l'oiseau puisse reposer ses deux pieds dessus ledit sachet. De ce sachet donques plein dudit marc vous ferez comme vn couffin, sur lequel ferez tenir vostre oiseau cinq ou six iours : pendant lesquels vous luy pourrez arroser les pieds du cler ou bouillon de ladite composition (que vous aurez à cest effect gardé dedans vn verre ou autre vaisseau) trois ou qurtre fois par chacun iour : & en refreshir pareillement & remouiller le sachet dessusdit, afin qu'il s'en tienne plus frais, & qu'il en face meilleure operation : laquelle s'il ne peut auoir acheuee au bout de six iours, luy faudra laisser plus longuement & iusques à ce qu'il soit du tout guarý : Et est ceste recepte fort bonne pour toutes eschauffeures ou galles de pieds & de iambes.

SI VN OISEAU SE GRATTE OV MANGE LES
pieds, qu'elle en est la cause & qu'els moyens faut
tenir pour y obuier.

CHAP. XV.



Vand vous verrez que vostre oiseau se grattera ou mangera les pieds, sachez que c'est vne maniere de fourmiere qui les luy gaste. Et aduient ce mal aux Esmerillons plus souuēt que aux autres oiseaux. Conseil le maistre Cassia pour y remedier, de prendre vne demie feuille de papier, & en faire vn collier à l'oiseau, afin qu'il ne se puisse

toucher les pieds. Puis ayez vn fiel de bœuf, & le rompez en vne escuelle, & puis meslezz parmy iceluy pouldre d'aloës cicotrin autant que iugerez estre besoing, & les barrez tres bien ensemble avec vn baston, tant qu'ils soyent bien incorporez, & reduits en forme d'onguent: duquel onguent vous oindrez puis apres les bieds de vostre oiseau par l'espace de cinq ou six iours deux ou trois fois par chacun iour, & iusques à ce qu'il soit bien guarý. Autre medecine a enseignee maistre Molopin pour cestuy mal. Prenez, dit-il, la fiente d'vne truie ou d'vn pourceau, & la mettez dessus vne tuile au feu ou au four tant qu'elle soit bien assechee, & que l'on en puisse faire pouldre. Puis ayez fort bon vinaigre blanc, & en lauez tres bien les pieds de vostre oiseau, & apres qu'ils en seront bien laués, mettés dessus de la dite pouldre, tant qu'ils en soyent tous couuerts, continuant ce traitement deux fois le iour par l'espace de douze ou quinze iours, ou iusques à ce que le verrez du tout bien guarý, & ayant perdu l'enuie de se gratter ou manger les pieds.

*QUELS MOIENS SONT A GARDER QUANT
on veut serrer ou estouper les Venes des iambes de l'oiseau, pour
le guarantir des enflures, clouds, galles, podagres, &
demangeaisons dessus dites.*

CHAP. XVI.



Les Maistres Fauconniers dessusdits experts & bien entendus en l'art de Fauconnerie, ont curieusement recherché tous moyens & secrets pour guarir & garantir, les oiseaux Faucons de tout genre & espece de maladie. Entre autres ont descouuert deux beaux secrets pour garantir les oiseaux de tous les maux de cuisses, iambes, & pieds dont n'aguères a esté deuisé: lesquels sont fondez sur apparente raison de medecine: pour ce que par ces deux moyens on retranche l'occasion & la cause desdits maux, qui est le deuallement & cheute des humeurs abondans & superflus au corps

LIVRE QVATRIESME

de l'oiseau, és cuisses & autres parties inferieures. Et combien que de prime face ils puissent sembler tous deux cruels & dangereux pour l'oiseau: toutesfois doit-on croire que leſdits maistres ne les ont enseignez & laissez par escrit sans les auoir bien esprouez du temps qu'ils seruoient leurs maistres(grands seigneurs) en l'art & exercice de Fauconnerier. Le premier est de serrer ou couper les venes des iambes de l'oiseau, qui portent les humeurs aux pieds, & sont causes de l'dites enflures & podagres, duquel sera parlé en ce chapitre. Le second est, de rompre tout à fait la iambe à l'oiseau, duquel sera parlé au suiuant chapitre. Quand doncques vous voudrez à vostre oiseau podagre ou enflé par les pieds serrer & couper les venes qui abreuuent & imbuent leſdits pieds des mauuais humeurs, dit maistre Aimé Cassian: soit pris l'oiseau, & tenu bien dextrement, & luy soit plumé le dedans de la cuisse au plus pres du genouil: puis luy soit cherchée & trouuée la vene, qui est grosse assez, vn peu au dessous dudit genouil, où estreignant vn peu avecques les doigt congnoistrez & trouuerez incontinant ladite vene. L'ayant trouuée prenez vne aiguille, & en soubleuez vn petit la peau, laquelle vous coupperez autant que verrez bon estre à vostre discretion pour faire ouuerture, vous gardant bien neantmoins en couppant ladite peau, de toucher ou offenser en rien la vene. Estant l'ouuerture ainsi faite, ayez vn ongle de Butor ou de quelque autre oiseau, duquel vous faudra dextrement soubleuer ladite vene: puis passer par dessous icelle vn fil de soye, & l'en serrer & lier bien estroitement: puis apres coupper la vene au dessus de l'ongle, & du costé deuers la iambe: (car si vous la coupez du costé de la cuisse, vostre oiseau seroit en grãd danger de mort) Eln'y soit fait autre chose, ains la laissez saigner tant qu'elle voudra. Toutesfois le landemain vous pourrez oindre ladite ouuerture de quelque peu d'huile rosat, ou de gresse de geline pour l'adoucir & conforte. Ceste façon de serrer ou couper venes, est fort bonne & profitable: car iamais depuis ne deuallent les humeurs és iambes & pieds de l'oiseau, & consequemment deslors en auant ne peut plus estre trauaillé d'enflures, clouds, galles, podagres, & de mengeïsons dont a esté cy dessus parlé.

Quels

Quels on doit tenir, quand on veut rompre la iambe a l'oïseau, pour le garentir des podagres & autres maladies des pieds.

CHAP. XVII.


Maitre Aimé dit, si pour garder que les humeurs ne deualent és iambes & pieds de l'oïseau, vous luy voulez rompre ou l'vne ou toutes les deux iambes. Prenez vn tronçon de canne, ou vn baston de sureau, que les Latins appellent Sambucus : & en faites deux petites lattes ou estayes du long d'vn triuers de poulce, & au surplus de telle largeur que la iambe del'oïseau puisse estre enclose entre les deux bien à son aise: puis d'vn linge faites vne bande qui puisse faire quatre ou cinq tours enuiron ladiète iambe. Ayez aussi boliarmeni mis en pouldre, & bien meslé & battu avecques glaire d'œufs. Voz preparatifs estans ainsi bien dressez, prenez l'oïseau doucement & dextrement, & luy rompez la iambe par le milieu entre voz deux mains avec voz deux poulces le plus promptement que faire se pourra, & la ployez depart & d'autre tant que soyez bien assuré que le gros oz sera rompu tout à fait: mais en cé faisant donnez vous bien garde de ne blesser ou offenser l'oïseau en quelcō que autre partie de son corps. Ce fait appliquez luy sur la rupture, bien dextrement réunie & remise, vn emplastre enduit dudit onguent préparé de boliarmeni & glaire d'œuf, & par dessus aiustez gentiment voz deux lattes ou estaies dessusdites, que vous lierez de ladite bande en luy faisant faire quatre ou cinq tours: de telle façon neantmoins qu'il n'y ait rien trop estroitement serré, ains que la iambe y demeure à son aise. Car si autrement estoit, le feu pourroit prendre en la iambe ou au pied de l'oïseau. Et partant afin de plus seulement y proceder, & garder que l'oïseau ne se puisse tourmenter & debattre, sera bon qu'il soit emmailloté auant que la iambe luy soit rompue, & iusques à ce qu'elle soit bien reprise. & puis mis reposer sur vn coussin mollement. Cependant luy faudra au past tailler sa chair en petis morceaux, afin qu'il ne face aucun effort qui le puisse offēcer. Puis apres ayez motielle de bœuf, avec huile rosat ou violat, & les ayant bien meslez & battus ensemble oignez en la iābe & le pied de l'oïseau deux fois le iours par l'espace de quinze iours: car cest onguent eſpēchera que le feu ne s'y mette. Les quinze iours passez soit l'oïseau

LIVRE QVATRIESME.

demailloré, delié, & tenu sur le poing tousiours enchapponné. Et quand il sera guarý de celle iambe, autant en pourrez-vous faire de l'autre. Mais aussi y faut-il bien penser auant que le faire: pour ce que c'est chose bien dangereuse de rompre la iambe aux oiseaux, à raison du feu qui s'y mettroit par mesgarde & mauuaíse conduite.

La façon de mettre les oiseaux en mue : & les moyens qu'on doit tenir pour les conseruer en santé & alegresse.

CHAP. XVIII.

 Vand le temps est venu de mettre vostre oiseau en muë faites le premierement purger & curer de toutes les mauuaíses humeurs & ordures, qu'il peut auoir dedans son corps de longue main amassees, à cause des sales & mauuaíses chairs dont il aura par fois esté pu, qui luy pourroient engendrer filandres, aiguilles, & autres semblables maladies, voire la mort, si n'y estoit pourueu à temps Et partant, maistre Michelin à donné conseil qu'auant que mettre son oiseau en muë, qu'il est bon de le purger par le moyen de la recepte dessusdite: cest à sçauoir, de la cõposition faite de lard trépé, mouëlle de bœuf, sucre d'vne cuitte, ou sucre fin, (car autant vault à dire) & safran battu & mis en pouldre, autant de l'vn comme de l'autre: de laquelle faudra faire trois pillules de la grosseur d'vne moienne febue, & les faire prendre à l'oiseau prest de muer par trois diuerses matinees cõsecutiuës: puis le mettre au feu ou au soleil, & ne le paistre par deux heures apres, qu'on luy donnera quelque bon past. Les autres trois iours ensuiuãs, luy faudra (apres la cure) donner de l'aloës cicotrin du gros d'vne febue: puis le tenir au feu ou au Soleil, & ou luy verra rejeter ledit aloës auecques des flegmes. Et ce fait le pourrez mettre en muë. Autre moyen de bien nettoier & purger l'oiseau auãt la mue à baillé maistre Aimé Cassian. Prenez, dit-il, Hierepicre le gros d'vne petite noix muscade, & la mettez en la gorge du Faucon de façon qu'il la mette bas: & afin qu'il ne face difficulté de l'aualler, vous la pourrez enuelopper en vn boyau de geline lié des deux bouts. Apres qu'il l'aura prinse, vous le pourrez tenir sur le poing, ou au feu, ou au Soleil, tant qu'il soit bien purgé. Puis ne le paistrez iusques apres midy, que luy donnerez gorge raisonna-

ble de quelque bon past vif. Et le lendemain le paistrez deux fois: puis apres le pourrez mettre en muë.

Quels moyens sont propres pour auancer vn oiseau de muer.

CHAP. XIX.



Vand vous aurez mis vostre oiseau en muë, & verrez qu'il sera long & lent à muer: si voulez auancer la muë, allez au lieu où l'on tuë les moutōs au mois de may ou de Iuin, & prenez de ces glandes que les moutōs ont deffous l'aureille, à l'endroit du bout de là maschoire, grosses enuiron comme vne amande, prenez-en, dy-ie, iusques au nombre de dix ou douze, & les luy donnez hachees menu avec sa chair. Et s'il faisoit difficulté de les manger, pource qu'elles sont vn peu ameres, trouuez façon de les luy faire prendre, & mettre en bas. Et donnez vous bien garde quand il commencera à muër & ietter ses plumes: car lors ne luy en faudra plus donner. Pour ce qu'il pourroit aussi bien ietter les nouvelles comme les vieilles,

Autre recepte enseigne maistre Michelin pour ce mesme effect. Prenez, dit-il, vne couleure, & en faites tronçons: puis la mettez bouillir en vn pot neuf plein d'eau: & apres qu'aurez tiré ceste eau du feu, & qu'elle sera refroidie: mettez y tremper du grain de fourment. De ce fourment ainsi trempé nourrissez puis apres quelques Pigeons, Tourterelles, & autres semblables oiseaux, desquels vous paistrez vostre oiseau tardif à muer: & incontinent apres il muera. Maistre Aimé Cassian dit à ce propos. Si vostre Faucon est lent à muer, prenez fouris-chauues, & les mettez secher au four, tant qu'en puissiez faire pouldre. De ceste pouldre poiurez la chair de vostre oiseau lors que le voudrez paistre, & tost apres il muera. Autre recepte encores enseigne maistre Molopin pour faire tost muer l'oiseau. Prenez, dit-il, petits Chiens de lait, & les ouurez, & au lait que vous trouuez dedans leurs muettes ou estomacs, trempez la chair, donc voudrez paistre vostre oiseau. Apres prenez laditte muette, taillez-la en petits morceaux, & la luy faites manger: & vous le verrez


M ij

LIVRE QUATRIESME

toſt apres bien muer. Auſſi donnant paſt bon & viſ à tous oiſeaux, vous les rendrez prompts à la muë, pour ce que tel paſt eſt naturel & bien à propos.


Quels moyens ſont bons à garder pour faire que tous oiſeaux ſe portent bien en la muë, & qu'ils en puiſſent ſortir ſains & drus.

CHAP. XX.

 I vous voulez auoir bonne entree & bonne iſſuë de la muë de voſtre oiſeau : aduiſes premierement à ce que entrant en la muë il ſoit haut, gras, & en bon point, & au ſurplus tres bien purgé & curé auant qu'y entrer, par la forme quin'agueres vous a eſté enſeignee. Auſſi eſtant en la muë il le vous faudra paſtre de bonnes chairs, comme de petits poulets, & autre ſemblable bon paſt viſ, qui ſoit laxatif. Ne faillez ſemblablement de luy bailler l'eau deux ou trois fois la ſemaine : pour ce qu'il en pourra boire aucune fois, & par ce moyen ſe deſcharger des humeurs du corps, & des rhumes de la teſte : & ſ'il ſ'y baigne, le pennage en ſera meilleur & plus beau. Vous luy pourrez auſſi à la fois faire paſt de rats & ſouris grands & petis, qui ſont laxatifs : & ſur tout les faudra tenir en lieu propre, honneſte, & net.

Comment on doit traiter Faucons apres qu'on les a leuez hors de la muë

CHAP XXI.

 Maître Molopin dit, que quand on leue Faucons hors de la muë, ſ'ils ſont hauts & gras, iamais ne les devez porter ſans chappron : car quand ils ſentent l'air, le Soleil & le vent, ils ſe battent volontiers, & ſ'eſchauffent : puis apres ſe refroidiſſans ils tombent en grand danger de mort. Auſſi veulent-ils eſtre gouuernez doucement & paſſiblement : & au paſt manger chair lauce peu à peu & a gorge raſſonnable. Et ſ'il aduenoit qu'apres la muë l'oiſeau ſe trouuaſt degouſté, & perdiſt l'appetit de manger ; lors faudroit prendre de l'aloës cicotrin en pouldre & le

mesler auecques ius de Rhubarbe : & apres luy en auoir fait prendre vne cure ou pillule, le tenir sur le poing iusques à ce qu'il fust bien purgé: Puis ne le paistre iusques apres midy , & lors luy donner de quelque bon past vis: Et le lendemain luy bailler à manger d'vne geline : & puis luy bailler l'eau & le baing. Or deuez vous croire que ces medecines & traitements susdits sont bons & profitables à l'oiseau, tant pour le remettre en appetit, que pour luy faire vider filandres & aiguilles, & autres choses mauuaises qu'il peut auoir dedans le corps. Maistre Michelin de la parta donné aduis à ce mesme effect: disant que quand on a mis l'oiseau hors de la muë, on luy doit lauer sa chair, & luy en bailler petit à petit ou plus ou moins selon ce qu'on le verra en goust: Toutesfois est bon de luy bailler au commencement quelques chairs laxatiues, afin de luy adoucir & eslargir les boyaux : & aussi afin que plus aisément il les puisse passer & mettre bas. Cela seruira pareillement pour luy oster la fierté & l'orgueil dont il est plein lors qu'il sort de la muë: Disant d'auantage qu'il les faut tousiours porter sur le poing auecques le chappron : & quinze ou dix huit iours apres qu'ils sont sortis de la muë, les purger & curer auant que les faire voler: Ce qui se pourra commodément faire en leur faisant prendre par trois matinees consecutiues les trois pillules, dont cy dessus a esté parlé, composees de lard, motielle de bœuf & succe: Et ne sera bon que d'y mesler quelque peu d'aloës: car si en mettiez en quantité, il les pourroit faire remettre par dessus, qui viendrait mal à propos: & par chascue iour qu'il aura pris desdites pillules, le faudra puis apres mettre au feu ou au Soleil : & ne le paistre iusques à deux ou trois heures apres, que luy donnerez poullaille ou mouton. Maistre Aymé Cassian souloit apres auoir tiré les Faulcons de la mue, & deux ou trois iours auparauant que de les faire voler, leur faire prendre vne pillule, dont la composition ensuit. Prenez, dit-il vn petit de lard, du poiure en pouldre, & de la cendre passée par sas ou estamine, autant de l'vn comme de l'autre, vn petit de sel menu & vn peu d'aloës cicotrin : & apres auoir tout bien meslé & battu ensemble, faites en vne pillule, que mettrez au bec de vostre oiseau, & ferez en sorte qu'il la puisse aualler & mettre bas : puis le couronnerez du chappron, & le tiendrez au feu ou au Soleil, luy laissant regarder ladite pillule le plus longuement qu'il sera possible. Et s'il vient puis apres à vomir, vous le laisserez rejeter tant qu'il voudra: Si luy verrez vider flegmes & grosses humeurs, se purgeant

LIVRE QUATRIESME

parce moyen tout le corps pour puis apres se trouuer sain & al egre, & bien faire son deuoir au voler. Apres qu'il sera ainsi purgé, enuiron vne heure ou deux, vous le pourrez paistre de poullaille, ou autre past chaud & vif : pource qu'estant ia esmeu dedans le corps, il ne pourroit pas faire son profit d'autre viande. Mais soit aduisé le Faucon uier de ne donner ceste pillule aux oiseaux bas & maigres, ains aux gras & hauts, qui sont pleins de chair & de gresse.

*Si, quand, & comment on doit donner l' Aloes
aux oiseaux volans.*

CHAP. XXII.

A Vcuns Fauconiers sont d'opinion, & dient, que l'on doit donner de l'Aloes cicotrin aux oiseaux volans de mois en mois, & de la grosseur d'une petite febue : & qui leur doit estre mis au bec euuelopé en vn petit morceau de chair de peau de geline, afin qu'il ne goustel'amertume, & leur faire tenir le plus longuement que faire se pourra : puis apres le tenir au feu ou au Soleil, tant qu'il ait remis ledit Aloes, avec les flegmes & colles qu'il luy fera vider. Aussi que pour garentir l'oiseau de filandres & aiguilles, il est bon de luy en donner de huit en huit iours dedans sa cure le gros d'un pois & que ce luy sera moien d'estre sauué & net des dites filandres & aiguilles, & autres telles maladies qui tous les iours luy peuuent suruenir. Ils conseillent encores donner au Faucon refroidy cinq ou six clouds de girofle rompus avec les dens : & dient que par ce moyen il sera deschargé des rheumes de la teste : & mesmes qu'ils valent contre les filandres, estans donnez deuers le vespres enuelopez en peu de cotton, Entre autres le bon maistre Aimé Cassian est de ceste opinion : & dit souuent auoir experimenté telles cures au grand profit & aduanantage de ses oiseaux. Autant en dit maistre Michelin aulibre du Prince : & n'est maistre Molopin de contraire aduis.

*Si l'oiseau c'est rompu les ongles, quels moyens & remedes sont propres
pour les faire reuenir & le guerir.*

CHAP. XXIII.

S'il aduient que vostre Faucon se soit rompu l'ongle du pied, ou qu'il l'ait du tout perdu, il y a remede à l'un & à l'autre: Cars'il l'a du tout perdu, & n'y soit demeuré que le petit tendron ou cartilage de dedans, maistre Molopin dir, que deuez prendre du plus delié & subtil cuir que pourrez recouurer, & en faire un doctier à l'oiseau, lequel emplirez de gresse de geline, puis mettrez dedans iceluy l'orteil au doigt d'ont l'ongle sera perdu, & l'atacherez dextrement à la iambe de l'oiseau avecques deux petites courroies de mesme cuir, & le remuerez de deux en deux iours iusques à ce qu'il soit endurcy & bien reuenu. Mais si l'oiseau s'estoit seulement rompu & emporté quelque bout de l'ongle, tellemēt qu'il en fust demeuré ou peu ou assez, lors luy faudra oindre de gresse de serpent & ledit ongle luy croistra & reuiēdra doucemēt, si bien qu'au bout de quelque iours, il s'en pourra ayder & seruir tout ainsi cōme des autres. Aussi quand l'oiseau s'est par quelque force ou vehemence grande offencé l'ōgle, de façon qu'il soit separé d'avec la chair, & qu'a ce moyen il saigne: vous pourrez lors prendre sang de dragon en poudre, & en mettre dessus la plaie saignante, & soudain le sang estāchera. Mais si puis apres il y venoit quelque enflure, la faudroit oindre de gresse de geline, & tost apres se desenfieroit. Toutesfoi si à l'occasion des humeurs dont l'oiseau pourra estre plein, ou par quelque autre accident, la iambe à cause de l'ongle rompu ou perdu ou le pied luy venoit en tumeur & inflammation notable, lors y faudroit appliquer & cataplayer l'onguent duquel cy deuant a esté parlé, qui est cōposé de gresse de geline, huile rosat, huile violat, terebentine, & des poudres d'encens blanc, & de mastic, & laisser reposer l'oiseau iusques à ce qu'il fust bien guarý.

Quand les Faucons font des œufs en la mue ou dehors, & puis en deuiennent malades & en danger de mourir: par quels moyens on y doit remedier.

CHAP XXIIII.

Aucunesfoi aduient qu'aux oiseaux estans en la muē, ou en estans ja leuez, se concreent & engendrent des œufs, dedans le corps: qu'ils font tost apres deuenir si fort malades, qu'ils en tombent souuent en danger de mort, s'il n'y est pourueu de prompt remede. Lequel a enseigné maistre Aymé Cassian, disant que la chair que luy donnerez au past, doit estre trempee ou lauee en l'vrine de quelque ieune enfant mal-

LIVRE QVATRIESME

le aagé de six ou sept ans: luy continuant ce traitement l'espace de huit ou dix iours, il ne fera puis apres aucuns œufs. Autre remede encor a monstre maistre Molopin: si vous voulez, dit-il rompre ou diminuer les œufs estans au vêtre de l'oiseau lors qu'il est en la muë: prenez del'eau qui degoutte de la vigne quand au mois de Mars elle a esté taillée & soit receuë de la vigne pleurante en vn verre ou phiole: & de celle eau lauez la chair que donnerez à l'oiseau par l'espace de huit ou dix iours: & par ce moyen se rompront & diminueront les œufs quelques gros qu'il les puisse auoir au ventre.

Quels moyens doit tenir le Fauconnier voulant prendre Faucons en l'air ou au nid.

CHAP. XXV.



L'Expert Fauconnier qui voudra prédre les Faucons en l'air ou au nid, se sçaura bien donner garde de les enleuer trop petis. Car s'ils estoient ainsi ieunes & petis leuez du nid, ils ne pourroient puis apres sentir si peu de froid, qu'ils ne prinsissent vn mal de reins tel qu'ils ne se pourroient soustenir sur les pieds, & romberoient en grand peril de mort. Et pource ne doit-il les leuer de l'air sinon tant grans & rât forts, qu'ils puissent bien resister au froid, & se soustenir sur les pieds. Et le doit on soudain mettre sur perche ou billot de bois, afin qu'ils puissent mieux tenir & mener leur pennage, sur le degaster & froisser contre la terre. Nommement doiuent estre puz de chairs bonnes, fraisches & viues, tant qu'on en pourra recouurer: car c'est le seur & certain moyen de leur faire auoir beau pennage. Si dit maistre Michelin, que pour bien gouverner vn Faucon niais & le garder de ce mal de reins, il faut mettre dessoubs luy en la forme d'une herbe qui ressemble à du seuz, ayant graine noire, qui vulgairement est nommee Hieble: pour ce qu'elle est chaude de sa nature: & au surplus est fort souveraine contre le mal de goutte & de reins qui pourroit par delicatesse ou froidure aduenir à ces oiseaux qui sont prins ieunes en l'air ou au nid.

Par

Par quels moyens on peut voir si les Faucons ont poulx ou mousches: & s'ils en ont, comment on les peut oster, ou faire mourir.

CHAP. XXVII.

SI vous voulez esprouver quand vostre oiseau aura poulx ou mousches: pour bien tost vous en appercevoir, le vous faut seulement mettre & exposer au Soleil de midy lors qu'il est en sa grande ardeur, & au dessus du vent: & s'il a poulx, incontinent sentans la chaleur ils ne faudront à sortir & se monstrent pardessus les plumes: Ordit maistre Cassian, que pour oster ou faire mourir lesdits poulx, faut auoir orpigment, & en faire pouldre bien subtile, & ceste pouldre meller avecques pouldre de poiure bastu, en moindre quantité toutesfois que l'orpigment: Puis prendre dextrement vostre oiseau, & le tenir de maniere qu'il ne se puisse en rien offencer ne rompre le pennage: & de ces pouldres, ainsi que dit est, mixtionnees, luy pouldrer l'une des aïsses, & puis l'autre, & puis le demourant du corps doucement & gracieusement: Ce fait le mettre sur le poing, & l'arroser, en forme d'aspergement, avecques la bouche d'un peu d'eau nette & fresche: puis le tenir au feu ou au Soleil iusques à ce qu'il soit bien sec. Puis apres quand le voudrez paistre, arrosez luy un peu le beq avec eau fresche, afin de luy leuer & faire perdre la saueur de l'orpigment. Mais soit aduisé le Fauconnier, que son oiseau ne soit trop maigre & affamé, lors qu'il le voudra orpigner: car l'orpigment luy pourroit nuire, s'il le trouuoit bas. Aussi dit Maistre Molopin que pour ce mesme effait, vous pouuez pareillement user de l'orpigment tout à part soy, & du poiure aussi sans orpigment: mais que usant du poiure seul, sera bon d'y meller un tiers de cendre, pour rompre la pointe & force dudit poiure pourueu qu'icelle cendre soit bien passée & meslée avecques le poiure. Ce faisant vous pourrez tenir vostre oiseau garenty des poulx & mousches pour toute l'annee.

Quand l'oiseau pend & traine l'aïsse, par qu'il moyen on la luy peut faire leuer & soustenir.

CHAP. XXVII.

N

LIVRE QVATRIESME



Duient souuent qu'oiseaux nouuellement prins, & mis sur le poing, ou sur la perche, ou en mains de personnes qui ne les sçauent pas bien gouverner, ils se debattent, & eschauffent: & puis se refroidissent, entreprennent, & roidissent: de maniere que puis apres ils ne peuuent plus redresser ne soustenir leurs ailes. Pour remede à ce mal enseigne maistre Molopin la medecine qui ensuit; Prenez, dit-il, de fort bon vinaigre, & en arrosez vostre oiseau auecques la bouche dessus & dessous: mais gardez qu'il ne luy en entre aux narilles: puis le mettez au feu ou au soleil, & luy continuez ce traitement deux ou trois iours. Au bout desquels, si voiez qu'il luy soit amendé, ne luy faites autre chose: Mais si pour tout cela il ne sera en rien amendé, mettez-le dedans vn eau: & par force de se debatre releuera & redressera ses ailes. Sortant de l'eau le faudra mettre au soleil, & le tenir chaudement: car si vous le laissez refroidir, il seroit pis que deuant.

Si les oiseaux de fortune, se sont cassé, froissé, ou rompu quelques pennes des ailes, ou de la queue par quels moiens on les doit raconstrer, & enter s'il en est besoing.

CHAP. XXVIII.



Ouent eschet que les oiseaux se froissent cassent, ou rompent les grosses pennes des ailes ou de la queue, par la faute des Fauconniers, ou autres qui les gouvernent: Lesquels les ayans mis sur la perche, les attachent long, & laissent le gand pendre au bout des longues: & par ce moyen s'empeschent & empestrel'oiseau en se debattant, tellement qu'il ne se peut redresser, & à force de se debatre se froisse, casse, ou rompt quelque penne. Autrefois leur aduient ce mesme inconuenient, quand s'estans iettez sur la proye par eux poursuuie, suruiennent les chiens, qui chauds & gourmands se iettent de violence sur la proye & sur l'oiseau, & luy rompent ou arrachent quelque penne, En plusieurs autres manieres se peut aussi l'oiseau gaster lesdites pennes, qui seroient longues & superflues à reciter: Mais le principal est, quand le mal est aduenu, d'y sçauoir donner bon & prompt remede. Or dit maistre Cassian que si vne penne estoit seulement ploice & froissée par quelque for-

ce, sans qu'il y eust autre cassure ou rupture : faut prendre eau chaude, & en laver la penne froissée, de façon qu'elle devienne bien tendre à l'endroit de la froissure : puis l'estindre avecques les dents à fin de la redresser & remettre en son premier estat. Puis soit prise vne coste de chou, & mise sur les charbons tant qu'elle soit bien chaude, puis fondue & mise sur la froissure, en l'estraignant de façon que la penne se puisse voir toute redressée & revenue en sa premiere forme, Mais si la penne estoit tellement rompue qu'il fust besoing de l'enter, toutesfois fust la coste de dessus seulement froissée, & autrement entiere sans rupture, ou cassure, & tout le surplus du dedans de la penne rompu, & coupé iusques à ladite cote ou cottes de dehors : en ce cas vous la pourrez enter de la façon qui ensuit. Vous ferez avec vne aiguille vn pertuis de chascue costé de la rupture, rapportant droictement & iustement l'un à l'autre : puis prendrez vne autre aiguille enfilee, laquelle mettrez & ferez passer par lesdits trous ou pertuis le cul deuant avecques son fil : & la pousserez tant auant, que vous faciez venir aboutir la pointe de l'autre part : puis l'ostez, & tirez tout bellement le fil, de façon que tout vienne à ioin dre & serrer ensemble. Lors pourrez couper le fil au plus pres : & par ce moyen demeurera la penne entee à son droit fil, & se portera beaucoup mieux que si elle estoit coupee tout outre : Car la coste ou cottes demeurant par dessus entiere, sera cause que la penne sera mieux soutenue. Autre moien a enseigné M. Michelin pour enter penes rompues tout à fait, & lors qu'il les faut reioindre & enter de deux pieces : Prenez, dit-il, des aiguilles que tous Fauconniers cognoissent, & ont expres pour enter penes : Et si le bout de la penne rompue, qui est demeuré vers l'oiseau, est d'auenture fendu, sont relié avecques du fil : & soient voz aiguilles mouillées dedans eau salée, ou ficees dedans vn oignon, afin qu'elles prennent mieux & afin, que la penne entee se maintienne. Encores a monsté M. Cassian vne autre belle maniere d'enter penes en tuyaux : Si vne penne, dit-il, est rompue en tuyau, & vous y voulez faire rentrer & racommoder la penne mesme qui en a esté rompue (pource qu'elle reprendra & s'accommodera mieux qu'une autre penne estrangere) : prenez vn autre tuyau plus menu, & qui puisse entrer dedans le tuyau qui tient à l'oiseau : & l'entrez & faites enter de l'autre part pareillement dedans le tuyau du bout de la penne rompue, & separee du corps de l'oiseau de telle façon que les deux extrémités se viennent bien iustement à serrer & ioin dre ensemble. Puis apres

LIVRE QVATRIESME

d'une grosse aiguille ou d'un alesne bien menuë faites deux pertuis de part & d'autre de la jointure : & d'une petite plume d'aile de perdrix ou de coulom (que vous aurez escorchée par dessus, tant qu'il n'y sera demouré que le tuyau net & simple) & du plus menu bout d'icelle vous emplirez les pertuis susdits, de la mesme façon que l'on ferre vne aiguillette : ce que ferez en sorte que ladite petite plume ainsi passée au trauers desdits pertuis soit bien tirée & apparente de part & d'autre : & apres l'auoir dextrement couppee & bien riuée , afin qu'elle ne puisse eschapper , vous pourrez lors asseurer que vostre penna sera bien entee.

Quand vne penna est arrachée par force, ou tirée en sang, quel moien il y a de la faire reuenir sans offense de l'oiseau.

CHAP. XXIX.



Vand à l'oiseau aura esté arrachée penna par force, M. Aimé Cassian a enseigné d'y remedier par le moien qui ensuit. Prenez, dit-il, vn grain d'orge ou d'auoine, & le coupez vn peu par le bout, puis l'engressiez ou oignez d'un peu de Theriaque, & le mettez dedans le pertuis de la penna arrachée, à fin qu'il ne vienne à se clorre, & que la penna nouuelle puisse sortir plus à son aise : neantmoins deuez-vous croire que telles pennas ne reuiennent iamais ne si belles ne si fortes que les autres. Or si vne penna a esté tirée en sang, ledit M. Aimé Cassian conseille, prendre promptement le grain d'orge ou d'auoine dessusdit engressé de Theriaque, & couppe par le bout comme dessus, & le mettre dedans le pertuis de la penna tirée, de façon que le bout en faille & se voie par dehors : afin que au bouter que fera la nouuelle penna il soit plus prompt & prest à yssir. Combien que ce soit bien grand auéture d'en voir iamais sortir penna qui vaille : de fait, tirer penna en sang est beaucoup plus dangereux que les tirer en toute autre maniere.

Si l'oiseau a l'aleine puante, quelle en est la cause, & quels moyens sont bons pour y donner remede.

CHAP. XXX.



L'adient aucunes fois que les oiseaux ont l'haleine puante: & ce leur prouient de deux causes. L'une pour ce qu'ils ont esté pus de chairs, sales, puantes, & non lauees: & lesquelles auparavant les paistre, n'ont pas esté trempées, en hyuer en eau chaude, en esté en eau fresche & nette. Et à ceste occasion & de la corruption desdites chairs, qui se corrompent en leur estomach, leur montent fumees puantes en la gorge & au cerueau, qui leur rendent l'haleine ainsi mauuaise & puante. L'autre est à cause de quelques grosses & mauuaises humeurs concreées & assemblees de longue main au corps & en la teste de l'oiseau, à faute de le curer & purger en temps & saison conuenable. A ceste cause seroit besoin que iamais chairs grasses ne se donnassent aux Faucons, sans tremper vne heure ou deux auant que les paistre: car cela leur seroit grand moyen de ce maintenir en santé.

Si dit M. Aimé Cassian que pour remedier à telle puanteur d'haleine, faut en premier lieu faire la composition de la medecine dessusdite, qui se fait de lard, de mouëlle de bœuf & sucre, & en former trois pillules qui seront de la grosseur d'une febue, baillées par trois diuerses matinées à l'oiseau: lequel sera puis apres tenu au feu ou au soleil, iusques à ce qu'il ait esmeuty par trois ou quatre fois, & par ce moyen se soit bien purgé: puis deux ou trois bones heures apres, sera pu de quelque bon past vis. Ces trois iours passez, & apres ladite purge, soit pris Romarin, & seché au feu ou au four, puis mis en pouldre, prenez aussi deux ou trois clouds de girofle, & les rompez & froissez vn peu avecques les dens: & de ces deux simples bien meslez ensemble faites vne pillule, laquelle vous ferez sur le vespre prendre à vostre oiseau enuelee en peu de cotton: & la luy mettant en la gorge ferez tant qu'il l'auale & mette bas: luy cōtinuant ainsi par quatre ou cinq iours. mais soit mis puis apres l'oiseau en lieu où la cure se puisse retrouver & voir la matinée ensuiuante. Ces quatre ou cinq iours passez, vous luy en pourrez puis apres faire prendre autant de cinq en six iours, iusques à ce qu'il soit bien remis en sa bonne haleine. Encores luy vaudra ce traitement pour le descharger des rheumes de la teste, & le garentir de toutes manieres d'aiguilles & filandres qu'il pourroit auoir dedans le corps. Mais sur tout en tout temps, & en toute disposition que puisse estre vostre oiseau gardez-vous de luy donner chair froide qui ne soit trempee & bien lauee.

LIVRE IIII. DE FAVCONNERIE,

Conclusion de l' Auteur.

CHAP. XXXI.

Jusques icy, mes bons seigneurs, vous ay-ie redigé par es-
crit en petit ce traité, les principaux secrets de ce noble
art de Fauconnerie, selon ce que i'en ay peu apprendre
& recueillir de ces trois excellens & experts Fauconniers
cy dessus nommez. Lesquels i'ay veus & cogneus si bons
maistres, estant renommez en cest art, que i'ay tousiours creu & pen-
sé faire tort à vous autres mes bñs seigneurs, & à toute la posterité des
Gentils-hommes soy delectans à la Fauconnerie, si i'en en laisoie quel-
ques memoires par escrit pour les adresser & redresser en toutes cho-
ses qui peuuent concerner la santé & le bon traitement des oiseaux
Vray est que ie ne me suis pas beaucoup amusé à faire particuliere &
entiere enumeration de tous oiseaux qui chassent & prennent le gibier
& la proye: ny pareillement à enseigner les moyens de les affaier &
rendre adroits & proüpts au vol & à la chasse du gibbier: pource que ce
ne sont pas des plus exquis points de la maistrise: & que plusieurs gens
de bien en ont ja deuisé, & en pourront d'oresnauant faire entendre
par leurs escrits, ce qu'ils en ont en la phantasie. Ains me suis singu-
lierement arresté à monstrier les moiens & subtilitez de conseruer les
Faucons en leur santé, lors qu'ils sont sains: & de les guarir & remettre
en bon estat lors qu'ils sont malades. Quoy faisant, si vous trouuez li-
sant ce traité, que ie vous aie donné quelque bone adresse, sachez en
gré aux trois maistres dessusdits. Mais aussi prenez en bonne part le
labeur que i'y ay tres volontiers employé à la faueur & soulagement
de voustous, noble & gentils esprits, qui ayez le deduit du vol de
l'oiseau, & l'adresse qui par l'art s'y peut retrouver pour la perfectiõ &
auancement du plaisir que chacun de vous en doit recevoir. A Dieu.

Fin de ce quatriesme Liure.

**La Fauconnerie de Guillaume Tardif,
du Puy en Vellay, Lecteur du feu
Roy Charles huitiesme du
nom, & à luy dediée.**

AV ROY TRES-CHRESTIEN
 CHARLES HVICTIESME, GVILLAVME
 Tardif du Puy en Vellay, son Liseur, tres-
 humble recommandation supplie
 & requiert.



DES LORS que Dieu vous doia du nom de tres- Chrestien Roy de France, S I R B, mon naturel, souverain & unique Seigneur, ie vostre tres-humble & tres-obeissant seruiteur, vous dedie mon mediocre engin & science. Car apres plusieurs œures qu'à vostre nom ay composees par vostre commandemēt, & pour recreer vostre Royale Majesté entre ses grans affaires, vous ay en un petit liure, redigé tout ce que i ay peu trouuer servir à l'art de Fauconnerie. Lequel liure ay translate en François, des liures en Latin du Roy Daucus, qui premier trouua & escriuit l'art de Fauconnerie, & des liures en Latin de Moamus, de Guillinus, & de Guicennas, & colligé des autres bien sçauans audit art, briuelement & clairement en ordre par rubriques & chapitres, laissant les medecines difficiles à trouuer, ou à faire, ou dangereuses pour l'oiseau, ou non approuuee par les experts, & par l'art de medecine. Les noms des medecines, qu'on nomme drogues, qui ne sont en l'usage François, sont escrites en la langue de laquelle sont les Apothicaires. C'est œure a deux parties, la premiere enseigne à cognoistre les oiseaux de proye desquels on use, les enseigner & gouverner, & les medecines pour les entretenir en santé. La seconde enseigne les maladies de dictz oiseaux & les medecines d'icelles.

L A

PREMIERE PARTIE.

E Spece des oiseaux , & du masse & de la femelle. 54.a

Especies de l'Aigle , & de sa nature. mesme fueillet. b

Du Faucon , & de ses especes , & de la condition & forme. 55. b

Del'Esmerillon. 57. c

Du Lanier. mes. fueil. b

Du Sacre. 58. a

Du Gersaut. 59. a

Del'Autour grand & petit. mes. fueil. b

Del'Esperuier. 60. b

Comme on cognoist sa bonté. 61. a

Comme il le faut chiller. mes. fueil. b.

Comme il le faut affaiter. 62. a

Maniere de le faire voller. 63. a

En quel temps on prend les oiseaux de Fauconnerie au nid & en l'aire. mes. fueil. b

Que c'est nyais brancher , ramage , & lor. là mes.

Pour desgluer l'oiseau. 64. a

Pour froissure & enteuure des pennes, mes. fueil.

Du past , & de la chair bonne ou mauuaise , du lauement des chairs , & de leurs natures. mes. fueil. b

Remede à l'oiseau qui mange trop tost. 65. a

Remede au bec rompu ou desioinct. mes. fueil. b

La cause de la soif de l'oiseau. là mesme.

Si l'oiseau ne peut esmutir. mes. fueil.

La maniere de l'entretenir en santé & le garder de maladie. 66. a

De la cure qu'on donne à l'oiseau. mesme fueil.

Pour le purger , & faire bon ventre. 67.

Pour luy esslargir le ventre & le boyau. mes. fueil. b

Maniere de baigner l'oiseau. là mesme. S'il est enuuenimé pour se baigner.

mes. fueil.

Comme on cognoist la santé de l'oiseau. 98. a

Comme on cognoist s'il digere mal. mes. fueil.

Quand il n'enduit bié sa gorge. là mes. b

Pourquoy il la rend. mes. fueil.

S'il a l'appetit perdu. 69. a

Recepte pour mettre l'oiseau sus , & les signes de maigreur ou maladie. mes. fueil.

Maniere de porter l'oiseau & l'accoustumer avec les Chiens. là mes. b

Pour luy faire soustenir les ailes. 70. a

Pour faire l'oiseau au leurre , & au gib-bier. mes. fueil.

Renoueler ongle rompu. là mes. b

A bien faire reuenir l'oiseau. là mes.

Pour luy faire auoir faim. 71. a

Afin qu'il ne perche en arbre. mes. fueil.

Quand il n'a volonté de voller. mes. fueil.

A oiseau egaré qu'il est de faire. là mes. b

Pour rendre l'oiseau hardy à sa proye. mes. fueil.

A faire le Lanier Gruyer. mes. fueil.

A faire hayr à l'oiseau vne proye. 72. a

De la mué de l'oiseau de proye. mesme fueillet.

S'il engendre œufs en la mué ou ailleurs. 73. a

S'il sort gras de la mué & orgueilleux. mesme fueil.

Quand il pert le manger apres la muë.
mes. fueil. b
Muer le pennage de l'oiseau en blanc.

là mesme.
Empeschement de se battre en perche.
mes. fueil.

SECONDE PARTIE.

C ommuns signes des maladies des oiseaux. 74. b	Pour estancher la veine. mes. fueil.
Contrerheume. mes. fueil.	Remede à oz rompu, ou hors de son lieu. 80. a
Si l'heume est sec au cerueau. 75. a	De l'oiseau qui a le foye eschauffé. mes. fueil.
Remede au rheume engendré par fu- mee, ou par poudre. mes. fueil.	Maladie du poulmon. 80. b
Contre l'epilepsie & haut mal. là mes. b	Contre a/me & pantalais. mes. fueil.
Pour resueiller l'oiseau. mes. fueil.	Du sang figé. 81. a
Contre opilation & surdité. 76. a	Des filandres. mes. fueil. b
A l'enfleure & viscosité des paupieres. mesm. fueil.	Des aiguilles, 82. a
A l'enfleure des yeux. là mes.	Apostumes dedans le corps. mes. fueil.
Au mal des yeux. mes. fueil. b	Contre le mal subtil. mes. fueil. b
Du mal de chancre. mes. fueil.	Pour refroidir grande chaleur de l'oi- seau. 83. a
Remede à la pepie. mes. fueil.	Contre les fieures. là mes.
Contre le flegme du gosier. mes. fueil.	Contre les ventositez. mes. fueil.
Des sangsues. 77. a	Contre la Pierre. là mes. b
Des filandres, & leurs especes. mes. fueil.	A l'enfleure de cuisse ou de iambe mes. fueil.
Si l'oiseau a raucité seche. là mes. b	Aux Filandres des cuisses, le remede. 84. a
S'il a l'haleine puante. mes. fueil.	Aux enfleures des pieds. mes. fueil.
Remede aux poulx. 78. a	Contre cloux des pieds. là mes. b
Remede à la taigne. mes. fueil.	A la podagre & galle remede. mes. fueil.
Si l'oiseau herissonne, le remede. 79. a	Quand les ongles se descharuent. 85. a
Quand il tremble & ne se peut souste- nir. mes. fueil.	Si l'oiseau se roge les pieds. mes. fueil. b
S'il est heurté. mes. fueil.	S'il a vessie en la plante des pieds. mes. fueillet.
Quand il s'est blessé en heurtant & y a playe. là mesme b	

Fin de la Table.



La premiere partie de la Fauconnerie

PAR GVILLAVME TARDIF DV

PVY EN VELLAY.

*En laquelle est traitté comme on cognoist les oiseaux de
proye , comme on les enseigne , & gouverne , &
comme on les entretient en bon point &
bonne santé.*

*Des especes des oiseaux de proye, desquels on vse en l'art de Fauconne-
rie, & de la nature du masle & de la femelle.*

CHAPITRE I.



ES oiseaux de proye, desquels on vse en l'art de Fauconnerie, sont de trois especes: qui sont l'Aigle, le Faucon , & l'Autour. Desquels oiseaux nous parlerons cy apres séparément, & par chapitres.

La femelle des oiseaux viuans de rapine est plus grande que son masle, plus forte hardie, fine & caute. Le masle des oiseaux qui ne vivent point de rapine, est plus grand & plus beau que sa femelle.

Oij

PREMIERE PARTIE



*De l'Aigle, de ses especes, de sa couleur & forme des noms diuers d'elle selon
diuerfes langues: quand elle doit estre prinse, quand elle doit fuir
ou nom, & le remede a ce: de la proie d'elle. Le remede
aux Aigles gastans le gibbier*

CHAP. II.

Aigle a deux especes: l'une est appelée Aigle absolument, l'autre est nommée Zimiech. Rouge couleur en l'Aigle, & les yeux profonds, principalement si elle est née és montagnes Occidentales, est signe de bonté. Rouffe Aigle est bonne, sans doute. Blancher sur la teste, ou sur le dos de l'Aigle, est signe de meilleure Aigle, laquelle est appelée en langue Arabique Zummach, en

Syriaque Meapan, en Grec que Phidalephe, en Latine Milion, l'Aigle doit estre prinle petite, car la cōdition d'elle, est d'accroistre en audace & astuce. Quand l'Aigle part du poing, & volle autour d'iceluy, ou en terre, c'est signe qu'elle est fugitiue. Au temps que les oiseaux sont en amour & s'apparient pour faire generation, l'Aigle communémēt fait avec les autres: pourtant mettez au past d'elle vn peu d'arsenic rouge, autrement nommé orpigment, lequel luy mortifiera ce desir. Quand l'Aigle voulant espanouir la queue, tournoie autour d'icelle, & monte vers aucune partie, est signe qu'elle est disposée de fuir. Le remede est, lors luy ietter son past, & la fort rappeler, & s'elle ne descend à son dit past, c'est pour auoir trop mangé, ou pour estre trop grasse. Remede à ce. Cousez les plumes de sa queue, tant qu'elle ne les puisse espanouir, ne d'icelles voler: ou plumez le tour du fondement tout autour: lors par la froideur qui est en la sommité de l'air, ne taschera plus de voler si haut: mais adōc on doit doubter les autres Aigles, lesquelles elle ne pourroit pas bien euter ne fuir, pour ce qu'elle a ainsi la queue cousüe.

Quand l'Aigle vollant, tournoye sur son maistre, sans s'esloigner, c'est signe qu'elle ne fuira point.

L'Aigle prend l'Autour, & tout autre oiseau de rapine, parce qu'elle les voit porter les gets, lesquels elle cuide estre past: & pour ceste cause tache de les prendre, & n'y sçait on autre cause: veu que quand elle est au desert, elle ne fait pas ainsi.

Pour euter l'Aigle, on doit oster les gets de son oyseau, quand on le veut faire volier: autrement l'oyseau, par quelque industrie qu'il eust, ne se sçauroit deliurer de l'Aigle. l'Aigle dicte Aigle absolument, prend le Lieure, le Renard, la Gazele.

L'Aigle nommée Zimiech, prend la Grue, & oiseaux moindres. Quand il y a Aigles, gastāt le gibbier, le remede est: Cousez les yeux à vne Aigle, en luy laissant peu d'ouuerture pour voir la clarté: & dedans le fondemēt mettez vn peu d'assa-foetida, puis cousez ledit lieu. Et aux iambes d'elle, liez aïsse, ou chair, ou drapeau rouge, lesquelles Aigles cuideront estre chair, la faites volier, & en vollant, & se descendant iettera les autres bas, ou s'en fuiront: laquelle chose elle ne feroit, n'estoit la douleur que luy fera ce que dit est, mis dedans son fondement.

PREMIERE PARTIE



Du Faucon, quand il doit estre prins, de sa bonne forme & condition, de ses especes, couleurs gouuernement & proye: & comme on le doit tenir hors du poing.

CHAP. III.

LAucon qui est prins petit deuant la muë, est le meilleur. La bonne forme du Faucon, est teste ronde, & pleine sur le haut, le bec gros & court, le col fort long, la poitrine bien large, grosse charnuë & nerueuse, dure & forte d'ossemens: & pour ce se

confiant à la poictrine, frappe d'icelle, & ayant les cuiffes menues & foibles, il chaffe des ongles hanches pleines, ailes longues, & sur la queue croiffans, queue courte, & tost volubile, cuiffes grosses, jambes courtes, plante large, molle & verte, plumes legieres, occultes, peu & parfaites. Tel Faucon prendra les Grues, & grands oifeaux. La condition du Faucon est, qu'il est plus qu'autre oyleau hardy, viste à voller, & à reuenir: fugitifs toutesfois & auaricieux aussi de proie, pour laquelle cause il volle roidement & soudainement, & frappe souuent en terre & se tue. Le Faucon a dix especes: qui sont, Obuier, Emerillon, Lanier, Tunicien, Gentil, Pelerin, de Passage, Montaigner, Sacre, & Gerfaut. De l'Emerillon, Lanier, Sacre & Gerfaut est cy apres separémēt par chapitres escrit. Faucon Tunicien est ainsi appelé, par ce qu'il naist communémēt au pays de Barbarie, & que Tunes est la principale cité d'iceluy pays, en laquelle abonde la vollerie dudi & Faucon. Il est aussi de la nature du Lanier, vn peu plus petit sur tels pieds de tel pennage, mieux croyant, plus long de vol, teste grosse & ronde, bien montante, bon à riuiera & aux champs, aux lieues & autres gibbiers.

Faucon Gentil est bon heronnier dessus & dessous, & a toutes autres manieres d'oifeaux: comme aux Rousseaux, ressemblans au Heron, Esplugneaux, Poches, Garfottes & specialement aux oifeaux de riuiera. Pour estre bon Gruier, faut qu'il soit prins nyais, car autrement ne seroit si hardy. Pour estre plus hardy l'oifeleras premierement sur la Gruë, veu qu'il n'a encore cogneu autre oiseau. Faucon Pelerin est ainsi nommé, pource qu'on ne sçait où il naist, & qu'il est prins en Septembre, faisant son pelerinage ou passage es Isles de Cypre, & de Rhodes. Le bien bon est de Candie, il est hardy, vaillant, & de bon affaire: il est bon à la Grue, à l'oiseau de Paradis, qui est vn peu plus petit que la Gruë, ou au Heron, Rousseaux, Esplugneaux, Poches, Garfottes, & autres de riuiera: à l'oye sauage, Ostarde, Oliues, perdrix, & autres menus. Faucon de passage, autrement dict Tartarot de Barbarie, est dit de passage comme est le Pelerin. Et est dit de Barbarie, pour ce qu'il fait son vol & passage par le pays de Barbarie, & qu'on en prend là plus qu'ailleurs. Le bien bon est de Candie, il est vn peu plus grand & gros que le Pelerin, roux dessous les ailes, bien empieté, longs doigts, bien volant hardy à toute maniere de gibbier, comme dict est du Pelerin. Le Pelerin & de passage peuuent voller tout le mois de May, & de

PREMIERE PARTIE

Iuin, pour ce qu'ils sont tardifs en leur muë:& quand ils commencent à muer, se despouillent prestement.

Faucon montaigner est de brune couleur, & s'il est sain, il est des autres le meilleur: il est grand & hardy, prenans grans & non petis oiseaux difficile à gouverner & garder. Il le faut plus porter & faire veiller qu'autre Faucon, & doit estre entretenu entre gras & maigre. Quand il sera malade, faites luy bouillir bien fort au four eau nette en pot de terre, & la mettez deuant luy, & l'induisse à en boire. Quand le voudrez purger & amaigrir, ferez trois cures de peau de geline, lesquelles troisiours luy donnerez. Pour le garder sain, oingdrez vostre gand de musc. Et quand le voudrez faire voller, iettrez-le deuant que les autres: combien qu'il ne prenne rien, si reuiendra il au vol des autres. Noir Faucon, comme dient les Alexandrins, est le meilleur, neluy donnez point chair mouillée, sinon qu'il soit orgueilleux, portez-le sur le poing, plus qu'autre Faucon, ne l'ennuyez point outre son vouloir, & le traictez benignement: gardez qu'il ne voye Aigle, car apres ne prendroit oiseau, & qu'on ne luy prenne les pennes. Quand le ietterez sa proye, gardez de mal duire vostre main, car il perdrait lors courage. Rouge Faucon est souuent trouué es lieux plains, & en marais: il est hardy, mais difficile à gouverner, pourtant deuant qu'il volle, donnez luy trois purgations de cuir de geline lauee en eau,

puis le chauffez, & le mettez en lieu obscur par aucun espace de temps, puis apres faites le voller.

Faucon qui a plumes blanches est hardy, & bon: quand il est sor.: ne le fais point voller qu'il n'ait mué
car apres la muë il
est bon.

De



*De l'Emerillon de sa forme, de son vol, de sa proye,
& quand il doit estre oiselé.*

CHAP. IIII.

L'Emerillon est de forme de Faucon, plus petit que l'Esperuier, plus volant qu'autre oiseau : prenant toute volaille que prend l'Esperuier, principalement, petis oiseaux, comme moineaux, alouettes, &c. semblables, & les poursuit de merueilleux courage. Il doit estre oiselé en huit iours, car apres ne vaut rien.

PREMIERE PARTIE



Du Lanier, de sa naissance, de sa forme, de son pást, &c. de sa proye.

CHAP. V.



LE Lanier est assez cōmun en tous pays. Il est plus petit que le Faucō Gētil, beau de pēoage, plus court empieté qu'autre Faucon. Celuy qui a la teste grosse, les pieds plus sur le bleu soit, niais ou sot, est le meilleur. Il n'est point dāgereux en son viure. Il est cōmun pour voler sur terre & sur riuere.



Du Sacre, de ses especes & naissance,, des noms d'icelles especes, quand il doit estre prins, de sa forme, condition & proye.

CHAP. VI.

IL y a trois especes de Sacres. La premiere est appellee Seph, selon les Babyloniens & Assyriens. Il est trouué en Ægypte, & en la partie Occidentale, & en Babylone; Il prend Lieures & Biches. La seconde espece est nommee Semy, qui prend petites Gazeles. La tierce, est dicte Hynair, & Pelerin, selon les Ægyptiens & Assyriens: il est dit de passage, pource qu'on ne sçait où il naist, & qu'il fait son passage tous les ans vers les Indes ou vers le midy. Il est prins és aïles de Leuant, en Cy.

PREMIERE PARTIE



Du Lanier, de sa naissance, de sa forme, de son pást, & de sa proye.

CHAP. V.



LE Lanier est assez cōmun en tous pays. Il est plus petit que le Faucō Gēril, beau de pēnage, plus court empieté qu'autre Fancon. Celuy qui a la teste grosse, les pieds plus sur le bleu soit, niais ou sot, est le meilleur. Il n'est point dāgereux en son viure. Il est cōmun pour voler sur terre & sur ruiere.



Du Sacre, de ses especes & naissance,, des noms d'icelles especes, quand il doit estre prins, de sa forme, condition & proye.

CHAP. VI.

L y a trois especes de Sacres. La premiere est appellee Seph, selon les Babyloniens & Assyriens. Il est trouué en Ægypte, & en la partie Occidentale, & en Babylone; Il prend Lieures & Biches. La seconde espece est nommee Semy, qui prend petites Gazeles. La tierce, est dicte Hynair, & Pelerin, selon les Ægyptiens & Assyriens: il est dit de passage, pource qu'on ne sçait où il naist, & qu'il fait son passage tous les ans vers les Indes ou vers le midy. Il est prins és aïles de Leuant, en Cy-

PREMIERE PARTIE

pre Candie, & Rhodes, pource dit-on qu'il vient de Russie, de Tartarie, & de la mer Maior. Le Sacre prins apres la mue, est le plus vifte, & le meilleur. Le Sacre est plus grand que le Pelerin, laid de pennage, cour empieté, & hardy. Le meilleur est, celuy qui a couleur rouge, ou tannée, ou grise: & qui est en forme semblable au Faucon, qui a grosse langue, & pied leger, ce qu'on trouue en peu de Sacres, doigts gros, & tendans à couleur de bleu effacé. Le Sacre est des oiseaux de proye le plus laborieux, paisible, & traictable, & qui fait meilleure digestion de gros past. La proye du Sacre, sont grands oiseaux, comme Oyes sauvage, Grue, Heron, Butor, & singulierement bestes à quatre pieds siluestres, comme Gazeles & autres.



Du Gerfaud, de sa naissance, de sa forme, condition, & proye.

CHAP. VII.

E Sparties froides, & en Dacie, Nonergue, & Prusse, naist le Gerfaud: mais il est prins communément en faisant son passage en Allemagne. Il est bien empieté, doigts longs, grand, puissant, beau spécialement quand il est mué, & si est fier & hardy, dont il est plus difficile à faire: car il desire main & maistre paisible. Il est bon à tout gibbier.



Del Autour, de ses especes & generation, de sa bonne forme & condition, les signes d'audace & de force: & du bon petit Autour, de ses mauvaises formes & conditions, & de sa proye.

PREMIERE PARTIE

CHAP. VIII.

Ly a cinq especes d'Autour. La premiere & plus noble est l'Autour qui est femelle. La seconde, est nommee demy Autour, qui est meigre & peu prenant. La tierce, est le Tiercellet, qui est le malle de l'Autour, & prend les perdrix, & ne peut prendre les Grues. Il est nommé Tiercellet, car ils naissent trois, en vne nyée, deux femelles & vn malle. La quarte espece est l'Esperuier, qui prend toute volatille que prend l'Autour, excepté les grans oiseaux. La cinquiesme est nommee Sabech, lequel les Égyptiens nomment Baidach, qui ressemble à l'Esperuier, & est moindre que luy, & a les yeux celestes comme bleuz. Autour d'Armenie & de Perse est le meilleur, & apres celuy de Grece, & dernièrement celuy d'Afrique. Celuy d'Armenie a les yeux vers, & le meilleur d'iceux, est celuy qui a les yeux & le dos noir. Celuy de Perse est gros, bien emplumé, les yeux clairs, concaues, & enfoncez, sourcils pendans. Celuy de Grece à grand teste, col gros, & beaucoup de plume. Celuy d'Afrique a les yeux & le dos noir, quand il est ieune, & quand il muë les yeux luy deuient rouges. Au temps que les oiseaux sont en amour, quand ils s'appariēt pour faire generation, toutes especes d'oiseaux de proye s'assemblent avec l'Autour: comme Faucon, Sacre, & autres viuans de rapine: à ceste cause les conditions des Autours sont diuerses, en bonté, audace & force, selon leur diuerse generation. La meilleure forme d'Autour est telle: vn bon Autour doit estre pesant, comme ceux de la grande Armenie. En Syrie, on achapte les oiseaux de proye & de Fauconnerie, au bois, & le plus pesant vaut mieux, de la couleur & condition d'iceux ne leur chaut. Blanc Autour est plus gros, beau facile à enseigner & plus foible entre les autres, car il ne peut prendre la Grue. Et pour ce qu'il est nay en lieu hault, & qu'il endure mieux le froid, qui est en l'air hault, il est bon pour voller oiseaux de telle condition. Autour tendant à noir, & qui a plume superflue sur la teste, descendant sur le front, comme vne perruque, est bel, mais il n'est pas fort. La bonne forme d'Autour est, d'auoir teste petite, face longue & estroite, comme le Vautour, & qui ressemble à l'Aigle, le gosier large, par lequel passe le past, yeux grands, parsons, & en iceux petite rondeur noire, narilles, oreilles, croupe, & pieds larges & blancs, bec long & noir, le col long, la poitrine grosse, la chair dure, les cuisses longues, charnues, & distantes les os des jambes & des genoux, doivent estre courts, les ongles gros & longs. La forme des le fondement

del'Autour iusques à la poitrine, doit estre cōme en rondeur accroissant. Les plumes des cuisses vers la queue doivent estre larges, & celles de la queue doivent estre courtes, peu rouffes, & molles. La couleur qui est sous la queue, est cōme celle qui est en la poitrine, & sur chaque plume, ou lignes noires, qui sont sur la queue à aucune trancheure: la couleur del'extremité des plumes qui sont en la queue, doit estre noire en la partie des lignes. Des couleurs, la meilleure est rouge, & tendant à noir, ou à gris clair: Signe de bon Autour est, astuce de courage, desir & abondance de manger, bequer souuent son past, prise soudaine de son past sur le poing, comme si on le iettoit, digestion longue, force d'assaillir: Le signe d'audace en l'Autour est tel, lie-le en lieu clair puis obscur de clarté, apres touche le soudainement, & s'il saut, & s'assure sur le poing, c'est signe d'audace. Le signe de force en l'Autour est tel, lie les Autours en diuerses parties de la chambte, & celui qui esmutira plus haut, est le plus fort. Le signe de bons petis Autours, est d'auoir les yeux clairs & larges, & le cercle des oreilles & du bec, teste petite, col longs, doigts longs, plumes courtes. & cachees, chair dure, pieds vers, ongles larges & descharnez. digestion legere, la vuydange de la digestion large, esmutir loing. Si au bout du bec, y a aucune noirce, c'est bon signe. La mauuaise forme d'Autour, tāt en petits qu'en grands, est quand il a la teste grande, col court, les plumes du col meslées & inuolues, fort emplumé, chacun est mol, cuisses courtes & gresles, iambes longues, doigts courts, couleur tannée, tendant à noir, & aspre sous les pieds. Autour qui en saillant de la maison, semble qu'il saille de la muë, & qui a plumes grosses, les yeux rouges cōme sang, qui sans repos se debat, & quand il est sur la perche, rasche saillir au visage: s'on l'ameigris, il ne le peut porter: s'on l'engraisse, il s'enfuit pourtāt tel Autour rien ne vaut. Paoureux Autour est difficile à enseigner: car la paour luy fait fuir le poing & le lēurte, ou rappel. Autour qui a plumes pendans sur les yeux, & le blanc d'iceux fort blanc, couleur cōme rouge, ou tannée clair, a les signes de mauuaises conditions, & de non reuenir au rappel: si Autour de telle forme est trouué de bōne condition, il sera tres-bon. Aucunes fois, mais peu souuēt, est troqué Autour de mauuaise forme & condition: tout au contraire au bons signes de Autour, qui sera leger, frais, peu souuent las, & qui prendra les grands oiseaux. La proye de l'Autour est, Faisand, Malard, Cane, oye sauvage, Corneille, Connis, Lieures. Il fiert petit Cheureul, & l'empesche tant que les chiens le prennent plus facilement.



Del'Esperuier, & de sa nature.

CHAP. XI.

LE m'amuseray vn peu à parler de l'Esperuier, pour autant qu'il est fort noble, & fort vñte en France: & aussi que qui sçaura bien voller, gouverner & affaier l'Esperuier, il sçaurapaisement tout le traictement, & la volerie des autres: ioint qu'o's'en peut ayder hyuer & este, & avec grand plaisir, pour les beaux vols qu'il fait: car chacun a endroit soy de quoy voler: & aussi qu'on en peut voler à toutes manieres d'oiseaux, car il est commun à tout, plus que tous les autres Faucons & oiseaux. Car l'Esperuier d'hyuer

quand il est bon, prend la Piele, l'ay, la Chouette, la Greffille, le Vanel le Videcaille, le Merle, le Coulon, & beaucoup de sortes d'autres oiseaux.

De l'Esperuier, de sa bonne forme & bonté

CHAP. X.



Es Esperuiers sont de plusieurs plumes. Les vns sont de menues plumes tousiours blâches: les autres sont grosses plumes que nous appellôs mauuaises. Si vous dirôs tât de leur façon, que de leurs plumes, lesquels sont les meilleurs. L'Esperuier qui est de bonne forme, est grand & court, & a la teste petite, espaulles larges & grosses, iambes grosses, pieds estandus, pennes noires. Le niais est bon, & reuient volontiers à son maistre. Le lor est difficile à affaiter, & sera bon s'il ne fuit les gens: pource qu'il a accoustumé la proye, parquoy il est plus courageux. Le meilleur de tous les Esperuiers, est celui qui a esté prins hors du nid, & a esté vn peu à soy, lequel nous appellons Branchier. Faut pour estre bon, qu'il ayt la tester ôdette par dessus, le bec assez gros, les yeux vn peu cauez, le cerne d'étour la prunelle del'œil de couleur entre vert & blâc, le col lōquet & grossier, grosses espaulles, & vn peu bossues, & ouuert vn peu endroit les reins, & affilé par deuers la queue, & que les ailes soient assises en allant au long du corps, si que le bout de les ailes voise sous la queue, & que la queue ne soit trop longue, mais qu'elle soit de bōnes pennes larges, qui soient affilees comme le bout d'vne espee: & qu'il ne soit trop haut assis, c'est à dire, qu'il n'ayt les iambes trop longues, mais soient plattes, & les pieds longs & deliez, & de couleur entre vert & blâc, & les ongles poignâs, bien noirs & petits. Que ses plumes trauersaines soiēt grosses & bien coulourees de vermeil, & les menues ensuiuent les plumes de la poitrine. que les pennes soyent larges: & qu'il ait le bruel meslé de mesles trauersaines, ainsi comme le corps, & que ses sourcils soient blâcs, & vn peu coulourez de vermeil, & qu'ils prennent le tout iusques derriere la teste. Aussi est fort bon l'Esperuier, quand il est familleux.

Comme il faut chiller l'Esperuier nouveau, & les mettre en ordonnance.

CHAP. XI.

Q



Esperuier de nouveau affaitement, doit estre chillé en ceste maniere. Prenez vne aiguille enfiles de delié fil, qui ne soit retors: fais le tenir, & le prens par le bec, & luy boute l'aiguille parmy la paupiere del'œil, non pas droit à l'œil, mais plus pres du bec, afin qu'il voye derriere. Et se donnant bien garde de prendre la toile, qui est dessoubs la paupiere. Puis mettre l'aiguille en l'autre paupiere, del'autre part, & tirer les deux bouts du fil, & noier sur le bec, non au droit nœud mais couper le fil pres du nœud, & le tor dre tellement, que les paupieres soiēt si hautes leuees, que l'Esperuier ne puisse rien voir. Et quand le fil laschera, qu'il voye derriere, & par ce est mis le fil pres du bec: car l'Esperuier doit veoir derriere, & le Faucon deuant. Que si l'Esperuier voyoit deuant, il plumeroit aual le poing, quand il battroit contremont, & prendroit bons esbats, & si verroit trop à plain les gens, & l'esbateroit trop souvent.

Pour bien mettre vostre Esperuier en arroy: vous luy debuez bailler gets de cuir, lesquels doiuent auoir les bouts vn peu renuersez & mesmement decoupez, & si doiuent auoir demy pied de long, à pied main, entre la boîte du get, & le nouveau qui est au bout, à quoy on le tient. Il doit auoir deux bones sonnettes, afin qu'il en soit mieux ouy, & aussi quel'Esperuier prenāt vn oiseau il se mettra en si espois buisson pour se paistre qu'il ne pourra estre veu ne ouy: & en le plumāt: la plume souuēt luy couure l'œil, & pour l'oster il se gratte de l'vn des pieds & fait ouïr la sonette: & s'il n'auoit qu'une sonette, il se pourroit gratter du pied où elle ne seroit point, parquoy ne seroit pas ouy. L'Esperuier qui est affaité au chapperon, & qui souffre qu'on luy mette, vaut mieux que celuy qui ne le veut endurer: car il s'en bat moins: il se porte mieux quand il est chapperonné en temps de pluyé & de vent, ou en mauuais tēps, car lors on le peut cacher soubs le manteau d'auantage; il en vole mieux, & plus roidement, car il est moins desprisé que celuy qui n'a point de chapperon, lequel est las de se debatre: & si on luy garde mieux ses vols & son auantage, parce qu'il ne se debat pas iusques à ce qu'on veut qu'il vole, dont il a meilleur courage, & si on le porte par tout sans ce qu'il se debatte ou bouge..

Comme on doit affaiter vn Esperuier, & comme il doit estre mis en arroy.



Arce que les Esperuiers sont de diuers plumages, & de diuerses tailles, aussi y a-il diuerses manieres de les affaiter, & y a moins d'affaire aux vns qu'au autres. Tant plus l'Esperuier est familieux, & à bõne faim, plustost est affaité. Pour le faire manger, frottez luy les pieds de chair chaude, en pipant & touchant la chair au bec: & s'il ne veut mager, frottez luy les pieds d'un oiseau vif, & l'oiseau criera: & si l'Esperuier empreint le poing des pieds, c'est signe qu'il mangera: alors descouure la poitrine del'oiseau, & luy mets au bec, & il mordera en chair, car vn oiseau qui mäge rätost qu'il est prins, c'est signe qu'il est familieux & qu'il mangera bien: & luy en dõne autant au vespere, & aucunes fois sur iour, mais qu'il n'ait rien en gorge. Et quand il sera bien en chair, & il mordera quãd on pipera, si luy mets le chapperon, qui soit assez parfond & large, qu'il ne luy serre endroit les yeux. Et quand il voudra endurer à mettre & oster le chapperon, sans se debattre, & qu'il mägera chappronné, alors luy faut diminuer sa vie, en luy dõnant moins de chair à manger, & luy en dõne au matin: & quãd il aura enduit (c'est qu'il ait mis a val sa viande, & qu'il n'ait rien en la fosse de la gorge) le pourras abecher sur iour, en luy mettãt & remettãt le chapperon pour luy faire mordre: car il est bon de luy donner vne bequee ou deux de chair, toutes les fois que luy mettras le chappron en la teste. Et quãd ce viendra au vespere, tu le paistras pour la nuit, & luy dõneras des sourcils de poulle, iulques au lendemain. Puis quãd tu verras qu'il sera chu en bõne faim si lasche le fil de quoy il est chillé, mais qu'il soit duit quand tu le feras, & qu'il voye par la derriere, cõme dit est. Et s'il peut bien voir les gens, si le veille toute la nuit qu'il sera lasché, & qu'il ait le chappron hors la teste, afin qu'il oye les gens, & qu'il les accoustume. Et quand tu luy remettras le chapperon, donne luy deux ou trois bechees de chair, & le l'edemain au point du iour, mets luy vn oiselet aux pieds: & s'il le prent asprement & qu'il morde en la chair si luy oste le chapperon en paix: que s'il se debatoit, remets luy, & le veille encore, tant qu'il soit mat. Que s'il mäge deuant les gés sans le chapperon, & est assenté deuant eux, ne soit plus veillé, mais le faut tenir vne partie de la nuit entre les gés, en le faisant plumer, & luy donnãt aucunes fois vne bequee ou deux de chair, en luy mettãt & ostant le chapperon. Et quãd tu t'en iras coucher, mets tõ oiseau pres de tõ cheuet, sur vn tretean, afin que le puisse souuent resueiller la nuit. Puis te leue auant que il soit iour, & le mets sur ton poing, & luy tiens le chappron hors de la teste, afin qu'il voye les gens autour de luy, & qu'il les verra, mets luy au pied vn oiselet tout vif, comme dit est, & ainsi qu'il mangera,

PREMIERE PARTIE

mets luy le chappron, en luy donnant le demourant de ton oiseau, le chappron en la teste. Et sur le iour, regarderas s'il n'a rien engorgé, & si tu vois qu'il n'y ait rien, tu luy donneras vne bequée, petit & souuet, deuant les gens, en luy ostant & remettant son chappron: mais sur le soir doit toujours auoir le chappron hors de la teste, pour voir & accoustumer les gens en luy donnant à manger d'une poulette. Et pour faire mieux sa chilleure, afin qu'il voye mieux quand tu le mettras coucher, si le tien en lieu obscur, & luy eclisse vn peu d'eau au visage, afin qu'il frotte ses yeux aux iointes de ses ailes: le lendemain, qu'il trouue le iour & la chair chaude sur ton poing, & qu'il soit lasché, afin qu'il voye deuant & derriere, & fasse signe d'estre seur entre les gés, puis l'a faite comme dessus est dit, et retien, que le iour que tu luy auras donné chair lauee, ne lui donne point plume: & ne luy donne plume qu'il ne soit bien assuré, car s'il n'estoit seur, il ne l'oseroit tetter. Dóc si tu veux assseurer ton Esperuier, & le tenir en bonne fain, mets le bien matin sur le poing, & va en lieu où ne suruienne personne, & abecque-le d'un oiselet vis puis le descharne, & le mets sur aucune chose, & luy tends le poing, en luy donnât vne becquée: & s'il y vient volôtiers, si le relâce au vespere, & au matin de plus loin, & deuant les gens, pour le mieux assseurer, en luy attachant vne longue ligne au bout de sa longe, & s'il fait beau temps, & que le Soleil raye, on luy doit offrir l'eau pour soy baigner pourueu qu'il soit sain, qu'il soit seur, qu'il soit trop maigre, & qu'il n'ait gorge, car c'est vne chose qui bien assseure ton oiseau que le bain & luy donne bon courage: mais que toujours apres le bain, tu luy donnes à paistre bons oiseaux vifs. Et toutes les fois que paistras ou reclameras tu dois piper & siffler, afin qu'il s'accoustume de venir à ton siffler. Il le faut paistre entre les Chiens & Cheuaux, afin qu'il s'accoustume avec eux. S'il a volé, & tu le vueilles mettre au Soleil, mets-le à terre sur vn tronchet: & là s'asserra, & ne sera iamais qu'il n'ayme mieux se seoir à terre. Apres le bain, si tu trouue ton Esperuier en bon courage, tu le peux bien voller le lendemain au vespere: mais que par auant tu l'aye reclamé à reuenir des arbres, & reclamé à cheual, ayant fait provision d'un pigeon, afin de le reprendre plus aisément: car il faut à vn Esperuier auât qu'on en vole, qu'il soit bien assseuré par veiller, par porter, par faire tirer, & par plumer deuant les gens: qu'il ayme la main, le visage, les Cheuaux, & les Chiens: qu'il soit net dedans, tant par chair lauee, que par plumes: qu'il soit bien assamé, & bien reclamé de terre & d'arbres.

La maniere de faire voler son Esperuier nouveau.

CHAP. XIII.



Vi veut voler de son Esperuier nouveau affairé, qu'il en vole au vespre vn peu deuant soleil couche, parce que c'est l'heure qu'il a le plus grand faim. Secondement, la chaleur du soleil, si on vouloit au matin, fait esmouuoir l'oiseau par sa chaleur, & luy fait esleuer le cœur, & le rend gay, parquoy il perd la faim, & ne luy en souuient, & ne tasche & pense qu'à se resoudre & iouer contremôt, qui le feroit perdre. Qui plus est, il ne se peut tant esloigner de toy sur le vespre, s'il te fait ennuy, comme il feroit le iour contre la chaleur du Soleil, à cause de la nuit que le contraindra de se percher. D'auantage, pour faire voler ton Esperuier nouveau faut chercher large campagne, loin des arbres. Qu'il soit deschapponné quand les Espagneux querront: que si les Perceux faillent, & il s'embat, laisse le aller s'il faut de pres: que s'il le prend, donne luy à manger contre terre de la poitrine d'un Perdrian, avec la ceruelle. Quand il aura mangé vn peu, oste luy, & le descharne, & monte sur ton cheual, loin de luy, puis siffle, & l'appelle, & s'il reuiet à toy, si le paiz. Sur tout il se faut bien donner garde, qu'il ne faille au premier vol à gros oiseaux, afin qu'il n'emporte & l'accoustume aux menues, que si il est bien apprins aux gros oiseaux, tu peux bien le faire voler aux Alouettes & petis oiseaux, & si tu voy qu'il y vole volontiers, si luy meine, & en soit repu, car c'est le plus beau vol & plus plaisant que la volerie de l'Esperuier aux Alouettes. Et parce que la chair & le sang des Alouettes est chaud & ardent, il est bon, quand il y volera, de luy donner deux fois la semaine de chair luee, & la plume bien souuent, mais ne luy donne la plume le iour qu'il aura mangé chair luee, ne le iour qu'il se fera baigne. Quand on est en bonne compagnie, & chacun a son asperuier si on veut voler le sien avecques les autres, cela renforce bien le deduit, & si s'alleurent ensemble & c'est le plaisir de prendre vne Alouette à l'escourse, & qu'un bon asperuier a chassé vne Alouette bas, & si haut qu'on la peut regarder, & vn autre Esperuier la va requerre si roidement en volant contremont, qu'il est cōtraint de l'environner, ne la pouvant prendre: & lors l'Alouette plonge & vient

Qui

PREMIERE PARTIE

à terre, & l'Esperuier aussi, laquelle s'aime mieux mettre entre les iambes d'hommes & cheuaux, pensant se sauuer, que tomber entre les griffes de son ennemy naturel, toutesfois le plus souuent elle y est prinse. Qui veut faire apprendre à gouverner Faucons, faut bailler à affaiter Hobreaux ou Hobiers: si on veut qu'il scache gouuerner Gerfaults, baillez luy Esmerillons. Qui sçait gouuerner & affaiter Esperuier, il sçait affaiter les Autours. Ainsi par les vnson peut sçauoir les autres.

*Quand on doit prendre au nid, ou en l'aire l'Oiseau de Fauconnerie.
& comme on le doit lors traicter.*

CHAP. XIII.

E Aut que l'oiseau de Fauconnerie soit prins au nid ou en l'aire, quand il est fort pour se soutenir sur les pieds. Mers le sur vn billot de bois, ou sur vne perche, afin qu'il puisse mieux demeurer son pennage, sans le gaster en terre. Mers sous luy vne herbe, qu'on nomme hieble, laquelle, pource qu'elle est chaude, & est tres-bonne contre toutes maladie de reins, & de goutte, qui luy pourroit aduenir. Paiz-le de chair viue le plus souuent que pourras, car elle luy fera bon pennage, Si tu le prens petit, & le mets en lieu froid, il prendra mal au reins, parquoy ne se pourra soustenir, & sera en danger de mort.

De ces mots, brancher, ramage, & sor.

CHAP. XV.

L'Oiseau niais, est celuy qui est prins au nid. Brancher, est celuy qui suit sa mere de branche en branche, qui est aussi nommé ramage. Sor est appellé (à sa couleur forette) celuy qui a volé & prins deuant qu'il ait mué. Et pour ce qu'on prend souuent l'oiseau au glu, ou en le prenant on luy froisse ou rompt les pennes: s'ensuyt la maniere de le desgluer, & desos pennes rabiller.

Maniere de desgluer l'oiseau.

CHAP. XVI.

Pour desgluer oiseau, prens sablon menu & sec, & cendre nette, mets ensemble, & les mets sur les lieux où est la glu, & laisse ainsi l'oiseau vne nuit. Apres battras fort trois moyeux d'œufs, & avec vne penne en mettras sur lesdits lieux, & laisse ainsi l'oiseau deux nuits. Puis prens du gras de lart, aussi gros qu'une prune, & autant de beurre, tout fondu ensemble, dequoy oindras lesdits lieux, & laisse ainsi l'oiseau vne nuit. Le lendemain le laveras avec eau tiede, & nettoyeras avec linge bien net, tant que rien n'y demeure.

Pour penne froissée redresser, ou rompue enter dejoincte referrer ou perdue renouer.

CHAP. XVII.

Si tu veux redresser vne penne froissée, trempe en eau chaude le lieu qui est froissé: & quand elle sera amollie & redre audit lieu froissé, redressela hors de l'eau: apres prens vn gros tronc ou cotton de chou, & le chauffe fort sur la brai-se puis le fend au long, & dedans celle fente mets le froissé de ladicte penne, & estrains d'un costé & d'autre le chou, iusques qu'il aura redressé ladicte pene. Le tronc del'herbe de couleure, autrement nommee Tinthimale, a en ce l'effect du chou.

Pour penne rompue d'un costé, & qui tient de l'autre.

Prens vne aiguille languette, & la trempe en vinaigre, ou en eau faulee, pour rouiller, afin qu'elle tienne mieux dedans la penne, puis l'enfile de fil delié, & la mets dedans les deux bouts de la froissure de la penne: apres l'atire par le filet, iusques à ce qu'elle sera tant d'un costé que d'autre & que la penne sera joincte, & la garde du travail iusques à ce qu'elle soit ferme. Si elle est des deux costez rompue, coupe là, & prens vne aiguille pointue par les deux bouts, trachâte cōme celle d'un pelletier, trépee comme dir est, & fais cōme dessus. Pour pene froissée ou rompue au tuiau, prens vn tuiau plus menu, afin qu'il entre dedans le tuiau froissé ou rompu: puis coupe en ce lieu là penne, & l'ente du tuiau mis dedans les deux bouts de la penne coupee: apres, cōs les deux parries avec le tuyau qui est mis dedans & couure le lieu de la jointure de la pene de costé, ou de petites plumes avec colle: ou si ne veux coudre ladicte pene, colle la. Si la pene estoit perdue, mets y en vne par-

PREMIERE PARTIE

reille en quantité & couleur. Pour plume desioincte reserrer prens estouppes bien menu taillees, & meslees avec le rouge d'un œuf bien batu, mets les sur linge bien delié, duquel lieras dedans & dehors le lieu de la penne desioincte: ou emplastre ledict lieu de myrrhe, & de sang de bouc, meslez ensemble. Pour faire renouueller penne perdue par batterie, ou autrement, & principalement en la queue, prens huile de noix, & huile de laurier, autant d'une que d'autre, meslez ensemble, & les distileras au lieu: duquel est saillie ladite penne, & cela fera renouueller ladite penne.

Du past & chair bonne & mauuaise pour paistre oiseau, du lauement de la chair, de la maniere de paistre l'oiseau, & de la nature des chairs qu'on donne aux oiseaux.

CHAP. XVIII.



Ast & chair bonne, outre l'ordinaire de l'oiseau, est luy donner vn peu de la cuisse ou du col d'une poule, car il engraisse l'oiseau. Les entrailles de poule, avec les plumes, dilatent le boiau qui vuid de la digestion de l'oiseau, & seche l'humidité superflue, laquelle ne peut saillir par l'egestion & esmutissement de l'oiseau. Les chairs mauuaises pour paistre l'oiseau, sont, chairs froide, & chair de bœuf, & autres de forte digestion, & singulierement de beste qui seroit en ruy, laquelle est pour faire mourir l'oiseau, sans sçauoir à quelle occasion. Chair de poule est mauuaise pour l'oiseau, car pour ce qu'elle est froide, elle luy trouble le ventre: aussi pour ce qu'elle est douce & delectable & qu'on trouue communément par tout poules, à ceste cause l'oiseau affriandé de telle chair de poule, quand en volant en verroit, pourroit laisser sa proye, & voler vers la poule. Si tu te doutes ou voit que l'oiseau soit poullailler, paist-le de petis oiseaux, de petis coulomb commençans à voler, ou de petites aironnelles. Chair de coulomb vieil, & chair de Pie, luy est amere & mauuaise. Chair de Vache luy est mauuaise, car elle est laxative, non pas par sa bonne nature, mais par sa ponderosité, par laquelle fait indigestion, & par ainsi est laxative. S'il est necessité de paistre l'oiseau de grosse chair par faute de meilleure, soit trempée & lavée en eau tiède, & apres esprainte, si c'est en hyuer: & en froide, si c'est en esté, & que la chair

chair ne soit point trop esprainte, car la pesanteur de l'eau, qui est laxative, & luy fera plus tost passer & enduire sa gorge, & luy tiendra les boyaux larges, & l'espurgera mieux par dessous les grosses humeurs, qu'il pourroit auoir dedans le corps. Le laeuement de chair, se doit entendre de grosse chair, & quand il est necessité d'en vser pour purger ou mettre bas l'oiseau, & non pas de chair de bonne digestion: car il faut entretenir l'oiseau de quelque bon past vif & chaut, autrement on le pourroit mettre trop au bas. La maniere de paistre l'oiseau est telle au past & chair que doit manger l'oiseau, ne doit estre ne grasse, ne veine ne nerfs: & en le paissant ne le laisse pas manger selon son desir, mais par poses, & le laisse reposer en mangeant, lors mangera sagement. Par fois luy mufferas & cacheras la chair deuant qu'il soit saoul, & luy retarderas son manger, & fais qu'il ne voye la chair, afin qu'il ne se debate. Fais-le plumer petits oiseaux, comme il faisoit au bois. Les chairs de quoy on paist les oiseaux, sont de diuerses natures, car les vnes sont les oiseaux gras, les autres les rendent orgueilleux, les autres les font attrempez. Le passereau, le pinçon, la chair d'un Char, les Sourits, & la greffe de Geline, la chair de Porc, & de bœuf, rendent les oiseaux gras. La chair de Poullets, de Lievre, de Geline, de Vache, mouillée en l'eau, sont les oiseaux maigres. La chair de Cheures & Cheureaux, les font orgueilleux. Mais si vous voulez que vostre oiseau soit bien attrempe, ne trop gras, ne trop maigre ne trop orgueilleux, donne luy à manger vieille Geline. Et par ce, muë luy souuent la chair, selon la commodité que tu verras.

Le remede contre le mal qui aduient à l'oiseau par trop hastiement manger.

CHAP. XIX.



I l'oiseau mange par trop hastiement, quelque piccette & petit morceau de chair, & qu'elle soit tombee au lieu par lequel l'air va au poulmon, prens vn long canon de plume bien mol & doux à manier, ou vn pareil de metal, & le mets par ledit lieu, & succe par ledit tuyau en tirant bonne haleine, iusques à ce que ce qui est tombé audit lieu reuienne: car s'il y demeure, sera perilieux pour l'oiseau.

PREMIERE PARTIE

Pour renoueller le bec rompu, ou resserver le bec desioinct.

CHAP. XX.



Le bec de l'oiseau se rōpt, ou pource qu'il est mal gouuerné car l'on n'affaite le bec ainsi qu'ō doit, parquoy croist tāt des deux costez, qu'il rōpt: ou parce que quand l'oiseau paist, il demeure quelque chair soubs la partie haute du bec, laquelle chair se pourrist, & seche tant le bec qu'il tombe par esclats: pourtant nettoye le bien, & le polis, en taillant ce qui est de tailler: puis oindras la couronne dudit bec, de sang de serpēt, & de geline, & 15. ou 20. iours apres que le bec luy commencera à croistre, romps le bec dessus, afin que celuy de dessous puisse croistre à sa raison. Ce temps durant, son past soit couppé en petits morceaux, car autrement il ne se pourroit paistre. Ne cesse pourtant le faire voller. Pour bec desioinct reserver mets dessus la desioincture, de la paste fermentée, & de la poix resine.

Quand l'oiseau a soif, la cause & le remede.

CHAP. XXI.



Vand l'oiseau à soif, c'est ou par aucune alteration ou qu'il est trop gras, & a ceste cause à chaleur dedās le corps: ou c'est par indigestion. S'il a soif par alteration, donne luy eau en laquelle ait trempé sucre, safrā. & spodium, ne luy en donnāt que pour rafraichir la gorge. S'il a soif pour estre gras, ainsi par chaleur qu'il a dedans le corps, mets avec les choses dessus dites, terre seellee. S'il a soif par indigestion, cuits en eau, graine de cumin doux, & luy mets en la bouche, ou cuits zinzibre, ou grand polieu, en vin vieil, ou en eau de clou de girofle, & y trempe son past. S'il a tousiours soif, mets en son eau vne dragme de boli-armeni, & le poix de dix grains de canfre la luy baillant à boire

Quand l'oiseau ne peut émutir, les signes, & le remede.

CHAP. XXII.



Vand l'oiseau ne peut émutir, le signe est qu'il gratte sa queue & boit eau. Donne luy chair de pore chaude, avec un peu d'aloës. Ou fais secher vers de terre sur tuille chaude, & en fais pouldre: & luy donne chair chaude, de leger digestion, poudroyee de ladite poudre.

Pour entretenir l'oiseau en santé, & le preserver de maladie,

CHAP. XXIII.



Our entretenir l'oiseau en santé, & le preserver de maladie, quatre choses sont necessaires: c'est à sçavoir, le faire tirer, l'essuyer quand il est mouillé, le purger, & le baigner. Fais le tirer past nerveux au matin, & au soir, deuant qu'il mange & quand le voudras faire voler. Le tirer en attendant le gibbier luy est bon. Si le tirer est de plume, garde qu'il n'en aualle, afin qu'il ne mette rien en cure iusques au vespre, car au vespre il n'y a point de danger. Combien qu'il semble que le tirer luy foule les rains, toutesfois en tirant il s'exercite. Essuye l'oiseau quand il sera mouillé, ou au soleil, ou aupres du feu: car il se pourroit refroidir, morfondre, enrheumer, & engendrer la maladie qu'on dit asme ou pantais. Quand il sera sec, mets le en lieu sec, & chaut, & non moite & froid. Mets luy sous les pieds, au billot ou à la perche, quelque chose molle, comme drap, ou autre chose pour luy soulager les pieds: car aucunes fois, & bien souuent, pour frapper au gibbier, pourroit auoir les pieds froisiez, desrompus & eschauffez, parquoy par humeurs descendans en bas se pourroient engendrer aux pieds dudit oiseau, cloux galles, ou podagre, & aussi enflures aux iambes, lesquelles choses sont mauuaises, & tortes à guarir. Tu purgeras ton oiseau par cure, ou par medecine purgatiue, & le feras baigner: comme de chacun est cy apres en son chapitre escrit.

De la cure de l'oiseau, quelle doit estre, quand on luy doit donner, quelle est son effect, comme elle & l'esmont de l'oiseau monstrent la santé ou maladie d'iceluy, & pourquoy l'oiseau la garde trop, le signe & remede pour la luy faire rendre.

CHAP. XXIII.



Ne cure d'oiseau doit estre de plume, ou d'osselets d'oiseaux froisiez, ou de Pie, de Connins, ou de Lieure rompu, les ongles & gros oz ostez. Cure de cotton n'est pas bonne à vser, car elle vie & ard le poulmon, & fait mourir l'oiseau, & spécialement quand ladicte cure de cotton donnée audict oiseau, sans estre luee & baignee. En necessité, & qu'on n'a point les cures dessusdictes

R.ij.

PREMIERE PARTIE

on peut bien donner ladite cure de cotton, baigne vn iour, & autre non, quand on faict ou refaict l'oiseau. Tous les iours au soir donne quelque cure audit l'oiseau, ou la dessus dite de cotton, ou celle de plume, ou de chair lauee, s'il n'y a cause au contraire. L'effect de ladite cure est, que quand elle est trempee & baignee en eau, elle eslargist plus qu'autre chose le boyau de l'oiseau, & seche la superfluité & excessiue abondance des humeurs d'iceluy oiseau, lesquelles ne peuuent faillir avec l'esmont de l'oiseau. La cure ietee au matin par ledit oiseau, qui est nette, & non seiche, & qui est sans mauuaise odeur, demonstre l'oiseau estre sain. L'esmont de l'oiseau doit estre blanc, clair, & le noir qui est parmy doit estre bien noir: quand ledit esmont en son blanc est glueux & tient au doigt, quand on le touche, signifie bonne digestion, & santé en l'oiseau. La cure molle, pasteuse, & puante, denote flegme & indigestion en l'oiseau. L'oiseau garde trop sa cure, & ne la peut aisément ietter, quand il a dedans le corps chair superflue, ou postules, ou humeurs sur ladite cure. Le signe que l'oiseau garde trop sa cure, & qu'il l'a encores, est quand il tremble sur le poing. Le remede pour la luy faire ietter & rendre est, ne le paistre point iusques à ce qu'il l'aura renduë: & si ce iour là il ne la iette, le lendemain fais la luy ietter & rendre, par la façon & maniere que iete vois' mettre & dire. Prends du gras de lard bien rafraichy en deux ou trois sortes d'eaux bien fraiches, & vn peu de sel menu, & de poudre de poiure, & en fais, vne pilule, laquelle luy feras aualler, puis apres attends qu'il l'ait ietee: & s'il ne iette ladite cure prens ce qu'il aura ietté, & le broye & mouille, & mets en vn drappeau, & le fais fleurir à l'oiseau, & lors il rendra ladite cure. Ou autrement, donne luy le gros d'vne feve en deux ou trois tronçons de la racine de l'herbe appellee esclaire, enuelppee en bonne chair, pour celer l'amertume de ladite racine, puis mets l'oiseau au Soleil ou aupres du feu, & s'il ne rend ladite cure, paist-le au soir d'vne cuisse de geline, chaude & sucree.

*Pour purger l'oiseau en tout temps, & luy faire bon appetit,
& bon ventre.*

CHAP. XXV.



T pour purger l'oiseau en tout temps, luy faire auoir bon appetit, & bon ventre, donne luy de huitaine en huitaine, ou de quinzaine en quinzaine vne pillule, de celles qu'on dit pillules cōmunes : ou le gros d'une feve d'aloescicotrin, enuëloppé en bonne chair, pour celer l'amertume dudit aloes. Puis l'encheronne, & le mets en lieu chaut, comme au Soleil ou auprès du feu, & le laisse ainsi par l'espace de deux heures, dedās lequel temps il puisse vider ses flegmes. Et quand il aura ietté ledit aloes ou pillules (car il ne sera pas si tost fondu) reprends ledit aloes pour seruir vne autres fois: puis prens l'oiseau sur ton poing, & le paist de bon past & vif, car il aura adonc le corps destrempé. L'aloes ainsi donné, ou de dans la cure, & au soir, vaut beaucoup contre filādes & aiguilles. Lesdites pillules donnees à l'oiseau à l'entree du mois de Septembres, sont bonnes & profitables contre filandes & autres maladies estans dedās le corps. Ceste medecine toutesfois doit estre trempee & moderee selon la force & qualite des oiseaux: car si c'est pour autour, ladite medecine doit estre moindre que pour vn autre, & par ainsi elle doit estre moindre pour l'Esperuier, qui est des autres le plus delicat. Autremēt, prens du gras de lard de porc, trempé vn iour, & mué en eau fraische, sucre, safran en poudre, aloes, moëlle de bœuf, autant de l'un que de l'autre, & en si grande quantite & largesse que tu en puisses faire trois ou quatre pillules, ou plus largement, à ta discretion, puis au plus matin donne en vne à l'oiseau, apres mets le au Soleil, ou auprès du feu. Tu ne le paistras iusques à deux heures apres, lors tu luy donneras ou geline, ou petits oiseaux, ou souris, ou rats, & petite gorge. Au soir quād il aura enduit sa gorge, donne luy quatre ou cinq cloux de girofle, froisse & enuëloppes en vn peu de bonne chair: & quand il aura vsc lesdites pillules, & que ses humeurs seront par icelles esmeuës, donne luy vne fois au palais du bec, & aux narilles du vinaigre, avec vn peu de poudre de poyure, puis s'il est de necessite, soit l'oiseau refroidy d'eau soufflee en ses narilles, & les mets au Soleil ou auprès du feu, & il mettra hors les humeurs de la teste.

Pour esslargir le ventre & boyau de l'oiseau.

CHAP. XXVI.

PREMIERE PARTIE

Si tu veux faire eslargir le ventre & boyau de l'oiseau, donne luy leger past, trempé vne nuit en du vinaigre : & sur iceluy past mets succe ou miel escumé, ou luy donne eau succree.

Pourquoy, quand, & comme on doit baigner l'oiseau, comme apres on le doit traiter

CHAP. XXVII.

Avecquesfois baigner l'oiseau de proye luy est sain, & le fait bien voller: car souuent à desir de boire, ou de prendre l'eau pour quelque eschauffement de corps ou de foye, & l'eau le rafraischist. Le bain fait à l'oiseau auoir faim, bon courage, & l'asseure, & par la contenance de l'oiseau cognoistras combien luy profitera le baigner. Baigne-le de quatre en quatre iours, car le baigner plus souuent le fait orgueilleux & fugitif. Et quand le feras baigner mets le sur bois sec, & l'eau soit bien nette, qu'il n'y ait quelque venin: de laquelle maladie la medecine est cy apres escrite. Apres le baing donne luy past vis, comme petitsoiselets, & mets sur son past vn peu de succe ou de theriacle, & aux narilles de l'oiseau. Quand le Faucon apres son baing se frotte & s'oingt, est dangereux le toucher, car il a l'haleine veneneuse, & les pieds pourrât si tu le veux lors porter, garde avec fort gand qu'il ne blessa main. Quand l'oiseau sera baigné, ne luy donne chair trempée: & si tu le veux faire voler tost apres le baing, arrouse le yn peu d'eau bien nette.

Quand l'oiseau est enuenimé par se baigner en eau enuenimée par Serpent ou autrement.

CHAP. XXVIII.



Quad l'oiseau est enuenimé pour se baigner en eau enuenimée, par Serpent ou autrement, broye trois grains de genre, & mesle avec theriacle, & le fais aualler à l'oiseau, & le garde d'eau huit iours, & mets de la poudre d'aloës sur de la chair de chat de laquelle paistras l'oiseau.

Les signes communs de santé en l'oiseau de proye.

CHAP. XXIX.

Les signes communs de santé en l'oiseau de proye sont, quand son esmont est digéré, continué, & non entrerompua terre, delie & non espois, quand la cure est telle comme est escrit au chapitre de la cure: quand il se tient paisiblement sur la perche, quand demeine la queue la ventille, quand il esplume & nettoye du bec ses ailes, commençant dès la croupe iusques au haut, quand il prend quelque petite gresse sur la croupe, de laquelle les'oint, quand l'oiseau ressemble gras, clair, & en couleur, comme s'il auoit les plumes oingtes, quand il tient ses cuisses esgallément, quand les deux veines qui sont aux racines des ailes ont leurs poulx & mouuement moyen entre continuation & discontinuation de poulx.

Quand l'oiseau digere mal, les signes, la cause & le remede.

CHAP. XXX.

Les signes quand l'oiseau digere mal sont, quand souuent il baye & respire en plumant son past, & ne le mange point, mais le laisse, ou vomit. Quand son esmont est alteré de gros, noir & iaune. Quand il ne rend la cure en temps deu. Quand en ouurant à deux mains fermement son bec, & en luy secouant la teste, sentiras puantir sa gorge. Il digere mal, par ce qu'il est pu trop matin, deuant qu'il ait fait sa digestion, ou trop tard, ou a trop grosse gorge. Le remede est, ne le paist iusques à ce que il aura bien fait sa digestion, & qu'il aura bon appetit. Puis prens du noir, qui est engendré de fumée, & du feu, au cul du pot, & le mets tremper en eau l'espace d'une heure: apres coule l'eau, la faistiede, & en icelle trempela chair du past de l'oiseau couppee en morceaux, & la luy donne. Et ne le pais plus iusques au soir, que luy donneras trois morceaux de chair sucree: ou luy donne sur son past de la semence qu'on treuve aux cloux de girofle puluerisez.

PREMIERE PARTIE

*Quand l'oiseau n'enduit bien sa gorge, la cause, & le remede pour
luy faire enduire ou rendre.*

CHAP. XXXI.

ET quand l'oiseau n'enduit pas bien sa gorge, pour ce qu'on luy donne si grosse gorge qu'il ne la peut enduire ne rendre, ou pour ce qu'il s'engorge trop fort de sa proye, ou pour ce qu'il est refroidy: lors donne luy petit past, ou demy past à la fois, & de chair legere, trempee en vin blanc tiede: ou luy donne past vis, baigné en son sang, lequel le remettra sus. Au soir donne luy quatre ou cinq clouds de girofle, froissez, & mis en cotton trempé en vin vieil, car ils luy chaufferont la digestion & la teste. Pour luy faire rendre sa gorge quand il ne peut enduire: prens vn peu de poudre de poyure, & que elle soit trempee en bon & fort vinaigre, & luy laisse reposer longuement, & d'iceluy vinaigre reposé, laue luy le palais de la bouche, & luy en mets trois ou quatre gouttes dedans les narilles: puis s'il iette sa gorge, arrouse d'vn peu de vin lesdites parties eschauffees par le vinaigre. Le vinaigre ne soit point donné à oiseau trop maigre, car il ne le pourroit supporter, puis le mets au Soleil ou au feu, & il iettera sa gorge.

Quand l'oiseau enduit sa gorge, mais apres il la rend, la cause, & le remede.

CHAP. XXXII.

VOUS devez entendre que si l'oiseau enduit sa gorge, & apres il la rend, c'est ou par quelque accident qui luy est suruenue, ou par corruption d'estomach. Si c'est par accident qui luy soit suruenue, l'haleine de l'oiseau, & ce qu'il aura jetté ne pura point. Lors luy donneras vn peu d'aloës cicotrin, & ne le paistras de six heures apres, & luy donneras bon past, & peu. S'il iette sa gorge par corruption d'estomac, l'haleine de l'oiseau & ce qu'il aura ietté pueront, & c'est pource qu'il est pû de chair grosse, ou mal nette ou puante: pourtant soit sa chair nette, & taillee de coulleau net, & nettement: & puis le mettras au Soleil, l'eau deuant luy, pour boire s'il veut, & ne le paistras iusques au soir, & à petit gorge, & de past vis, & arrouse de vin, ou puluerisé de limaille d'acier, ou de pouldre d'yuoire, lesquelles font retenir le past à l'oiseau: & s'il ne le retient, donne luy

luy petits oiseaux, ou souris, ou rats, iusques à ce qu'il sera guarý, ou de-
strempe en eau tiede pouldre de coriandre, & en icelle eau coullee la-
ue quatre ou cinq iours le past de l'oiseau, ou fais bouillir en vin fueil-
les de laurier, tant que le vin reuienne à moitié, puis laisse le refroidir
avec les fueilles : de ce vin, fais boire à vn colomb tant qu'il en meure,
de la chair duquel donneras vne cuisse à l'oiseau.

Quand l'oiseau n'a appetit de manger, la cause, & le remede;

CHAP. XXXIII.



Vád l'oiseau n'a appetit de māger, cest pour ce qu'il
luy a donné au soir grosse gorge, auquel past l'oiseau
s'est trop saoulé, ou qu'il est ord dedans le corps.
Baille luy vn coulomb, & luy laisse tuer à son plaisir,
& boire le sang, apres ne luy en donne qu'vne cuisse,
ou autant qu'elle monte : & si l'oiseau ne vouldoit
tirer ladite chair, donne luy taillee en petis mor-
ceaux sucree, ou arousee d'huile d'oliue, ou d'amādes, & ce pet à peu
luy continue iusques à ce qu'il soit guarý. Ou luy donne vn passerat,
trémpe en vin, ou arrouse de miel, ou pouldroyé de pouldre de ma-
stic, ou luy donne deuers le matin vne pillule de celles qu'on nomme
pillules communes, & le tiens en chapperonné au Soleil, ou aupres du
feu, & le laisse vomir tant qu'il vouldra. Quand il aura vsé trois ou qua-
tre iours desdites pillules, & qu'il aura appetis, donne luy trois ou qua-
tre iours limure de fer sur la chair de son past.

Pour oiseau maigre mettre sus, & le signe de meigreur, ou de maladie

CHAP. XXXIIII.

Quand l'oiseau on cognoist la meigreur, ou maladie, quand son
esmont n'est ne blanc ne noir, mais est meslé comme gris.
Pour le mettre sus, donne luy chair de mouton, souris, &
rats, à petites gorgees, ou fais bouillir en pot neuf vne pinte
d'eau, vne cuilleree de miel, & trois de beurre frais, & en past ton
oiseau à petite gorgee deux fois le iout. Ou prens cinq ou six limaçons
qu'on treuve aux vignes, ou aux herbes, ou au fenoil, trépe les en lait,
vne nuit, en vn pot couuert, qu'ils ne s'en saillent : le lendemain au

S

PREMIERE PARTIE

matin romps les coquilles, laue les limaçons de lait frais, & aupres les essuye, & les donne à l'oiseau, puis mets l'oiseau au Soleil, ou aupres du feu, iusques à ce qu'il ait esmeuti quatre ou cinq fois, & s'il endure bien la chaleur, elle luy est bonne. Apres midy soit pu de bon past, & à petite gorge, & le mets en lieu chaut & sec. Au soir quand aura passé la gorge, donne luy clous de girofle, comme il est escrit au chapitre xxvii. quand l'oiseau n'enduit bien sa gorge, pour la luy faire enduire ou rendre. Aucuns luy donnent à manger petits oiseaux de bray, hachez & mouillez en lait de Cheure, en le paissant trois ou quatre fois le iour, & ne luy en baille à la fois qu'un peu. Ou prenez limaçons rouges, qui soient bruslez, & en faites pouldre, qui soit mise en petite quantité sur sa chair.

De porter & contregarder l'oiseau, & luy accoustumer les chiens.

CHAP. XXXV.

PE porter d'oiseau sur le poing dextre, & meilleur & plus seur pour l'oiseau, que sur le fenestre, pour ce qu'il est plus agilement ietté pour voller partant de la main dextre, & en est plus leger & soudain, & en montant & descendant du cheual, l'oiseau est plus seurement sur la dextre que sur la fenestre, & le mue souuent en diuerses mains, afin qu'il s'assure. Quand il se debattra & volatillera sur le poing, remets le agilement & paisiblement, afin qu'il accoustume de te cognoistre & aimer. Quand tu luy osteras son chapperon, ne regarde point sa face, qu'il n'en prene mauuaise accoustumance. Contre gardel l'oiseau quand passeras les portes, & approcheras des murs, afin que s'il se debatroit, qu'il ne se gatast, ou les penes, & le garde de fumee & de pouldre. Accoustume-le à ne fuir les chiens, mais à les suiure, & qu'il les ait deuant & au tour de luy quand il paistra, & l'accoustume à iouyr & veoir tout ce qui est de chasse.

Quand l'oiseau ne soustient bien ses ailes, la cause & le remede.

CHAP. XXXVII.



Ote, que quand l'oiseau ne soustient bien ses ailles, c'est pour ce que quand il est nouvellement mis sur le poing, ou sur la perche, il n'est gardé de se debattre, & de se chauffer: parquoy se refroidit, & ne peut bonnement soustenir ses ailles. Lors lie l'oiseau de l'eau, & qu'il soit contrainct d'entrer en ladite eau, afin que par se debattre sur ladite eau, il retire & redresse ses ailles. Apres mets-le au Soleil, ou aupres du feu, & le tiens chaudement, qu'il ne se refroidisse, ou pisse trois iours sur les ailles de l'oiseau, & il les soustiendra bien.

Pour bien faire l'oiseau au leurre, & pour le bien faire voller au gibbier.

CHAP. XXXVII.



Ote, que pour bien faire l'oiseau au leurre, il ne le faut point deffiler iusques à ce qu'il reuiendra bien sur le poing, & qu'il y mange bien, lors deslie-le sur le soir, afin qu'il ne s'en fuie, & luy souffle vn peu de vin aux yeux. Et quand tu t'iras coucher, mets le pres de roy, sur vn treteau, ou autrement, seurement, avec chādelle allumée assez pres de luy, puis devant iour soit enchapperonné, & mis sur le poing. Et le traictes ainsi iusques à ce qu'il soit bien leurré, & assure des gens. Apprens le à descendre à terre sur la proye, & à oster paisiblement ses ongles de sa proye, afin qu'il ne les rompe: de laquelle rompure d'ongle, est cy apres escrit en son chapitre. Garde qu'il n'accoustumē en reuenant, cheoir à terre, mais l'accoustume à reuenir sur le poing. En le leurrant, quand il sera remonté, iette le leurre sous les gens, afin qu'en poursuivant le leurre, il s'accoustume de suivre, & non pas de fuir les gens, & quand il sera descendu, reserre le bien, & luy fais aimer le leurre: car s'il ne reuiet bien au leurre, combien que autrement il soit bon, si ne sera-il rien prisé. Ietter l'oiseau pour voller pres des riuieres, ou pres des lieux ausquels on ne le peur fuire, fait perdre souuent l'oiseau. La premiere proye que luy feras voller, soit Caille, Pêrdrix: puis Lieure, apres grans oiseaux. Soule-le de marger, de ce qu'il aura prins, & principalement de sa grand proye. Pour bien faire voller l'oiseau au gibbier, trois choses sont necessaires, bon maistre, bonne compagnie d'oiseaux bien volans, & bon pays de gibbier.

PREMIERE PARTIE

Pour ongle rompu renouveler.

CHAP. XXXVIII.



Aut si l'ongle del'oiseau est rompu en partie, qu'il soitoint de gresse de Serpent, & il croistra en maniere qu'il s'en pourra ayder comme des autres. Si l'ongle est tout rôpu, & qu'il n'y demeure que le tendron, fais vn doigtier de cuir, & l'empty de gresse de geline, & mets le doits de l'ongle rôpu dedans, & attache seulement du mesme cuir le doigtier à la iambe del'oiseau, en remuant & rafraichissant le doigtier de deux iours en deux iours, & ainsi le gouuerne iusques à ce que ledit tendron soit endurcy. Si par violence de la rompure del'ongle la chair du doigt seigne, mets dessus poudre de sang de dragon, & estanchera le sang. Si le doigt est enflé, soit engressé de gresse de geline iusques à ce qu'il soit guery: Si le pied ou la iambe luy enfle, fais oignement de gresse de gelin, d'huile rosat, d'huile violat, de therebentine, de poudre d'encens & de mastic, duquel oindras l'enflure iusques à ce qu'il soit guery. De reparer l'ongle descharné, ou qui vient droit & non crochu, est escrit en la seconde partie de ce liure, au tiltre du pied.

Pour faire bien reuenir l'oiseau quand il a volté, & la cause pourquoy ne reuient.

CHAP. XXXIX.



Aut entendre que si l'oiseau ne veut ou oublie à reuenir, qu'il luy fautietter vn oiseau: & celuy qui luy est le plus agreable, est le Coulomb blanc. A ceste cause, doibs auoir en ta gibbeciere vn Coulomb, ou autre oiseau blanc, pour rappeler ton oiseau quand ne voudre reuenir. La chair de poule, comme est dit au chapitre du past del'oiseau, ne luy est pas assez bone. La cause pourquoy l'oiseau ne reuiet est, qu'il est peu souuent tenu & porté, parquoy n'est accoustumé: ou pource qu'il hait son maistre, quand il le traite rudement: ou pour aucune douleur qui luy est suruenue. Le niais n'est pas si fugitif que le mué, car il n'est pas si astut & chaut. Si l'oiseau ne veut reuenir, prens le gros d'une petite fêbue de gresse du nombril de cheual, de nuit en oingt le bec de l'oiseau, & il aimeras son maistre

& reuiendra à luy facilement: ou trompe en eau toute vne nuit, pou-
dre dereguelice, & en icelle eau coulée, fais tremper chair de Vache
couverte en laisches, de laquelle paistras l'oiseau. La chair de vache,
cōme est dict au chapitre du past de l'oiseau, n'est pas bonne pour pas,
mais est pour ceste medecine: ou prens herbe nommée cost, ou selon au-
cuns baume, seche la, & puluerise, & d'icelle pouldre, mettras sur la
chair que mangeras l'oiseau. Si par orgueil ton oiseau ne veut reuenir,
prens du sel rouge, la quantité d'un bien gros pois, & le mets sur
son past, lequel luy fera ietter toute sa superfluité & son orgueil corriger.

Pour faire auoir faim à l'oiseau qui est trop pu, quand on le veut faire voler.

CHAP. XL.

Pour faire auoir faim à l'oiseau qui est trop pu, quand on
le veut faire voler, donne luy au soir en la cure vne pillule
d'aloës, avec ius de choux rouges: ou luy donne trois mor-
ceaux de chair, où il y ait dedans chacun morceau, aussi
gros de sucre qu'un pois, & bien tost apres esmutira
deux ou trois fois, & aura faim.

Pour desaccoustumer l'oiseau de soy percher en arbre,

CHAP. XL I.

Si tu veux desaccoustumer l'oiseau de soy percher en arbre,
laisse le percher en arbre trois ou quatre fois, quand le temps
sera nebuleux, pluuieux, & quand il fera rosee, & par tel en-
nuy craindra de se percher.

Quand l'oiseau n'a volenté de voler, & le remede pour le faire voler.

CHAP. XLII.

Vand l'oiseau n'a volenté de voler, baille luy l'eau pour soy
baigner, & luy laue son past en eau tiede, ou luy donne vne
pillule de gresse de lart.

S. iij.

PREMIERE PARTIE

Quand l'oiseau est esgaré, ou on ne peut ouyr ses sonnettes, ce qu'il est de faire.

CHAP. XLIII.



Vand l'oiseau est esgaré, ou on ne peut ouyr ses sonnettes, c'est pour ce que les oiseaux de proyes, par leur astuce portent souuent leur proie es cauernes, ou pres des eaux, parquoy on ne peut ouyr les sonnettes : lors regarde où verras les oiseaux voller, & crier, car là doit estre le tien, qui est caute du cry des autres. Ou si tu ne le vois, ou ne le peux ouir, monte en lieu haut, & mets ton oreille contre terre, & clos l'autre dessus, & oyras lesdits oiseaux. Si c'est en lieu plein & descouuert, mets ton fronc contre terre, en clouant vne oreille, & apres l'autre, & de quelque costé entendras où doibt estre oiseau.

*Pour faire l'oiseau hardy à sa proye, & voller grans oiseaux
& comme lors doit estre porté.*

CHAP. XLIII.



Our faire l'oiseau hardy à sa proye, & voller grans oiseaux, trempe en vin pour son past, duquel luy donneras quand seras au gibbier. Si c'est pour Autour, fais-le tremper en vinaigre, & luy en donnele gros d'une amande : & quand tu le voudras faire voller, donne luy trois morceaux de chair trempée en vin : ou prens vn petit coulomb, & luy ouure le bec, remplissant ledict coulomb de vinaigre, puis fais voller ledict coulomb iusques à ce que le vinaigre entre dedans la chair, de laquelle donneras à ton oiseau quand tu seras au gibbier. Quand il est hardy ne le porte point sur le poing qu'en lieu solitaire.

Pour faire Lanier gruier.

CHAP. XLV.



Faire vn Lanier gruier, fais vne cauerne & chambrette obscure soubsterre, & y mets le Lanier, qu'il ne voie point de lumiere, sinon quand le paistras, & ne le tiens point sur le poing que de nuit. Quand voudras qu'il volle, fais feu en sadicte cauerne, & quand elle sera chaude oste le feu, & baigne l'oiseau en vin pur, & le mets en icelle cauerne, puis le paist de cerueau de ge-

ne & le meine voller deuant iour, & quand le iour apparoittra, iette le deloing aux Grues, le quel iour il ne prendra rië si n'est d'aucture, mais les autres iours ensuiuans, il sera bon, & principalement depuis la my-Iuillet, iusquas à la my-Octobre, & si sera meilleur apres la mue, que par-avant. En temps froit, comme en huer, ne vaurrien.

Quand l'oiseau volle autre proye qu'il ne doit, pour la luy hayre.

CHAP. XLVI.

MAis si l'oiseau volle autre proye qu'il ne doit, comme Colombe, corneille, & autre, pour la luy faire hayre, porte en ta gibbeciere siet de geline, du quel iingdras la poitrine de l'oiseau qu'il aura prins de laquelle luy laisseras vn peu manger, car par celle amertume, il haira, les oiseaux de telle sorte.

Pour muer l'oiseau de proye, en quel temps il mue, & pour le muer, ou sur le poing sans chair, ou en mue avec chair : & comme il doit estre purgé & dispose quand on l'y met du bon past pour luy en la mue, & pour le faire tost & bien muer, & le remede quand il mue mal.

CHAP. XLVII.

N dit que l'Esperuier mue en Mars ou en Aueil, & à mue en Aoult. Le Faucon mue à la my-Feurier. Pour muer l'oiseau sur le poing, qu'il soit mieux asseuré. & ne craigne les gens, paist-le sur le poing, & luy mue souvent son past, & luy donne de celui qu'il mangera plus volontiers : porte-le matin & soir : en temps chault, mets-le en chambre fraische où il ait vne perche sur laquelle il puisse voller quand il voudra : s'il se debat là si l'en chapperonne, ou le porte en lieu frais en chapperonne : s'il se debat sur le poing, souffle luy au bec, sous les ailes, & par le corps, il ne se depattra si non tant qu'il commencera à ietter. Quand il iettera bien ses plumes, mets-le en la dicte chambre, & deffous luy vne motte d'herbe verte, & sablon, & luy offriras l'eau chacune sepmaine : & ainsi muera bien, & sera bon. Pour muer l'oiseau sans chair, fais bouillir vn moyeu d'œuf, qu'il soit duret, & le refroidiras en eau froide, puis l'essuieras : quand premierement le donneras à l'oiseau, pour l'accoustumer, tu mixonneras le dict moyen avec le sang de geline, ou d'autre oiseau, & le donneras à l'oiseau. Pour le faire

PREMIERE PARTIE

bientost muer, mets vn Lefart vert, en vn pot sans eau, & en fais poudre que tu mettras sur sa chair. La mue de l'oiseau doit estre vne maisonnette en lieu solitaire, sans poudre, & fumee, & ou les poulles ne puissent venir, afin que les poulx ne tombent dedans la mue, qui gasteroient l'oiseau. La mue soit clause deuant midy, pour le vent chaut & pluuieux. Mets dedans la mue sablon, & de trois iours en trois iours herbe fraiche, feuilles & branches: & deuant l'oiseau vne tinette pleine d'eau pour boire & se baigner. Quand on veut mettre l'oiseau en mue, il le faut premierement purger des poulx, & quand on le met hors, soit purgé comme est escrit au chapitre, pour purger l'oiseau en tout temps. Aguiseluy le bec, & luy oings, plume desoubz le col, & sous la queue past le septiours en la mue de petits colombs, avec leur sang. puis trois iours de chair trempée en vrine. Il aduient souvent qu'un oiseau ne prent pas mue en temps deu, & se mue si tard que la saison de voller, aux oiseaux de riuere se passe, auant qu'il soit prest de voler, parquoy est bon de le haster, qui veut charner en voler la saison d'hyuer. Que si ton Faucon ne iette nul de ses plumes, au mois de Iuillet, tu en peux voler tout le mois d'Aoust aux Pies, & aux Perdrix: le mois d'Aoust passé, mets le en chambrea ssez chaude, sus vne cloue, ou sus vn plot, à quoy il sera attaché, qui soit si obscur qu'on n'y voye goutte, & le garde ainsi, en luy baillant oiseaux vifs à manger, iusques à ce qu'il soit gras & en bon point, principalement petis oiseaux de riuere, qui ont longue queue, qu'on appelle Bergeronnettes, pour le moins deux fois la sepmaine, puis baille iour à ton Faucon de peu à peu. Pour le faire tost & bien muer, past le de chair de Herisson sans graisse, ou prens des glandes qui sont au col de mouton desoubz l'aureille, & les hache menu, & luy donne avec son past, & trouue façon qu'il les auale, s'il ne les vouloit manger. S'il se met à ietter plumes, ne luy en donne plus, car il pourroit aussi bien ietter les neufues que les vieilles: ou luy donne par trois iours, au lieu desdites glandes chair de rats, ou de tauupes, oingte de beurre. Apres donne luy vne piece de chair de Serpent. avec la peau, entre la teste & la queue, & trois petites grenouilles. Pour faire bien muer toute espee d'oiseau, past le de chair de petits chiens de lait, trempée au lait de la mulette du chien, apres donne luy la mulette couppee en morceaux, car ce past luy est naturel. Quand les plumes dudit oiseau commenceront à faillir, oings la chair de son past d'huile nommée Sisaminum, car elle luy fera les plumes grosses & molles: & si elles faillioient seches, se

romproient

romproient ou dedans ou dehors la chair de l'oiseau. Ne le mets hors de la muë iusques à ce qu'il aura bien mué toutes ses plumes. Quand les plumes saillent maigres, seches, courtes, ou vieilles, c'est pour ce qu'elles saillent trop tost, & l'oiseau n'a pas gresse suffisante pour les nourrir, lors le nourriras de chair de petits coulombs, & d'autres chairs chaudes. S'il y a aucune penne ou penne mauuaises, qui ne cheent point, ou qu'il saillent mauuaiselement, oint les d'huy-le de l'aurier, car elle les fera cheoir, & naistre bonnes. Si lesion aucune suruiennent à l'oiseau estant en la muë, le meilleur est differer toute medecine iusques à ce qu'il sera hors de maladie : car les medecines ordonnées pour la muë, sont contraire à sa nature.

Quand l'oiseau engendre œuf dedans le ventre, en la muë ou ailleurs, les signes & le remede pour l'en preseruer, ou les luy faire fondre.

C H A P. XLVIII.

S I l'oiseau engendre œufs dedans son ventre, en la muë ou ailleurs, il est malade & en peril de mourir. Les signes quand il engendre œufs sont que le fondement luy enfle, & deuiet roux, les narilles & les yeux luy enflent. Pour l'en preseruer, donne luy depuis le mois de Mars dedans son past del'orpigment, aussi gros qu'un pois, lequel luy refroidira ce desir. Et la chair que luy donneras huit ou dix iours, soit lauée d'eau de vigne, laquelle degoutte quand elle est nouuellement taillée.

Pour oiseau saillant de la muë, gras & orgueilleux, rendre familier, qu'il ne s'ensuye.

C H A P. XLIX.

A I s quand l'oiseau partant de la mue est gras, & il sent l'air & le vent chault, à donc il se debat & s'eschauffe, pourquoy est en danger de se refroidir, & de mourir, pourtant porte le paisiblement enchapperonné, & hors du chaut. Et pour ce qu'il est gras & orgueilleux, & qu'il s'en pourroit fuir, purge le par pillule de gras de l'art, ordonnée cy dessus, au chapitre 21. Pour purger l'oiseau en tout temps, paist-le de chair de poulmon de mouton, taillée en lopins, & lauée, tant qu'elle perde tout le sang, & la plus part de sa substance; car elle amaigrira l'oiseau. Mets & lie sur la perche de l'oiseau boue grasse. ou engresse là perche, & de nuit lie dessus l'oi-

T

PREMIERE PARTIE.

seau : car pource qu'il glissera , il trauuillera , & ne pourra dormir , par quoy il s'ameigrira , & se rendra plus familier . Leurre le bien , qu'il ne s'enfuye : car si l'est trop gras , & n'est bien purgé il s'enfuyra.

*Quand l'oiseau per le manger apres la mue , le remede pour luy donner
appetit de manger. CHAP. L.*

Si l'oiseau pert le manger apres la mue : le remede pour luy donner appetit de manger est , prēdre aloes cicotrin en poudre , & ius de choux rouge , tout meslé & mis en boyaux de geline , liez au bout , & luy faire aualler : puis le tient sur le poing iusques à ce qu'il soit purgé , & ne le laisse iusques , apres midy : lors donne luy past vif & bon , & le lendemain de geline : apres baille luy l'eau pour se baigner . Ceste medecine est bonne contre les aiguilles & filandres.

Pour muer le pennage de l'oiseau en blanc.

CHAP. LI.

Vous pouuez muer le pennage de vostre oiseau en blanc , en mouillant premierement sa chair en sang de Mille , les autres disent Millet , par cinq fois . Et quand viendra au tiers iour , muez sa chair en sang de Mille ou Millet , & en donnez à manger à vostre oiseau.

Quand l'oiseau se bat trop à la perche. CHAP. LIJ.

E peur que l'oiseau ne se debate par trop à la perche , mais se repose , cuisez Myrrhe en eau , & puis luy en lauez tout le corps . Et mouillez aussi sa chair en celle mesme eau , iusques à neuf fois , & luy donnez quand il voudra enduire.

Fin de la premiere partie de Fauconnerie.

La seconde partie de Fauconnerie,
PAR G V I L L A V M E T A R D I E
DU P V Y E N V E L L A Y.

*Contenant les maladies des oiseaux, &
les medecines d'icelles.*



Tij

SECONDE PARTIE

*En donnant les medecines aux oiseaux on doit considerer la disposition d'iceux,
& la qualite du temps pour les bailler. Les signes communs de la
maladie en oiseau de proie.*

CHAP. I

Ignes de chaleur exterieure en l'oiseau sont, quand il tiēt sa bouche ouuerte, la langue tremblant, respire soudainement, les yeux luy engrossissent, ioint les ailes, les plumes dessus le col descouurent la chair, les pennes des ailes grosses, qu'on nomme coutteaux, sont laschenr & penchans. Les signes de froideur exterieure en l'oiseau sont, quand il clost en partie ou du tout les yeux, & leue vn pied, & herisse les plumes. Les signes qu'il est las, ou malade sont, quand il a la bouche close, les ailles abbastues, & respire souuent par les nariles. Le signe qu'il est debile est, quand il s'appuye aucunement sur la perche. Le signe qu'il est mal gouverné, & qu'il est meigre est, quand il espluche souuent ses plumes. Les signes de mort en l'oiseau sont, quand l'esmont est vert, & quand en saillant il ne peut remonster sur sa perche.

Contre rheume au cerueau de l'oiseau, les signes, la cause, & le remede.

CHAP. II.

Les signes pour cognoistre le rheume au cerueau de l'oiseau sont, quand il iette eau des narilles, & a larmes, cōme vne nue aux yeux, & au soir clost vn œil, puis l'autre puis tous deux, & les couure tant qu'il semble à voir qu'il dorme. Ce rheume luy engendre aucunesfois la taye en l'œil, & l'ongle, la pepie en la langue, luy fait enfler le palais, luy engendre le chancre. Quand il semble que le rheume sort par les yeux, ou par les narilles, ou par la bouche, l'oiseau est en danger de mort. La cause dudit rheume est, que l'oiseau est pu de chair grosses, ou mauuaise, à grosse gorge, & plus tost luy vient quand il est meigre, que quand il est bien gras. Et pour ce qu'il ne peut enduire tel past, au cerueau de l'oiseau, luy clost les aureilles narilles & conduits, tellement que les humeurs ne peuuent vider comme elles ont accoustu-

mé. Le remede est, purger l'oiseau, ainsi qu'il est escrit au chapt. vingt-vniesme. Pour purger l'oiseau en tout temps: Quand l'oiseau demeure souvent les paupieres par le rheume du cerueau, mets en ses narilles huile violat, le iour apres donne luy en son past vn peu de sel armoniac, meslé avec beurre, le tiers iour soufflé en ses narilles vn peu de theriacle meslé avec huile violat.

Contre rheume sec au cerueau de l'oiseau, les signes, & le remede.

CHAP. III.

Es signes du rheume sec au cerueau de l'oiseau sont, quand l'oiseau esternue beaucoup, & rien ne luy sort des narilles. Pour lequel rhume guerir, faut souffler Obsomogarum avec vin vieil, aux narilles de l'oiseau, & apres mets l'oiseau au Soleil, ou au pres du feu. Quand l'esternuer luy sera passé, donne luy chair nerueule, pour le faire trauailler en tirant, afin que par tel labour ledit rheume descende du cerueau aux narilles, & sorte dehors. Quand l'oiseau a la teste enflée pour ledit rheume, mets luy sous ses pieds drap de laine mouillé en eau froide, tellement que l'oiseau sente la froideur. Quand il frotte ses plumes, & se gratte à cause de ceste maladie, donne luy en son past mauues broyees. Quand il bée souvent & respire fort pour ledit rheume, prens trois gouttes d'huile de laurier, & vne once d'huile d'oliue, trois moyeux d'œuf, & du cost, autrement nommé baume, meslé tout ensemble, & donne sur le past de l'oiseau.

Contre rheume engendré au cerueau de l'oiseau, par fumee, ou par pouldre, le signe, & le remede.

CHAP. IIII.

E signe de rheume engendré au cerueau de l'oiseau par fumee ou par pouldre est, quand il iette flegme & eau des narilles. Le remede, soufle vin vieil aux narilles & face dudit oiseau, ou bien huile violat meslée avec lait de femme, si le temps est chaud: ou broye des aux sauuages avec vin vieil, & de ce mouille les narilles de l'oiseau. & qu'il entre dedans, & cela luy fera ietter le flegme.

SECONDE PARTIE

*Contre le haut mal, dit Epilence, les signes, la cause, le remede
& la contagion de celle maladie.*

CHAP. V.



N'esprouue le haut mal d'Epilence en ceste maniere, quand l'oiseau chet soudainement, & gist par quelque temps comme mort, & cela luy vient souvent au matin, & au vespre. Il a les yeux clos, les paupieres en flees, l'haleine puante, & s'efforce d'esmutir. La cause de ceste maladie est, chaleur & fumée du foye, laquelle monte au cerueau & le lie & trouble. Le remede est, purger l'oiseau, cōme est escript en la premiere partie de celiure, au chapitre vingt vniesme. De purger l'oiseau en tout temps. Tu luy donneras dedans peu de chair le gros de deux poix d'aureau alexandrine, puis apres fais pouldre de lentilles rousses & prend limure de fer bien menue, tant d'un que d'autre, & lie tous les deux en miel, & en fais pillules du gros d'un poix, desquelles deux ou trois feras aualler à l'oiseau, Apres tien ton oiseau sur le poing au soleil, ou au pres du feu, iusques à ce qu'il ait esmeuty vne fois ou deux, & ne soit puisques apres midy, lors donne luy bon pas, & petite gorge. Ou fais pillules de poudre de Garapigre, avec ius d'aluyne, lesquelles donneras à l'oiseau en sa cure. Ou luy donne poudre de gomme, Balsami & Castorei, avec ius de mentastre, autrement nommée herbe contre les puces: soit l'oiseau tenu de iour, en lieu obscur, & l'eau deuant luy, laquelle luy est necessaire, & de nuit soit tenu à la fraischeur & fais ainsi six ou huit iours. Ceste maladie est contagieuse, pour ce garde qu'autre ne luy touche.

Quand l'oiseau dort souvent, pour l'esueiller.

CHAP. VI.

Quand l'oiseau dort souvent, pour l'esueiller, paist-le de queuë de mouton, oingte d'huile d'oliue.

*Contre oppilation & surdité des oreilles de l'oiseau, le signe,
la cause & le remede.*

CHAP. VII.

LE signe d'oppilation & surdité des oreilles de l'oiseau est, quand il pose la teste de trauers, & est tout mat. La cause, est le rheume qu'il a en la teste. Le remede est, le purger ainsi qu'il est escrit au chapitre vingt vnielme. De purger l'oiseau en tout temps. Apres pou-droye la chair du past d'iceluy de poiure blanc, icelle chair mise en lesches.

Contre enfleure & viscosité des paupieres de l'oiseau, le signe, la cause, & le remede.

CHAP. VIII.

SIgné d'enfleure & viscosité des paupieres de l'oiseau est, qu'il a enfleure dessus l'œil, & que les paupieres deuiennent noires. La cause est, le rheume du cerueau, & de celuy peut venir la maladie nommée l'ongle, & pourra tant croistre qu'elle creuera l'œil à l'oiseau. Le remede est, purger le cerueau de l'oiseau, ainsi qu'il est souuent dit. Quand les paupieres sont si visqueuses, qu'elles se ioignent ensemble, laue les de vin vieil, & paist l'oiseau de chair chaude, & puluerise fiente de vache, laquelle souffleras avec vn tuyau aux yeux & narilles de l'oiseau.

Contre enfleure des yeux de l'oiseau, les causes & le remede.

CHAP. IX.

Enfleure des yeux de l'oiseau vient pour trois causes, ou par ventosité, ou par coup, ou par playe. Si par ventosité les yeux sont enflez, destrampe moustarde en eau, de laquelle oindras l'enfleure. Si par coupes yeux sont enflez, laue le coup d'eau rose, & d'eau de fenoil, autant de l'un que de l'autre. Si par playe les yeux sont enflez, en heurtant à quelque espine, ou ailleurs, mesle arsenic rouge avec lait de femme.

Contre le mal des yeux de l'oiseau.

CHAP. X.

SECONDE PARTIE



I ton oiseau a mal aux yeux de coup ou de taye, prens vne herbe qui s'appelle Filago, elle croit pres de terre, & est chauue & crespue de fueilles, & mets le ius d'icelle herbe en l'œil de ton oiseau.

Comme on guerit l'oiseau de chancre.

CHAP. XI.



Autprendre miel & vin blanc, & faire le tout botillir ensemble, & apres luy en lauer la boucher, apres l'essuier & mettre dessus la poudre de cerfueil, & il guarira.

Contre la pepie en la langue de l'oiseau.

CHAP. XII.



Epie en la langue de l'oiseau est, quand il esternue souuent & ce faisant crie. La cause est, la chair mauuaise & orde qu'il a peu. Le remede est, premierement laue la langue & la pepie d'eau rose, mise en cottonlié au bout d'un petit baston, apres oingts luy par trois ou quatre iours la langue d'huile d'oliue, & d'huile d'amendes, meslées ensemble, & la pepie se blanchira & molifiera. Et quand elle sera bien meure, oste la comme on fait aux gelines. Apres oingts la langue de l'oiseau trois ou quatre fois le iour, desdites huiles iusques à ce qu'elle soit guerie.

Contre flegme engendré au gosier de l'oiseau, le signe, & le remede.

CHAP. XIII.



E signe de flegme engendré au gosier de l'oiseau est, que tu y verras le flegme gros comme crachat, & ceste maladie engresse l'oiseau, le remede est tel, prens le pois de trois grains de sel armoniac, meslé avec miel, & en frotte le gosier de l'oiseau, & ce à trois heures apres midy. Puis prens reguelice & des penites, sept dragme, tant d'un que d'autre, de paille d'orge quatorze dragmes, & dix liures d'eau: fais tout bouillir, couler & refroidir, iusques à ce que il sera tiede, & le mets deuant l'oiseau, & ne soit pu iusques à neuf heures au soir, apres le paistras d'alle de geline: & si ce ne le guarist, prens

Stafi sage

Stafilagre broyee avec bourrache, & avec vn drapeau en frôte ledit lieu malade. Et quand ledit flegme sera sailly, paistras l'oiseau de chair de Coulomb, avec son sang, & luy mets l'eau deuant luy.

Contre la maladie des sangsues, qui sont au gosier de l'oiseau, le signe, la cause, & le remede.

CHAP. XIII.

Signe de la maladie des sangsues, qui sont au gosier de l'oiseau, est que quand l'oiseau paist, la sangsue se remue dedans la gorge de l'oiseau, & aucunesfois se monstre hors des narilles. La cause est, quand l'oiseau se baigne en eau paisible, non courante comme celle de fontaine, & qu'il en boit, luy entre quelque sangsue dedans la bouche ou narilles, & s'enfle du sang de l'oiseau. Le remede est, mets moustarde dessus les narilles de l'oiseau trois ou quatre gouttes de jus de limons, & l'oiseau iettera la sangsue dehors : ou mets sur charbon ardent quatre ou cinq punaises, & fais entrer celle fumee dedans la bouche & narilles de l'oiseau, & la sangsue s'en fuira dehors.

Contre filandres, les especes d'icelles, les signes, la cause, & le remede.

CHAP. XV.

Filandres sont petits vers, dont y en a de quatre especes: l'une est en la gorge de l'oiseau, l'autre au ventre, l'autre aux reins. La quatriesme est nommee aiguilles, qui sont aussi bien petits vers de la premiere espece de filandres qui viennent en la gorge. Et apres diray des autres en leurs lieux. Les signes de filandres en la gorge sont, que l'oiseau baille souuent, frotte les yeux à son aile, grate ses narilles. Et quand il est pu, & les filandres sentent la chair fresche, elles se remuent, tellement que l'oiseau les cuide ietter dehors, & en ouurant la bouche dudit oiseau, facilement les y verras. La cause des filandres, sont mauuaises humeurs au corps de l'oiseau, par mauuais & ord past, comme souuent est dit: lesquels les filandres montent au gosier de l'oiseau, iusques au pertuis de l'halaine d'iceluy, & le poignent là, & au cerueau. Le remede est, broye

SECONDE PARTIE

herbe nommee mente, & le ius d'icelle osté, mesle le marc avec vinaigre, & en chair de pouffin, & la donne à l'oiseau. Ou prens bois de ruë bien gros, & y fais vne fosserte, & la remplis d'eau, puis mets ainsi ladite ruë sur charbons ardans, l'espace de demie heure, iusques à ce qu'elle soit bië cuitte. Et si l'eau fort, ou tombe, ou se diminue, remplis ladite fosserte d'autre eau, puis prens icelle eau, & tout le ius d'icelle ruë bien espraint, & y mesle poudre de safrá, la quãtité d'un gros pois, en laquelle eau tremperas la chair du past de l'oiseau, de laquelle paistras à demie gorge, & si ne la veut manger, garde la luy iusques à ce qu'il aura appetit, & luy continue trois ou quatre iours, ou la luy trépe en eau de soufre, & suc de Grenades.


Contre rancité seche de l'oiseau.

CHAP. XVI.

POur rancité seche de l'oiseau, prens vn Coulób ieune, gras & luy fais tant boire de vinaigre qu'il meure: apres mets le aupres de l'oiseau qu'il l'estrange, & qu'il boiue le sang, & garde bië qu'il n'auale des plumes ne des osselets du Coulomb. Les autres iours, paist-le de chair de veau chaude, ou trempe en suc de racine de fenoi, & sucre, trois morceaux de chair, & en paists l'oiseau.

Contre l'haleine puante de l'oiseau, la cause & le remede.

CHAP. XVII.

 Velquefois l'haleine put à l'oiseau, pource qu'il est pu de chair mauuaise, & qui n'a esté trempee & lauee, laquelle luy engendre humeurs, qui luy font l'haleine puante. Le remede est, purger l'oiseau de pillule de gresse de lard, ordonnée au chapitre. Pour purger l'oiseau en tout temps. Trois iours apres feras secher au feu, ou au four du rosmarin, duquel feras pouldre, & froisseras trois cloux de girofle, desquels, & de ladite pouldre de rosmarin prendras à la quãtité d'une pillule, & mettras dedás vn peu de cottó, lié d'un petit filet, & au vespre le feras aualler à l'oiseau. Et continuë ainsi cinq ou six iours, apres cinq ou six iours luy en donneras pareillement vne, iusques à ce qu'il aura bonne haleine. Aucunesfois l'oiseau à l'haleine puante, parce qu'il a le pommō trop gras. Faut prendre vne graine, qui est appelée graine d'outre-mer, qui ressemble à celle de rosmarin, fors qu'elle est plus menuë, on en trouue chez les Apothicaires, si luy en donnez avec sa chair il aura bonne haleine.

*Contre pouls és plumes de l'oiseau & quand on les
luy doit oster, & comment.*

CHAP. XVIII.

NOte que le signe que l'oiseau a des pouls est quand il s'espouille souuent, & soigneusement, & quand il est mis au Soleil bien chaut, hors du vent, les pouls se montrent sur les plumes. On doit oster les pouls à l'oiseau deux fois l'an, l'une quand on le met en la muë, & l'autre quand on l'en oste, comme aussi il est escrit au chapitre de la muë. Pour oster les pouls à l'oiseau, mets de l'absinte, autrement nommée aluïne, sur les lieux où sont les pouls: apres oings d'huile les iambes & les pieds de l'oiseau, & le tiens en estuue iusques à ce qu'il sue, & les pouls descèdront à l'odeur de l'huile, & ainsi les pourras oster. Ou oings les lieux où sont les pouls d'argët vif, mortifié en cendre & huile, & quand les pouls se montreront, mets devant l'oiseau l'eau pour se lauer, & garde que l'argët vif ne tōbe en la bouche de l'oiseau. Si les pouls sont en toutes les plumes, prens poudre de poiure, & cèdre de ferment mellez ensemble, pouldroie lesdites plumes, & enuelope l'oiseau, & le mets au Soleil. Apres desueloppe l'oiseau, & le mets sur le poing, & quand verras les pouls, abats-les avec instrument à ce propre. Ou prens argent vif, mortifié en salie, & melle avec saing de porc, auquel trempe vn gros & mollet cordon de laine, puis le lie au col de l'oiseau, & les pouls y viendront, & mourront. Ou trempe en cedit saing vn drap mollet de laine, & y enuvelope l'oiseau & le tiens en estuue tant qu'il suë, & les pouls prendront audit drap. Si l'oiseau a les pouls à la plante, mets en eau chaude pouldre de Stafisagre, & d'icelle eau coulee, mets sur les lieux où sont les pouls: & s'ils ne meurent, prens Absinte & du Lupin, autant d'un que d'autre, & mets-en eau, laquelle coulee, mettras en vaisseau auquel l'oiseau se puisse aisement lauer. S'il a tant de poux qu'il arrache ses plumes, quits bien en eau soufre citrin, puis mets icelle eau chaude en vne rinette, & sur elle vn crible, sur lequel lier l'oiseau, tant que la chaleur & vapeur d'icelle eau chaude monte iusques à l'oiseau, & qu'il suë, & les pouls tomberont. L'orpin oste bien les pouls, mais il fait changer le plumage, & fait mal à langue de l'oiseau.

SECONDE PARTIE

Contre la taigne és penes de l'oiseau, de ses deux especes, leurs signes, la cause, & le remede s'il ronge ses penes.

CHAP. XVII.



N dit que la taigne és penes de l'oiseau est de deux especes, l'une ronge la pene du bout du tuyau, l'autre fait cheoir les penes saignantes au bout. La cause de la premiere espece est, que l'oiseau est ord dedans le corps, & n'est pas bien baigné, & est tenu en lieu ord, poudreux ou fumeux. Le remede est, faue vne fois le iour l'oiseau de lexiue de serment, & le laisse essuyer: apres oingts les penes raigneuses de miel & mets sur lesdits lieux sang de dragon, & alun de glace. Quand les penes tombent saignantes, la cause est la chaleur du foye de l'oiseau, laquelle fait vne vesie sur le lieu où tient ladite pene, apres pourrir le bout de la pene, & la fait choeir, & le trou d'icelle est partie se ferme, parce autre pene n'y peut croistre. Le remede est, fais vne brochette de bois de sapin, laquelle ne soit point fort aiguë, qu'elle ne blesse l'oiseau, & puisse aisémēt sans douleur entrer dedans ledit trou. Ou près vn grain d'orge, & luy coupe la pointe du costé duquel le mettras audit lieu, & oings iceluy grain d'huile d'oliue, & le mets audit lieu, tellement qu'il en demeure vn peu dehors, afin qu'il garde le trou de se clorre, apres perce ladite vesie, de laquelle sortira vne eau rousse puis prens poudres d'aloes cicotrin, & fiel de boeuf battu ensemble, duquel oingdras ledit lieu, & garde qu'il n'en entré dedans. Quand l'enflure de rougeur du lieu où est la douleur sera passée, oingts le lieu malade d'huile rosat, pour oster les croustes & ordures dudit lieu, afin que la pene nouuelle puisse sortir, & mets l'oiseau en chambre où il ait perchés auprès de terre pour s'y reposer, & ses penes soulager, soit là pu, & l'eau mise deuant luy pour se baigner. Ou bien si vn oiseau a raignes en l'aile ou ailleurs, prens vne pierre de chaux bien viue, & la mets en vn bassin, où il y ait de l'eau, & luy laisse toute la nuict, & de la gresse qui sera par dessus l'eau, laues-en par quatre ou cinq iours l'aile de ton oiseau: S'il y a pene ou penes mauuaises, faits comme il est escrit au chapitre de la muë. Si l'oiseau ronge ses penes, mets sur son past pouldre de mauués, laquelle luy fera oublier, de les ronger. Garde qu'autre oiseau ne soit mis près de l'oiseau raigneux, & qu'il ne soit pu du past d'iceluy, ne mis sur le gant sur lequel il aura esté, car il

prendroit la teigne. Pour reparer pennes froissees, ou rompues, ou arrachees, est escrit en la premiere partie de ce liure.

Quand l'oiseau herissonne, les signes, & le remede.

CHAP. XX.

Signes quand l'oiseau herissonne, sont qu'il leue les aistres, puis les estraint, leue vn pied, puis l'approche de l'autre, a les yeux enfoncez, & les couure en partie ou tout, & ouure & clost tost. la bouche: lesquels deux derniers signes s'ont mauuais en ceste maladie. Le remede, est chauffer l'oiseau au feu, ou l'envelopper d'as vn drapeau, & le faire suer sur chaleur & vapeur de vin iecté sur cailloux rougis par grand feu: apres seche l'oiseau au feu, & le tiens bien chaudement.

Quand l'oiseau tremble, & ne se peut soustenir, le remede.

CHAP. XXI.

Vand l'oiseau tremble, & ne se peut soustenir, le remede est, poudroye le past d'iceluy de poudre de regue-lice, & de poudre de mauues, meslees ensemble: ou distille es narilles de l'oiseau quatre gouttes de suc de grenades douces, apres frotte le palais de l'oiseau de poudre stafilagre & sel menu ensemble. Et luy presente l'eau tiede, & au soir le paistras de chair de geline chaude.

Quand l'oiseau a prins coup en heurtant à quelque chose, ou contre sa proye, le remede.

CHAP. XXII.

NOte, que quand l'oiseau a prins quelque coup en heurtant contre aucune chose, ou contre sa proye, le remede est, fais bouillir en vin, sauge, mente, poulliot, & guimaulue: & de ce vin estuue avec vn esponge le lieu malade, iusques à ce que l'oiseau sue: puis emplastre ledit lieu d'encens en poudre, & de guimaulues meslees en blanc d'œuf. Apres essuye l'oiseau au feu, & le

SECONDE PARTIE

tiens chaudement, & continuë ceçy deux fois le iour, iusques à ce que l'oiseau soit amendé. Si l'oiseau a prins si grand coup qu'il iette sang par les narilles, ou par la bouche, ou par le fondement, & les costes luy poulsent & esmutist noir, & en demenant la queue çà & là, donne luy en son past avec sang chaud de geline, pouldre de sang de dragon, du boliarmenic, & de la momie. Paists le de chair de Coulomb ieune, avec son sang, ou trempe chair de geline en vrine, pour son past par aucuns iours.

Quand l'oiseau s'est fait playe en heurtant, comme est écrit au chapitre du coup, le remede.

CHAP. XXIII.



Quand l'oiseau s'est fait playe en heurtant, comme est escrit au chapitre du coup, le remede est, laue & estuue la playe de vin tiede, puis si le cuir est grandement fendu, recouste avec vne aiguille neuue, & fil delié. Apres oingts ledit lieu d'huile rosat, & mets dessus poudre d'escorce de chesne, ou de courge. Ou si c'est en lieu nerueux, mets dessus terebentine, ou bien le ius de l'herbe nommée l'herbe Robert, & apres y mets le marc de ladite herbe. Si tu ne trouue dudit ius, mets y de la poudre de ladite herbe, laquelle herbe garde d'apostumer plaies, & emplastre ledit lieu du blanc d'un œuf: & puis si la playe est profonde, fais poudre de sang de dragon, d'encens blanc, de mastice, & d'aloës cicotrin, autant d'un que d'autre ensemble, de laquelle mets en ladite plaie. Apres pour appaiser la douleur, l'oindras d'huile rosat tiede, & l'emplastreras ainsi.

Pour estancher la vaine de l'oiseau, le remede,

CHAP. XXIV.



Pour estancher la vaine de l'oiseau, prens sang de dragon, aloës cicotrin en poudre, & du poil de Lieure ou de Chat, ou toille d'Areigne, mellez ensemble, avec blâc d'œuf, & mets dessus ladite veine, & la couure d'estoupes trêpees en blâc d'œuf & huile rosat, & ce reuouelleras, tellement, que ce qui est, a mis dessus par soy tombe.

Pour os rompu, ou hors de son lieu, faire reprendre.

CHAP. XXV.

ET si ton oiseau a os rōpu ou hors de son lieu, comme, l'aile-
ron, laisse, cuisse, ou iambe, pour les faire reprendre, soit
biē remis en leur lieu, où adresse vn os edroit l'autre : Apres
prens sang de dragon, boli armenic, gomme arabic, encens
blanc, aloes cicotrin, momie, & vn peu de farine : destrempe tout en
blanc d'œuf, & emplastre le lieu malade, & s'il est besoin soit bandé a-
uec hastelles, & l'oiseau emmaillotté, afin que l'os se reprenne plus
seurement, & garde qu'il ne soit trop estreint, singulierement la iam-
be, si l'os est rompu, car le pied luy secheroit. Renouvelle l'emplastre
de quatre en quatre iours, si besoin est, & garde biē que ledit os ne se
reiette hors de son lieu, soit ainsi tenu & enchapperonné, iusques à ce
qu'il soit guarý : ou prens pouldre d'aloes. poix Grec, & mirrhe, mis
en blanc d'œuf, emplastre ledit lieu. S'il al'os de la cuisse ou iambe rō-
pu, oste luy les ieüs, & les mets en chambre obscure, sur herbe, &
soit pu de bon past, à petis morceaux, assez bonne gorge.

DES MALADIES ET MEDECINES
qui sont dedans le corps des oiseaux, &
qu'on ne voit point.

Contre foye de l'oiseau eschauffé, les signes, la cause, & le remede, pour le refroidir.

CHAP. XXVI.

MAINTENANT venons à parler des maladies qui sont
dedans le corps de l'oiseau. Les signes du foye es-
chauffé sont, quand l'oiseau gratte la dextre & haute
partie du bec, & a la gorge eschauffee, & changeant
en couleur, & blanchissant, & qu'il a les pieds eschauf-
sez, & le dessoubs d'iceux est noir ou vert : & que si la langue luy
deuiant noire, c'est signe de mort. La cause, est ord past qu'on luy
a donné, ou qu'on ne l'a baigné quand on debuoit, ou par eschauf-
fement de trop voller, ou par estre trop longuement sans paistre. Le
remede de luy refroidir le foye est, purger l'oiseau par pillule du gras

SECONDE PARTIE

de lard, ordonnee au chapitre, pour purger l'oiseau en tout temps, & apres luy donner limaçons, ainsi qu'il est escrit au chapitre, pour oiseau meigre mettre sus. Puis trempe rhubarbe vne nuit en eau, à la fraischeur le lendemain, & quatre ou cinq iours apres, laue son past de celle eau. Paists l'oiseau de gresse de porc, ou de cuisse de geline, & semblables chairs non chaudes trempées en lait.

Contre maladie de poulmon de l'oiseau, & le remede.

CHAP. XXVII.

Si tu veux remedier contre la maladie du poulmon de l'oiseau, paists le de chair de Lieure, ou puluerise sucre & safran tant d'un que d'autre, & mets en trois morceaux de chair fraiche de Cheure, desquels paistras l'oiseau. Quand l'oiseau aura digeré, donne luy le surplus de son past deu, & de bonne chair: ou trenche bien menu poils de porc, & les mets en sang de porc, & quand ledit sang sera coagulé, & figé, paists en l'oiseau. Apres ce prens quatre onces de pouldre de l'herbe nommée cost, & du sel gemme, puluerise & meslé avec miel, huyle d'oliue, & blanc d'œuf, & en trempe le past de l'oiseau quand l'oiseau respire fort, par la douleur du poulmon cuits en eau rusche de miel, & la mets en la gorge de l'oiseau, & le lie iusques à midy, puis le paists de geline.

Contre asme, autrement dit pantais, quand l'oiseau ne peut auoir son haleine, & à l'haleine grosse, les signes, la cause, les deux especes d'iceluy, & le remede.

CHAP. XXVIII

Es signes que l'oiseau a l'asme, autrement pantais sont, quand il ne peut auoir l'haleine, qu'il demeine la teste, & frappe sa poitrine, & quand la bouche ouuerte respire souuent, & du fons de la gorge, leue le ventre & luy debat, demeine la queue en la leuant: quand le mal engrege, il ronfle, par angoisse qu'il a d'auoir son halaine. La cause dudit pantais, sont fumées qu'il a dedans le corps, ou coups qu'il a prins au gibier

gibbier ou par eschauffement qu'il a prins par trop roidement voller, ou par se debattre sur la perche, s'est rompu aucunes petites veines du foye, & le sang d'icelles saillant, s'est endurcy & monté pres de la gorge. Il y a deux especes de pātais, l'un est en la gorge, l'autre és reins. Le remede au pātais en la gorge est, premierement soit purgé l'oiseau, comme dit est au chapitre, pour purger l'oiseau en tout temps. Apres mets-le sans gets & sonnettes dedans chambre nette & claire, les fenestres ouuertes & treillissées tellemēt qu'il n'e puisse sortir, & que le soleil ou grand air puisse entrer dedans, auquel lieu y ait perches, sur lesquelles il puisse voller, & l'eau deuant luy. Tu le paistras de bōne chair taillee en morceaux, & arrousee d'huile d'amendes douces, ou de lait, & à demie gorge à la fois. Ou luy donne sur sa chair, limeure d'acier, mellee en miel ou en poudre de boliarmenic. Et s'il iette moruats durs des narilles, est signe de guarison. La cause du pātais qui est és reins est, pource que l'oiseau a esté fort malade puis guarý, puis recheut: parquoy s'engendre és reins vne maladie du gros d'une febue en maniere de chancre, laquelle eschauffe tellemēt l'oiseau qu'il iette son past. Les signes de ce pātais sont, que ce mal ne trauaille point l'oiseau cōtinuellement, cōme l'autre qui est en la gorge, mais de huit iours en huit iours, ou de quinze iours en quinze iours, ou de mois en mois, & l'oiseau remue plus les reins que les espauls. Le remede est, fais bouillir en eau & en pot neuf, racines d'asperges, de fenoi, & de capres: puis d'icelles racines fais pouldre sur vne tuille vieille, laquelle y est meilleure que la neufue, & en icelle eau trempe de bonne chair, de laquelle paistras l'oiseau à demy gorge. Et au soir ne la trēperas point, mais mettras dessus de la poudre desdites racines, & cōtinue ainsi par dix ou douze iours. Autres dōnēt à l'oiseau qui a grosse halaine & brute, de la poudre sur sa chair, qui est faite du poulmon bruslé d'un Regnard. Si l'oiseau a longuemēt pantié, & il est meigre, il est incurable.

Contre sang assemblé & figé au ventre de l'oiseau, le remede.

CHAP. XXIX.

S I l'oiseau a sang assemblé & figé au ventre, le remede est, mets sucre en eau de grenades, & en eau de soulfre, & y trēpe vn morceau de chair, lequel donneras à l'oiseau, & quand il l'aura digéré, par fais son past. Ou mets en eau poudre d'Asa-fetida, & des racines de Capres, & quand l'eau sera reposee, trempe y morceaux de chair, desquels paistras l'oiseau.

SECONDE PARTIE

Contre filandres dedans le corps de l'oiseau, les signes, la cause & le remede.

CHAP. XXX.

Des Filandres qui sont en la gorge, & que c'est que filandres, & des signes pour les cognoistre, est escrit au chapitre treziesme, & icy est escrit des Filandres qui sont dedans le corps de l'oiseau. Les signes pour les cognoistre quād elles y sōt, quād l'oiseau se plaint de nuit, & crie crac crac, & quand tu le portes au matin, il estraint ton poing, ce qu'il ne faisoit parauant, & fait semblant de se coucher sur le poing, qui est le signe de grande vexation que luy font les Filandres, & est lors en danger de mort, il plume son ventre, & en sa cure apparroissent & se monstrent vers, ou chair rouge, qui est le ver. Et aussi vous le sçaurez esmues, qui sont pleines d'une maniere de filets de chair longue, qui luy pendent quelquefois au fondement. La cause des Filandres est, le debattre qu'il fait contre sa proye, ou autrement, & se rompt quelque veine dedans le corps, par laquelle le sang se respand par les entrailles, & se caille & seche, duquel s'engendrent lesdictes Filandres, lesquelles pour fuyr la puanteur dudit sang, cherchent lieu net par le corps, & montent aux entrailles & au cœur de l'oiseau. Le remede pour les faire mourir est, fais poudre de létilles des plus rousses, & en icelle melle moins de poudre de vers, & les lie en miel & en fais emplastre, apres plume le ventre de l'oiseau, & y mets ledit emplastre. Puis fais ius d'herbe de ruë, & de feuilles de pescher, avec lequel melle poudre de vers, & en fais emplastre, & le mets sur les reins de l'oiseau, lesquels reins plumeras parauant, & renouuelleras l'emplastre par cinq ou six iours. Apres mets dedans vn boiau de geline, du thiriacle, poudre d'aloës, & poudre de vers, & lie le boiau aux deux bouts, & le fais aualler à l'oiseau, & trempe la chair de son past en ius fait d'herbe verte de froument. Ou bien prens vn franc Pinpenel, escorche-le, & le coupe au dessous du nombril, & prens la partie vers la queue, & la mouille en vin blanc quand tu luy donneras en mangeant sa premiere viande, & ce par trois ou quatre fois.

Contre aiguilles, autrement nommées lumbriques, qui sont plus petits vers que Filandres : & contre vers qui sont dedans le corps de l'oiseau, les signes, la cause, & le remede.

CHAP. XXXI.



N dit que les signes des aiguilles, autrement lumbriques, sont tels que ceux des filandres, joint que l'oiseau qui a aiguilles plume souvent son brayeul, & s'escout dessus le leurre. La cause est, celle mesmes est des filandres. Le remede est, il faut que tu prenne poudre de Stasifagre, & poudre d'aloës cicotrin meslez ensemble, le gros d'une petite noisette, mis en cuir de geline, & le fais auailler à l'oiseau, puis luy donne le gros d'une feve de la chair de mouton ou de pouffin, apres mets l'oiseau au Soleil ou aupres du feu, & ne soit pû iusques apres midy, à demie gorge. Continuë luy icelle poudre trois ou quatre iours, & garde que l'oiseau a qui tu donneras ceste medecine ne soit meigre, car il ne l'a pourroit endurer: ou fais pillules du gros d'une noisette, de poudre de corne de Cerf, & de poudre de vers, liee en thiriacle, desquelles donneras à l'oiseau cinq ou six iours une enuolopee en peau de geline, ou en peau de bonne chair, & apres bien tost soit l'oiseau pû d'une gorge, ou de paist de chair de porc poudroyee de limeure de fer, ou de chair de pouffin trempee en ius de mēte, avec vinaigre. On cognoist le Faucon auoir vers au corps, quand il fait tout vn iour esmeut vert & iaune, & tremble trois ou quatre fois l'une apres l'autre, sans trop croller le corps en regardant tousiours à terre. Pour le guarir, prens aussi gros d'aloës qu'un pois, broyé en une escuelle, puis soit destrempé d'eau claire, tiede, pleine une coquille de noix, & le verse dans la gorge de l'oiseau malade, au matin à ieun. Et long temps apres donne luy une cuisse de ieune geline trempee en eau & succe: car le succe oste l'amer de la gorge. L'autre iour apres, donne luy une cuisse de poulle trempee en vin de pommes de grenades. Puis luy donne à manger, par trois iours, la chair de ieunes Cou-lombs, & il guarira.

Contre apostume dans le corps de l'oiseau, les signes, la cause, & remede.

CHAP. XXXII.



N Ore que les signes que l'oiseau a apostumé dedans le corps sont tels, quand ses narilles s'estoupent, & le cœur luy debat. La cause est, le debat qu'il fait à la perche fort & souvent, ou les coups qu'il prend à la proye ou ailleurs & s'eschauffe, & apres se refroidist, & de ce s'engendre apostume. Le remede est, lasche fort le ventre de l'oiseau par paist de chair de Vache, trempee en eau emmiellee. Apres duits

X ij

SECONDE PARTIE

Abscince en eau , en laquelle mesle miel & cendre d'orge, & de ces choses assemblees faits Troisques, qui sont comme morceaux plats, desquels paistras l'oiseau trois iours, & il iettera l'apostume. Ou prens ius de feuilles de choux, meslez avec le blanc d'un œuf, & mis en un boyau de geline, lié aux deux bouts, & le donne au matin à l'oiseau. Et apres soit mis au Soleil, ou aupres du feu, & ne soit pû iusques apres midy, & de poullaille ou mouton. Le lendemain, brusle à feu clair rosmarin, & en fais poudre, de laquelle mets sur le past del'oiseau, & continuë cela par quinze iours, puis d'un, puis d'autre, & le tiens chaudement, en luy baillant moyenne gorge, & de bon past vif.

*Contre le mal subtil, qui est quand l'oiseau est tousiours affamé
les signes, la cause & le remede.*

CHAP. XXIII.

NOte que les signes du mal subtil sont, quand l'oiseau est tousiours affamé, combien que tu luy donnes souuent à manger, toutesfois si est-il tousiours affamé, & plus mange & plus veut manger, & esmutist souuent, & plus qu'il n'a accoustumé. La cause est, qu'il est fort meigre, & tu le veux mettre sus prestement, & le cuides faire gras par grosses gorges que luy donnes, par lesquelles il estaint la chaleur de la digestion. Le remede est, prens un cœur de mouton, mis en trois parties, & le trempes une nuit en lait, duquel trois fois le iour, au matin, apres midy, & au Vespres, paistras l'oiseau. Et continuë cinq ou six iours, ou iusques à ce qu'il amende & esmutisse comme il doit. Apres soit pû quatre iours deux fois le iour, & de bon past, arrousé d'huile d'amendes douces.

*Contre chaleur grande dedans le corps de l'oiscan, pour icelle
refroidir, les signes, & le remede.*

CHAP. XXIV.

POur cognoistre les signes des grandes chaleurs qui sont dedans le corps de l'oiseau, faut regarder quand il a la bouche ouuerte, & respire souuent leue les ailes, & les ventile, & semblent que ses yeux saillent, dehors de la teste, joint ses plumes, & entre-ouure les pennes qu'il herissonne, & met les plumes dessus la teste, le col luy ameigrift, & a le courage remis. Le remede est, mets l'oiseau en lieu frais, & mets sucre, & vn peu de canfore en eau rose, de laquelle tu luy arrouseras la teste, & souffle en ses narilles vn peu d'huile violat mise en eau fraische, & le paist de chair trempee en eau succree.

Contre fievre, le signe, & le remede.

CHAP. XXXV.

EAut cognoistre que l'oiseau a la fievre quand il a les pieds chauds. Le remede est, trempe en vinaigre gresse de geline, & aloes, & luy fais aualler, & luy oingts les pieds de musc, meslé avec gresse de geline.

Contre ventosité engendree au corps de l'oiseau, les signes & le remede.

CHAP. XXXVI.

ET les signes de ventosité engendree au corps de l'oiseau sont, qu'il baisse & espluche son dos, luy estant sur la perche, & quand il met au bec son paist. Le remede est, purger l'oiseau, ainsi qu'il est escrit au chapitre, pour purger l'oiseau en roustéps. Apres prens vn poulmon d'aigneau, coupe-le en morceaux, & le cuisen beurre, iusques à ce que la saueur du poulmon soit incorporee avec le beurre, & d'iceluy beurre luy donneras au matin sur son paist, autant qu'il enduira bien : à midy luy donneras pouldre de semence de Iusquiami, avec bonne chair, & luy presenteras l'eau pour boire, le lendemain le paistras d'entrailles, du poulmon & du sang de Coulomb ieune. Quand son ventre gargouille par ventosité, donne luy paist d'ail sauuage, & le mets à la perche.

Contre la pierre, autrement nommee craye, & les signe la cause, & le remede.

CHAP. XXXVII.

X iij

S E C O N D E P A R T I E

E Aut que tu entendes que les signes de la pierre, autrement nommee craye, sont, que l'oiseau a les yeux & les pieds enflés, clost l'œil, & le frotte du haut de son aile, & les deux veines qui sont entre les yeux luy poussent fort. Il a les narilles estouppees, & leue la queue deux ou trois fois deuant qu'il puisse esmutir. Quand il esmutit, il fait son comme petis pets, son esmont est mol, comme eau trouble, & aucunes fois visqueux comme chaux endurcie. Il a l'orifice du fondement cōstipé, & luy deult, à ceste cause il esfriche avec le bec, tant qu'il en fait saillir sang, & l'escorche, & sort vn peu hors, & les plumes de son brayeul, & son esmont sont ords. La cause est, & indigestion & ventosité. Le remede est, purger l'oiseau, comme il est escrit au chapitre: Pour purger l'oiseau en tout temps. Apres donne luy du blanc d'œuf dedans son past par trois iours. l'vn iour trempé en vin, & l'autre iour en miel, ou trempe son past en ius de racines d'orties griesches. Quand l'oiseau a le fondement constipé, oingts ledit lieu d'huile du dedans de noyaux de pesches: quand l'oiseau s'efforce d'esmutir, & le bout du boyau luy sort dehors, alors prens avec deux doigts ledit boyau, & oingts le bout d'huile rosat. Apres paists-le de chair de porc avec son sang, ou l'oingts d'huile de noix: ou luy donne trois iours son past de cœur de porc, semé de foyes menuës couppees dudit porc: ou bien prens fiel de petit porc, de trois sepmaines ou enuiron & le fais aualler à l'oiseau, sans rompre, & garde qu'il n'en iette rien, apres donne luy aussi gros qu'une feve de chair du cœur, & apres le laisse ieusner iusques au Vespres, & puis le mets au Soleil, ou aupres du feu, & continuë ceste medecine selon la force de l'oiseau, deux ou trois fois. Au soir soit pû de chair de mouton ou de poullaille, & le lendemain soit trempé son past en lait sucré, Et ainsi soit pû trois iours, & a petite gorge.

Contre l'enfleure de cuisse ou de iambe, la cause & le remede.

C H A P. XXXVIII.

P Our sçauoir la cause de l'enfleure de cuisse ou de iambe en l'oiseau, la raison est, pour le trauail qu'il a prins au gibier, ou par frapper la proye, par lequel l'oiseau s'est eschauffé, & apres refroidy & les humeurs luy sont descenduës. Le remede est, purgel l'oiseau par les pillules du gras de lard, ordonnees au chapitre, Pour purger l'oiseau en tout temps. Puis apres fais bien cuire dix ou douze œufs, avec l'escaille, & quand ils seront refroidis, oste les de l'es-

caille, & en prens les moyeux tant seulement, lesquels rompus dedans vne poisse, mettras deuant feu clair, & les remueras sans reposer, & quand ils deuiendront noirs, & cuidras qu'ils soient gastez, fais les bouillir avec vn peu d'huile d'oliue, & les assemble & presse tant que ils rendent l'huile, duquel huile, ce qu'en pourras auoir, mettras dans vn verre bien couuert. Quand tu voudras vser dudit huile, prens en dix gouttes, & y mets trois gouttes d'eau rose, & autant de vinaigre, & premier oingts d'vn peu d'eau ladite enfleur, apres vse d'icelle huile appareillée comme dit est. Et continue iusques à ce que l'oiseau soit guarý. De rabiller os hors de son lieu, ou rompu, est écrit au tiltre du corps.

Contre Filandres és cuisses, le signe, la cause, & le remede.

CH A P. XXXIX.



E signe quel oiseau a filandres és cuisses est, qu'il les plume souuent. La cause est, le debatre qu'il a fait à la perche, ou sur le poing, par lequel il s'est rompu quelque vaine des cuisses, ainsi qu'il est escrit au chapitre des filandres dedans le corps. Le remede est, curer l'oiseau, cōme est escrit audit chapitre. Et du ius de ruë, & des autres herbes là escrites, avec poudre de vers, lauer les cuisses de l'oiseau, & le marc d'icelles mettre dessus.

Contre enfleure des pieds, la cause & le remede.

CH A P. XL.



Volontiers les pieds s'enflent par froidure, parce que l'oiseau s'eschauffe à battre sa proye, puis se refroidist par faute de luy mettre drap sous les pieds, ou pource qu'il est ord dedans, & les humeurs descendent sur les pieds, & plus au Gerfaut qu'à autre oiseau, car il est pesant, & a les pieds gras. Le remede est, le purger, comme est dit au chapitre. Pour purger l'oiseau en tout temps. Apres prens poudre de boliarmenic, & la moitié moins de pouldre de sang de dragon, meslees ensemble, & liées d'vn blanc d'œuf, & de ce qingts deux fois le iour, 3. ou 4. iours ensuiuans ladite enfleure, & mets dessous les pieds de l'oiseau drap pour les tenir chauds, apres fais oignement de graisse de geline, huile rosat, cire neufue, pouldre d'encens, & boliarmenic, duquel oignement feras comme dessus est dit. Si les pieds luy enflent, & ne se peut soustenir, par grand seiour &

S E C O N D E P A R T I E

faute d'exercitation, oingts lesdits pieds de l'oiseau de beurre de vache & mesle en iceluy vn peu de pouldre de Galbane, apres le lie vn iour & vne nuit. Et si les pieds & iambes luy enflent, & il y apparoiſſe quelque accroissement de chair, la cause est, les geſſs qui luy ſont trop durs, & le ſerrent trop, ou c'est par cheoir trop roidement ſur ſa proye. Le remede est, fais poudre d'encens maſſe, de litarge, de verre Alexandrin, & de Colcotar, qui est matiere minerale, autant d'vn que d'autre, meſlez en blanc d'œuf. Apres laue lesdits lieux de l'oiseau, & emplastre deſſus ce que dit est, & mets ſoubs les pieds dudit oiseau drap mouillé en eau froide, & tiens le ainſi iuſques à ce qu'il ſoit guarý.

Contre cloux és pieds de l'oiseau, le remede est de le guarir d'une fontaine qu'il aura au pied. C H A P. X L I.

LE remede contre cloux és pieds de l'oiseau est, oindre lesdits pieds & cloux dudit oiseau, comme est eſcrit au chapitre, contre veſſie enſlee en la plante de l'oiseau. Apres le lieras ſur vne pierre de chaux, & deux fois le iour arrouseras d'eau la dite pierre. Et s'il a vne fontaine au pied, prens du roſmarin, du plus vieil, non pas de la feuille, & le fais ardoir, puis prens la cendre, & de l'oignement de blanc razis, huile roſar, & greſſe de geline, meſlez enſemble, & fais le tout bouillir en vn pot, & de celaue le pied de ton oiseau, & il guarira.

Contre podagre, autrement nommee cloux ou galles, les ſignes, la cause, & le remede.
C H A P. X L I I.

MAis pour bien cognoiſtre les ſignes de podagre, ou autrement nommee cloux ou galles que les oyſeaux ont és pieds. Tu les cognoiſtras facilement quand lesdits pieds enflent deſſous, & ne ſe peuuent ſouſtenir ſur eux, mais s'appuyent ſur leur poitrine. La cause est, l'enſlure des iambes & des pieds, & humeurs du corps ſur les pieds descendans. Le remede est, purger l'oiseau, cōme il est eſcrit au chapitre. Pour purger l'oiseau en tout temps. Apres prens alun, maſtic, encens, broyez enſemble: puis fonds miel, cire neuue, therebentine, ſang de caſtor, greſſe de geline, & y mets vinaigre fort: de ces choſes meſlees, fonduës & paſſees, fais oignement, lequel bien clos, durera en ſa vertu deux ans: d'iceluy oindras

oingdras les pieds, la perche, & le gand del'oiseau, & en mettras emplastre dessus la maladie. Tu passeras les doigts del'oiseau dedés trous faits en l'emplastre, lequel apres lieras bien sur le pied del'oiseau, tellement qu'il ne le puisse deslier: renouuellât l'emplastres de trois iours en trois iours. Cest oignement luy fera sortir hors la podagre: & si le cuir des pieds estoit si dur qu'il ne püst creuer, perce-le tellement que l'ordure puisse sortir. Apres, pour rapaiser la douleur, mets dessus emplastre d'oignement, nommé diaculum, & s'il a chair morte, mets dessus vn peu de verdegris.

Quand les ongles se descharnent, ou viennent droits, & non crochus, le remede.

CHAP. XLIII.

Quand les ongles se descharnent, & sont en peril de cheoir, remets les doucement en leur lieu: apres puluerise-les de bouë de fer qui sont les esclats du fer quand on le forge. Et lie l'oiseau sept ou huit iours, iusques à ce qu'autres ongles faillent. Ou prens arsenie, & mirrhe, tant d'vn que d'autre, meslez avec blanc d'œufs & vinaigre, & oingts les pieds & ongles del'oiseau, & le lie. Quand les ongles faillent droicts, & non crochus, mets en eau d'aloës, & de la veise sauuage, & grand polieu: & d'icelles oingt les pieds del'oiseau. De rompure d'ongle, est escrit en la premiere partie de ce liure.

Quand l'oiseau ronge ou gaste ses pieds, la cause, & le remede.

CHAP. XXIV.

Quand l'oiseau gaste ou ronge ses pieds, la cause est vne maniere de fourmiere qui les gaste, & ceux des Esmerillons plus souuent que des autres. Le remede est, bats ensemble poudre d'aloës, & fiel de bœuf, & de celuy oingts les pieds deux ou trois fois le iour cinq ou six iours: ou fais secher au feu sur vne tuile, fiant de pourceau, & en fais poudre: apres laues les pieds de l'oiseau de fort vinaigre, puis mets dessus beaucoup de la dite poudre, deux fois le iour, iusques à ce que l'oiseau soit guarý. Et a fin

SECON DE PARTIE DE LA FAVCON.
qu'il ne puisse toucher de son bec à ses pieds, perce vne demie feuille
de papier, & la mets au col del'oiseau en pendant deuant.

Contre vessie enflée en la plante del'oiseau, le remede.

CHAP. XLV.



Our mal de vessie enflée en la plante del'oiseau, oste les
gets & le mets en spacieuse chaire, iusques à ce que ladite
vessie soit sechee: car si tu le portes au gibbier, elle croi-
stra, creuera, & seignera, & luy fera entier les pieds.

Fin du liure de Fauconnerie.



L A

**Fauconnerie de Messire Arthelou-
che de Alagona, Seigneur de
Maraueques, Conseiller &
Chambellan du Roy de
Sicile.**

Y ij





Ombien que nul n'ignore que l'antiquité n'ait eu cela de peculier pour la Noblesse, que d'adresser les enfans des bonnes maisons à la chasse, tant pour leur donner cœur, & accoustumer aux dangers, comme aussi pour les renforcer, & rendre plus usitez au travail, & leur oster ceste delicateffe qui suit les grans maisons: veu qu'à la suite des bestes les ruses de guerre y sont obseruees: car on dresse vn escadron d'abbayeurs, les Chiens courans sont aux frans pour suivre l'ennemy, & l'homme à cheual sert de luy donner la chasse lors qu'il se prend à brosser, les trompes n'y manquant pour sonner le mot, & donner cœur aux chiens qui sont en deuoir: si bien qu'il semble que ce soit vn cāp de bataille dressé pour le plaisir de ceste ieunesse. Si est-ce que de la chasse sont procedez de grands malheurs. Meleager en perdit la vie, pour la victoire rapportée sur le Sanglier de Callidoine. Le bel Adonis fut tué par vn Sanglier. Aeteon fut deuoré de ses propres chiens. Cephale y tua sa chere Prochris. & Acaste en fust interdit, ayās occis le fils du Roy qui luy auoit esté donné en charge, comme fut Brutus pour auoir tué son pere Syluius par mesgarde. Vn Empereur fut occis par la beste qu'il poursuiuoit. Vn Roy en courant à la chasse se cassa le col en tombant de cheual. Que qui craindra ces dangereux effectz qu'il s'adonne à la vollerie, on il trouuera sans doute plus grand plaisir.

*Table de la Fauconnerie de Messire
Arthelouche d'Alagona.*

ET PREMIEREMENT.

D E l'election de l'Espreuier, Fueil- 88. a	Pour le mal de la pierre, 96. a
De l'election des Austours, mesmes fueil. b	Des vers, & des filandre, mesf. fueil. b
De l'election du Faucon Pelerin, la mes- me	De la podagre, & sa medecine, 97. a
Du Faucon Saffir, & des autres, 89. a	De la goutte des reins, mesf. fueil. b
Pour faire effimer Esperviers, Austours ou Tiercelets, mesme fueil. b	Des coucassions de dedans le corps. mesme.
Pour faire vn oiseau a la guise de Lom- bardie. 90. a	Quand l'oiseau ierte sa viande. 98. a
Pour effimer & faire Faucons, mesmes fueil.	Des ventositez, & la medecine mesme fueil. b
Pour oiseler toutes maniere d'oiseaux. 92. a	Infirmitez du foye, & la medecine, la mesme.
Pour tenir les oiseaux sains, & en bon estât, mesme fueil. d	De la Tignolle, & sa medecine, 99. a
Pour cognoistre la santé de tous oiseaux, 93. a	Des playes de l'oiseau, mesf. fueil.
Les signes des infirmitez, mesme fueil.	De la complexion des Faucons, & com- mēt ils le doiuent medeciner, la mesf. b
Des nocumens de la vertu, la mesme. b	Des cauterres. 100. a
Des maladies de la superfluité. 94. a	Des chairs bonnes pour les oiseaux mesf. fueil. b
Pour cognoistre la maladie & la santé par l'esmur, & la cure, mesme fueil.	Des chairs restauratiues, & laxatiues. mesme fueil.
Pour les catertes medecine, 94. b	Chairs defendues, mesf. fueil
Les signes d'Espilefie, & la medecine, 95. a	Des choses qui font anoir faim. mesme fueil.
Du mal de la bouche, & de la medeci- ne, mesme fueil. b	Des medecines laxatiues, & de leurs dozes, mesme fueil.
De l'ama ou pantail, & la medecine, la mesme.	Des choses cordiales & confortatiues 101. a
	Des choses qui font muer, mesme fueil.
	Pour faire le lardon, la mesme. b
	Pour oster le poulx aux oiseaux. mesme fueil.

Fin de la Table.

FAVCONNERIE DE MESSIRE

Anthelouche Alagona.

De l'election del'Espreuier.



L'ESPERUIER né en bois, en lieu sec & le nid bas, est fort hardy & doit auoir aucunes taches noires ou rousses pour son plumage: ceux qui s'ont nez en lieu de maré, ou autre lieu fangeux & humide, tirant sur couleur fauve, sont plus forts & plus grās: mais que ce soit en pays froid. Si c'est en pays chaud, ils sont plus foibles & plus petites: combien que de toutes conditions s'en trouue de bons. Et selon Armodeus, les oiseaux noirs sont de plus forte complexion que les autres. Les Florentins disent que les Espreuiers qui ont la croix sur les doigts, spécialement sur la serre du milieu, en ceste forme X sont les meilleurs pour estre auantageux & bons.

L'Espreuier qui a treize pennes en la queue, & sur le iaune du becaune tache noire, comme vn grain de poiure, sont deux signe pour estre bons. L'espreuier pesant est vn tres bon signe, selon Armodeus. Selon les Florentins, l'Espreuier qui a la couuerte noire, & pennage de trauers roux, & la maille noire & blanche entremeslee & brayer ner, est des meilleurs qui se trouuent, & sont appelez blancs noirs. Les Espreuiers roux sont bons apres les dessusdits, selon Plin. Les Espreuiers blancs, & faues, sont bons apres les roux, & sont gracieux & paisibles. Les Espreuiers blancs-roux sont bōs apres les blancs faues, quelle que la couuerte soit: mais qu'ils aient la maille trauersee noire, & la teste noire, tirāt sur le roux, & le brayer soit blanc & roux. Les Espreuier roux noirs s'ont apres ceux qui ont les signes du blanc-roux, excepté qu'ils ont le brayer obscur. Les Espreuiers avec deux plumages,

FAVCONNERIE

c'est assçavoir, de deux couleurs, & non de maille, sont les plus meschans. L'espreuier qui a le collong & estendu, est tenu pour lasche vollëur, de quelque plumage qu'il soit. L'espreuier qui a le col court & non trop & a la teste platte, & bien proportionné de ses membres à l'auenant du corps, est tenu pour grand vollëur,

Election des Autours.


Autours ou Tiercelets, nez en region chaude, ont peu de sang, le peu de sang les fait estre cotiars: car l'abondance du sang est ce qui leur donne hardiesse. Ceux qui naissent en region froide & humide, sont hardis. Ceux qui naissent en region attrempee, sans estre trop chaude ne trop froide par raison de la nature du lieu en quoy ils sont participans, sont attrempez entre hardiesse & couardise. Et pour les meilleurs Autours & Tiercelets, ce sont ceux qui naissent en region froide, dont les signes sont tels: ils ont la langue & le bec communément noirastres, la teste longue & gresse en la sime du palais, le bec long & gros, le col long & gresse, les espauls largest la poitrine ronde, & le siege large, la queue moyenne, les jambes grosses & courtes, les pieds gros, & grandes serres, & bien onglees.

Election du Faucon Pelerin.

Le Faucon Pelerin esmutist dessous le poing, & le Gentil fait le contraire. Le Pelerin se cognoist à la mue, car il se mue en Aoust, & le Gentil commence dès Mars, ou plustost. Le Pelerin est plus plain sur les espauls, que les autres Faucons, de petites plumes bordées de rouille, ou de iaune, ou d'autre couleur selon la couuerture: & a grans yeux & grands pieds, fort fendus & bien onglez. Le Pelerin a les yeux entoncez & le bec gros: & a le dedans des cuisses blanc, & les pieds & le bec de couleur verte plombée.

Du Faucon

Du Faucon Saffir, & des autres Faucons.

 Elon aucuns Fauconniers, le Faucon Saffir se cognoist à ce qu'il a les couteaux plus longs que la queue, & a les signes semblans au Pelerin, sinon qu'il est plus petit, comme le Gentil est meilleur que le Pelerin. Il y a vn autre sorte de Faucons, beaux de corps, mais il sont petits : lesquels ont la teste plus grosse que les autres Faucons, & ont les signes de Gentils. Ce sont les plus nobles oiseaux du monde, & sont appelez Zechart. Entre le Gerfaut & le Faucon n'a autre difference fors que le Gerfaut monte plus tost, pource qu'il môte par poinctes. Les Lashiers qui ont la gerlande blanche entour le col, sont les plus courtois oiseaux qui soient de leur generation. Et selon mō opinion, ils sont meilleurs pour Perdrix que Sacres, pource qu'ils endurent plus de peine & de travail que nuls autres oiseaux. Et se peuuent reclaimer au poing & arrester en toutes manieres & en tout lieux, soit la branche seche ou verte mais contre vent, les Sacres sont plus forts pour resister. Que si vn Vilain, de quelque condition qu'il soit, se trouue bon, il est meilleur que les autres. Selon aucuns, les Sacres sont nōmez oiseaux massés pource qu'ils peuuent souffrir plus de peine & de travail que ne font les autres, & font meilleure digestion de grosse viandes. Ils sont tres excellens pour la Grue, Bistars, & prennent les garçottes de leurs propre nature. Ils sont bons pour les champs & pour riuere: & sont des plus nobles Faucons du monde en bonté, de quelque nation qu'ils soient & de meilleure disposition. Et si vous trouuez vn Sacre qui ayt les plumes souëfues, & les doigts gros, tirans à couleur perse, la langue noire, & le col rouge, ou roux, ou soit iaune à couleur viue, ou gris, combien qu'il s'en treuve peu, il n'en est point de meilleurs. Les Faucons noirs sont tenus pour les plus vaillans oiseaux qui soient, & les plus blancs sont les plus paisibles, & qui moins vont à l'arbre. Quand à la beauté des oiseaux, les Esperuiers, Autours, Tiercelers, & Faucons doiuent estre blancs tannez, tirans à rouffeur de poullaille: & doiuent estre grans & longs, & de gros plumage, bien net, & bien formé, la queue grosse & courte, gros bec, large narilles, petite teste & platte, les yeux enfoncez, le collong & subtil, gros estomac, larges espaulles, & larges reins, courtes iambes, & longue serres, & bien fendues, les ongles deliez & aguz. Et si vous trouuez oiseau brun qui soit d'icelle forme, achetez-le autant que le blanc. Neantmoins que de tous

Z

FAVCONNERIE

plumages s'en trouue de bons .si par deffaute de mal gouuerner , ou de bon past, n'aduient , ou par non auoir bonne compagnie.

*Pour faire essimer Esperuiers, Autours, ou Tiercelets,
sans leur faire force.*

L faut prendre l'Esperuier, & luy mettre le chappelet, & à l'Autour & Tiercelet pareillement , avec le brayer , & ne les descouurez iusques à ce qu'ils se tiennent & paissent sur le poing, & qu'ils ne tiennent plus conte du chappelet. Et quand vous les mettrez sur la perche , liez les court, afin qu'ils ne se puissent descourir, & puis les descouurez au soir à la chandelle, & les esbiouffez avec vin fort. Et quād vous les remettez à la perche, laissez leur de la lumiere afin qu'ils ne dorment la nuit. Et au matin à l'aube du iour, prenez les sur le poing, & les portez entre gens, là où on face grand bruit, comme mareschaux, & autres semblables, pour les asseurer, & ne leur leuez le chapelet iusques à ce qu'il soit temps de les paistre, & quād il serōt pu, & oingts, remettez leur le chapelet iusques à midy, & apres leur presenterez l'eau, mais qu'ils aient enduit, ou bien pres, & à heure de vespres les faites tirer entre les gens, & puis leur retourner le chapelet iusques à heure de les paistre. Et quād ils seront vn peu oingts, comme dit est, remettez leur le chapelet, & les tenez iusques à l'entrée de la nuit, & incontinent qu'aurez la lumiere, leuez leur le chapelet entre gens, & le faites secourir & esmutir, & puis les remettez à la perche, comme dit est : & tous les soirs donnez cure de plume essuyee ou baignee. Et s'il estoit diuers, dōnez luy la cure de cotton ou d'estoupes, ou descoupez vne iambe de Lieure, selon qu'il sera diuers a essimer. Ne les reclamez point iusques à tāt qu'ils soient asseurez, car ils se debouteroient du poing, & ne voudroient iamais arrester. Gardez que n'apprenez à l'oiseau de venir au gād, pource qu'apres il ne voudroit venir au poing. Et quand il sera asseuré, commencez peu à peu de le reclamer, iusques à ce que le pourrez faire sans aucune filiere. Et notez que l'Esperuier se doit encharner bien asseuré, & l'Autour demy sauage, mais qu'il cognoisse la proye. Quand il sera fait, faites luy vn ou deux trains, & si vous voulez faire vn bon oiseau mettez le tousiours sur le poing, iusques à ce qu'il soit encharné. Et soyez aduisé de ne restraindre trop l'oiseau avec past laxatif, ou avec peu past: car pour ceste cause plusieurs oiseaux meurent, mais avec bō

past le ferez meilleur, moyennant qu'il soit pu de son' past. L'esperuier ou Autour doiuent estre tenus aux blocs depuis qu'ils sont faits. où à terre, car ils ne se desrompent pas tant. Le Hiron, le Bistard, le Corbeau, les Corneilles, & les Choüettes se veulent de poing.

Pour faire un oiseau à la guise de Lombardie.



Vand l'Esperuier sera assurez faites luy neuf ou dix trains du moins. Et toutes les fois qu'il prendra païssez le tousiours, & faites que la caille dont vous ferez le train, ayt tousiours quelque plume moins en l'aile, & luy iettez l'Esperuier de loing, par tant de fois qu'il la prenne bien loing, & puis luy iettez vne caille qui ait les ailes entieres. Apres le pouuez faire voller au sauuage: & toutes les fois qu'il prendra, païssez-le à sa volôré. Les Alemans treuent les Tiercelets plus vaillâs & plus legers que les Autours, pour Perdrix & Faisant. Si vous voulez faire vn Esperuier pour la Pie, desmembrez la pie, & la luy iettez en terre, & le païssez dessus du past chaut, comme de Pinson, ou chose semblable par deux fois: & puis la luy pouuez ietter volâte & sillee, le païsant comme dit est. Leuez à la Pie quelque penne de l'aile, & la iettez en vn arbre, & la luy faictes prendre par aucunes fois, & luy faites le plus de plaisir que vous pourrez & puis luy faictes franchement voler le sauuage. Mais ayez en memoire quand luy faites lesdits trains, que la Pie ait le bec taillé ou lié, afin qu'elle ne puisse gaster ledit Esperuier. Les Autours & Tiercelets sont meilleurs d'une ou deux muës du bois & Agars, que ne sont les Sors: mais ils se doiuent nourrir avec past plus delicat que les Sors, car ils sont plus d'agereux, parce qu'ils ont accoustumé au bois d'eux paistre de viâdes chaudes. Et si se perdent plus de leger que ne font ceux qui sont prins hors, pour cause des airs: mais ils ne doiuent estre que de deux muës, sans plus.

Pour esimer & faire Faucons.



Renez le Faucon, & luy tenez la reigle de l'Autour, comme deuant dit est, sinon qu'en le païsant, criez luy comme si l'appelliez au leurre, & tous les iours luy offrez l'eau, & luy donnez tous les soirs cure selon' qu'il enduyra: & luy ostez souuent le chapelet entre gens. Et afin qu'il ne se batte, tenez tous-

FAVCONNERIE.

iours quelque tirotier en la main. Et le soir au iour failly, leuez luy le chappellet entre gens, à la chandelle, iusques à tant qu'il s'estonne, & qu'il esmutisse, & lors le mettez à la perche & non plustost: & luy mettez la lumiere deuant luy. Et quand il sera assure sur le poing, commencez à l'asseurer sur le leurre, & le luy faites cognoistre & peu à peu le reclamez iusques à ce que vous le pourrez abandonner sans filiere, & soyez aduisé qu'incontinent que vous tiendrez le Faucon sauage, de luy oster les poils, & s'il est mué de bois Agart, donnez luy le lardon. Tout Faucon a besoin de compagnie pour luy monstrer à arrester, spécialement l'Agart, lequel le peut faire d'une, de deux, ou de trois mues, & si est meilleur pour le Heron. Si le Faucon mué Agart ne se vouloit arrester, taillez luy deux couteaux pour aïsse, le long, & le prochain de luy, & parce il arrestera. Faites luy le bec, & l'espincetez raisonnablement. Les Alemans font tirer le Faucon soir & matin: mais les Fauconniers de terre d'Orient font de contraire opinion & dient que ce leur gaste les reins. Si vous voulez faire mōter le Faucon apres qu'il sera leurré & réclamé, & tout prest: quand vous le leurrerez, cachez le leurre, & le laissez passer. Et quand il sera retournez deuers vous, jettez luy le leurre, & luy faites grand feste, & ce faites par plusieurs fois, & puis commencez à le bouter en haut, en lieu plain sans arbres. Et s'il prenoit quelque pointe, donnez luy vn tour de gand, & quand il viendra haut, & qu'il vous sera sur la teste, jettez luy le leurre où il y ait vn poullet ou vn pigeon, & le païssez bien à sa volonté, en luy faisant le plus de plaisir que vous pourrez. Et gardez vous que ne luy jettez le leurre en l'eau, afin qu'il nel'apprehende & quand il sera haut, & que d'auenture il allast apres quelque autre oiseau, & qu'il le preint, leuez luy la proye lourdement, & luy en donnez par la teste, & luy remettez le chappron sans le paistre, & par ce desplaisir il n'ira plus qu'à sa proye. Quand le Faucon aura prins ou tué aucun oiseau, leuez luy & le boutez haut, & quand il vous sera sur la teste, jettez luy le leurre, & le païssez à sa volonté, & ce afin qu'il ayme mieux le leurre. mais pour la premiere prinse qu'il fera, laissez le paistre à sa volonté, & cela le gardera d'aller au change. Quand il sera bien en charné, faites le voller en compagnie, iusques à tant que vous en ferez bien vn seur. Si vous voulez faire vn oiseau pour Grue, faites que le Faucon soit Gentil & niays, & quand vous le nourrirez, faites luy tuer les plus grāds oiseau que pourrez finer: son leurre doit estre vne Grue faincte. Et quand vous le voudrez faire voller, faites le vol-

ler du poing, & le secouiez tost, & faut qu'il ayt des leuriers, pour luy ayder, lesquels le secourront plustost que les homes, & que le leurier mange tousiours avec l'oiseau, pour cause de la cognoissâce. Si voulez faire vn Faucon pour Lieure, son leurre doit estre vne peau de Lieure plaine de paille. Et quand il sera bien leurré, & que le voulez encharner, liez ladite peau d'une petite corde, laquelle soit attachee à l'arçon de la celle, & quand vous courrez, il semblera que le Lieure courre: lors soit descouuert le Faucon criant, arriere Leurier, arriere Leurier. Et quand il ioindra ladite faincte, laissez la corde, & il la prendra, & lors le laissez tres bien dessus, & le festoyez le plus que pourrez. Et quand la seconde fois vous l'écharnerez, ne vous arrestez pas du premier coup, mais contraignez le vn peu, & puis vous arrestez, & ainsi peu à peu le laisserez battre le plus que vous pourrez: car ainsi le conuient faire au sauuage, le paissant tousiours entre les Chiens. Et quand il sera bien encharné en ceste maniere ayez vn Lieure vif, & luy rompez vne iâbe de derriere, & le laissez aller en vn beau plein entre les chiens, & vostre Faucon le battra, & les chiens le prendront, & incontinent soit leué aux chiens, & ietté au Faucon, en criant, arriere, arriere. Si vous voulez que vostre oiseau volle le Faisan, ou la Perdrix, quand vostre Faucon sera fait & reclamé, toutes les fois que vous le leurrerez, iettez luy le leurre en quelque arbret ou petit buisson, afin qu'il aprenne de soy arrester, & de prendre la branche. Et s'il s'arreste sans veoir le leurre, laissez le vn peu muser, & puis tirez le leurre deuant luy, en criant, gare, valet, gare, & le laissez à son plaisir, & en ceste maniere il accoustumera de soy arrester, en le paissant tousiours en terre, & en fort lieu pource qu'en tel lieu luy conuiendra faire sa chasse. Et luy faictes voller au commencement Faisan ou Perdrix ieunes, pource qu'il aura grand aduantage sur elles, puis apres les vieilles. Si le Fauconne- vouloit arrester, & qu'il se voulust tenir sur aïlle, adonc luy conuiendra voller en lieu plain, afin que le puissiez voir tousiours sur vous. Les Sacres & Lasniers arrestent en terre, & en arbres: & les Gentils arrestent mieux en terre. Et quand vous tirez vn oiseau de la muë ne le portez pas par temps chaut, pour cause du battre, car par chaleur luy vient l'alma. Mais si c'estoit par necessité, soit couuert du chapelet, en le cōtregardant le plus qu'on pourra. Si vn Faucon estoit superbe & orgueilleux, donnez luy avec son past sal. Inde. ou sal-geme, drag. j. ou sal albi puluerizati, & luy presentez l'eau, pource qu'il aura besoin de boire, & le faites dormir la nuit à la tourmente, & que soit en lieu humide, ou

FAVCONNERIE

froid & ainſi veillera toute la nuit, & luy fera diſtiller la graiſſe. Les Sacres ſe doiuent encharner incontinent qu'ils ſont faits, autrement ils ſont difficiles à encharner. Tirez voſtre oiſeau de la muë 20. iours auãt que le edimer. Si vn Faucon lie, ſi l'en voulez garder, eſpincez luy les maiſtreſſes ſerres. Iamais ne faites chere au Faucõ de l'oiſeau de riuere, mais faites luy grãd chere du leurre, afin qu'il l'ait en plus grãde amour. Le Soldan fait voller les Grues, les Oyes, & les Biſtars, avec deux, ou trois, ou quatre Faucons, ou plus du poing, & de toutes generations de Faucons, Sacres, Gerfaulx, Villains, & Pelerins, & puis on les peut faire voler de montée. La Grue ſe doit voler deuant ſoleil leuant, pour ce qu'elle eſt pareſſeuſe: & pouuez bouter deſſus deux ou trois Faucons, ou avec les Autours du poing, & ſans chien. Les Oyes ſe doiuent prendre par celle meſme maniere, & ſi tant eſt qu'ayez des chiens, faites qu'ils ſoient propres à ce faire, & doyuent eſtre leurriers courtois & doux. Il ne ſe doit voler qu'une Grue le iour, & faire à voſtre oiſeau le plus de plaſir que vous pourrez avec ladite Grue. Le Villain ſe doit bouter le vent à la queue. Les Allemans font voler la pie avec trois ou quatre Faucons, & les font monter & battre comme pour riuere, en lieu plein & ſans arbres: mais il y doit auoir des petis buiſſons. Paiſtre ton oiſeau par tẽps & matin, fait auoir faim aux oiſeaux à heure de chaſſer, ſpecialement aux Faucons qu'on veut faire monter, & qu'ils ne ſoient trop hautains, leſquels ſe doiuent paiſtre par neuf iours quatre heures apres ſoleil leuant, & le ſoir à la fraiſcheur, & avec celle faim on les doit bouter haut: & par ce ils iront plus haut qu'ils ne ſouloient, mais le meilleur eſt de les faire voler en campagne. Les Faucons Gentils arreſtent mieux muez que fors. Le Faucon ne prent le HIRON par nature, ſ'il eſt Pelerin, & pour ce leur faut apprẽdre les trains. Vn Faucon peut voler dix oiſeaux de riuere le iour, & non plus ſelon raiſon. Les Faucons qui vollent pour riuere, ſe doiuent touſiours porter ſur le poing. Auant qu'un oiſeau ſoit bien fait, doit auoir quarante cures. Les Faucons qui n'ont la cure tous les ſoirs, la ſuperfluité des humeurs, qui leur abondent en l'eſtomach, leur charge la teſte, par maniere qu'ils ne vont point ſi hault comme ils ſouloient. Et parce tout oiſeau doit auoir la cure tous les ſoirs, ſelon la nature, pour eſtre ſain & affamé. Et eſt bon de les faire tirer au ſoir, principalement ceux qui vollent Perdrix: & ceux qui vollent pour riuere non, afin qu'õ ne leur affoibliſſe les rains. Et leur doit on preſenter l'eau de deux ou de 3. iours en 3. iours pour le plus loing. Ne

touchez iamais les pennes de vostre oiseau avec les mains, car il en vaudroit pis. Le Villain & le Lasneret se peuuent tenir sur la pierre incontinent qu'ils sont faits. Quand vostre oiseau aura vollé ou trauaillé ne le païssez iusques à tant qu'il sera hors de grosse alaine. Et si vous faictes autrement, vostre oiseau sera en peril de deuenir asmatique. Si vn Faucon ou autre oiseau estoit fort rebouté, ce qui aduient bien souuent, faictes tant que le fassiez iouyr de quelque proye, & le laissez paistre à sa volonté. Et que celle nuit il demeure dehors au serain à son plaisir. Et le lendemain le reprenez, & l'essimez en oisellés, ne plus ne moins que si vous le tiriez hors de la mue. Si vn oiseau ne veut lier, mettez vn canon de plume d'Oye à la maistresse serre, & il ira le pied ouuert, & il liera. Et quand il commencera à lier, oste luy ledit canon, & il liera tousiours. Si vous ne pouuez donner couuerte à vostre Faucon ou Autour, faites que vous luy mettez le soleil à la queue. Tous oiseaux se peuuent faire voler de fault, & en toutes manieres que les ferez voller, faites que l'Autour aille le vent à la queue.

Pour oyseller toutes manieres d'Oyseaux



Rain de Perdrix, Chouettes, Corbeaux, & Corneilles, se doiuent faire filles. Pour oyseler vostre oiseau : faites vne petite fosse en terre, & y mettez vostre proye, & la couurez d'une planchette, laquelle soit attachée d'une filiere, que vous tiendrez en la main pour la descouvrir & le laisser aller quand vous voudrez : puis ferez semblant de faire chercher vos chiens, & tiendrez vostre oiseau tout descouvert : & quand il regardera celle part, faictes partir vostre proye, comme si les chiens l'eussent faict partir, & si vostre oiseau la prend, laissez le paistre à sa volonté entrer, & ce faut faire plusieurs fois. Si vous voulez faire vn bon oiseau, encharnez le à ieune proie, car il s'efforce tousiours peu à peu : & par temps il surmonte biē le Faisant & la perdrix. Et quand il a prins, faites le iouir par plusieurs fois de la proye à sō plaisir, & à terre, & quand il sera bien encharné, ne le païssez iamais que du masle, afin qu'il se prenne en amour, & luy faictes seulement plumer la femelle, en luy donnant le cœur ou le cerueau. Encharner les oiseaux à ieune proie est beaucoup meilleur, qu'à vieille : car la plus-part qu'on met à la vieille se rebouttent, si vous ne faites comme dessus est dit. Si vous voulez en oyseler vn oiseau Agart, ne le charnez point de ieune proie,

FAVCONNERIE

Pource qu'apres il ne voudroit voller les vieilles. Et pareillement l'oiseau que vous tirez de la muë, ne le faites point voler aux ieunes pour la mesme cause. Le train del'Autour, & de tous oiseaux en general, comme à Grues, Bistars, Hairons, Oyes, oiseaux de riuere, Cormorans, Corneilles, Choüettes, Milans, Cercelles, & tous autres oiseaux des eaux se fait comme s'ensuit. Mettez vn desdits oiseaux en l'eau, & qu'entre vous & leau y ait quelque morte ou buisson, en maniere que l'Autour puisse prendre la couuerte, puis haussiez la main tât que l'Autour voye la proye, apres baïssez la main, & le laissez aller. Et s'il la prent, laissez le paistre à sa volonte, à terre. Pour faire voler Autour en riuere, faites le voler selon le train dessusdict : mais quand l'Autour sera pres, touchez le tabourin de bon heure, & auant que l'oiseau voie l'Autour, pource qu'il ne se leueroit. Les Autours qui volent le Lieure, doiuent volër avec les entraues, afin qu'il ne s'ouurent trop. Les Esperuiers vollèt de saut aux oiseaux qu'ils peuuent prendre comme fait l'Autour. Si vn oiseau s'efforce, prenez luy deux pânes du meilleur de la queue, & y mettez la quantité de deux grains de mil d'argent vis, en chacune, & les estoupez en maniere qu'ils n'en puissent yssir, ou luy cousez la queue. Iacob de Mestrette plumoit l'Esperuier sur le croupion & avec vn couteau cuilloit ou destruisoit le petit grain qui est en celle part, & disoit que iamais ne s'escarteleroit.

Pour tenir les oiseaux sains, & en bon estat.



Sil auez vn ieune Faucon, incontinent que vous le commencerez à le faire, donnez luy l'aloës cicotrin, pour ce que beaucoup meurent de vers, pour le changemēt du past: & de quinze en quinze iours, trois pieces de celidoine, ou vn peu d'aloës.

Ne leur donnez iamais medecines s'ils n'en ont besoin, pour ce qu'il leur conuiendroit faire par coustume. Qu'en Feurier ou en Mars soient donnees les medecines, pour rompre les œufs, mesmement aux Agars, & ceux qui sont muez au bois. Ne païssez iamais les Esperuiers sur le gand du Faucon Villain ou Gentil, car il en prendroit maladie. Ne le mettez à perche où ayent esté Faucons. Ne tenez iamais oiseaux sains avec les malades, car leurs infirmités sont contagieuses.

Pour

Pour cognoistre la santé universelle de tous oiseaux.

Nous sages disent qu'il est impossible de cognoistre l'infirmité, si premièrement on n'a la cognoissance de la santé, qui est telle. Quand vous verrez vostre oiseau le matin à l'aube du iour qui remuë la queue, & la vantelle, & seconuë la plume pour l'amour de l'aube, & apres leue les ailles, & avec le bec prent en quelque lieu de sa croupe aucune graisse, dequoy il se oingt à dextre & à senestre. Et ceste curee est appelée onction seable. Et s'il le fait aux deux parts des ailles, c'est signe de santé: que s'il ne le fait d'une part ne d'autre, sçachez qu'il est contraint de forte & grande infirmité: & les signes de la santé du iour, sont que vous verrez vostre oiseau allegre, & qu'il se paist esgallement de quelque past que ce soit, & son esmeut est continuellement digest, & non en partie, & fort blanc, & le noir est fort subtil, & l'oiseau est reluyant de plumage, comme s'il fust oingt, & les deux os qui sont aupres des cuisses, sont egaux sans différence, & les deux veines qui sont en la raye des ailles battent tousiours attrempeement entre fort & foible, & qu'il dorme bien la nuit, & qu'il enduisse bien la viande raisonnablemēt: & nonobstant, s'il enduit bien & il ne dort, il a aucun grief excez, si ce n'estoit pour les pouls qui l'engardent de dormir.

Les signes des infirmités universellement.

Il y a de trois sortes d'infirmités es oiseaux: c'est assavoir en la disposition de l'egestion, au mouuement de la vertu, en la superfluité du corps. Premièrement de la disposition de l'egestion. Quand vous verrez l'oiseau clorre les yeux, & qu'il en ysse aucune larme ou humidité, adonc pouuez considerer que quelque chose estrange doit estre dedans. Et si l'oiseau ferme la deuxiesme ou troisieme partie de l'œil, ou leue un pied & reboute l'autre, & qu'il hausse son plumage, sachez qu'il est refroidy. Quand vous verrez que l'oiseau ouurira le bec, & qu'il aleine la langue, & la forame part des yeux engrosse à l'entour, qu'il couche les pānes & les ailles, sachez qu'il souffre extreme chaleur. Quand vous verrez l'œil de l'oiseau clos, & qu'il le tiennē au costē de son aile, & les veines qui sont entre les yeux bartēt, & pousēt, sachez qu'il a frenaisie au chef, & estourdissent. Quand vous verrez le palais blāchir, sachez qu'il a corrosion

Aa

FAYCONNERIE

ou arsure. Si vous voyez que vostre oiseau ouure le bec, & remuë la teste, & se batte en la poitrine, & en ce faisant demene la queue, & qu'il semble estre troublé, sçachez qu'il est asmatique. Quand vous verrez vostre oiseau palpabier doublement, sçachez qu'il a ventosité en la teste, quand vous verrez l'oiseau esbahi sur la perche, sçachez qu'il peut estre greué. La debilitation des ailles, signifie ventositez en celle partie. L'influence de la gorge sans past, signifie ventositez en ladite partie.

Quand l'oiseau se tient mouillé sur la perche, ce signifie ventositez es rains. La rupture des pieds, ou la creuasse, & qu'il en sorte eau continue, signifie emorroides. L'inflation des penes signifie rourpüre, ou distilation, ou vérosité. Quand l'oiseau est sur la perche, & qu'il se veut vire vers vous contre sa nature, & s'il trauaille & ne se peut soustenir, c'est signe qu'il est podagreux. La constriction du bec, & l'appuyer sur la poitrine, & l'abomination de la viande, augmente la podagre. L'inflation sur la cheuille du pied, & la despoliation du poil, signifient vers. L'herissement des plumes sur le col, & extreme debilitation de courteaux signifient grande & outrageuse chaleur.

Des nocumens de la Vertu

A Pres que vous verrez l'oiseau mussé tout en son plumage, & qu'il ne tourne la teste ne le col sçachez qu'il est malade du chef. Quand l'oiseau siffle ou crie, cela signifie grande chaleur, ou arsure. Quand il se paist, & il se gratte de l'ongle le palais iusques au sang, & qu'il ne se peut paistre, cela signifie chaleur audit lieu & peril de chancre. Et s'il machore du bec l'un contre l'autre, cela signifie comme le precedent. Inégalité du paistre & debilitation d'oiseau, signifie chaleur. Le bec clos & sans alteration, signifie grand trauail, & grande infirmité. Si l'oiseau ne veut prendre la chair ou le past si tost qu'on luy presente, signifie indigestion. Et si vous le voulez sçauoir, faut odorier son haleine, que si elle put, signifie indigestion. Si l'oiseau iette la chair de son bec en la paissant, & la gorge qu'il prendra luy demeure sans enduire signifie indigestion. Si l'oiseau gratte la dextre partie du bec, signifie douleur au foye. Quand l'oiseau vantele à la perche, & qu'il fait grand ventosité quand il digere, signifie qu'il a ventosité dedans le ventre. S'il grippe la chair, & qu'il la face prendre, signifie qu'il a ventositez dedans les plumes, ou es iambes, ou es cuisses. Si vn piseau trauaille quand vous le portez sur le poing signi-

fiéqu'il a quelque cure dedans le corps. Retardement de la digestion, signifie restriction du fondement, & la retardation de la cure signifie indigestion. Quand vous trouuerez le past aux intestins mol comme eau, & en la gorge dur, cela signifie engendrement de la pierre. Quand vn oiseau se bat à la perche, & qu'il tombe, & ne peut remonter dessus cela signifie la mort : si ce ne prouient par la faute de ceux qui l'ont attaché.

Des maladies de la superfluité.



Mais parce qu'on dit qu'il y a cinq manieres de superfluitez, il est bien necessaire de les sçauoir : la premiere, sont larmes & eaux des nerfs : la seconde, ventositez : la tierce, vomissement : la quarte, la cheute des pennes hors de saison : la quinte, l'escail ou esmail. S'il iette eau des yeux, signifie que quelque chose est cheure dedans, & s'il iette humidité par les nazilles, cela signifie qu'il est malade de rheume. S'il se plume le ventre & les cuisses, cela signifie versestre dedans le ventre.

*Pour cognoistre la santé & la maladie, pour la cure
& par l'esment.*

Bien est vray que la cure baignee ietee de bon matin, est signe de santé, & si elle est esluée, signifie superfluité & chaleur, & si elle est puante, signifie indigestion, & si la cure est molle & visqueuse, signifie abondance de flegme. Si l'esmut blanc ou ranné est visqueux, celà signifie bonne digestion. Quand vous verrez l'esmut mol, iaune & rouge entremeslé, & que la moleste multiplie, signifie indigestion. Et quand vous verrez l'esmut liquide, & quand vous le tirez qu'il se seche à coup, signifie engendrement de la pierre, secourez hastiuement, car ceste infirmité est mortelle. Si l'esmut est gras, & qu'il file, c'est signe de restriction du fondement. Si verueur d'esmut continuë, & qu'il demene peu souuent la queuë, & qu'il boiue eau, signifie que le fondement est restraint. La blancheur del'esmut qui tire à citrinité, & la multiplication d'humidité, signifie indigestion. Et quand l'esmut est noirastre & entremeslé de blanc, & qu'il ait petites bubettes parmy, signifie ventosité. Et notez que quand vous medecinez l'oiseau, faut continuer les medecines selon la qualité du mal.

A a ij

FAVCONNERIE

Puis que ie vous ay parlé de la nature & gouuernement des oiseaux, ensemble des infirmités & maladies qui leur peuvent suruenir, ainsi com n'est lit cy deuant : c'est raison que ie vous die des remèdes necessaires a l'encontre d'icelles pour les guerir.

Et premierement pour les catarres des oiseaux.



Our bien cognoistre aux oiseaux les signes du catarre, vous les cognoistrez quand la teste & les yeux luy enflent, les nazilles luy estouppent, & aucunes-fois luy descend par lescdites nazilles eau ou morue grosse, specialement quand il esternue & ouure la bouche souuent pour prendre son halaine, & tire la langue dehors, ronfle, & les deux veines de dessus les yeux, par lesquelles les larmes luy descendent, luy battent plus souuent & plus fors qu'elles n'ont accoustumé.

La Medecine.

Donnez luy aloës cicotrin, chacun soir avec du cotton, & luy dōnez des pillules de yera exoctorebus, ou des pillules cochees, lesquelles se doiuent donner au matin : & les trouuezerez au liure de Nicolas, & le faites tirer au matin : quelque chole perueue. Et si par celà ne guerist, mettez tremper la poudre destaphisagre en eau, enueloppée dans vn drapelet, & avec iceluy baignez-le, & luy mettez dans les nazéaux. Et si pour cela ne guerist, prenez ladite pouldre & luy en mettez és deux parties du palais, & és deux parties des nazilles, & par la force de ceste poudre il iettera bien. Et si l'oiseau ou Faucon auoit pour ce trop de peine, vous luy lauerez la bouche & les nazilles avec vin, iusques à ce qu'il ait mis hors ladite poudre, & apres oignez le souuent avec miel, ou avec sirop de violettes, & ce luy fera passer iceluy trauail & peine. Et si pour celà n'est guery, luy soit donné le feu au derriere de loeil au milieu de la teste sagement : en maniere que ne luy ardez l'os de la teste, & luy soit donné feu aux deux parts : c'est assauoir, en chacune nazille, & qu'il aille vers la teste par dedans les nazilles contremont, tant qu'il perçoie iusques au cartillage de la teste, lequel feu soit medeciné & oingt par neuf iours d'huile rosat, & vitellhouorum. Et ce ne se fait siō quād il aura les nazilles tant estouppées qu'on ne les peut desclorre par medecine. Et combien que vous luy ayez donné le feu, faites tousiours les medecines dessus dites iusques à la fin. Si l'oiseau à la vue aucunement

troublee ou obscurcie par le dit mal, soit fait R. Aquæ plantaginis, feniculi, rathæ, verbenæ, celidonæ an. De quoy vous luy lauerez les yeux. Et s'il y auoit aucune concussion, en lieu de celidoine, rathæ, boutez y vn peu de canffre. Le chapelet double d'escarlatte est moult profitable pour le catterre.

Les signes d'Epilepsie és oiseaux.



Yant l'oiseau ceste maladie d'Epilepsie, il tient la teste haute tant qu'elle touche les ailles, & bien souuent les espaulles, & subitement se laisse choir en arriere à terre, & à reuers, & là se tourne & vire, par la grand'angoisse qu'il sent, & aucunesfois demeure comme mort. Laquelle infirmité les prent souuent le matin, & le soir apres qu'ils sont puz, & ont les palpebres des yeux enflees, comme s'ils eussent la pierre, ou qu'ils eussent le catterre: & quasi continuellement tiennent les yeux ferrés, & leur alaine put fort. Et quand ils esmeutissent ils s'espraignent fort, cōme s'ils eussent la pierre, & ces signes sont plus ou moins, selon que les oiseaux sont passionnez, ne perdans point le manger par ceste maladie.

La Medecine.

Le premier iour, faictes vomir vostre oiseau, & l'autre apres faictes le esternuer. Et quand vous ne le ferez point esternuer ne vomir, donnez luy de aurea Alexandrina, enuiron la grosseur de deux pois chiches, à ieun, & quelque petit morceau de chair: & au soir donnez luy vne pillule de yera ex octo rebus, cum agarico en la plume. Et ce deuez faire continuellement iusques à ce qu'il soit guery. Et quand il sera bien purgé par les purgations dessusdites, donnez luy vn cauterer au milieu de la teste, où derriere les yeux, qui profonde iusques à l'os. Et si par ce premier cauterer ne guerist, donnés luy en vn autre, vn peu plus arriere vers la nuque Cassian guerist vne epilepsie, cum yera pigra, cum succo absintii, & de ce faictes pillules, & les donne en la plume, vne fois de l'vn, & autres fois de l'autre, iusques en fin de guerison. Et Moymon Fauconnier Arabique luy donnoit vne pillule faicte de gonma balsami, & castereo, cum succo mentastri, & leur mettoit en la gorge vne pierre de castoreo, gros comme vne petite feue. Que s'il la reiette, luy soit retournee: & garde que la goutte de

Aa iij

la teste ne descende.

Du mal de la bouche.

Bien souuent on cognoist ceste maladie de la bouche par le voir, laquelle se veut secourir hastiuement : car qui tarderoit à medeciner l'oiseau, elle tourneroit'en chancre, & l'oiseau mourroit. Pource que vous deuez nettoier le lieu de ces petis grains, & petites pistules qui viennent en la bouche, avec vn caniet bien tranchant, & apres l'oindre de miel rosat, ou sirop demourez, ou avec sirop d'escorfe de noix : & chascun soir luy donner avec la cure del'aloës cicotrin, ou vne pillule de yera ex octo rebus. Et si la maladie estoit si grande que pour ce ne peust guarir : apres que la teste sera purgee, luy soit donné le feu aux deux bouts du mal, d'un bout iusques à l'autre. Et si aucunement luy venoit au palais vne apostume dure & grosse comme vne demie noizille, laquelle le garde de manger, soit ostee toute celle apostume avec vn boutonnet de feu, qui aille iusques à la chair viue, & qn'il n'y demeure rien.

Chose esprouuee à tout mal de bouche.

Oignez souuent le lieu malade, avec aceto squilitico. C'est vne façon de vin-aigre, qui est fait comme vin aigre rosat : mais en lieu de roses on y met vn oignon sauage, qui croist pres de la Marine : ou le medecinez de l'aloës cicotrin, & miel rosat. Et le dernier remede est, que le lieu soit cautherisé, comme dit est, & au milieu des deux yeux sur le commencement du bec, luy soit donné vn bouton de feu, avec instrument d'argent, & soit gouuerné ledit feu cum oleo rosato, & vitellium simul mistis.

De l'asma, ou pantail.

PArce que ceste infirmité vient souuent esfois aux oiseaux, on la cognoist quand ils ouurent le bec, & ne peuuent bonnement auoir leur alaine, & demeinent la teste, & ont les yeux larmoyans, en alenant le ventre leur bat, & remuent la queue, & tirent & mettent hors leur alaine souuent. Et quand le mal leur engrege, vous les ouïriez si fort ronfler qu'à grand peine peuuent auoir leur alaine.

La medecine.

Donnez leurs des pillules de yera ex octo rebus, cum agarico & salis gemmæ, Et leur donnez avec leur viande puluis pulmonis vulpis, ou leur baignez leurs viandes avec les eaues qui s'enluienent, ou avec vne route seule: C'est assauoir, Aquæ scabiolæ, capilli Veneris, prassæ, celidoniæ, donnez leur avec leur viande, sang de bouc frais, ou sec, préparé en vne desdites eaues, & des penites, & de liquiritie en poudre: ou leur baignez leur viande en eau de vie, en quoy ayent trempé les herbes desdites par xxiiii heures, avec regalice. Ou R. ylopi yeros, brassi, liquiritiæ oleum ros. hieræ pigræ, puluis vulpis, gentianæ & scabiolæ enulæ campanæ, omnia puluerizentur & cum modico huius tyro incorporentur, & luy soit administré. Bonnes pillules pour le mesme, R. ylopi, aloes 3. vj agar. 3. iij, masticis, colloquintidæ, cercollæ an. 3. ij, sticados, assa foetid. scamoniæ, an. j. s. fiant pillulæ admodum ciceris. Et avec ledictes pillules, luy soient donnees deux cauterés, vn au plus haut de la teste, & l'autre au fourchu de la poitrine. Selon Anthone Spinello, mais quel oiseau se puisse paistre, luy soit donné avec la poitrine d'un pigeon chault, vn peu de miel despumato, cum limatura fieri, ad quantitatem vnus ciceris. Et disoit qu'en trois iours estoit guarý l'oiseau, & specialement l'Esperuier. Et le dernier remede quand il est purgé, luy soit donné le feu, cōme dit est. Et non obstant ce on luy doit apres donner aucunes des medecines desdites, iusques en fin de guarison. Notez que quand l'oiseau est maigre, & le mal du pantal luy dure longuement, il est incurable, & ne le peut on guarir.

Pour le mal de la pierre.

MAison dit que si l'oiseau a la pierre; que vous le pourrez cognoistre à ce qu'il aura les pieds enfléz, & les nazilles estouppees, & leuera volontiers la queue deux ou trois fois auant qu'il puisse emutir. Et ce qu'il esmutira, sera mol comme eau trouble; & aucunes fois quand la pierre sera endurcie il se mordra le fondement, & esmutira lōg, vne fois çà, l'autre là. Et aucunes fois quand il esmutira, vous trouuerez de grands blancs comme chaux endurcie.

La Medecine.

Donnez luy avec la cure, ou sans la cure, des pillules de yera pigræ Gauei, chacun iour, & luy faictes deux fois le iour vn suppositoire;

FAYCONNERIE

d'un lardon puluerisé avec poudre d'hiera pigra de Galeny: luy donnez avec sa viande, lard de porc salé tondue, & le fondant laissez le tomber en l'eau froide, & puis apres recueillez-le avec vne cuillier, & de ce soit oingte sa viande, ou bien la luy baignez avec les eaux qui s'ensuiuent: C'est assauoir de veruene, lymons, capilly veneris, alca-cangé. Ou bien luy donnez avec sa viande, de la poudre qui s'ensuit. R. lapis sponcij, & sang de bouc préparé, ou frais, qui est plus fort, semen mille folis, & saxifragæ. Et si pour cela ne guerist, vous luy pourrez encores donner enfermé en vn boyau ce qui s'ensuit. R. succi limonis, verbenæ, fistulæ, lapis spongiæ, lapis lincij, sang de bouc préparé, mille-folis, saxifragæ, oleum oliuæ antiquæ: & le tout soit bien incorporé ensemble, & soit mis apres dedans vn boyau, & luy foictes prendre. Et aussi pareillement luy pourrez donner deux fois la semaine, le past laué en huile. Plusieurs sont d'opinion que ceste medecine suyuanteluy est fort bonne, R. sanguis hirci, semen accedulæ, lactucæ, portulacæ, spicæ, nardi, galangæ, semen saxifragæ, mille-folis, puluis pilorum lepoli, & de sanguine eius, incorporentur cum succo limorum, & soit administree & baillée par bonne quantité. Et si pour tout cela l'oiseau ne guerissoit, apres qu'il sera purgé, avec les medecines dessusdites, luy faudra donner le feu sur la teste, & au milieu comme pour le catarre, & luy en soit donné apres vn autre qui prenne depuis le bec, & ailles iusques à l'autre, tout ainsi comme vous verrez par l'enseignement des cauterres cy apres mis.

Des Vers, & des Filandres.


SI vous voulez cognoistre quand vn oiseau a les vers, filandres, ou aiguilles, vous le cognoistrez à ce qu'il baille souvent, & estrainct les espaules, comme si on le piquoit, & demene la queue ça & là, & tremble quand vous le mettez sur le poing, ou quand il se debat. Et quand vous l'aurez pu, il se plumera avec le bec, là ou il se sentira auoir les vers, & digere la moitié de sa viande & iette l'autre. Apres qu'il est pu, il se frotte volontiers l'œil à son aile, & est tout melancolieux, & à la parfin se gratte les nazilles bien fort avec les ongles.

La Medecine.

Donnez luy vne pillule faicte en ceste maniere. R. partes ij. Reubarbari, &

bari & cum succo centaureæ & absinthij, fiant pillulæ. Ouluy donnez thiriaca, avec semen contra, & luy faites suppositoire de fiel de bœuf, aloes centaurea, & miel. Le diptamum tire les vers, & pareillement fait la poudre de zeduari. Le meilleur remede pour vers qui sont dans les intestins, c'est le Reubarbarum. Vne autre pouldre bien profitable pour filandres & aiguilles. R. zeduarij. 3. j. rad. enulæ campanæ, aristologiæ rotundæ, semen caulij an. 3. j. cornu cerui combusti, aloes cicutrin, reubarbari, sileris montani, an. 3. v. succi rad. yereos rad. concumerris agrest. pulpæ colloquintidæ, semen certami. an. 3. vj. de laquelle vous pouuez donner la grosseur d'une petite febue à chacune fois, enveloppee d'un petit boyau. On peut baigner la viande en eau de porcelaine, d'ozeille, d'absinche, & de centaurea, & ce est pour Esperuiers. Plus vn emplastre qui s'applique sur les reins pour filâdres & aiguilles, on luy doit baigner les reins, & apres luy lier vne esponge dessus, & la tenir baignee incessamment de la composition qui s'ensuit. R. centaurea minor, rutbæ, absinthij casti, mentæ, persicariæ, dymptami, farinæ lupinorum, aloë, galbani. Et toutes ces choses soient destrempees avec fiel de bœuf, & fort vin-aigre, par l'espace de vingt quatre heures, & soient appliquees.

De la pododre.

 Vant à la podagre, ce n'est autre chose que châtre, & se cognoist par l'efflure des pieds, dessus & dessous les doigts. Et aucunes fois l'enfleure est molle, & aucunes fois dure comme pierre, & aucunes fois la veine de la iambe luy enfle, & la partie de dedans la iambe deuient rouge, & aucunes fois dure comme pierre, & aucunes fois luy vient vne partie du pié.

La Medecine.

Faites luy ceste medecine. R. aquæ vitæ part. ii. aceti rosati part. iii. sulfuris, cendali rubei, aluminis, galandæ, salis armoniaci, an. part. i. Et ce mettez en motte en vn vaisseau de verre par vingt quatre heures, & puis l'appliquez en ceste maniere. Enveloppez les pieds de l'oiseau d'estoupes, & les liez avec vn filet, afin qu'elles ne puissent tomber, & apres baignez les estoupes avecques la dessus dite cõionction, & luy laissez par vn iour naturel, & soient tousiours baignees. Aucuns luy baignent les pieds au commencement de l'infirmité, cum succo ebulor, &

B b

FAVCONNERIE

aceti rosati, in quotemper. sanguis dra. boliar. terræ sigillatæ, cum modico olei ros. Et aucuns font tremper armoniacum in aceto, & de ce font emplastre, & l'appliquent sur l'enflure, & se mollist & appetisse la chose dure & enflée. Autunes fois quand l'oiseau a ladite infirmité, il a grand chaleur és pieds, lors il ne le faut medeciner iusques à ce que la chaleur luy soit toute passée. Et puis luy appliquez le dessusdit vnguent, comme dit est; laquelle chaleur vous devez corriger en ceste maniere: R. boliar. ʒ. s. thuris, mastycis an. ʒ. i. aloes. ʒ. iiii. succi semper viuæ. ʒ. ii. albuminis ouorum quod sufficit, & fiat ad modum vnguenti. Et de ce oignez la podagre, iusques à ce que la chaleur luy soit passée, lors le pouuez penter, comme dit est, deuant. Aussi faites repoler l'oiseau continuellemēt sur vne perche de laurier, & si la perche estoit verde, il gueriroit en 15. iours des cloux qui viennent sur les pieds. En ces quinze iours devez muer de six perches, selon Anthoine Spinello, afin qu'elles ayent plus grande vertu: & devez oindre le clou de graisse de pouaille vieille: & si pour ce ne guerist, i'ay experimēté ceste medecine. On luy doit lacer la veine, & apres donner le feu au lieu qui est enflé, & ce doit faire quād l'enflure est molle. Et quand l'enflure est dure, on doit fendre le cuir & oster celle durescé, & apres doit-on donner le feu sur la superfluité de la chaleur qui est dedans, & vous donnez bien de garde que le feu ne touche les nerfs, & puis gouuernez le feu diligemment, cum oleo ros. vitell. ouorum, cum modico butyro, sine sale.

De la goutte des rains.

LA goutte des rains se cognoist quand l'oiseau ne peut voler, lors luy soit purgée la teste comme dit est au chapitre du catarre. Et cerchez au milieu des lombes & des rains, & vous trouuerez vne souffrette en laquelle vous luy donnerez butyro simul mystis ad mod. emplastri.

Des concussions de dedans le corps.

Linfirmité des concussions se congnoist à ce que l'oiseau iette sang par la gorge, ou par le fondement, ou par toutes les deux parties, & qu'il esmutist noir & pres du poing. Et quād il voudra esmutir, demenera la queue çà & là, & le corps, & les ailles luy pousseront, halenera, & sera tout maté.

La Medecine.

Donnez luy chacun soir vne des pillules sequentes. R. sanguis dracon. boliarm. terræ sigillitæ, mastice, momie, reubarbari an. conficietur pillulæ, cum succo consolidæ, & detur vna pillula vt decet. Plus luy soit donné avec sa viande les eaux qui s'ensuiuent. R. aquæ consolidæ maioris, & minoris, stella maris, & de la momie, rubea tinctoris, boliar. sanguis dracon. terræ sigill. mastice, & semen nasturtii, & specialemēt quand il y aura sang. Selon razis, R. thuris sanguinis drac. an. 3. iii. mastice, 3. ii. terræ sigillatæ 3. xv. aluminis 3. ii. balauftiæ 3. iii. opii, cinam. an. 3. ii. omnia simul tereantur, & fiant tronceti numero x. de laquelle chose pouuez administrer la grosseur d'une bōne feue à chacune fois.

Quand l'oiseau iette sa viande.

Sil oiseau iette sa viande, c'est pour deux occasions : C'est assauoir par corruption de l'estomach, ou par maladie : & s'il la iette par accident, l'haleine ne la viande ne puent point : & s'il la iette par corruption, l'haleine & la viande qu'il iette puent.

La Medecine.

Si l'oiseau iette le past par accident, donnez luy aloes cicotrin, & le laissez estre par six heures sans le paistre, & puis païssez le vn peu, & de bonnes viandes. Et s'il iette par corruption, donnez luy des pillules qui s'ensuiuent, & puis le laissez par huit heures sans le paistre. R. aloes cicotrin, cum speciebus part. iii. mastice, part. ii. rubarbari part. f. conficietur cum succo absintii fiant pillulæ. Et huit heures apres soit pu vostre oiseau de petit, & souuent de la poitrine de petis oiseaux trempee en eau tiede, en laquelle ayent esté bouillies les choses qui s'ensuiuent c'est assauoir, mastice, garofili, spice nardi, nucis muscatæ, cynamomi, galangæ, & ambræ. Et qui mettroit lescites choses dessusdictes en eau de vie, les laisser tremper par l'espace de vingt quatre heures, & apres que lon donnast d'icelle eau avec la viande, tant qu'il en pourroit en demie coquille de noisille, ce seroit souueraine chose. Ceste poudre qui s'ensuit est bien profitable pour faire tenir le past à vn oiseau, & pour le faire reuenir à soy. R. coralli rubei. 3. iii. aloes 3. ii. cynamomi, rosarum rubrarum an. 3. ii. garofili, mastice, galangæ an. 3. v. fiat puluis, & detur cum pasto, ou vne des choses dessusdictes par soy,

B b ij

F A V C O N N E R I E

specialemēt le girofle ou mastic. Vn peu de chair de bœuf trempée en eau ardante, fait tenir le past aux Faucons. Mais pour Esperuiers, Autours & Tiercelets, seroit trop fort. La reubarbe, & aloës accoustrent l'estomach, plus qu'autre medecine, en euacuant les mauuaises humeurs, & pource ie conseille qu'incontinent que l'oiseau aura ietté le past qu'on luy donne pouldre d'aloës & reubarbe, avec vn peu de viande, & quand il aura enduit, luy soit donné eau cordiale, comme trouuerez au chapitre des choses cordiales cy apres. Et notez que la reubarbe conforte plus que l'aloës, & aloës rubrique plus l'estomach.

Des ventositez



Es ventositez se peuuent cognoistre comme au chapitre vniuersel de la cognoissance des infirmitéz est déclaré.

La Medecine

Donnez à l'oiseau avec son past, pouldre de semence de mastic, & ce vaut contre indigestion, ou vn peu d'aloës, car il leur fait vomir & ietter hors celles humeurs superfluees parquoy l'estomach sera mis en bon estar, car l'infirmité leur viét d'indigestion, & par past engendrant vent, qui leur engendre colique. Et parce incontinent que vous apperceurez qu'ils seront entachez d'icelle maladie, secourez les avec la medecine dessusdite, & avec past restauratif. Et quand l'oiseau sera retourné à naturelle matiere, luy soit donné avec le past, puluis boliarmeni, & cacabie.

Pour les infirmitéz du faye, & la medecine




Nfirmitéz du faye se congnoissent ainsi qu'a esté dit au chapitre cy deuant.

Pour guerir ceste maladie, le past & gras nerueux est defendu à l'oiseau, & son past doit estre trempé cum aqua solatri. Et puis seigné de la veine qui est sous l'aïlle, en maniere, qu'il en saille quelque goutte de sang, & le paisez de petits poullets, & de chair fresche, qui soit trempé en lait d'ouraille ou en suc d'appio. Si par ceste maladie auoit soif, ce que ne peut estre autrement, donnez luy sirupus rosarum vel violarum, cum aqua clara, ou reubar. Itquiritia, bethonica infusa in aqua per noctem.

De la tignolle & de sa Medecine.

TOVTE ceste infirmité se cognoist par la cheutte des pen-
 nes hors de saison. Soit'oingt le lieu avec baume, qui en
 pourra trouuer, car c'est chose qui y est grandement profi-
 table : ou bien on luy donne fellis bouini, limatura ferri,
 celidonia, saluia, absintij, mile foilorum, stercus anseris,
 corticis oliuæ, salis nitri, aloes, centaurea Et faut que toutes ces choses
 soient bien incorporees avec fort vin aigre, & en oindre le lieu, & s'il
 ne trouue allegement, qu'on saigne la veine, ou sur les cuisses. Et si
 par ce ne guerist, saignez le avec vne aiguille d'or ou d'argent, au lieu
 ou les pennes tombent, & là où il sera enflé & rouge : & frottez ledit
 lieu des medecines qui s'ensuyuent. R. aloes, piperis, myrrha. borat-
 album, pini corticis, granatorum adustorum an. part. puluerisen-
 tur, & cum forti aceto incorporentur, & vngatur locus, vt di-
 ctum est.

Des playes qui sont en l'Oiseau.

 Vand vn oiseau à la gorge roste, cousez la le plus douce-
 ment que vous pourrez, & la closture soit oingte cum oleo
 rosa, & terbentine, & le paisez petit & souuent. Oleum fa-
 ctum ex vitell. ouorum, est grandement profitable pour ap-
 pliquer es playes.

Ouorum cum succot ruthé & omnium consolidarum, stella maris,
 & laureola, sont fort bonnes & profitables. Et vnguentum commune
 vaut à ce mesme, & generallyment à toutes playes. & si mestier est d'e-
 stre cousues, qu'on les couse. Si l'oiseau à la fistule en la teste, elle se con-
 gnoistra quand il iettera sang par les nazilles : alors plumez la teste au
 derriere, & luy cousez la veine qui passe au long de la teste, & oignez
 le lieu par l'espace de huit iours, avec oleum ros. & oleum ex vitell.
 ouorum. Il y a aucuns Fauconniers qui a telle infirmité passent les
 nazilles d'un costé iusques à l'autre avec vn subtil cautere. Mais le
 meilleur cautere est celuy du milieu de la teste, comme dit est. La
 fistule des nazilles soit cauterisee avec vn fer subtil, iusques au fonds
 de la nazille. Pour leuer la douleur d'une aisse ou d'une iambe. R. cor-
 ticis oliuæ, absintij, rutæ fœnugræci, de coquantur vsque ad tertiam.
 Et de ceste decoction estuue le membre par longue espace & par plu-

Bb iij

FAVCONNERIE.

sieurs fois. Si vn chien auoit donné poison à vn oiseau, donnez luy
 estouppes hachees bien menu, & trempées en huile de noix, ou luy
 donnez huyle de noix par soy, & il guarira. La morsure du Serpent
 se cure en luy donnant poudre de diptamo, ou de dyagomera, ou ser-
 pentine, ou de tormentille, & tyriacle, & iarser la morsure, & lier
 quelque animal vif dessus, fendu par l'eschine. Quand le bec de l'oiseau
 se creuace & sent, comme si le bec se voulsist separer de la teste, lors le
 deuez cerner tout à l'entour, & bien ouurir, & puis le cauteriser ius-
 ques au vif, & oingdre le lieu avec oleum rosarum. Toute oingture doit
 estre continuee par neuf iours, cum oleo ros. & vill. ouorum, exceptez
 celles de la teste, laquelle doit auoir emplastre de picenauali, seminis
 sinapis, & butyro. Il y a pour affaïter & adoucir le pennage deux ma-
 nieres de faire les penne: l'une à l'aiguille, & l'autre au tuyau, & est le
 meilleur. Quand tu enteras à l'aiguille, fais que la penne en quoy tu
 mettras l'aiguille soit liee, afin qu'elle ne se fende, & puis taille le filet,
 si tu veux, & fais que l'aiguille soit trempee en eau salee, ou en vrine.
 Et pour enter en canon, soit taillé le tuyau de la penne, mais premie-
 rement mettez dedans vn petit bastonner, à fin qu'il ne fende, & entez
 vostre penne dedans. Et s'il y a des penne ployees quine soient du
 tout rompues, prenez le trou d'un chou, & le mettez en la braise tant
 qu'il soit bien chaut, & puis le fendez par vn bout, & avec celà dressez
 vostre penne. Ou autrement avec eau en quoy ait esté cuit le trou de
 chou. Si vne penne ou deux tombent par coup, ou par hurter, soit in-
 continent prins oleum laurinum: & oleum morum an. & soit appliqué
 au lieu où la penne sera tombée: car c'est la chose du monde qui plus-
 tost le fera renaistre. L'esmeur sanglant signifie rompure & froisse-
 ment de corps. Les oiseaux malades ou blesez se doiuent garder de
 vent, poudre & rousée. Notez, quel'on peche plus de donner trop de
 medecines que peu, car elles ne se peuuent donnees retirer.

*De la complexion des Faucons, & comme
 ils se doiuent medeciner.*

P Arce que les Faucons noirs sont melancoliques, ils doiuent
 estre medecinez avecques medecines chaudes & humides,
 pour cause de la complexion qui est froide & seche: com-
 me aloës, piper chairs de coqs, & de coulons, passereaux,
 chieure ou cheureau. Les faucons blancs sont flegmatiques, & se me-

decinent avec les medecines chaudes & seches pour cause du flegme qui est froid & humide: c'est assauoir, avec cynamome, gorosili, firelis montani, cardamoni, chair de bouc & de corneilles. Les faucons rous sont languins, coleriques; & se doiuent medeciner par medecines froides & attrempees en humidité & secheresse, comme sont mirtile, amarici, cassia fistula, acerum, chairs de poulles, & d'aigneaux.

Des cauterés.



Vant aux cauterés, ils sont veiles & derniers remedes, quand autrement par medecines ne se peut faire, selon tous ceux qui ont traité de la chirurgie. Premièrement, ce que vous cauterisez doit estre purgé, spécialement pour les cauterés de la teste, par esternuer, & par vomir, & par conuenables purgations. Et neantmoins quand vous luy donnez le cautere, vous deuez tousiours administrer les autres medecines appropriées au mal iusques à la fin de la cure. et si par le meilleur cautere il ne guerist, laissez cheoir l'escarre de la teste, & luy en donnez vn autre vn peu plus arriere que le premier. Les cauterés de la teste veulent profondeur iusques à l'os, pour faire son escarre, & sur le lieu cauterisé soit appliqué cest emplastre. R. picis naualis. 3. ii. pulueris sinapis. 3. i butyri. 3. i. & fiat emplastr. et luy faictes tenir vn chappelet à bourse en la teste, afin qu'il ne puisse gratter le lieu. Les autres cauterés qui sont de la teste, se doiuent oingdre par neuf iours, cum oleo ros. & vitell. ouorum. Tous cauterés se doiuent donner en Mars, si ce n'est par necessité, pour tenir les oiseaux sains. A chancre & aux apostumes qui viennent en la bouche & à la langue, & à fistule ou catarre, le dernier remede est le cautere. Le cautere du milieu de la teste derriere les yeux, est pour le catarre, pour l'epilepsie, pour l'asma pour la pierre, & pour la goutte. Et sont des autres qui donnent vn autre cautere, depuis le bec iusques à l'autre cautere derriere les yeux, tout du long de la teste. Les cauterés pour l'asma sont ceux du milieu de la teste, & de la fourche de la poitrine, & celui du milieu de l'estomach. Ceux de podagre & des cloux, se doiuent faire au lieu que le mal se demonstre. Le Roy Daucus appliquoit le cautere au milieu des rains en la souffette qui est en celle part. Le meilleur remede pour vne playe profonde: mais qu'elle soit fresche, est de donner vn anneau de feu entour la playe, & puis apres l'oingdre avec huyle rosat, & terebentine chaude. Si la playe est en fistulee, donnez luy vne pointe de feu iusques au fons & le pensez, comme dit est. Pillules pour conforter la teste:

F A V C O N N E R I E

& l'estomach, & pour les mûdifier des mauuaises humeurs. R. turbitk. part. x. masticiis iij. aloë. xxviii. conficient, cum succo absintij in hyeme, in æstate cū succo liquiritiæ. Les cauterres presque de toutes infirmittez se doiuent donner les veines lacees, & cauteriser le lieu où les infirmittez sont soubçonnees. Le Roy d'Aucus, avec tous les autres cauterres leur perçoit les nazilles de part en part, avec vn cautere bien subtil. Et comme le cautere est le dernier remede, & le souuerain, aussi est-il le plus dangereux, & le plus difficile à qui n'y regarde de bien pres.

Chairs vsables & bonnes.

Les chairs bonnes pour les oiseaux, sont Vache, Porc, Mouton, Lieure, & toute chair sauuage: excepté Cerf & Sanglier fort vieux, mais elles se doiuent lauer & nettoyer du sang des veines & des nerfs avec eau chaude. Gardez vous de donner peaux ne graisse à vostre oiseau: car par ce leur pourroit suruenir mainte & diuerse infirmité, & si fait mal digerer, & perdre l'appetit.

Chairs restauratiues.

Pigeons de fuye, Passereaux, & tous petits oiseaux champêtres, Oyes & Canes priuees & sauuages, Poulaille, Tourterelles, Cailles, Francollins, Cheureaux, Cochons de lait, Chieure, Moutons Souris, Faïsans, & Perdrix.

Chairs laxatiues.

Tortues ieunes, Poulles, Rarelle, & foye de Cochons, & leur poulmon lauë & trempé, specialement qui mettroit sucre par dessus, Sucre candy est plus fort, chair de Veau ieune, chair de Bouc en superlatif degré, specialement au mois d'Aoust.

Chairs deffendues.

Oysons, Cercelles Cormorans, Corbeaux, Chouettes, Corneilles, pour ce qu'ils ont le sang amer & sallé: car i'ay veu oiseau de la susdite chair subitement ietter sa gorge.

Des choses qui font auoir faim.

Les pillules communes font auoir faim, quand elles sont donnees en la cure, & purgent les humeurs superflues. Le past oingt avec la fleur de lart, fait fort affamer l'oiseau, & est vne chose moult saine.

Medecines laxatiues & les doxes.

Turbit purge le flegme, & s'en peut donner la grosseur de deux pois ciches aux Lasniers, Sacres, & Gerfaux. Mais aux Faucons Gentils moins, & encores moins aux Autours, Tiercelets Esperuiers. La reubarbe se peut donner gros comme la quantité d'une febue: & se
donnee

donne communément pour abondance d'humeur, & cōtre vers. Trois pieces de celidoine, stasitagre, aloës, le lardon, poiure, toutes ces choses se peuvent donner quand l'oiseau iette rhume ou quand vous le voulez faire ietter le flegme à la mue, ou le past, & suffit d'en donner d'une sorte à la fois.

Les choses cordiales, & confortatiues.

Le meilleur past & nutriment, & le plus profitable aux oiseaux malades, & bien restauratif, selon Armodeus, spécialement à ceux qui ne peuvent enduire la chair. R. lactis recentis part. iij. vitell. ouorum. Et ce battez ensemble, & apres le faites cuire iusques à ce qu'il deuienne espais, dequoy vous paistrez vostre oiseau, & s'il ne vouloit manger, mettez de quelque sang par dessus, & tel past luy donnez peu à peu, & souvent. Le iaine d'œuf cuit avec eau est bon past, par defaute de chair. Pillules confortatiues pour l'estomach secundum Io. Serapion. R. aloë part. iij. masticis par. j. conficientur cum succo solatri. Le past trempé en vinaigre avec sucre, fait auoir faim merueilleusement, Mais il se doit donner vn soir auant qu'on aille voller. Le matin qu'on veut faire voler, trois petis lopins de chair trempee en vin-aigre sont fort bons. Pour faire ladicte fleur de lart, mettez tremper vostre lart par plusieurs iours en eau courante, tant qu'il soit bien dessalé, & puis le raclez. Ou autrement, fondez vostre lart, & puis le iettez en eau fraische, & ce faites plusieurs fois, & c'est la fleur dessusdite.

Des choses qui font muer.

Prenez vne couleure, & luy taillez vn peu de la teste, & autant de la queue, & du milieu païssez vostre oiseau: car cela fait biē muer & tout entierement. Le grain du serpent noir, & en nourrir des poulles, desquelles païssez vostre oiseau, fait pareillement muer: lequel grain se fait en ceste maniere. Prenez vne couleure noire, & la mettez bouillir en eau avec du froment, & en nourrissez voz pouillailles & leur donnez à boire l'eau. Mais le bon past & les Souris font muer naturellement, & mieux que toutes les medecines du monde. Et aucunes fois leur donnez past laxatif pour les faire tenir lubriques. Vous deuez mettre l'oiseau gras en la muë, & qu'il ait tousiours l'eau deuant luy, & le preau verd, & luy muer souvent le past, en luy donnant vne fois la semaine le past laxatif, & ceste regle deuez tenir aux Niez. Et le Hagart ne se doit mettre en la muë, mais se doit muer sur le poing, car il s'estrangeroit trop des gens, & s'il battoit par le chaut, boutez luy le cha-pelet, ou les boufflets d'eau froide, & il se tiendra en paix, & ceste peine

FAVCONNERIE.

de le tenir sur le poing durera iusques à tant qu'il commencera à letter & alors le pouuez mettre sur vne pierre comme les autres. Et quand il voltera, tenez le sur vn billot de bois; que s'il estoit couuert de drap, il seroit meilleur. Autours Tiercelets, & Esperuliers, se muent comme les Faucons, sinon qu'ils ne veulent point estre portez, mais doiuent estre en la muë, & nettement seruis. Les Elmerillons se muent avec les pieds dedans le milieuques aux genoux, pour ce que s'ils voioient leurs pieds, ils les mangeroient pour la grande chaleur qu'ils ont: & la froydeur du mil corrige icelle grand' chaleur, & celle humeur superflue. Auuant que tirer vostre oiseau de la muë quinze iours ou vingt iours faut le commencer à dessimer & restraindre son past, pour cause de la repletion; car il pourroit en prendre tant qu'il luy feroit mal.

Pour faire le lardon.

Le lardon se fait en ceste maniere. R. piperis par. ij. salis communis par. iij. cineris par. j. & ce soit incorporé ensemble, & en faictes trois petits morceaux de lart, desquels soient bien soupoudrez des poudres dessusdites, & luy donnez par force, & le laissez ieusner par treize heures; & le lendemain luy presentez l'eau, car il en aura mestier.

Pour leuer & oster les poulz.

R. piperis part. j. cineris part. ii. Et avec eau chaude soit laué par tout le corps, & luy gardez bien les yeux. Les Alemans les orpimentent tout à sec, & ce est bon pour temps chaud. La decoction de la mente Romaine faict mourir les poulz, & pareillement l'estafisagre.

Quand vous aurez osté les poulz de vostre oiseau, faictes le dormir par deux ou par trois nuits sur vne peau de Lieure, car tout les poulz se bouteront dedans.

De quoy on donne les cures.

Vous deuez entendre qu'on donne les cures de cotton, de quenë de Lieure estoppes tailles, ou pieds rompuz, ou de plume. Et est à sçauoir, que les cures baignees ne sont pas si fortes comme sont les eslytes, excepté qu'elles fussent baignees en choses laxatiues.

On doit donner tous les soirs cure, & tous les huit iours vne de cotton, & aux muez tous les quinze iours, & aux fors tous les vingt iours.

FIN.

Reccuil de tous les oiseaux de proye
qui seruent à la vollerie & Fau-
connerie, par G. B.

Cc ij





C'est une chose assée de tous, que les Seigneurs Grecs & Romains, tant de l'Orient, de l'Asie, que de nostre Europe, n'auoient cognoissance de l'Art de Fauconnerie, à plus forte raison, ne les personnes priuées, n'ayās ne la puissance nyle vouloir de faire despence à vne chose qui est sans profit. Puis donc que c'est une inuention moderne, il se trouue bien peu d'Auteurs qui en parlent: encores s'ils en parlent, c'est seulement en passant & conferrant noz oiseaux de Proye avec ceux des Anciens, accordans les noms François, & en passant disent quelque mot de leur nature & propriété. Ce que i'ay voulu n'estre ignoré des plus curieux & sçauans Fauconniers de nostre France, afin d'estre excusé d'vn si petit Recueil: attendant que quelque autre plus docte & mieux entendu en l'art de Fauconnerie y mette la main.

Ec. iij,

*Table du Recueil de tous les oiseaux de proye qui seruent à la
vollerie & Fouconnerie. Par G. B.*

ET PREMIEREMENT.



DEs noms des oiseaux de
 proye. fueil. 104.a
 De combien d'espèces il y a
 d'Aigles là mesf.
 De l'Aigle fauve, qu'on nom-
 me Royat. mesf. fueil. b
 De l'Aigle noire. 106. a
 Du grand Vautour cendré. mesf. fueil. b
 Du moyen Vautour, brun ou blanchastre.
 107. a
 Des Faucons. mesf. fueil. b
 Du Gerfaut. 108. a
 Du Sacre, & son Sacret. mesf. fueil. b
 De l'Autour femelle, & de son Tierce-
 let masse. 109. b
 De l'Esperuier, ou Esperuier, femelle,
 & de son mouchet masse. 111. a
 Des Faucons. 112. b
 Du Faucon Gentil. 113. b
 Du Faucon Pelerin. là mesf.
 Du Faucon Tartaret, ou de Tartarie, ou
 Barbarie. 114. a
 Du Eaucon Tunitien, ou Punicien.
 là mesme.
 Du Tiercelet de Faucon. mesf. fueil. b
 De la nourriture des Faucons, & com-
 me il les faut choisir. là mesme.

Du Lanier femelle, & de son Laneret
 masse. 115. b
 Du Hobreau. 116. b
 Del Esmerillon, ou Elmerillon. 118. a
 Du Fau-perdrieux. mesf. fueil. b
 De tous oiseaux de proye, qui seruent à
 la Fauconnerie. 119. a
 De la diuersité des Faucons, & comme
 on cognoist les meilleurs. 122. a
 Comme on doit mettre en arroy, & por-
 ter le Faucon. mesf. fueil. b
 Comme on doit affaier vn Faucon, &
 mettre hors de sauuageine. là mesf.
 Comme on doit leurrer vn Faucon
 nouveau affaier. 124. a
 Comme on doit baigner, faire voler,
 & hayr le change, à vn Faucon nou-
 ueau. mesf. fueil. b
 Comme on fait prendre le Heron à
 son Faucon. 125. b
 Comme on fera aymer à son Faucon
 les autres, quand il les hait. 126. a
 Comme on doit essemmer, c'est à dire
 bailler la cure à vn Faucon. mesme
 fueil. b

Fin de la Table,

Des noms des oiseaux de proye.

Tous oiseaux de proye sont compris sous ces deux noms, *Ætos*, ou *Hierax*, c'est à dire, *Aquila*, ou *Accipiter* : & de ces deux genres y en a qui seruent à la voilerie, desquels seulement entendons parler. Car tous oiseaux de proye ou de rapine ne seruent à la Fauconnerie : mais seulement ceux qui sont hardis, & de franc courage, & qui peuvent voler l'oiseau tant par les riuieres que par les champs. Or comme les Grecs ont voulu que *Hierax*, & les Latins, que *Accipiter*, qui est le *Sacre*, nom special à vn oiseau de proye, donnast le nom vniuersel à tous autres oiseaux de rapine, comme par maniere d'excellence : aussi les François de nostre temps, ont fait que le *Faucon*, qui n'est que nom special d'un oiseau de proye, donneroit le nom vniuersel à tout le genre des oiseaux de proye : parce qu'il surpassé les autres en bonté, hardiesse, & priuauté : comme si l'on vouloit dire, *Faucon Gentil*, comme *Pelerin*, *Faucon Sacre*, & ainsi des autres. D'auantage comme le *Faucon*, qui n'est que le nom special d'un oiseau, a donné le nom à tous les autres oiseaux de proye, aussi a il donné le nom de *Fauconnier* à celui duquel l'estat & office est d'appriuoiser tels oiseaux, & le nom de *Fauconnerie* à l'art & science de leurrir & appriuoiser les oiseaux de proye & de rapine, pour les faire voler aux autres oiseaux, tant àërez, terrestres, qu'aquatiques.

De combien d'especes il y a d'Aigles.

Mais puis que nous auons diuisé tous oiseaux de proye ou rapine, qui seruent à la Fauconnerie, en *Aigles* & *Faucons* : nous parlerons premierement de l'*Aigle*, & du *Vautour*, qu'aucuns ont pensé estre compris sous les especes de l'*Aigle* : puis les *Faucons*, qui sont oiseaux de proye seruans à la voilerie, qui ont prins leur nom de *Faucon*.

Selon *Aristote*, il se trouue six especes d'*Aigles*, qu'il a nommees de non que les habitans de la Grece leur auoient baillé. *Plin* en fait mesme diuision, les nommant toutesfois autrement qu'*Ar*-

RECVEIL DES

st ore à cause qu'ils estoient de diuers pays, & ont escrit en diuerfes langues. Mais parce que n'entendons icy parler que des especes d'Aigles qui seruent à la Fauconnerie, nous parlerons seulement de deux especes d'Aigles: car aujourd'huy pour la Fauconnerie nous ne cognoissons que le Fauue. qui est l'Aigle Royal, & le noir: estans les autres especes de si petit courage qu'on ne les sçauoit leurrer pour la Fauconnerie.

De l'Aigle Fauue qu'on nomme l'Aigle Royal.

L'Aigle Fauue par Aristote est appelée en Grec Gnesion qui signifie en François legitime & non bastard: parce que c'est la vraye & legitime entre toutes les autres especes d'Aigles. & aussi la nomme de diction Grecque Chrysaëtos, à cause de sa couleur fauve, & en Latin Stellaris & Herodius: c'est celle que nous nommons l'Aigle Royal, & Roy des oiseaux, & autresfois Aigle de Iupiter: & c'est celle qui se doit cognoistre pour principale, estant de plus grande corpulence que les autres, aussi est plus rare à veoir, car elle se nourrit par les sommittez des hautes montagnes, & si prent & mange toutes sortes d'oiseaux, & Lieures, & Cheureux, & toutes autres bestes terrestres: combien qu'il soit solitaire, sinon quand il meine ses petits avec luy, & les conduit pour leur enseigner à prendre les oiseaux, & leur gibbier: mais aussi tost qu'il les a instruits & apprins, il les chasse hors de là en vne autre contree & pays, & ne leur permet se tenir en celle contree: afin que les pays, où les Aigles ont fait leur aire ne soit despeuplé & desgarny de gibbier, dont ils pussent auoir faute sçachans que si les petits y demeuroient, ne laisseroient en brief temps assez de proye qui les pust fournir. Il la faut descerner d'avec les Vautours: parce que l'Aigle Royal de couleur fauve n'a le pied aucunement velu, & couuert de plumes, comme l'on voit au Vautour. Il est bien vray que la iambe de l'Aigle est courte & iaune & a des tablettes par-deuant, mais les griffes sont larges, & le bec noir, long & crochu par le bout. Les queue's du grand Aigle Royal, & aussi du petit noir sont courtes & robustes par le bout quasi comme celles des Vautours. L'Aigle est tousiours de mesme corpulence, & ny en a aucune qu'on puisse nommer moyenne, ou plus grande, qui ne luy donne vn furné de noirce, fauve, ou autre tel nom propre. Et si ce n'estoit qu'elle est si lourde à porter



porter sur le poing (& de vray elle est moult grande, & aussi qu'elle est difficile à apprivoiser du lauage, l'on en verroit nourrir aux Fauconniers des Princes plus qu'on n'en fait. Mais parce qu'elle est audacieuse & puissante, pourroit faire violence, si elle se courrouçoit contre le Fauconnier, au vitage ou ailleurs. Parquoy qui la veut avoir bonne, il la faut prendre au nid, & l'apprivoiser avec les chiens courants, afin qu'allant à la chasse, & la laissant voler suivant les chiens, lesquels ayant leué le Lieure, Renard, Cheureul, ou telle beste, l'Aigle descende dessus pour l'arrester. On la peut nourrir de toutes manieres de chairs, & principalement des bestes qu'elle aura prinse à la chasse. Rouge couleur en l'Aigle, & les yeux profonds, & principalement s'elle est nee es Isles Occidentales, est signe de bonté: car l'Aigle

RECVEIL DES

rouffe est trouuée bonne: aussi blancheur sur la teste. ou sur le dos, est signe de meilleur Aigle. L'Aigle partant du poing, qui vole au tour de celuy qui la porte, ou s'assied à terre, est signe qu'elle est fugitiue. Quand l'Aigle espanouïst la queue en volant, & tournoye en montant c'est signe qu'elle est deliberee de fuir: le remede est, de luy ietter alors son past, & la r'appeller bien fort. Et si elle ne descend à son past, ou pour auoir trop mangé, ou pour estre trop grasse, il faut luy coudre les plumes de sa queue, afin qu'elle ne les puisse espanouyr, ne voler d'icelles: ou bien luy plumer le tour du fondement, en sorte qu'il apparaisse, & lors craignant la froidure de l'air, ne taschera à voler si haut. Mais ayant la queue cousüe, faut doubter les autres Aigles: car alors elle ne les pourroit euer. Quand l'Aigle tournoye sur son maître en volant, sans s'esloigner, c'est signe qu'elle ne fuira point. On dit qu'une Aigle peut arrester vn loup, & le prendre avec l'aide des chiens & qu'on l'a veu. Ceste Aigle fait communement son nid au costé de quelque roche precipiteuse, à la sommité d'une haute montagne, combien qu'elle le face aussi sur les hauts arbres des forests. L'on dit que les paisans qui scauent le nid d'une Aigle, voulans desnichier les petits, se font bien armer la teste, de peur que l'Aigle ne leur face mal: & s'ils luy en ostent vn de ses petits, le tiennent lié à quelque arbre aupres du nid, iceluy appellera sa mere, laquelle l'ayant trouué luy apportera tant à manger que celuy qui l'aura attachée trouuera assez de gibbier tous les iours pour luy, & six autres: car la mere luy apporte Lieures, Connils, Oyes, & autres telles vrandes. L'aigle ne se paist communement pres de son nid, ains s'en va pouruoir au loing. Et s'il luy est resté de la chair du iour precedant, elle la reserue, afin que si le mauuais temps l'empeschoit de voler, elle ait assez de viande pour le iour ensuiuant. Vne Aigle ne change point son aire durant sa vie, ains retourne en vn mesme nid par chacun an. Et a l'on obserué pour celà que l'Aigle est de longue vie, & deuenant vieille, son bec s'allonge, tant qu'il deuient si crochu, qu'il l'empesche de manger tellement qu'elle en meurs non pas de maladie ou d'extremité de vieillesse, mais pour ne pouuoir plus vser de son bec, qui luy est si fort acreu. L'Aigle mene guerre avec le petit Roitelet, mais ce qui en est, selon Aristote, est son seul hō: car à cause qu'on l'appelle Roy des oiseaux, lequel tiltre l'Aigle luy veut oster. Encore y a vn autre sorte de petit oiseau, qu'Aristote a nommé Sitta, & les François vn Grimpeau, qui luy fait de grans outrages, car lors qu'il sent l'Aigle absente, il luy casse ses œufs. Quand

nous auons dit cy dessus, que l'Aigle Royal est de couleur fauve, pour fauve couleur entendons comme est celle du poil de Cerf. Et combien qu'Aristote la nommè Chrifaëtos, qui est à dire Aigle doree, il ne faut pourtant entendre que sa couleur soit tant doree, mais est plus rousse que des autres especes. Les peintres & statuaires Romains la deguisent en leurs pourtraicts, mais chacun sçait qu'elle est autrement. Les Aigles, tant fauves que noires, sont escorchées comme les Vautours, & enuoyées aux Peletiers de France, avec leur ailles, testes, & pieds, de telles couleurs qu'auons dict.

De l'Aigle noire.



Ous auons dit qu'il y a seulement de deux sortes d'Aigles, qui seruent à la Fauconnerie, qui sont la fauve (de laquelle auons parlé) & la noire, qu'il nous faut descrire. Aristote nomme l'Aigle noire, Melauratus, & Lagophonos, parce qu'elle prend les Lieures, que les Latins ont nommée Pulla, Fulua, Leporaria, & aussi Valeria: qui ne se peut toutesfois bonnement distinguer, car ceste noire est plus petite que l'Aigle Royal qui est le fauve, que le Milan noir au Royal. Plinè a mis ceste Aigle noire au premier ordre des Aigles, comme s'il l'eust voulu preferer à toutes autres especes. Aristote ne la mise qu'au tiers ordre: toutesfois en a dict de grandes louanges. Ceste noire, dit-il, estant de moindre corpulence que les autres, est de plus grande vertu. D'auantage, il dit que les Aigles volent haut pour voir de plus loing: & pour ce qu'elles voyent si clair, les hommes ont dit qu'elles sont seules entre les oyseaux qui sont participans de diuinité. Et aussi pour la crainte que l'Aigle a des eschauguettes, elle deualle non tout à vn coup contre terre, mais petit à petit: & ayant aduisé le Lieure courant, ne le prend incontinent à la montagne, mais sçait bien temporiser & attendre qu'il soit en belle pleine: & l'ayant pris, ne l'emporte incontinent, mais fait premierement experience de sa pesanteur, & de là l'ayant enleué, elle l'emporte.

Dd ij



Du grand Vautour cendré.

L y a deux especes de Vautours : à sçavoir de cendrez
 ou noirs, & de bruns ou blancheastres. Premièrement nous
 parlerons du cendré, qui est plus grand que le brun,
 car le cendré est le plus grand oiseau de rapine qu'on trou-
 ue : estans les femelles plus grandes que les mâles, com-
 me quasi de tous les oiseaux de proye. Les Grecs appellent le Vautour
 Gyps, & les Latins Vultur. C'est vn oiseau passager en Egypte, con-
 gneu plustost par sa peau qu'autrement, parce que les pelletiers ont cou-
 stume d'en faire des pellisses pour mettre sur l'estomach. Les autres oi-
 seaux de rapines ont differens aux Vautours, pource qu'ils sont le dessous

des ailles tout nud sans plumettes. mais les Vautours l'ont couuert de fin dumat. Leur peau est quasi aussi espoisse que celle d'un Cheureau: & mesmement l'on trouue vn endroit au dessous de leur gorge, de la largeur d'une paume, ou la plume est rougeastre, semblable au poil d'un veau: car telle plume n'a point les tuyaux formez, non plus qu'aux deux costez du colet, & au dessus du ply des ailles: auquel endroit le dumat est si blanc, qu'il en est luyfant, & delié comme soye. Les Vautours ont cela de particulier, que leurs iambes sont couuertes de poils: chose qui n'auient à aucune especes des Aigles, ne oiseaux de rapine.

Du moyen Vautour, brun & blancheastre.



LE Vautour brun ou blancheastre est différent du noir ou cendré, à ce qu'il est quelque peu moindre que le noir: aiant le plumage de son col, du dos, le dessous du ventre & tout le corps de couleur fauve ou brune: mais les grosses plumes des ailles & de la queue sont de la mesme couleur du noir ou cendré: qui fait penser à aucuns qu'il n'y a difference entre eux que du masle à la femelle, mais on les voit souuent chez les grans Seigneurs, aussi communs les vns que les autres. Toutes deux ont la queue courte, au regard de la grandeur des ailles: qui n'est de la nature des autres oiseaux de rapine: mais de celle des Pic-verds, car on la leur trouue tousiours herissée par les bouts, qui est signe qu'ils la frottent contre les rochers, où ils demeurent. Toutesfois les bruns ou blancs sont plus rares à voir que les noirs ou cendrez, aussi ont cela de particulier, que les plumes de dessus la teste sont assez courtes, au regard de celles des Aigles: qui a esté cause que quelques-vns les ont trouuez chauues: cōbien qu'ils ne le sont pas. Le Vautour, cendré ou noir, & le brun ou blanc ont les iambes courtes, toutes couuertes de plumes iusques au dessus des doigts: qui est vne enseigne entre tous oyseaux de rapine, qui conuiënt à eux seuls, & qu'on ne trouue en nul autre oiseau ayant l'ongle crochu, horsmis aux oiseaux de nuit. Pour discerner le brun d'auec le cendré, il faut noter que le brun a les plumes du col fort estroittes & longues (comme celles qui pendent au col des Coqs, & Estourneaux) au regard de celles de dessus le dos, des costez, & des coings du ply des ailles, qui sont petites & largettées en maniere d'escailles: mais celles qui sont dessous l'estomach, comme aussi celles de dessus le dos, & les autres qui couurent la racine de la queue, sont

R E C V E I L D E S

rousses, au roux : & au noir, noires : mais en tous deux sont larges. A cause de leur grosseur, ils ne peuvent voler de terre sans aduantage. On les voit rarement par les plaines d'Italie, Alemaigne & France, sinon en yuer, qu'on les voit voler en tout lieux : car alors ils laissent les sommitez des hautes montaignes, euitans la grande froidure, & passent outre la mer es regions chaudes. Les Vautours ne sont communement que deux ou trois petits, mais il y a grande difficulté à les desnicher : car le plus souuent ils font leur nid au costé de quelque falaise, en lieu precipiteux, & de difficile accez. On les peut nourrir de tripailles, charongnes, & vuidanges de bestes. aussi l'on dict à ceste cause, qu'ils suivent les champs pour en manger les vuidanges des bestes qu'on y tuë, & les corps morts, dont aucuns ont dit qu'ils presageoient vn grand meurtre, & vne grande occision en vne armee.

Des Faucons.

Vous auez entendu que tout ainsi comme les anciens ont voulu que le Sacre que les Grecs nommoient Hierax, & les Latins Accipiter, fust le terme principal, dessoubz lequel sont compris toutes autres especes d'oiseaux de proye : semblablement les François de nostre temps, ont fait que le faucon seroit le principal en son genre : voulans que le Sacre, Gerfaut, Autour, & tels autres tinssent aussi le surnom de Faucon : car nommans les vns Faucons de leurre, ils mettent le faucons gentil au premier lieu, & apres le faucon Pelerin, le faucon de Tartarie, le faucon de Barbarie, le faucon Gerfaut, le faucon Sacre, le faucon Lanier, le faucon Tunicien, ou Punicien : qui sont huit especes d'oiseau de proye congneus d'un chacun, & familiers en France. Dont en y a quatre qui volent de poing, & prennent de randon, qui sont l'autour, l'Esperuier le Gerfaut, & l'emerillon : & quatre qui volent haut, qui sont le faucon, le Lanier, le Sacre, & le Hobreau. Les vns sont retirez & rappelez de leur vol en leurs presentant le poing : les autres en leur presentant le leurre, c'est à dire vn instrument qui en façon de deux ailles d'oiseau accouplées ensemble, pëdu à vne lesse, & vn esteuf ou crochet de corne au bout : & les oiseaux sont attirez par ce leurre, qu'ils pensent estre vne poulle viue. Les vns ne commencent la chasse, mais commencent par les chasseurs, l'acheuent. Desquels nous traiterons l'un apres l'autre, & par ordre. Et ces oiseaux ne semblent estre differens ensem-

ble sinon qu'ils nevolent indifferemment tous oiseaux, mais vn chacun d'eux s'attaque, à l'oiseau à la chasse duquel il est adonné.

Du Gerfaut

IL ne se trouue point de gerfaut sinon es mains des faucon-
niers des grands Seigneurs, & est vn oiseau bien rare à voir.
Il est de grande corpulence, de façon qu'aucuns ont pen-
sé que ce fust vne espèce d'aigle. Il est bon à tous oiseaux,
car il est hardy, & ne refuse iamais rien : toutesfois il est plus diffi-
cile à apprivoiser & leurrer que nul autre oiseau de proye, d'autant
qu'il est tant hazard & bizarre, que s'il n'a la main douce, & le maistre :

RECVEIL DES

debonnaire, qui le traicte amiablement, il ne s'appriuoifera iamais: Il est fort bel oiseau, & specialement quand il a mué: & apres l'Aigle c'est l'oiseau de plus grande vigueur que nul autre que nous ayons. Le Gerfaut se tient assis sur le poing; aussi est de longue corpulence, ayant le bec, les iambes & pieds de couleur bleuë, & les griffes moult ouuer-tes, & longs doigts. Il est si hardy qu'il se hazarde contre l'Aigle. Nous ne le verrions point s'il ne nous estoit apporté d'estrange pays: & dit-on qu'il vient de la partie de russie, où il fait son aire, & qu'il ne hante point ny en Itali ny Frâce, & qu'il est oiseau passager en Allemagne, tât en la haute qu'en la basse: où les habitans le prennent en la maniere des Faucons Pelerins, & de là le nous apportent en France, autrement nous n'en aurions aucun. Et si on en apportent quelqu'un de par-deçà, il est communement vendu vingt ou trente escus. Cest oiseau est bon à tous vols, car il ne refuse iamais rien, & si est ouurier de prendre les oiseaux de ruiere: car il les lassetant, qu'à la fin sont contraincts de se rendre, ne pouuans plus faire le plongeon. Aucuns tiennent que c'est Plangos & Morphnos des Grecs, & Anataria des auteurs Latins.

Du Sacre, & de son Sacret.



E Sacre est de plus laid pennage qu'autre oiseau de Fauconnerie: car il est de la couleur comme entre roux & enfumé, semblable au Milan. Il est court empieté, ayant les iambes & les doigts bleus, ressemblant en ce quelque chose au Lanier. Il seroit quasi pareil au Faucon en grandeur, n'estoit qu'il est compassé plus rond. Il est oiseau de moult hardy courage, comparé en force au Faucon pelerin: aussi est oiseau de passage, & est rare de trouuer homme qui se puisse vanter & dire d'auoir onc veu l'endroiect où il fait ses petits.

N'y a quelques Fauconniers qui sont d'opinion qu'il vient de Tartarie, & Russie, & de deuers la mer Maieur, & que faisant son chemin pour aller viure certaine partie de l'an vers la partie du midy, est prins au passages par les Fauconniers, qui les aguertent en diuerses isles de la mer Egee, Rhodes, Carpentio, Cypre, Candie. Le Sacre est oiseau propre pour le Milan: toutesfois on le peut aussi dresser pour le gibbier, & pour campagne, à prendre Oyes sauuages, Faisans, Perdrix & à toutes autres manieres de gibier. Les grands seigneurs qui veu-

lent



lent avoir le plaisir du vol de Milan, le font combattre au Sacre: & pour le faire descendre (parce qu'il est coustumier de se tenir l'Esté, & sur le Midy, au plus haut du iour, fort haut en l'air, pour prendre la fraicheur qui est la moyenne region de l'air) font tousiours porter vn Duc sur le poing d'vn Fauconnier, à qui ils pendent vne queue de Renard au pied: & le laissant voler en quelque plaine, donne soudainement vouloir au Milan de descendre: car quand le milan aduise le Duc, incontinent il descent à terre, & se tient ioignant luy, ne luy demandant autre chose sinon de le regarder, esmerueillé de sa forme. Alors on lasche le Sacre sur luy, mais se sentant leger, espere le gaigner a vo-

Ee


ler: parquoy il monte soudainement contremont en tournoyant, le plus haut qu'il peut: & l'acte combat est plaisant à voir, principalement si c'est sur plaine sans arbres, & que le temps soit clair, & sans vent: car on les verra & Sacre & Milan monter si haut qu'on les perd tous deux de veüe: Mais de rien ne sert au Milan, car le Sacre le rend vaincu, l'amenant contre terre à force de coups qu'il luy donne par dessus. Sans le vol du Milan on ne verroit iamais Duc, d'autant qu'ils hantent rât seulement en pays de montagne, où ils font leur aire, quelquesfois dans les rochers, & es pertuis des hautes tours. On fait voler au Sacre deux sortes de Milans, c'est à sçauoir le Milan Royal, & le Milan noir, qui donne plus d'affaire aux oiseaux que le Royal: car il est plus agile, & de moindre corpulence. Aucuns tiennent qu'entre les oiseaux de proye que le Sacre est le plus vaillant, plus fort quel'Aigle, ayant les ongles plus fermes & forts, la teste grosse, & le bec fort long: toutesfois il n'est pas si pesant quel'Aigle, & n'a pas les ailes si grandes, & si le Sacre va tousiours en haut, ayant seul entre les oiseaux de rapine la queue fort longue. Nous appellös le Tiercelet du Sacre, vn Sacret, qui est le mâle, & le Sacre sa femelle, entre lesquels il n'y a autre differēce sinon du grand au petit: car communément aux oyseaux de rapine les mâles sont plus petits que les femelles. Aucuns disēt que le Sacre a esté nommé en Grec Triorchis, pource qu'il a trois testicules, selon Aristote, & son Sacret, Hypotriorchis: en Latin buteo, & son Sacret, Subuteo.

De l'Autour femelle, & de son Tiercelet mâle.



Vcuns ont pensé que l'Autour fust du genre des Vautours, à cause de l'affinité de ces deux noms. Les autres tiennent que l'Autour & l'Esperuier ne sont differents qu'en grandeur: mais nous dirons de l'Autour à part, laissant disputer les sçauans Fauconniers.

L'Autour est plus prisé que son Tiercelet: car les mâles des oiseaux de rapine mōstrent à l'œil en plusieurs especes euidente distinction de leur femelle: aussi cognoist on l'Autour pour femelle, qui est beaucoup pl⁹ grande que son Tiercelet. Les Fauconniers en mettent encores vne autre espece qu'ils nomment demy-Autour, comme moyen entre l'Autour & son Tiercelet. Tous deux sont plus haut en iambez que les Gerfauts & Faucons. Ils sont oiseaux de poing au contraire des susdits, qui sont de leurre. La femelle rapporte moult à la couleur de



l'Aigle. Et faisant comparaison du grand au petit, ils ont le plus long que l'Aigle & sont encore plus marbrés de rousse tache, ayant principalement le champ de la marbrure roux, Ceux qu'on nous a apportés d'Arménie, au récit des Fauconniers, & de Perse, sont les meilleurs après ceux de Grèce, & en dernier lieu sont ceux d'Afrique. Celui d'Arménie a les yeux verts fort différent des autres Autours, & a les pieds blancs comme aucuns Faucons Pelerins, bon pour les grands oiseaux. Celui de Perse est gros, bien emplumé, les yeux clairs, cœcaux & enfoncés, sourcils pendans. Les autres qui sont de Scauonie, sont bons à toute volerie, grands hardis, & beaux de plumes, ils ont la lèvre noire, & les narines grandes. Celui de Grèce a grande, teste.

Ee ij

RECVEIL DES

gros col, & beaucoup de plumes. Il y a des Autours que les Italiens appellent *Alpifani*, desquels ils vſent fort en Lombardie, & en la *Tauſcane*, & en la *Pouille*, qui ſont plus gros que longs, fiers & hardis. Celuy d'*Affrique* a les yeux, & le dos noir, quand il eſt ieune: & quand il muë, les yeux luy deuiennent rouges. Ceux de *Sardaine* ne ſemblent point auſſi les autres: ils ont les pennes brunes, fort petits, les pieds velus, couards, & peu hardis. Mais les noſtres que nos Fauconniers ont pour le iourd'huy, ſont principalement venuz d'*Alemaigne*, ayant le tour des yeux, & celle partie du bec qui touche la teſte, comme auſſi les pieds, & les iambes, de couleur iaune, au contraire du *Gerfaut* qui les a bleuës. Leur queue eſt bien fort mabree de taches, larges & obliques: parties noires, parties grises: comme auſſi les plumes de deſſus le col, & de la teſte, ſont plus rouſſettes, & bien marquettees de noir: mais celles des cuiſſes, & de deſſus le ventre, ſont autrement tachees: car n'eſtans ſi fauues, ont les taches rondes, telles qu'on voit à l'extremité de la queue d'un *Paon*. Les Autours d'*Alemaigne* ne ſont gueres beaux, combien qu'ils ſoient grans, de pennes rouſſes, peu hardis. Ils s'en trouue aucuns qui ſont bons auant la muë, qui apres auoir muë ne valent plus rien. L'on en prent moult grande quantité en la foreſt d'*Ardenne*, & en pluſieurs lieux d'*Alemaigne*. La bonne forme d'Autour, eſt d'auoir la teſte petite, face longue, eſtroicte comme le *Vautour*, & le goſier large, & qu'il reſſemble à l'*Aigle*, ſes yeux grans profonds, & en iceux vne rondeur noire, narilles, oreilles, croupe, & pieds larges, col long, groſſe poiſtrine, chair dure, cuiſſes longues, charnues, & diſtantes. Les os deſiâbes & des genoux doiuent eſtre forts, les ongles gros & longs. Et dès le fondement iuſques à la poiſtrine doit eſtre cômme en vne rondeur du croiſſant. Les plumes des cuiſſes, vers la queue, doiuent eſtre larges & peu rouſſes, & molles. La couleur de deſſous la queue doit eſtre comme celle, qui eſt à la poiſtrine. La couleur de l'extremité des plumes de la queue, doit eſtre noire en la partie des lignes. Des couleurs la meilleure eſt rouge, tendant au noir, ou au gris clair. La mauuiſe forme d'Autour, tant en petits qu'en grans, & eſt quand ils ont la teſte grande, le col court, les plumes du col meſſees, fort emplummez, charnuz & mols: cuiſſes courtes & groſſes, iambes lōgues, doigts courts, couleur tannee, tendant à noir, aſpre ſous les pieds. Combien qu'ayans obſerué les *Vautours*, & autres oiſeaux de proye, leur auons trouué les iambes, pieds, & bec bleſmes: és autres, bleuz, & és autres, d'autre couleur, ſelon leur aage & muë. Les Grecs ont appellé l'Atour, *Aſterias Hierax*, les Latins, *Accipiter Stellaris*, les Italiens *Aſtures*.



De l'Esperuier, ou Esparuier, femelle, & de son Mouchet mafe.

PArce que, selon aucuns, l'Esperuier & l'Autour ne different qu'en grandeur, ie mets icy l'Esperuier apres l'Autour. Il y a de deux sortes d'esperuiers, de niais & de ramages: qu'o'ap- priuoise, les tenant bien longuement & souuent sur la main & principalement à l'aube du iour. On leur donne à manger deux fois le iour, ou vne fois, principalement quand le lendemain on les veur faire voller: car alors l'Esperuier doit estre bien a ffrage, afin qu'il volle plustost apres sa proye. Sa nourriture doit estre de bonne chairs, spécialement d'oiseaux, & de mouton, afin qu'il soit bien gras. l'Esperuier est facile à laisser son maistre: & pour obuier à ce, faut que le maistre gar-

E e iij

RECVEIL DES

de de le blesser, & ne luy contredire, car il est desdaigneux. Quand il ira voller, il ne le doit point laisser aller trop loing: d'autant que quand il ne peut attraper l'oiseau qu'il volle, il s'en va par indignation, & morte, sur vn arbre, sans vouloir retourner à son maistre: qui ne le doit traualler outre mesure, mais se doit contenter de ce qu'il pourra prédre, & luy donner de sa proye à manger, afin qu'il sente ce que la proye luy a valu, & qu'il soit excité de volontiers voler. Les oiseaux que l'Esperuier prend, sont Perdrix, Cailles, Estourneaux, Merles, & autres semblables. Quelque part qu'il y ait des Pinssons, & que l'Esperuier passe, on les oira crier à haute voix, & se le signifier de l'un à l'autre: car entre les petits oiseaux, les esperuiers aiment à manger les Pinssons. Mais c'est que les Pinssons descendent l'hyuer és plaines, & volans à grandes troupes, se donnent pour pasture aux esperuiers: lesquels il nous semble qu'ils ne partent aucunement de noz eentrees.

Les fauconniers nomment diuersemment les Esperuiers, selon diuers accidens: car ceux qui sont muez de bois, & ne tiennent point du sort, sont nommez ramages: les autres qui ne sont muez, & qui sont nouvellement sortis du nid, & ont esté quelque peu à eux sont nommez Niais. De telle sorte fait bon choisir pour apprendre: car se sont ceux qu'il fait le mieux apprestre pour s'en seruir, comme aussi est de ceux qu'on surnomme Branchers: sçauoir est qui ne sont encores muez, & qui n'ont point fait d'aire & n'ont iamais nourry de petis.

Les Esperuiers, comme aussi tous oiseaux de rapine, sont couuers de diuerses pennes selon leurs aages, & aussi sont differents selon leurs tailles. Il y en a qui sont couuers des menues plumes blanches trauer-saines: les autres sont couuers de grosses plumes, les fauconniers les appellent mauuaises. L'Esperuier meilleur pour la fauconnerie est ceuy qui a la teste rondette par dessus, & le bec assez gros, les yeux vn peu cauez, & les cercles d'entour la prunelle de l'œil, de couleur entre vert & blanc le col long & grossier, grosses espauls, & vn peu bossues. Doit aussi estre vn peu ouuert à l'endroit des reims, & assilé par deuers la queue. Ses ailes soient assises en auallant le lög du corps, si que le bout s'appuyesur la queue, laquelle il doit auoir non trop longue, garnie de bonnes pennes & larges. Aussi faut que ses iambes soient plattes & courtes, & les pieds longs & deliez, la couleur entre verte & blanche, les ongles poignans bien noirs & deliez. Quand les plumes trauer-saines d'un Esperuier sont grosses, vermeilles, & bien colorees, & les

nouee grosses, & que celles de la poitrine ensuiuent bon ordre, & que le breuil soit meslé de mesme trauersaine, ainsi que le corps, & les sourcils soient blancs, vn peu meslez de vermeil, qui prennent le tour iusques derriere la teste, & aiant les pennes larges, & soit tousiours familieux, sera entre tous autres de bonne eslite.

Il y a des Esperuiers appelez en Italien di Ventimiglia, fort grans: ayans treze pennes en la queue. Il en y a de Sclauonie, qui ont les pennes de la poitrine noires. D'autres sont appelez Galabriens, qui sont moyens & fort hardis. Autres sont qui viennent de Corse, ayans les pennes brunes. Ceux qui demeurent en Allemagne, sont petis, & non trop bons. A Veronne & à Vincente s'en trouuent de moyens en grandeur. Ceux que les Italiens appellent di Sabbia, ont les pennes rouilles, & les taches dorees comme vne Tourtre,

Les Esperuiers ne tiennent leurs perches si constamment comme font les faucons: par quoy on ne les prend si souuent aux lacets. On les trouue volotiers perchez en temps d'hyuer aux bois de haute fustaye. sur vn arbre gresse, en lieu où il y a abry, le long de quelque haye, plus tost qu'en vn bien gros arbre en vne haute forest. Et vient à la perche enuiron Soleil couchant, volant principalement contre le vent. L'Esberuiers est de moyenne corpulence entre les oiseaux de proye, mais son masse est de moindre stature. Il y a si peu de difference entre l'esperuiers & son masse, qu'on n'y cognoist que la grandeur qui les puisse distinguer. Son masse de nom propre François est appellé vn Moucher. Et pource qu'il n'est hardy, & de frand courage, l'on n'a pas souuent accoustumé de le nourrir pour s'en seruir à la Fauconnerie. La description des couleurs du Moucher conuient à celle de l'Esperuiers à ceste cause les auons mis ensemble. l'esperuiers comme aussi le Moucher, ont le dessus de la teste couuert de plumes brunes, mais la racine est blanche. Quelques plumes de celle partie des ailes, qui touchent le dos, sont marquées de taches rondes & blanches. Les plumes qui couurent le dos, & les ailes, ne luy apparoissent madrees, sinon qu'on les regarde par le dedans, qui sont principalement merquées par le trauers. Les petites plumes qui ont entour les plis des ailes, & au costé de l'estomach, sont rouillettes, comme aussi sont celles qui sont dessous le ventre, qui luy apparoissent fort mouchettees par le trauers, ayant celà de particulier, que les costez en sont noirs. Aucuns disent que nostre Esperuiers est le mesme

RECVEIL DES
oiseau de proye que les Grecs appelloient Percus Spizias, parce qu'il
mange les Pinçons, & en Latin, Fringillarius, & en Italien, Sparuieros.



Des Faucons.

Vous pouvez entendre que la Fauconnerie est dediee pour
le plaisir des grands Seigneurs, & principalement de nostre
France: les estrangers estans aduertis de leur profit, s'estu-
dient de prendre diuerſes sortes de Faucons, & nous les ap-
porter: qui a esté cause que nous en auons rencontré que les Grecs, ny
les Latins n'auoient point veu, & ainsi ne leur ont donné aucun nom,
parce qu'ils n'auoient l'usage de les aduire au leurre, & par conséquent
n'estoient point maniez des hommes de ville. Et à cause que le Faucon:
sur

sur tous les oiseaux de proye, est le meilleur pour la vollerie, tous les autres oiseaux de proye ont esté appelez faucons, cōme dessus a esté dit: car le Sacre, Gerfaut, Autour, & tels autres, tiennent le nom de faucon. Or maintenant nous entendōs parler du Faucon en particulier, c'est à dire de celuy qui a baillé le nom à tous les oiseaux de proye. Les faucons sont bien d'autre gère que les Aigles, car les Aigles à grand peine, encores qu'on mette long temps à les leurrer, se peuuent accoustumer à la vollerie. Mais les faucons encores qu'ils soient sauvages, n'ayans iamais esté leurrez, de nature ils gibboient: car voyans des hommes & des chiens de chasse, ils se mettent avec eux pour leur ayder, frappans aucunes fois les oiseaux qu'on vouloit prédre, d'autres fois les espouventans: s'associans avec les hommes & les chiens pour avoir part au butin. Les faucons qui sont de mesme genre & espee, prennent grande difference entre eux, & sont appelez par diuers noms, selon le temps qu'on les commence à nourrir, selon les lieux où ils hantent, & selon les pays dont ils viennent. Nous les distinguōs en muez, de bois en fors, en niards, ou niais, en grans moyens, & petits, qui sont tous de diuerses tailles, & ont diuerses pēnes, selon diuers pays, aussi sōt de diuers pris, selon diuerses louanges de bonté. Le faucon niard, ou niais, est celuy qu'on prend au nid: & ceux cy, le plus souvent, sont grands criards & fascheux à nourrir & entretenir. Le faucon fort, est celuy qui est pris depuis Septembre, iusques en Novembre, ceux cy sont les meilleurs de ce genre, car estant petis, ils sont aisez à s'appriouiser, & estant desia forts, & la saison en laquelle ils sont prins tēpérée, apprennent plus facilement: ceux qui sont prins és quatre mois subsequens, combien qu'ils soient fort beaux, si sont ils maladifs, & fascheux à entretenir. Et ceux qui sont prins apres ce temps, combien qu'ils soient forts, sont toutes fois trōpeurs & cauts, parce qu'ils sōt deuenus grāds en liberté, qui est la cause qu'en ayant encore memoire, facilement ils se destournent de ce qu'on leur a appris & enseigné. Les faucons sauvages, qu'on a cogneu hanter es lieux marecageux, & se paistre d'oiseaux de riuere, sont surnōmez Riuere aux: les autres qui se nourrissent de Merles, Estourneaux, Corneilles, & Mauuis, sont nommez Champpestres. Il y en a aussi qu'on nomme faucons apprins de repaire. Il en y a d'autres qui sont appelez passants. Les autres sont nommez estrangers parce qu'ils viennent de loingtain pays. Puis encores on appelle les faucons par ces appellations, selon la bonté & le pays dont ils viennent, où ils sont prins: car il y a le Faucon Gentil, le Pelerin, le

RECVEIL DES Tartaret de Barbarie, & le Tunicien ou Punicien.

Du Faucon Gentil.

L faut entendre qu'entre les Faucons, les Fauconniers louent celui qu'on nomme le Gentil, pour estre bon Heronmier, & à toutes manieres d'oiseaux de ruiere, tant dessus que dessous comme à Rouppeaux, qui ressemblent à vn Heron, aux Esplugebâs, aux Poches, & aux Garlottes: & aussi que c'est le plus hardy & vaillant de tous les Faucons. Si ce Gentil est prins niais, on le peut mettre à la Gruë: car s'il n'y estoit fait de niais, il n'en seroit si hardy: pour ce que n'ayant iamais rien cogneu, le laissant premierement sur la Gruë, il en sera trouué plus vaillant.

Du Faucon Pelerin.



Le faucon Pelerin est ainsi appellé parce qu'il fait de longs chemins & voyages, & passe de pays en autre, qui est en la saison d'automne, en laquelle saison il est prins. Les autres disent qu'ils sont prins depuis Iuin iusques en Aoust: & qu'à cause de la chaleur ils sont difficiles à auier & à leurrer. Les signes pour cognoistre le vray Pelerin, sont qu'il a le bec gros & azuré, & depuis le bec iusques à l'oreille roux & noir, & la teste pigeassée de blanc ou roux, les pennes grandes, & semblables à la tourtre, ayant la poitrine large, les pieds grâs & azurez ou blâcs, les iambes courtes & grosses. C'est oiseau Pelerin est de sa propre nature frâc à tout faire, & n'y en a point entre rous les oiseaux de proye de plus commun. On le leurre pour la Gruë, pour l'oiseau de Paradis, qui est plus petit que la Gruë, pour les Rouppeaux, pour les Poches, Garlottes, Oustardes, Oliues, Faisans, Perdrix, Oyes sauvages, & toute autre maniere de gibbier. Le Faucon Pelerin est plus petit que tous les autres Faucons, ayant les ailles & les cuisses, longues, les iambes & la queue petite, la teste fort grosse: les meilleurs sont ceux qui ont le bec de couleur bleuë. Les Faucons Pelerins qu'on apporte de Cypre, qu'on cognoist à ce qu'ils sôt de petite corpulence, ayans leurs plumes rousses, sont plus hardis que les autres. L'on pense que ceux de Sardaigne

OISEAUX DE PROYE.

font moult seblables aux Cypriens, & que tels Faucons sont fort bons Gruyers & Heronniers, & assaillent hardiment les Cignes.

Faucon Tartarot, pied de Tartarie, ou Barbarie.

Nous nommons le Faucon Tartarot Faucon de Tartarie, & aussi Faucon de Barbarie: car on le prend lors qu'il passe de Tartarie en Barbarie: cest un passager comme le Pelerin; toutes fois de plus grande compulence, & de plus grandes ailes, & moult empiere de longs doigts. Quelques uns ont opinion que tels Faucons sont espèce de Pelerins; & où il y a peu de difference. Quoy qu'il en soit, c'est vn oiseau bien volant, & qui assaut hardiment toutes manieres d'oiseaux de royaume. Aussi le peut on mettre à voler tous ceux que nous nommez du Pelerin. De tous deux peut on voler pour toute le mois de May, & de Juin, car ils sont tardifs à leur muer: mais quand ils ont commence à despoiller leurs plumes, ils n'arrestent à estre muez. Les nobles qui habitent es Isles de Cypre, Rhodes & Candie, vident desdits Faucons Tartarot ou Barbares, plus volontiers que de ceux qui se trouuent niais en leur pays.

Du Faucon Tunicien, ou Punicien.

Ce Faucon Tunicien pourroit estre aussi appelle Punicien: car ce que nous lisons de la guerre Punique contre les Carthaginois, estoit contre les habitants, où est maintenant situee Tunis. Ce Faucon Tunicien est moult grand, approchant de la nature du Lanier, aussi est, il de tel pennage, & de tels pieds mais est plus petit, & de plus long vol, mieux croise, & a grosse teste & ronde. Il est appelle Tunicien, pource qu'on l'apporte du pays de Barbarie, car il faict son air ne plus ne moins que le Lanier en France. Aussi est apporté par ceux de Tunis, qui est la maistrresse ville du pays. Il est fort bon pour ruiere, & bien montant sur aile, & aussi pour les champs, à la maniere du Lanier: mais il est rarement apporté de par deçà. Il y a vn Faucon qu'on appelle Montain, ou montagner qui a cela de propre qu'il regarde souvent ses pieds & si est fort despit comme font communement tous les oyseaux de proye: car à peine le Fauconnier le peut s'auoir, & ne veut reuenir à luy s'il a perdu sa proye.

RECUEIL DES

Le tiercelet de Faucon.

Nous disons que le Tiercelet est prononcé suivant l'Etymologie d'un tiers, & possible que le Tiercelet gaigne ceste appellation François de la petitesse. Aucuns disent que les Latins, à ceste cause, l'ont nommé pomilio. Les Tiercelets des autres oiseaux de proye sont autrement nommez : car celui de l'Esperuier est nommé Monchet, celui du Lanier, Laneret, & du Sacre, Sacreret, Le Tiercelet de Faucon est donc le mâle du Faucon étant de moindre corsage que le Faucon (comme sont quasi tous les mâles des oiseaux de proye) & luy est si semblable, qu'il ne diffère qu'en grandeur, ayant les plumes beaucoup mades, duquel la teste est fort noire: aussi il a les yeux noirs, & est cendré par le dos, & dessus la queue, qui toutesfois est mades comme aussi sont les plumes des ailes, desquelles le bout est noir. Il y en a six entieres, qui luy sortent dehors, comme au Faucon: car la septiesme, qui est la dernière, est petite & se cache dessous les autres. Il est oiseau de leurre, comme est le Faucon, & non de poing. Ses jambes & pieds sont jaunes, & a communément la poitrine pale. Il porte deux taches bien noires sur les plumes, es costez des yeux.

De la nourriture des Faucons, & comme il les faut choisir.

N Anthelup nomé Suidas, dit que Falcō est vn nom general à tout oiseau de proye & de rapine, cōme a esté Accipiter en Latin, & en Grec, Hierxa, Festus pēse qu'il le nommoit Falcō, à cause de ses ongles tourne en faux. Il sēble qu'Aristote n'a point vsé de telle dictiō, mais semble que pour nostre Faucon il ayt entendu nommer Accipiter Palumbarius. Et de fait, les oiseleurs n'ont meilleur moyen pour prendre les Faucons, que des Ramiers. Quoy qu'il en soit, le Falcō est le prince des oiseaux de rapine (j'entens quant au vol) pour sa hardiesse, & grand courage. Les Faucons ne doiuent estre desnichés & mis hors de leur nid qu'ils ne soient ja grands, & en leur perfection. Que si plustost on les oste, il ne faut point les manier, mais faut les mettre en vn nid le plus semblable au leur qu'on pourra, & là les nourrir de chair d'Ours, & de Pouffets: autrement les aïsses ne leurs croissent point, & les iâbes & tous leurs autres membres facilement se quassent & desnoient, L'esle-

ction des Faucons pour les meilleurs, & ceux qui sont de plus grand pris, sont ceux qui ont la teste ronde, & le sommet de la teste plein, le bec court & gros, les espaules amples, les pennes des aisles subtiles, les cuisses longues, & les iambes courtes & grosses, les pieds noirs, grands & estendus. On cognoist les meilleurs & plus vaillâs Faucons à ce qu'ils ont le col court, la teste grosse & rûde, l'os de la poitrine fort aigu & pointu, les aisles lûgues, la queue petite, les iâbes courtes, & bien amassées & nerveuses, rondes par le haut, par le bas fermes & seches: & ont la face de couleur tachée de noire, & la peau de dessus & dessous les yeux qui les couure, toute noire, mais aupres des yeux y a des taches blâches & cendrées, & les yeux fort iaunes, avec la pupille noire. Faut aussi, pour choisir les meilleurs Faucons, eslire les moyés, qui ne sont ne grans ne petis, comme sont ceux qu'on nomme Pelérins, qui ont esté prins sur la falaise de la Mer, qui n'ont gueres séjourne au pays pour se nourrir, & qui n'ont entendu sinon à venir. Le Faucon aussi qui a longues espaules, longues aisles, gisans au bout de la queue, & que celles de la queue montrent grosses plumes, bié mouluës, & la queue fort longue, & qui se termine en filant, côme celle d'un Esperuier, & que les pennes soient bien rondes, & que le bout de la queue ne soit blanc de plain pousse, ayant les nerfs vermeils, sera loué entre tous les autres. Aussi doit auoir les pieds de la couleur de ceux d'un Butord, & bien fendus, & verds, les ongles noirs, bien pointus & trancheants, & ne doit estre ne trop haut assis, ne trop bas, mais que la couleur des pieds, & chiere du bec soit toute vne. Cuisses grosses, iambes courtes, plante large, molle, & verte, plumes legieres. Aussi doit auoir le bec brossie, & grossier, grâdes narines & ouuertes, & doit auoir les sourcils vn peu hauts & gros, les yeux grands & cappes, & la teste vn peu voultrissée & rondette par le dessus. Et quand il est sour qu'il face vn peu de barberte dessus le bec avec sa plume. Aussi doit auoir le col long, & haute poitrine, & vn peu rondette sur les espaules à l'assébler du col, & se doit seoir large sur le poing, peu reuers, mordant & familieux. Ses plumes blanches & colorees de vermeil, & les nouees grosses & bien vermeilles. Les sourcils, & iouës blanches, colorees de plumes vermeilles la teste grise, le dos de bize couleur, comme celuy d'une Oye, les plumes larges & rondes: & sur tout ne doit point estre grand, mais se doit entrefer de plumes, de pied, & de bec, & doit auoir aussi l'ouure grande, & dedans l'ouure ne doit point auoir vn bout de l'escofraye.

Les Faucons se perchent en diuerses manieres, dont y en a qui tiennent leurs perches longuement, & n'ont gueres accoustumé deles prendre dedans la foreit, mais à l'oree du bois, dessus les branches des hauts arbres, à l'endroit où il y a moult d'abry, & où il ne vente point: ou bien s'asseoient sur les guignons de roches es hautes falaises.

Pour les appriuoiser les faut souuent tenir sur la main, les nourrir d'ailes & cuisses de poules mouillees en l'eau & mettre en lieu obscur & souuent leur presenter vn bassin plein d'eau, où ils se puissent baigner puis apres le bain les secher au feu, on les accoustume à chasser premierement petis oiseaux, puis moyens, par apres des grans & ne faut faillir à leur donner curree des oiseaux qu'ils aurôt prins. Ils volent merueilleusement tost, & montent en haut en rouant & regardant en bas: & où ils voyent la Cane, l'Oyson, la Gruë, le Herô, ils descendent cômme vne fagette, les ailes closes, droit à l'oiseau, pour le destrôpre à l'ongle de derriere, & s'ils faillent à le toucher, & qu'il fuye, volent soudainement apres, & s'ils ne le peuuent attraper perdent leur maistre. Le Faucon sur tout est propre pour voller le Herô, & tous autres oiseaux de riuere.

Du lanier femelle, & de son Lanerret masle.

LArce que le Lanier approche de la nature du Faucon, principalement du Tunicien, & aussi est de tel pennage, & de tels pieds, & que le Lanier entre les oiseaux de Fauconnerie préd

aussi le surnom de Faucon, car ils dient communément Fau-

cont Lanier, nous l'auons mis apres les especes des Faucons.

Monsieur du Fouilloux, Gentil-homme, autant accord & accompli, qu'il s'en trouue en nostre France, (auquel toute la posterité seroit redevable, s'il nous vouloit mettre en lumiere sa Fauconnerie, cômme il a fait heureusement sa Venerie) dict par vn petit fragment que i'en ay veu, qui seruira d'eschantillon pour le reste, que les Faucons Laniers & autres oiseaux qui hantent les costes de France, & principalement nostre Guyenne, viennent de deux pays: les vns des pays froids, comme de la Rusie, de la Prusse, de Norouargue, & autres pays circonuoisins qui se cognoissent aux pennaches, aux pieds, & à la teste. Et telle sorte d'oiseaux suiuent en ces pays de deça les Pluuiers, & Vaneaux. Ils viennent de ces pays-là, à cause des grâdes froidures, & des bords des Mers, qui sont gelez, & parce veullent approcher du Soleil, & mesmes passent outre nostre region, pour aller en la coste d'Espagne & d'Afrique. Et quand ils retournent de leurs passage, qui est en Mars, les Grues retournent aussi pour aller aux aires. Nous cognoissons ces oiseaux aux pennages, qu'ils ont fort gastez, à cause de la salitude de l'air marin, qu'ils

OISEAUX DE PROYE.




ont passé, qui leur a mangé le pénage, & on les appelle à ce retour Lā-tenaires.. Les autres Faucons qui viennent d'un autre pays, comme du pays chaud devers les mōts Pyrenees, du costé d'Afrique, & des mō-
tagnes de Suisse, sont aisez à cognoistre par les signes, que Dieu ay-
dant, quelque iour il nous monstrera. Le Faucon Lanier est ordinaire-
ment trouué faisāt son aire en nostre Frāce: & pour ce qu'il s'y trou-
ue, & qu'il est de mœurs faciles, l'ō s'en sert cōmunément à tous pro-
pos. Il fait tous les ans son aire, tant es hauts arbres de fustaye, com-
me es hauts rochers, selon les pays ou il se trouue. Il est de plus pe-
rite corpulence que le Faucon Gentil, aussi est de plus beau penna-
ge que le Sacre, & principalement apres la muē, & plus court em-
pieté que nul des autres Faucons. Les Fauconniers choisissent le La-
nier ayant grosse teste, les pieds bleuz & orez. Le Lanier vole tāt pour

RECVEIL DES

riuere, que pour les champs. Et pource qui n'est dangereux pour son viure, il supporte mieux grosse viande, que les autres Faucons de genres penes. Les marques sont infailibles pour cognoistre le Lanier: c'est qu'il a le bec & les pieds bleuz, & les plumes de deuant meslées de noir avec le blanc, non pas tranversées comme vn Faucon, mais de taches droictes le long des plumes. Le plumage du Lanier de dessus le dos, ne luy semble estre madré, non plus que par dessus les ailes & la queue. Et si d'aventure il y a des madrures, elles sont petites, rondes & blancheastres: mais quand il estend ses ailes, & qu'on le regarde par le dessous, les taches apparoissent contraires à celles des autres oiseaux de proye: car elles sont rondes & semées par dessus, comme petits deniers: nonobstant, comme nous auons dict, les penes de deuant & de dessous la poitrine, ont les bigarrures estendues en long sur les costez de la penne. Son col est court & grossier, & aussi son bec. Les Fauconniers voulans faire le Lanier gruyer: le mettent en vne châtre basse si obscure qu'il ne puisse voir aucune lumiere, sinõ lors qu'ils luy baillent à manger, & aussi ne le tiennent sur le poing, que de nuit. Et alors qu'ils sont prests de le faire voller: font feu en la chambre pour l'eschauffer, afin de le baigner en pur vin: puis l'ayant essuyé, le font repaistre de ceruelle de geline: & le portant deuant le iour, celle part ou est le gibbier, le iettent de loin à la Grue, des lors qu'il commence à estre iour: s'il ne prend ce iour, il ne laissera estre bon par apres, principalement depuis la my-Iuillet, iusqu'à la fin d'Octobre. Le Lanier est femelle, son masle est nommé Laneret. Il n'est aucun oiseau qui tienne mieux sa perche: & parce qu'il ne s'enpart l'hyuer, aucuns ont dict que c'est l'Aefalon de Plinẽ, & aussi des Grecs.

Du Hobreau.

 N ne cognoist de tous oiseaux de fauconnerie aucun de moindre corpulence que le Hobreau apres l'Esmerillon. Le Hobreau est oiseau de leurre, & non de poing, aussi est il du nombre de ceux qui volent haut, comme le Faucon, le Lanier, & le Sacre. Quand auons voulu descrire du Hobreau, le voyant conféré à vn Sacre, n'auons trouué gueres de difference, sinon en la grandeur. Il n'y a contree où les Hobreaux ne suivent les chasseurs: car le vray mestier du Hobreau, est de prendre sa proye de petits oiseaux, en volant. Parquoy il n'y a aucun

payfant



paissant, ou homme de basse condition, qui ne le cognoisse. La comparaison des petits poissons en l'eau, pour chasser des plus grands, est conforme à celle des petits oiseaux en l'air pour chasser du Hobreau : car tout ainsi comme les poissons chassés par les Daulphins, ne se sentans estre en seureté dedans leur element, ont recours à se sauver en l'air, & aiment mieux estre à la mercy des Canards, & autres oiseaux de marine, qui volent au dessus de l'eau, que de se donner en proye à leur ennemy : tout ainsi les Hobreaux, aduisans les chasseurs aux champs, allans chasser le Lieure ou la perdrix, accompagnent les chasseurs en volant par dessus leur testes, esperans trouver rencontre de quelque petit oyseau, que les chiens feront leuer. Mais comme aduient que


G g

RECVEIL DES

les Farloufès, Proyers, Concheuis, & Alouettes ne se branchent en arbre, se trouuans sur terre à la gueule des chiens, sont contraincts de s'esleuer en l'air, par ainsi se trouuans cōbatus des chasseurs, & des Hobreaux, aiment mieux se donner en proye aux Chiens, ou chercher moyen de trouuer mercy entre les iambes des Cheuaux, & se laisser prendre en vie, plustost que de rōber à leur mercy. Vn Hobreau est si leger qu'il se hazarde contre vn Corbeau, & luy ose donner des coups en l'air. Il a celà de particulier, qu'ayant trouué les chasseurs, il ne les suit que certaine espace de temps, quasi comme s'il auoit ses bornes limitees : car se departant, va trouuer l'oree de son bois de haute fustaye où il se tient & perche ordinairement. Le Hobreau a le bec bleu : mais ses pieds & iambes sont iaunes. Les plumes qui sont au dessous de ses yeux, sont fort noires, tellement que cōmunément depuis le bec elles continuent de chasque costé des temples, & vont iusques derriere la teste, dont sort vn autre courte ligne noire en chasque costé du bec, qui luy descend vers les orees de la gorge. Quād au sommet de la teste, il est entre noir & fauve : mais a deux taches blanches par dessus le col. Le dessous de la gorge, & les deux costez des temples sont roux sans madrures. Les plumes de dessous le ventre ont la madrure de telle facon, qu'estans brunes par le milieu, ont quelque petite partie des bords blanchastre. Les aisles sont bien mouchettees par dessous, mais cela est que les plumes ont les taches sur les costez par interualles, ne touchant point au milieu. Tout le dos, la queue, & les aisles apparoissent noires par le dessus. Il ne porte aucunes larges tablettes sur les iambes, sinō que commençant depuis les trois doigts, lesquels il a longs, au regard des iambes qui sont courtes. Sa queue est fort bigaree par dessous, de taches rouffes tressees, en trauers entre les noires. Les plumes (qu'on nōme les iambieres) qui couurent les cuiffes, sont plus colorees d'enfūmé qu'en nul autre endroict. Le voyant voller en l'air, l'on apperçoit le dessous de la queue, & l'entre-deux des iambieres rougeastre.

Il ya vn oiseau qu'on appelle Ian le blanc, ou l'oiseau saint Martin, & vn autre de mesme espee, qui s'appelle blanche queue, que volans par la campagne chassent aux Alouettes : & s'ils en aduient aucune, ils sont costumiers de se ietter dessus : mais elles ont recours à se garantir en l'air, & gagner le dessus. Mais si le Hobreau s'y trouue, c'est chose plaisante à voir : car le Hobreau, qui est beaucoup plus agile, n'arreste gueres à l'auoir deuancee. Et s'il la prend, lors ce Ian le blanc, ou Hobreau. S. Martin, l'entreprend contre le Hobreau, combien qu'il soit :

plus viste: & les auons veu tomber tous deux attachez ensemble. Aucuns ont voulu dire que nostre Hobreau, est-ce que les Grecs appelloient Hypotriorchis, & les Latins, Subuteo.



De l'Esmerillon, ou Emerillon.

L'Esmerillon est le plus petit oiseau de proye dont les Fauconniers se seruent. Il est de poing, & non de leurre: cōbien qu'à vn besoin on le puisse aussi aduire au leurre. Il est fort hardy de courage : car combien qu'il ne soit pas gueres plus gros qu'un Merle, ou pigeon, toutesfois il se hazarde contre la perdrix, la Caille, & tels autres plus grands oiseaux que luy, de tel courage, qu'il les suit souuentes-fois iusques aux villes &

G g ij

RECVEIL DES

villages, Il represente si naïfvement le Faucon , qu'il ne semble differer, si non en grandeur, car il a mesmes gestes, mesme plumage, & de mesmes mœurs, & en son endroit a mesme courage: parquoy il le faut maintenir estre aussi noble que le Faucon. Il est seul entre tous les autres oiseaux de proye, qui n'a distinction de son sexe à la femelle: car l'on ne trouue point de Tiercelet à l'Esmerillon. Aucuns pensent que Lyers Hyerax en grec, & Lewis Accipiter en latin, soit nostre Emerillon: & les oiseaux de proye, qu'Aristote nomme Leues; nous semblent estre les Esmerillons.

Du Fau-perdrieux.

Nous mettons les Fau-Perdrieux au nombre des oiseaux de rapine: lesquels n'auons gueres accoustumé de nourrir pour nous seruir à prendre les oiseaux sauvages, car ils sont moins gentils que les autres: ioint qu'ils ne volent trop hastiement. Si est-ce qu'en auons veu de leurrez pour la Perdris, pour la Caille, & pour le connin. Ils volent encores mieux que le Milan, mais moins que le Faucon, Sacre, & son Tiercelet: qui nous est assez notoire, apres les auoir veuz au vol des Sacres & Faucons, au lieu de Milan, Ils descendent au Duc comme le Milan: mais soudain qu'ils voyent qu'on lasche les Sacres pour les prendre, ils s'essayent à fuir au loing, & non pas en haut, comme fait le Milan: parquoy leur vol est penible. Aussi le Fau-perdrieux, qui est aussi de grande force se defend vaillamment, car il est beaucoup plus fort qu'un Milan. Cela est cause qu'il faut pour le moins, lascher quatre oiseaux pour le prendre. Il n'est pas amy du Hobreau ne de la Cerserelle, comme il appert quant lon va à la chasse de la Caille avec les chiens que le Hobreau a accoustumé suyure, car si le Fau-perdrieux y arriue, le Hobreau est contrainct de s'en fuir, pour euiter sa passe: car le Fau-perdrieux est oiseau qui volle assez roide pres de terre sans gueres battre pres des ailles. Mais afin que facions mieux entendre de quelle espeece d'oiseau de proye & rapine pretendons parler, nous dirons la figure & couleur. Le Fau perdrieux est quelque peu de moindre corpulence qu'un Milan, toutesfois plus haut eniambé, ayant le bec & les ongles moins crochus que tous autres oiseaux de rapine. Aussi il boit quand il se trouue à quelque mare: sa iambe est bien deliée & iaune, couuerte de tablettes: sa queue est noire, comme aussi le

bout des aïlles, mais les plumes sont tannée& obscures : le dessus de la teste, & dessous la gorge est blancheâtre, tirant sur le rouge, comme aussi est le dessous du ply des aïlles aux deux costez de l'estomach : les plumes qui luy couurent les ouyes sont noires : son bec ioignant la teste est de couleur plombée, mais le bout est comme noir. C'en'est pas vn oiseau passager au pays de France, car on le trouue faisant son nid sur les sommitéz des hauts arbres separez par les plaines d'Auvergne le long des glapiers, où il fait moult grands dommages sur les Connils. Il a le col bien court, au contraire de l'Autour qui l'a long. Aucuns tiennent que le Fau-perdrieux estoit nommé par les Grecs & Latins, *Circos* & *Circus*.

De tous oiseaux de proye, qui seruent à la Fauconnerie.



Ne grande partie des oiseaux de rapine, excepté les Vautours, & aussi le Coqu, ont communement les plumes de la queue & des aïlles beaucoup madrees. Tous ont l'ongle & le bec crochu, & sont presque semblables les vns aux autres : car ils ne semblent estre differents qu'en grandeur, veu mesmement que leur couleur se change diuerſement selon leur muë, qui faict qu'ils en sont appelez Hagars, ou Sors, tout ainsi qu'on faict des Harans enfumez, furnommez Sorets.

Il y a grande partie des oiseaux de proye qui sont passagers, que nous ne ſçauons bonnement dont ils viennent. ne où ils s'en reuont : mais d'autant que les estrangers ſçauent y auoir profit, font diligence de les prendre, & les nous apporter, qui est cause de nous les faire cognoistre : car ſans celà nous n'en pourrions auoir aucune eſpece eſtranger. Et pource qu'on les prend le plus ſouuent avec de la glüz, qui est cause de leur froiſſer les pennes, à qui ne la ſçait oſter, nous en dirons la maniere. Il faut auoir du ſablon menu & ſec, & cendre nette, meſſez enſemble : & de celà ſaupoudrer le lieu & plumes engluées, & le laiſſer ainſi vne nuit. Le lendemain ayant battu des moyeux d'œufs, faudra oindre le lieu englué avec vne plume, & le laiſſer là deux iours : de rechef prendre du gras de lard, & beurre frais fondus enſemble, & oindre les places engluées, & les laiſſer ainſi vne nuit. Le lendemain ayant faict tiedir de l'eau, faut lauer l'oyſeau, puis le ſuyer avec du linge net, & deſſecher l'oyſeau. On ne les doit oſter du :

RECVEIL DES

nid qu'ils ne soient forts, & se sachent tenir sur les pieds, puis les tenir sur vn bloc ou perche, pour mieux demener leur pennage, sans le gratter en terre. Les oiseaux de Fauconnerie sont communement prins mais, branchers, ou fors. Il faut le paistre de chair viue le plus souuent qu'on pourra, car elle leur fera bon pennage. Si on les prend trop petits, & qu'on les garde en lieu froid, ils en pourront auoir mal aux rains, en sorte qu'ils ne le pourrôt loustenir. Ceux qu'on prend fors, est quand ils ont mué. Le past & chair bone outre l'ordinaire des oiseaux de fauconnerie est, leur donner des cuisses, ou du col de poules. Les chairs froides leurs sont bien mauuaises. Les chairs de bœuf, de porc & autres leur sont de forte digestion: mais particulièrement celle des bestes de nuit les pourroient faire mourir, sans qu'on s'apperceust de la cause. Et afin des'en donner de garde, ie te mettray icy des bestes de nuit: c'est à dire, qui volent la nuit, & ne bougent gueres de iour, parce que si les oiseaux de Fauconnerie en mangeoient, ils en mourroient. l'en trouue dix. Le grand Duc, le moyen Duc, ou Hibou cornu, Hibou sans cornes ou Chahuant, Cheueche, Huette, l'Estraye, ou Fresaye, Corbeau de nuit, Faucon de nuit, ou Chalcis, & Souris chauue. La chair de poule estant douce & delectable, trouble le ventre de l'oiseau, s'il la mange froide: parquoy l'oiseau affriandé de telle chair pourroit laisser sa proye en vollant, & se ruer sur les Poules s'il en voyoit aucunes. A tel inconuenient, faut paistre l'oiseau de petits pigeons ou petites Irôdelles. Chair de Pie, & vieux Coloms est amere & mauuaise aux oiseaux. La chair de Vache leur est mauuaise pour estre laxatiue, qui aduient par sa pesanteur, qui leur cause indigestion. Et s'il est nécessité de paistre l'oiseau de grosse chair, par faute de meilleure, soit trempee & lauee en eau tiede, si c'est en hyuer, & il la faudra espraindre: en esté il ne la faut lauer qu'en de l'eau froide. Il faut entretenir l'oiseau de quelque bon past vif & chaut, car autrement on le pourroit mettre trop au bas. La chair qu'on doit donner aux oiseaux, soit sans gresse, nerfs, ne veines: & ne les faut laisser manger leur saoul tout à la fois: mais par poses, en les laissant manger leur saoul tout & par fois leur mussier la chair deuant qu'ils soient saouls, puis la leur redre: mais qu'ils ne voyét la chair de peur de les faire debattre. Aussi est bon leur faire plumer petites oiseaux comme ils faisoient au bois.

Si vostre oiseau de proye est trop gras, il le faut ameigrir par médicament laxatif, comme d'aloës meslé avec la chair qu'on leur donne à manger: mais cependant il les faudra nourrir de quelque bon past

vif & chaud, autrement on les mettroit trop bas. Apres qu'ils auront esté purgez, les faudra preparer à la proye: & mesme quand on les voudra faire chasser, il ne sera mauvais de leur mettre en la gueulle des estoupes couuerte de chair, en forme de pillule, & leur faire aualler au soir, afin qu'au matin ils reiertent icelle pillule, avec plusieurs excremens pituiteux, par ce moyen seront rendus plus sains, plus appetitiffes, plus aides, plus legers, & plus prompts à la proye. La chair de porc, donnee chaudement avec vn peu de poudre d'aloës, fait esmeutir l'oiseau: mais il faut obseruer, qu'apres qu'il aura esté purgé, qu'on le mette en lieu chaud, & le tenant sur le poing, le paistre de quelque oiseau en vie: car alors il a les entrailles destrempees. Les oiseaux peuent faire des œufs sans la compagnie du masse: aussi font les oiseaux femelles de proye, qui en engendrent souuent en leurs ventres, tant en la muë, comme ailleurs: & alors elles en deuient malades iusques à estre en peril de mort. Les Fauconniers nous ont laissé par quels signes on le cognoistra: car alors le fondement leur enfle, & deuient roux, les narilles aussi, & les yeux.

On dresse vn vol pour le Heron avec les oiseaux de proye. Et le Heron se sentant assailly, essaye à le gaigner en volant contremont, & non pas au loing en fuyant, comme quelques autres oiseaux de riuere: & luy se sentant pressé, met son bec contremont, & par dessouz l'aïlle, sachans que les oiseaux l'assomment de coups, dont aduient bien souuent qu'il en meurt plusieurs qui se le sont fiché en la poitrine.

Si vostre oiseau à la fieure apres long trauail ou autres accidens, le faut mettre en lieu frais sur perches enuolopees de drappeaux mouillez, & le nourrir peu & souuent de chair de petis poullers trempee premierement en eau où aura trempé semences de courges, ou de cōcōbres. S'il est refroidy, le faut tenir chaudement, & le nourrir de chair de poulet masse, ou de pigeons trempéz en vin, ou en decoction de sauge, mariolaine, ou autre semblable. S'il a des poulx, faut oingdre sa perche avec ius de morelle, ou d'aluine. S'il a des vers dedans le corps, faut mettre sur sa viande feuilles de peschers. S'il a les gouttes à l'aïlle ou à la cuisse, faut luy tirer quelque goutte de sang de la veine qui est souz l'aïlle, ou dessous la cuisse. S'il est podagre faut oingdre ses pieds avec ius de l'herbe nommee lacterolle, mesme la perche où il sera. L'oiseau de proye proprement, est celuy qui prend l'oiseau & luy coupe la gorge. L'Aigle frappe l'oiseau de ses ongles, puis le prend & le mange. Il y a vne espeece d'Aigles qui tueront en vn iour plus de cent oiseaux, com-

bien qu'un ou deux leur suffise pour leur viure.

Les meilleurs oiseaux de proye, sont ceux qui paissent dix ou onze onces: à grande peine en trouue l'on qui en paissent douze. Il en ya beaucoup qui ne paissent que sept ou huit onces: & ceux cy sont fort legers. Tous oiseaux de proye ont le bec & les ongles crochus.

L'estomach des oiseaux de proye est fort poinctü & aigu, afin que plus facilement ils soient portez par l'air: ayans les ailles & queue fort ample & grande. Ils se paissent principalement du cerueau des oiseaux & aussi de la chair. La proye la plus commune des oyseaux, sont les Coulombs, ou Pigeons, & oiseaux de riuere: pource qu'il en y a grande quantité, tant pour fecundité, que pour la fluence de la nourriture. Aucuns oiseaux de proye prennent le gibbier au plus haut: les autres volans en bas, aucuns ne se fians, en leurs ailles prennent les oiseaux à terre. Ce que cognoissans les pigeons, & voyans vn oiseau de proye de ceux qui prennent en haut, ils se tiennent en terre, ou pres de terre: & si c'est de ceux qui prennent en bas les pigeons, contre leur naturel, montent tant qu'ils peuuent. Entre les oiseaux de proye, on met le Sacre pour le plus fort & vaillant, & est le meilleur: apres luy, on met celuy qui a de coustume de voler en rond, & tout autour de quelque chose, comme font les Aigles, ne prenant ne chassant aux petits oiseaux. Le tiers lieu tient l'oiseau de proye qu'on appelle Montain, qui a cela de propre, qu'il regarde souuent ses pieds: & si est fort despit, comme sont communement les oiseaux de proye, car à peine veut reuenir quand il a perdu sa proye. Apres y a le Pelerin, ainsi nommé par ce que il fait de grands chemins: le meilleur est celuy qui a le bec de couleur bleuë, & est le plus commun de tous. On ne fait de tous les autres oiseaux de proye cas pour la Fauconnerie, Les meilleurs oiseaux pour la Fauconnerie, sont ceux qui ont les pieds blanchissans sur le iaune, & ceux qui ont, quand ils commancët à crier, leur voix delice, gresse, & haute, se finissant en vne voix plus grosse & basse: car les grans criards, ne sont pas bons pour la vrollerie, parce qu'ils font peur aux oiseaux, les chassent. Le propre des oiseaux de proye est; avec grande vehemence se ruer sur la proye. Albert escrit, qu'une Aigle ayant osté vne Perdrix à vn Faucon, que le Faucon fut si courageux, qu'en montant il frappa l'Aigle par la teste de telle force que luy & l'Aigle en moururent.

Les oiseaux de proye ont le bec, les ongles & leur haleine veneneuse, infecte & dangereuse: combien que celle de l'oiseau que les Latins appellent

appellent Accipiter, soit legere, & de facile digestion & concoction, & bonne au goust: & si est fort bonne pour la douueur des boyaux, & du ventricule, & de l'estomach, & si profitera au cœur. Ceux que les Latins appellent Astures, aiment fort la chair d'Escreuille, à ceste cause, on leur en baille quand ils ont bien vollé, pour les recompenser & inciter mieux à leur deuoir: combien que de'ux mesmes ils n'y chassent. Le meishaby de ce que dit Aristote, que les oiseaux de proye, qu'on appelle Accipitres en Latin, ne mangent point le cœur des oiseaux qu'ils prennent, ou qu'on leur donne, veu qu'ils en sont sur tout friands. Mais possible qu'il y auoit de son temps autres genres d'oiseaux de proye, que les nostres: ou que la diuersité des regions cause cela. Tout oiseau qui mange chair peut estre appris & enleigné pour la vollerie, & pour la chasse des oiseaux: parquoy on peut leurrer & affaçonner pour la vollerie, & la Pie, qui mange les Passereaux, & le Corbin, qui mange les Alouettes: car si ces deux bestes sont apprises, elles prennent les Perdrix. Entre les grans oiseaux de proye y a difference en bonté selon les pays dont ils viennent, & se prennent: car ceux qui viennent d'Armenie sont fort bons, ayans les pieds blancs, & beaux: apres ceux cy les meilleurs sont ceux d'Ilirie, qui sont grâds de pieds & de corps: apres sont ceux de Sarmatie, fort grands aussi de corps: & ces trois genres excèdent tous les autres en bonté. Et ce du genre des grands: car du gère des petits, les meilleurs sont ceux qui ont les pieds iaunes: ou noirs, & qui sont d'Italie. Aux oiseaux de proye deux choses sont grandement requises pour estre bons: c'est assauoir, qu'ils soient bien appruiuisez, & non farouches, & qu'ils soient vaillants, hardis, & courageux. Mais parce que l'audace & hardiesse, le plus souuent est iointe avec orgueil, fiereté, & rebellion, peu souuent on les trouue vaillans & dociles ensemble, car ceux qui croient facilement, sont bien prîuez. On ne voit donc gueres de Faucons hardis & vaillans, estre aitez à leurrer: & gueres d'Aigles bien appruiuisez, estre hardies & vaillantes, car la hardiesse les rend rebelles & farouches. En nourrissant l'oiseau de proye, faut bien se donner de garde de leur bailler à vn mesme past de deux sortes de chair, ne de la chair qui soit de vieille beste ou malade. La chair de Lieure, de Connils, de Chiens, de Rats, de Renards, de Perdrix, de Poulllets, & generallyment de toute chair qui vit de grain, leur est bon: comme aussi celle des petits oisielers. La chair de Chats de Loups, & des oiseaux de rapine, ne leur vaut rien à manger. La ceruelle, le poil, & les os des bestes à quatre pieds leur sont dangereux.

à leur past à manger. La chair des oiseaux de riuere est indifferente, ne trop bonne ne trop mauuaise. Toutesfois la plus nuisante est celle des grands oiseaux de riuere, comme des Oyes, & des Cignes, & ceux là qui sont de nature seche, comme les Cigognes, & les Grues. La chair des Ours leur est saine, & aussi celle de Porc non trop gras. Les oiseaux de proye endurent des maladies & de l'esprit & du corps. Les maladies du corps sont cogneuës par leur estinct, & mens, & quand ils ont leur plume toute rebouchée, ou qu'ils baillent les yeux fermes, qu'avec difficulté de leur voix, & s'ils sont long temps sans manger ne boire. C'est signe de lanté quand leur esmutissement est blanc, & d'une seule couleur, qui n'est ne trop liquide & clair, ne trop espois & dur. On guerist les oiseaux de proye comme les hommes. On les guerist par dietes: & alors on leur baille, apres auoir esté long temps sans manger de la chair trempée en vinaigre. On les guerist aussi par vomissement, qu'on prouoque par cotton ou chanure meslez avec la chair qu'on leur donne, & si on laisse de petits os en leur chair: car entre les bestes qui mangent chair, elles reiettent seules la viande par la bouche. Ce qui leur fait aualler la chanure, ou cotton, & les osselets, c'est leur gourmandise & voracité. On guerist aussi les oiseaux de proye par purgation, qui se fait ou avec aloës, ou rheubarbe, ou erithodanon, poiure, mastic, fueilles de laurier, & avec myrrhe. Qui plus est, ils endurent bien les plus forts medicaments, aussi bien qu'ils font la seignee & le cautere. Les oiseaux de proye aiment sur toutes les herbes, la menthe & la sauge: & sur tous les arbres, le saule & le sapin. S'ils boient souuent du sang d'oiseau estant tout chaud, ils en deuiennent plus forts & puissants. Ils ayment & se trouuent bien d'estre mis au Soleil, & d'auoir l'eau à commandement, & de faire exercice, comme font tous autres oiseaux. Le poumon avec le fiel d'un porc leur est bon, donné souuent en past, car cela les purge. Si tu veux qu'ils changent de plume & de poil, baille leur à manger des rats ou souris saupoudrez de poudre de petits poissons: ou leur donne de la chair de gelines nourries de serpens. Les oiseaux de proye different fort en grandeur, ayans tous leur plumage madré & diuersifié comme de raches: ils font leurs nids es lieux hauts & pierreux, & couuent vingt iours. Plin en met de seize sortes d'especes. On dist aussi que les Pigeons cognoissent bien le naturel de tous ces oiseaux: car quand ils aduissent ceux qui prennent leur proye en volant, qu'ils s'arrestent tout coy: mais si c'est de ceux qui prennent leur proye à terre, ils en volent incontinent en haut contre leur naturel.

En vne partie de Thrace, les habitans & les oiseaux de proye giboyent & chassent es oiseaux ensemble & comme en communauté : car les habitans de ce pays là, font leuer les oiseaux des buissons & des bois, & ces oiseaux de proye sont si faits à cela, que les voyans voler, ils volent & prennent le dessus, les faisant deprimer en terre, lesquels sont prins par ces oiseleurs qui les departent à ces oiseaux de proye qui les rabattent.

De la diuersité des Faucons, & comme on cognoist les meilleurs.



E vous declareray seulement comme il faut gouverner les Faucons: car le sçachant, facilement on sçaura gouverner tous les autres. Il y a de plusieurs sortes de Faucons: aucuns sont muez de bois, les autres sont sorts, & les autres sont muez, & tiennent du fors, les autres sont appelez niais, qui ont esté prins au nid. Et si y a de grands faucons, de moyens & de petits, qui sont differents en plumes, pays, & nature. Les vns se paissent d'oiseaux marins & de marais, lesquels sont appelez faucōs riuereux: il en y a qui se paissent d'oiseaux champestres, comme de Corneilles, Estourneaux, Merles, Mauuis. Il y a vne maniere de faucons, qu'on appelle apprins de repaire: autres qui sont appelez passans: autres qui passent par dessus la mer, & viennent de loingtain pays en autre region, qui sont appelez faucons pelerins d'outre-mer. Les plus hardis faucons de tous, sont ceux du Royaume de Chip, requi sont fort petits & de rousse plume, cōme sont ceux de Sardaine: & prennent le Cigne, la Gruë, & le Hairon. Toutesfois les plus à priser, sont ceux qui ne sont ne trop grās ne trop petis qu'on appelle faucons morans, lesquels on prend sur la falaise de la mer, que nous auons nommē Pelerins: parce qu'ils n'ont gueres esté ne seiourné en leurs pays. Le faucon pelerin a grosses espauls, & les ailles longues, & en filāt comme la queue d'un Esperuier, les pēnes rōdes: que la queue soit de plein pouce que le bout ne soit blanc & que les netfs de la queue soient bien vermeils. Pour estre bon il doit auoir les pieds semblables à ceux d'un butor bien fendus & vers, les ongles noirs, bien poinctus & tranchans. Que la couleur du bec, qu'il doit auoir grossier, & pieds, soit tout vne: ayans les narines grandes & ouuertes. Il doit auoir les sourcils vn peu hauts & gros, & les yeux grands & cauez, & la teste vn peu voultee, & rondette par dessus. Et quand il est seur, qu'il face vn peu de barbette sous le bec, de sa plume. Il doit auoir le col long.

Hh ij

RECVEIL DES

& haute poitrine : & vn peu ronde sur les espaules , à l'assembler du col. Il doit seoir large sur le poing , peu reuers , mordant & familieux. Ses plumes doiuent estre blanches & coulourees de vermeil , bien nouées & grosses : les sourcils blancs , la teste grise , & les iouës blanches , coulourees de vermeilles plumes , & le dos de couleur bise , comme le dos d'une Oye , & les plumes larges & rondes , entourné de blâc bien coulouré : & ne doit point estre gouet , & se doit entrefuir de plumes , de pied & de bec. Faucon de telle sorte , sera bon sur tous , s'il est bien gouuerné.

Comme on doit mettre en arroy & porter le Faucon.



N Faucon nouveau prins , doit estre chillé en telle maniere , que quand la chillure l'achera , que le Faucon voye deuant , pour voir la chair deuant luy : car il souffre moins quand il la voit à plain deuant soy , que s'il la voit par derriere : & ne doit point estre chillé trop estroit ny ne doit estre le fil de quoy il est chillé trop delié , ne noué sur la teste , mais doit estre retors. Vn Faucon nouveau doit auoir nouveau arroy , comme vn grand blanc , & nouveaux gects , le tout de cuir de Cerf : avec la lesse de cuir attachée au gant : puis faut auoir vne petite brochette pendue à vne petite corde , de laquelle soit manié souuent le Faucon , car plus est manié & touché , & plus en assure , & aussi que la main le faist d'auantage , & qu'il se pourroit blesser de son bec en le maniant. Il luy faut deux sonnettes , afin qu'on le puisse mieux trouuer : ouyr remuer , & gratter. Il doit auoir vn chapperon de bon cuir , bien fait , & bien en forme , fort esleuee & bossue endroit les yeux , bien profond , assez estroit par dessous , afin qu'il tienne bien à la teste , mais qu'il ne le blesse. On luy doit aussi vn peu espointer les ongles , & le bec , non pas tant qu'ils saignent.

Comme on doit affriter vn Faucon , & mettre hors de saumagine.



N dict que le Faucon for , qui a esté prins bien à heure sur la falaise , & estoit passé la mer , est celuy où y a plus d'affaire , aussi est il le meilleur. Faut donc apres l'auoir mis en tel ordre que dessus , paistre cest oiseau de bonne chair , & chaude , de couloms & autres oiseaux vifs à pleine gorge , deux fois le

iour, iusques à trois iours: car ne luy faut oster tout à vn coup la vie de quoy il vsoit: & estant nouveau, il mange plus volontiers la chair chaude, que autre. En luy baillant à manger, on le doit hucher: afin qu'il cognoisse quand on luy voudra donner à manger, en luy ostant le chapperon en paix: puis on luy doit donner deux bequees de chair ou trois, & apres luy auoir remis son chapperon, baille luy en encore autant: mais prens garde qu'il soit tellement chillé qu'il ny voye goutte. Les trois iours passez, si tu le vois friant à la chair, & qu'il mange volōtiers, restrains luy sa viande c'est à dire, que tu luy donnes moins & souuent, qu'il n'aye en gorge qu'un bien peu vers les vespres: en le tenant longuement la nuict auant que tu le couches, le mettant couché sur vn treteau bien seant, afin qu'on le puisse la nuict resueiller. Puis se doit leuer deuant le iour sur le poing, avec la chair doiselee. Quand on luy aura tenu ceste reigle deux ou trois nuits, & qu'on voye que le Faucon soit plus mat qu'il ne souloit, & qu'il face signe de seureté & soit aigre de la bonne chair, ti luy muë sa viande, en luy donnant petite & souuent chair de cœur de Porc, ou de Mouton. Sur le soir quand il sera nuict, sans le prendre, l'œil luy soit vn peu lasché du fil de quoy il est chillé, en luy iettant de l'eau au visage quand on le mettra coucher afin qu'il ayt moins de sommeil, & le veillant toute la nuict, en le tenant sur le poing, le chapperon hors la teste. Que s'il auoit trop veu, & qu'il fist signe d'estre vn peu effroyé, soit porté en lieu obscur, fors qu'on voye mettre le chapperon: puis soit abbeché de bonne chair, & soit veillé par plusieurs nuits, tant qu'il soit mat & qu'il dorme sur le poing par iour: combien que le laisser vn peu dormir seurement, est vne chose qui bien l'asseure. Au matin au point du iour, qu'il trouue la chair chaude de quoy il sera abeché. Or parce qu'il y a des Faucons, de diuerses sortes: car l'un est mué de bois, l'autre est prins de repaire & a esté à luy longuement, l'autre est for, duquel auons parlé, encores qu'ils soient ou sorts, ou muez, ou niais, si sont ils de diuersse nature, parce les faut gouverner diuersement: qui est la cause qu'on n'en peu baille regles propres: car ceux qu'on trouue amiables, de doux affairément & de bonne fin, doiuent estre affaitez sans leur donner grand peine. Et quand l'auras mis en tel estat, tant pour voller, comme de luy faire auoir faim, si tu vois signe de seureté, tu luy pourras oster son chapperon de iour, loing de gens, en luy donnant vne bequee de bonne chair, puis luy remets tout en paix, en luy en donnant encores vn peu. Sur tout, faut se garder de luy oster son chapperon ou remettre, en

RECVEIL DES

lieu où il puisse auoir effroy : car celà perdroit ton oiseau. Quand il aura apprins à voir les gens, si tu vois qu'il eust faim, oste luy le chaperon, & luy donne vne bequee de chair, luy monstrant droit à ton visage. car par celà il n'aura peur des personnes. Et puand il sera nuict, luy soit coupé le fil dequoy il sera chillé, & ne soit veillé, si tu le voy assez asséuré entre les gens : mais soit mis sur vn treteau aupres de toy, afin d'estre reueillé la nuict deux ou trois fois, & le mets sur le poing deuant iour : car trop veiller son faucon n'est pas bon, qui assenrer le peut par autre voye. Que si par bon gouuernement & pour luy auoir esté courtois, & gardé d'effroy, & veillé ton oiseau se trouue seur, & qu'il mange & se batte à la chair deuant les gens, donne luy lors de la chair lauee en l'abechant au matin, si qu'il ait la fosse de la gorge pleine : laquelle mettras tremper en eau claire, vn demy iour, & luy feras battre deuant les gens en luy baillant au matin à Soleil leuant l'aisle d'une Poule. Et au soir en luy remettant le chapperon prens le pied d'un Cónin, ou d'un Lieure qui soit coupé au dessus des orteils & escorché, en ostant les ongles, le faisant tremper en bonne eau, & vn peu espraint : que tu luy donneras avec vne ioincte du gros de l'aisle d'une geline. Se faut bien donner de garde de bailler plumes à ton oiseau s'il n'est bien seur, autrement il ne s'oseroit ietter sur ton poing : car il faut qu'il soit tenu & alors qu'il fera signe de ietter, oste luy le chapperon tout en paix, par la tirouere en luy donnant par deux fois de la chair lauee, & l'autre iour de la plume, selon que ton oiseau sera net dedans le corps : quand il aura ietté sa plume, si luy remets le chapperon sans luy donner à manger, afin qu'il iette sa glette. Estant curé de plume & de glette, soit abeché de chair chaude, deuant les gens, deux ou trois bechees à la fois & au soir fais luy tirer l'aile d'une geline, aussi deuant les gens. Si tu le trouues bien seur, & de bonne fin & aigre, adonc est temps de le faire manger sur le leurre. Il faut regarder, si les plumes que ton Faucon iette sont ordes & gletteuses : & si l'ordure est de couleur iaune, car alors faut mettre peine de le rendre net par dedans, avec plumes, & chair lauee. Que s'il est net, ne luy donne si fortes plumes, qui sont pieds de Lieures & de Connins, mais luy faut donner plume qui est prise sur la ioincte de l'aisle d'une vieille geline, ou la ioincte mesme de l'aisle, ou celle du col, decoupee par entre les ioinctures, quatre ou cinq fois, lauee & trempee en eau froide. Pour la fin de ce chapitre, il est asséuré qu'il faut plus long temps à affaier & veiller vn foucon mué de bois, qu'il ne faict vn lor, qui a esté prins en passant : & aussi qu'il

ya plus d'affaire à vn Faucon prins de repaire, & qui a esté bien longuement à luy, qu'il n'y a vn qui a esté acuré.

Comme on doit leurrer vn Faucon nouveau affaité.



Vant que monstrier le leurre à vn Faucon nouveau, faut considerer trois choses. La premiere, qu'il soit bien leur de gens, de chiens, & de cheuaux. La seconde, qu'il ayt grand faim: en regardant l'heure du matin & du soir. La tierce, qu'il soit net dedans. Il faut que le leurre soit bien encharné d'un costé & d'autre, & estre en lieu secret, quand tu voudras alonger la laisse à ton Faucon & le deschapperonner, en l'abbechant sur le leurre sur ton poing, puis luy faut oster, & le cacher qu'il ne le voye. Et quand ton Faucon sera descharné, iette ton leurre si pres de toy qu'il le puisse prendre, de la longueur de la laisse: & s'il le prend seurement, on doit crier hae, hae, & le paistre sur le leurre cōtre terre, en luy donnant dessus, la cuisse d'une poulette toute chaude, & le cœur. Si tu l'as ainsi leurré au vespre, ne luy donne qu'un peu à manger: & soit leurré si à heure, que quand il aura esté accoustumé, tu luy puisses donner de la plume: & vn oser d'une ioincte, & le lendemain soit mis sur le poing, au point du iour: & alors qu'il aura iette sa plume, & sa glette, soit abeché d'un peu de bone chair chaude. Le lendemain quād il sera grand iour, & temps de le paistre, prens vne corde, & l'attache à la laisse, & t'en va en un pré bien net & bien vny, & l'abeche sur le leurre, comme deuant dit est, puis le descharne: & si tu voy qu'il ait bonne faim, & ait prins le leurre roidemēt, si le baille à tenir à quelqu'un qui bien le lasche au leurre. Adonc tu dois desployer la corde, & le traire arriere quatre ou cinq fois: & celui qui le tiēt doit tenir à la main dextre, le chaperō dudit Faucon. Que si le Faucon vient bien au leurre, & qu'il le prenne incontinent & roidemēt, laisse le māger deux ou trois beques, puis le descharne, & l'oste de dessus le leurre, & luy mets le chapperon, & puis le rebaille à celui qui le renoit, & l'eslongne, & le leurre ainsi de plus loing, & le pais contre terre sur le leurre, en huant & criā hae, hae, & ainsi le leurreras chascun iour de plus loing, en plus loing, tant qu'il soit bien duit de venir au leurre, & de le prendre seurement: apres soit leurré entre les gens, en se gardant qu'il ne vienne chiens ou autre chose de quoy il ayt effroy. Et en l'ostant de dessus le leurre, mets luy le chapperon sur le leurre. Et estant bien leurré à pied, faut le leurrer à cheual: ce qui se fera plus aisément, si quand tu le leurre:

RECVEIL DES

à pied , tu fais venir des cheuaux aupres de ton Faucon , afin qu'il les voye en les approchant de luy quand il mangera sur le leurre , en les faisant tourner autour de luy : mais que les cheuaux soient paisibles , afin qu'ils ne luy fassent peur. D'auantage , pour mieux dire l'accoustumer avec les cheuaux , qu'il les cognoisse , porte le Faucon sur le leurre , quand il mangera , en haut pres du cheual : ou le porte à cheual , & le fais manger entre les cheuaux. Et quand il les aura bien accoustumez , & qu'il ne fera nul semblant de les craindre , tu le pourras bien leurrer à cheual en ceste maniere. Faut que celui qui tiendra le Faucon pour le laisser aller au leurre soit à pied , & celui qui aura le leurre sera à cheual : & quand il branlera son leurre , celui qui tient le Faucon luy otera le chapperon par la tirouere , & celui qui tient le leurre doit huer & crier , hae , hae : que s'il prend le leurre roidement par dessus & ne doute ny gens ny cheuaux , oste luy la obecanne , & soit leurré de plus loing , & en plus longue tiree. Et pour faire venir le Faucon nouveau , & l'accompagner en la compagnie des autres , faut que deux tiennent les Faucons , & deux qui les leurrent : mais celui qui tiendra le Faucon nouveau , ne laissera pas si tost aller le sien au leurre comme fera l'autre. Adonc sera ietté au Faucon nouveau le leurre , & quand il sera cheut sur le leurre , son maistre le doit porter sur son leurre , manger avec les autres Faucons. Celà faisant trois ou quatre fois , il les suura , & aimera. Et si voulliez qu'il ayme les Chiens ce qui est necessaire , les faut appeller autour de luy , quand on fera tirer , plumer , ou manger son Faucon.

*Comme on doit baigner , faire voller , & hayr le change ,
à un Faucon nouveau.*



Vand ton Faucon aura bien esté leurré à pied & à cheual , & qu'il sera prest d'estre ietté à mont , & il aura mangé de bonne chair sur le leurre , & sera tout hors de sauuagine , & sera vn peu recouuré & efforcé de la peine qu'on luy aura donnee , & aura les cuisses plus plaine de chair , offre luy de l'eau pour se baigner. Regarde quand le temps sera beau , chair & temperé : puis prens vn bassin si profond que l'oiseau soit en l'eau iusques aux cuisses , soit emply d'eau , & mis en lieu secret : puis ayant donné clair chaud à ton faucon , & leurré au matin , apporte le en lieu haut , & la le tiés au Soleil iusques à ce qu'il ait enduit sa gorge , luy ayant osté son chapperon ,

peron, afin qu'il se manie: cela fait, remets luy le chapperon, & le mets bien pres du bassin. S'il veut saillir sur l'herbe ou dedans l'eau, si le laisse aller: & afin qu'il sentel'eau, frappe d'une vergette dedans, & le laisse la baigner tant comme il voudra. Quand il fera semblant de s'en aller, mets de la chair en ton poing, & luy tends: & regarde qu'il ne saille hors, sans saillir sur ton poing, afin de luy donner vne bechee. Puis leue-le, & le tiens au Soleil, & il se maniera & pourrondra sur ton poing ou sur ton genouil. S'il ne se veut baigner au bassin, eslaye de le baigner en eau de riuere. Le bain donne à l'oiseau grande seureté, aigre faim, & bon courage. Le iour qu'il sera bagné, ne luy donne chair, lauce. Pour bien ietter en haut & faire voler ton Faucon nouveau, le lendemain qu'il se fera bagné, monte à cheual le matin, ou au velpres, alors qu'il a grand faim, & choisis les champs, & le pays où n'y ait ne Couloms ne Corneilles, puis prens ton leurre bien encharné d'un coë & d'autre, & ayant osté le chapperon, abeche-le sur le leurre, l'ayât osté de dessus, remets luy le chapperon: puis t'en allant tout bellemēt contre le vent, oste luy le chapperon. Mais auant qu'il choisisse aucune chole, ne qu'il s'esbate, mets le hors de dessus ton poing tout en paix, & comme il tournoiera, en allant le trot du Cheual, iette luy le leurre, & ne le laisse gueres tournoyer. Et continue celà tous les iours, tant au soir qu'au matin. Que si tu vois que ton faucon ne soit bien duit de tournoyer enuiron toy, & de cheoir au leurre, & ne fait semblant d'aimer les autres Faucons, faut le faire voler avec vn qui ayme les autres, & qui ne se bouge de nul change, premierement aux Perdrix: car les Faucons ne les chassent gueres loing. Et si ton Faucon a chassé, & il reuiert, vne, deux, ou trois fois, iette luy le leurre, & le paiz sur le destren de ton cheual, & puis le paiz sur le leurre contre terre, de bonne chair chaude, pour le redre en volant, afin qu'il reuienne plus legeremēt de sa chasse. Et si l'oiseau à quoy tu voles est prins, fais luy en manger avec l'autre Faucon: & quand il en aura vn peu mangé, oste-le, & le paiz sur le leurre.

Si tu voles de ton Faucon aux oiseaux de riuere, & qu'il en soit vn bien prenable: demeure, & le mets souz le vent, & oste à ton Faucon le chapperon, & le laisse aller avec les autres. Quand tu veux faire ton Faucon hautain, & qu'il prenne son haut, il faut faire voler avec luy vn Faucon bien hautain: mais que le tien soit bien duit de retourner ses chasses, & qu'il ayme bien les Faucons qu'il reuert. Que si

R E C V E I L D E S

les oiseaux de riuere sont dedans vn estang, qui ne soit pas grand, ou en vne belle fraiche, on doit laisser aller le Faucon hautain, & celuy qui tient le nouueau, doit estre bien arriere au dessus du vent: & quand vera son bon, il le doit deschapperonner, que s'il le bat, c'est pour aller à l'autre: lors le doit aller, si tirera contre le vent droit à l'autre au contrairemont. Et auant qu'il s'amatisse d'aller apres l'autre, qu'on luy soudre les oiseaux, quand le Faucon hautain sera à point, & luy face soudre sur la queue. S'il prend l'oiseau, donne luy à manger le cœur & la poitrine avec l'autre. Si ton Faucon va au change, & il prend Coulom ou Corneille, ou autre oiseau de change, qu'il mange, ou la mangé, ne le rudoie, mais reprens-le au leurre, en luy donnant vne bequee de chair, & luy mets le chapperon, & apres n'en vole de deux iours: & quand tu en voleras, n'en vole à faute, si tu peux: Que si par aucune maniere tu ne le pouois garder d'aller au change, fais pour le dernier remede ce qui s'ensuit. Si ton Faucon a prins oiseau de change, & arriues auant qu'il l'ait mangé, aye du fiel de geline, & en oins la poitrine de l'oiseau qu'il aura prins, qui sera esorchée & descouuerte, & luy en baille à manger peu, afin qu'il ne soit greué, car il la iettera, & s'il ne la iette, si n'aura-il courage de voler tel oiseau, & en haira la chair: Ou bien mets dessus quelque autre chose amere, comme poudre de myrrhe, ou ieuues vers menuz detranchez, mais que l'amertume ne soit trop forte. Que si l'amertume auoit dehaité ton oiseau, mouille luy sa chair en eau succree. Aucuns leur mettent deux sonnettes à chacun pied, ou leur cousent les grosses pennes des ailes. Et est bon, encores qu'il vienne du change, luy ietter le leurre, ou faire soudre vn oiseau de riuere blessé, afin qu'il le prenne.

Comme on fait prendre le Heron à son Faucon.



Faire son Faucon bon hironnier, faut que tu l'y mettes en aspre faim, & auoir vn Heron vis, duquel tu feras vne tome à ton Faucon, ainsi. Au matin quand il sera heure de paistre ton oiseau si tu vois qu'il ait faim, va à vn pré, & laisse aller le Heron apres luy auoir brisé les pieds & le bec, & te cache derriere vn buisson: & alors celuy qui tiendra le Faucon luy osterà son chapperon, lequel sera au dessous du vent: & s'il ne veut prendre le Heron, iette luy le leurre que tu auras tous presté: s'il le prend fais luy la cure, en luy donnant premierement le cœur, & quand il aura mangé, baille le

Heron à celuy qui a laissé aller le Faucon, lequel en se tirant vn peu loing, le tournoyera par l'aïlle. Lors oste le chapperon à ton Faucon, & le laisse aller au bransle: & que celuy qui bransle le Heron ne le iette: mais qu'il attende à le laisser cheoir iusques à ce que le Faucon le prenne au bransle, puis descouure la poitrine au Heron, & la fais manger à ton Faucon, & aussi la moüelle qui sortira de l'os de son aïlle couppee par le bout, que nous appellons la garde. Cela fait, iette luy le Heron, en contenant deux ou troisours, tu l'acharneras à prédre le Hairo, & à l'aimer: ce qui se fera encores mieux si au commencement il est accompagné d'un bon Faucon heronnier. Lors ayant trouué le Hairo seant, faut que tute le mettes avec ton Faucon nouveau en haut lieu, au dessus du vent, & que celuy qui a le Faucon hairoonnier face charier le Hairo: & quand il aura laissé aller son Faucon au Hairo, qu'il regarde si le Hairo qui volera prendra la monstre, car alors ne laisse pas aller ton Faucon apres, & ne luy oste pas le chapperon: mais s'il se desconfit, & qu'il fonde en l'eau, & que le Faucon hairoonnier le debate, adonc oste le chapperon à ton nouveau Faucon, & le leue, & s'il se bat, laisse le aller au debatis.

Comme on fera aymer son Faucon les autres quand il les hayt.

Ly a aucuns Faucons qui ne veulent voler avec les autres, se tirent arriere, & ne bougent: les autres les vont prendre en volant au haelonnier. Vn Faucon hait à seoir & voler avec les autres, ou pour doute qu'il a d'eux, ou qu'il ne les ayme: celuy qui les hayt, les prent, qui les craint, s'enfuit. Pour remede, faut auoir vn Lanier amiable, qui soit mis sur la perche avec celuy qui hayt les autres, assez loing & de iour, en leur baillant à tous deux vne bequee de chair en passant les approchât peu à peu: & estans pres l'un de l'autre, mettre de la chair entr'eux, afin que l'un & l'autre la bequent: puis quand il ne fera nul semblant de courir sus au Lanier, faut au soir le paistre de bonne chair, & le mettre gesir hors à la gelee, sur vne perche, s'il est gras & fort, & le laisser là trois ou quatre heures, ce pendant tenez vostre Lanier pres du feu: puis mettez-le sur le poing, ce pendant faictes apporter le Faucon, & luy mettez le chapperon, & le mettez entre le Lanier & vostre costé: & lors le Faucon qui sentira la chair du Lanier, se tirera contre luy, & s'approchera pour la chaleur. Et soient ainsi laissez sans dormir l'un & l'autre, iusques à ce que vous voyez que le Faucon ait grand faim de dormir, puis luy ostez tout bellement le chapperon, & soit en lieu qu'il ne voye tout ainsi toute la nuit sur vostre

RECEVIL DES

poing. Et quand il sera iour, faut les remettre à la perche l'un auprès de l'autre, toutesfois qu'ils ne puissent aduenir l'un à l'autre. Cela fait par deux nuits, mettez l'un & l'autre gésir hors à la geles, la troisieme nuit pres l'un de l'autre qu'ils se puissent ioinde sur la perche. Et quand vous verrez qu'ils se feront approchez l'un auprès de l'autre pour auoir chaleur, ostez leur les chapperons: puis faites le manger, gésir & leur rer ensemble, & mettez peine de luy querir son aduantage.

Comme on doit effemer, c'est à dire, bailler la cure a vn Faucon.

LEs Faucons sont plus forts a effemer les vns que les autres: car tant plus vn Faucon a esté à maistre, il est plus fort a effemer: & vn Faucon vieil mué de bois, qui n'a qu'une mué par main d'homme, est de plus leger effement, que n'est vn Faucon moins vieil, qui a esté plus longuement à main d'homme: la raison est, qu'un Faucon estant à luy, se nourrit plus nettement & mieux selon la nature, & de meilleures chairs, qu'il ne fait par gouuernement d'homme. Ce n'est donc de merueilles s'il n'est si ord dedans, quand luy mesmes se paist, que quand on le paist: car le Faucon qui est à toy, mange gloutement plume & cuir, & n'est repeu en la mué de si nettes viandes, & ne digere si bien, & n'a l'air en les necessitez, comme celui qui est à soy-mesmes.

Quand tu met ton Faucon hors la mué, s'il est gras (ce que cognoistras s'il a les cuisses grasses & pleines de chair, & que la chair de la poitrine soit aussi haute comme en est l'os) & s'il est bien mué, & a ses pennes fermes, donne luy à manger quand il voudra mordre en la chair, au matin, vne bequee ou deux de chair chaude, ne luy en donnant au vespre que bien peu, s'il ne faisoit trop froid. Sil mange bien sans qu'on l'efforce, baille luy la chair lauee, ainsi preparee: Prends les aisles d'une poulette pour le matin, & laue en deux eaus, si c'est chair de Lieure ou de Bœuf en trois. Le lendemain matin, donne luy vne cuisse de Geline bien chaude, & à midy chair trempee, bonne grosse gorge, le laissant ieusner iusques au vespre bien tard: & s'il a mis la viande aual, & qu'il ne soit rien demeuré en la gorge, donne luy vn peu de chair chaude, come tu as fait au matin: & ainsi soit gouuerné iusques à ce qu'il soit temps de luy donner plume: ce que sçauras par trois signes. Le premier, quand trouueras au bout de l'aisle du Faucon vne chair plus ieune & molle qu'auparauant qu'il mangeast chair lauee. Le

OISEAUX DE PROYE.

second, si les esmeuts sont clairs & blancs, & que le noir qui est parmy soit bien noir, sans autre ordure meslee parmy. Le tiers, s'il a grand faim & aspre, & qu'il plume volontiers. On baille plume faite, ou de pieds de Lieure, ou de Connin, ou de cotton de la plume qui est sur la ioincte de l'aile d'une vieille geline. Pren donc le pied de deuant, d'un Lieure, & soit escorché du dos d'un cousteau, tant que les os & les ongles en tombent: afin de moudre les os des ottelets, qu'il faut couper & mettre en belle eau froide & claire, puis l'esprains, & luy en donnes deux bequees. Et quand tu le mettras à la perche, nettoye le dessous, afin de voir si l'esmeut est enuelpé de taves, & plein de glere & d'ordure: que s'il est ainsi, cōtinue ceste plume iusques à trois nuits ou quatre, & de la chair lauee comme dessus est dit. Et si tu voy les plumes digerees & moulûes, & qu'il y ait grande cure & ordure, pren le col d'une vieille geline, & le coupe tout au long par entre deux ioinctes, & mets les ioinctes en eau froide, & les donnes à manger à ton Faucon, sans autre chose: & on luy donne ces ioinctures, parce qu'il met aual en la meule la chair qui est sur les ioinctes, & la confit, & les os y demeurent, qui sont aiguz & cornus, qui desrompent les taves, & l'ordure, & portent avec eux: & luy en donnez par trois nuits, en luy baillant sur iour chair lauee, comme il est dit. Et puis retourne à luy donner plume selon la force & necessité de ton Faucon. Et ne t'esbahi si le Faucon qu'on eslime est aucunes fois quinze iours auant qu'il vueille manger plume: aussi qu'aucuns Faucons prennent en un mois plus tost eslement que d'autres en cinq semaines, selon qu'ils sont de plus forte nature, où nourriz de plus nettes viandes, où qu'ils ont esté plus longuement en main d'homme. Quand tu auras traict le Faucon de la muë, & il a ses grosses pennes sommees, ou il en a encores au tuyau, ne luy donnes chair lauee, mais chair d'oiseaux vifs à bonne gorge, & le tiens en l'air, autrement ses plumes se pourroient affaier & aneantir.

F I N . .

H iij

TABLE GENERALE CON- TENANT LES CHOSES PRINCI-

PALES TRAICTEES EN CE PRE-

sent volume de la Fauconnerie.

Le chiffre signifie le feuillet, & la lettre la page.

A

Aigle, de ses especes, de sa
couleur & forme. 54. b
de l'Aigle fauve, qu'on nom-
me Aigle Royal 104. b
de l'Aigle noire 106. a

De combien d'especes il y a d'Aigles.

104. a

Aiguilles especes de filandres, pires que
toutes les autres 27. b

Aiguilles qui sont dedans le corps de
l'oiseau. 81. b

Aisle de l'oiseau rompuë, comment est
remise. 39. b

Aisle de l'oiseau alentie & pendante, le
moyen d'y remedier. 39. a. 49. b

Aisle disloquee, comment est gueris,
ibid. b

quand l'oiseau ne soustient bien ses ailes
la cause & le remede. 70. a

Aisleron rompu, quels remedes sont
propres pour le racoustrer 39. b

Aleine bonne de l'oiseau comme doit
estre conseruee 14. b

Aleine puante de l'oiseau, quelle en est
la cause, & le remede 51. a

Aloes comment doit estre donnee aux
oiseaux volans 47. b. 77. b

L'Appetit de manger comment reuiet
à l'oiseau 35. a. 39. a. 69. a

Apostumes qui s'engendrent aucunes-
fois dedans le corps des oiseaux. 26. b

82. a

Aisme autrement dit Pantais, la cause &
le remede. 80. b. 95. b

Aureilles malades des oiseaux à cause de
rheume ou froidure 16. b

Autour oiseau propre à la volerie 4. b

Autour, de ses especes, bonne forme
& condition 59. b

de l'Autour femelle. 109. b

Election des Autours. 83. b

B

Baigner l'oiseau de proye quand luy
est sain.

quand l'oiseau est enuenuimé par se bai-
gner en eau enuenuimee. ibid.

Baigner vn nouveau Faucon. 125. a

Barbillons, maladie, qui vient dedans
le bec des oiseaux, & de ses remedes

19. b

Bec de l'oiseau malade, comme prouier
& se guerist. 22. a

Pour renouveler le bec rompu, ou re-
serrer le bec desioin &. 65. b

Blesseure d'oiseau par coup, comment
se guerist. 40. a

Du mal de bouche des oiseaux. 95. b

Brancher oiseau. 95. a

C

Cathartes des oiseaux. 94. b

100. a

T A B L E.

Causes & signes du mal de teste des oiseaux.	13. b
Chaleur grande dedans le corps de l'oiseau, les signes & le remede.	82. b
Chairs viables & bonnes.	100. b
Chairs restauratiues.	ibid.
Chairs laxatiues.	ibid.
Chairs defendues.	ibid.
Chancres, mal des oiseaux, ses causes & signes, & comment se guerist.	20. a
Chancre qui vient aux oiseaux de chaleur de foye.	29. b. 76. b
Change, Aller au change, hayr le change.	115. a. b
Clouds ou galles aux pieds des oiseaux, les causes & remedes.	42. b. 84. b
Complexion des Faucons, & comme ils se doivent medeciner.	99. b
des Concussions dedans le corps.	97. b
des choses Cordiales & confortatiues.	101. a
Corbeau, oiseau de proye.	4. b
Coup en l'œil de l'oiseau comme se guerist.	17. b. 79. a
Couronne du bec, maladie des oiseaux, de ses causes & signes, & des remedes propres pour la guerir.	19. a
mal de Croye, de ses causes & remedes.	33. b. 38. b
Cuisses ou iambes enflees des oiseaux, quelles en sont les causes & remedes.	24. a
Cure de l'oiseau quelle doit estre.	66. a
	116. b
de quoy on donne les Cures.	101. b

D

Desgluer oiseau.	64. a
Difference des Faucons.	1. a. 7. b
Difference qu'il y a entre le Faucon Pelerin, & le Faucon Gentil.	8. b
Digestion mauuaise de l'oiseau, la cause & le remede.	68. a

quand l'oiseau Dort souuent pour l'esueiller. 75. b

E

Emerillon, oiseau propre à la volerie.	4. b. 118. a
Emerillon, de sa forme, de son vol & proye.	
quand l'oiseau ne peut Emutir, les signes, & le remede.	65. b
quand l'oiseau n'Enduit bien sa gorge, la cause & le remede.	68. b
quand l'oiseau Enduit bien sa gorge, mais apres il la rend, la cause & le remede.	ibid.
Enfleure des pieds, cuisses & iambes des oiseaux, les causes & remedes.	41. b
	42. a. 76. a. 78. a
Enfleure & viscosité des paupieres de l'oiseau.	67. a
Enfleure des yeux de l'oiseau, & le remede.	ibid.
Enseignemens pour conseruer tous oiseaux de proye en santé.	10. b
Epilepsie des oiseaux, la cause, signes & remede.	22. b. 75. b. 95. a
Eschauffement de foye des oiseaux.	29. a
quand l'oiseau est Esgaré, ou on ne peut ouir ses sonnettes, ce qu'il faut faire.	71.
Especies diuerfes de Faucons.	1. a. 54. a
Esperuier, oiseau propre à la volerie.	4. b
Esperuier & de sa nature.	60. b
de l'Esperuier, de sa bonne forme & boneté.	61. a
comme il faut chiller l'Esperuier nouveau, & mettre en ordonnance.	61. b
comme on doit affaier vn Esperuier & comme il doit estre mis en arroy.	62.
la maniere de faire voler son Esperuier, nouveau.	

TABLE

nouveau.	63. a	on cognoist, qui sont les meilleurs.	122. a
de l'election del'Esperuier.	88. a	comme on doit mettre en arroy, & porter le Faucon.	ibid. b
del'Esperuier femelle.	111. a	comme on doit affaier vn Faucon, & mettre hors de sauuagine.	ibid.
pour faire eslemer Esperuiers, Autours ou Tiercelets, sans leur faire force	89. b	comme on doit leurrer vn Faucon nouveau affairé.	124. a
pour eslemer & faire les Faucons.	90. a	des Faucons.	107. b. 112. b.
Eslemer vn Faucon, c'est luy bailler la cure.	126. b	Faucons Gentils differens des autres	7. b
Eslemer de Faucon comme se doit faire.	la même.	Faucons comment se doiuent perdre en l'aire ou au hid.	48. b
		du Fau perdrieux.	118. b
		du Feu qui se donne aux narilles des oiseaux pour les embellir.	19. b
P our faire auoir Faim à l'oiseau qui est trop pu, quand on le veut faire voler.	71. a 10. b	Fieure des oiseaux, & le signe & le remede.	83. a
Faucon est vn nom general comprenant tout oiseau du leurre & de proye.	1. a	Filandres de la gorge, leurs causes & remedes.	26. a
Faucon dit Gerfaut & de sa nature.	3. a	Filandres des estraines & des reims, leurs signes, leurs causes & remedes	27. a
Faucon dit Sacre, & de sa nature.	3. b	Filandres des cuisses, leurs causes & remedes.	27. b 81. b.
Faucon Lanier & de son naturel.	ibid	Filandres vulgairement appellees aiguilles.	27. b
Faucon Tunisien, & de la nature.	4. a	Filandres, les especes d'icelles, les signes, leur causes & le remede.	77. a
Faucon Heronnier,	5. b. 125. b	Filandre dedans le corps de l'oiseau la cause, les signes & le remede.	81. b
Faucon dict Gentil, & de la nature	1. b	Flegme engendré au gosier de l'oiseau, le signe, la cause & le remede.	76. b
Faucon dict Pelerin, & de sa nature.	2. a	Fontaine qui est au pied de l'oiseau, comment est medicamenteuse & guarie	84. b
Faucon dict Tattaret, & de sa nature.	2. a	Foye de l'oiseau eschauffé, la cause, le signe & le remede.	26. a
Faucon quand doit estre prins, sa bonne forme, qualité & condition.	55. b		
Faucon ayant les autres oiseaux de proye.	116. b		
diuersité des Faucons, & comment			

KK

80.2
pour les infirmités de Foye, & la medecine. 98.b

G

G Allés & clouds aux pieds des oiseaux, les causes, signes, & remede. 24.b. 85.a

Gentil Faucon, & de sa nature. 113.b

Gentil en quoy different au Pelérian. 8.b

Gentils Faucons en quoy different les autres. 7.b

Gerfaut Faucon, & de sa nature. 108.a

Gerfaut de sa naissance, forme, condition & proye. 59.a

de la Goutte des reins. 97.b

Gratelle & demangeaison des pieds des oiseaux. 43.b

H

H Ayre le change à vn nouveau Faucon. 72.a. 2.b

pour faire l'oiseau Hardy à la proye, & voler grands oiseaux. 71.b

du Haut mal, dont les oiseaux tombent par fois. 22.b. 35.b

Herissonnement de l'oiseau, les causes, signes & le remede. 79.a

Heron à prendre par le Faucon. 126.a

du Hobeau. 116.b

Hobier, oiseau propre à la volerie. 4.b

L Ambe ou caisse rompuë de l'oiseau, quels moyens faut tenir pour la

TABEE.

guarir. 39.b
pour rompre la jambe à l'oiseau, quels moyens doit on tenir. 45.a
quand l'oiseau lette sa viande. 98.a
Instruction pour apprivoiser oiseaux. 6.b

L Anier Faucon, & de son naturel. 3.b

Lanier, de sa naissance, forme, past & proye. 57.b

pour faire le Lanier griuer. 71.b

du Lanier femelle, & de son Lanerier masse. 115.b

pour faire le Lardon. 104.b

pour bien faire l'oiseau au Leurre, & pour le bien faire voler au gibbier. 70.a

pour faire vn oiseau à la guise de Lombardie. 90.a

Lumbriques qui sont petits vers dedans le corps de l'oiseau. 81.b

M

O isseau Maigre comme doit estre mis sus, & le signe de maigreur ou de maladie. 69.a. 85.b

Maladies & medecines qui sont dedans le corps des oiseaux. 80.a

Mal des oreilles venu aux oiseaux de rhume. 16.b

Mal des yeux des oiseaux, à cause de rhume ou distillation de cerueau. 14.b

Mal de l'ongle qui vient en l'œil des Faucons. 17.b

Mal des malchoïeres, ses causes, signes,

TABLE.

Narilles & le bec des oisieux malades, par quels remedes se guerissent. 19. a

Nature diuerse des Faucons. 1. a. 7. b

Nature du masle & de la femelle des oisieux de proye. 54. a

Naturel des Faucons & oisieux de proye est different. 7. b

Niais oiseau, 63. b

des Nocumens de la vertu. 93. b & 94. a

des noms des oisieux de proye. 114.

Nourriture des Faucons, & comme il les faut choisir. 114. b

- Oeufs estans faicts par les Faucons en-
deuiennent malades & en danger de
mourir. 48. a 73. a
- Oiseau degousté, remedes pour luy fai-
re venir l'appetit. 35. a
- Oiseau trop maigre comme doit estre
remis sus. 35. b
- Oiseau alenty & paresseux, ce qu'il luy
faut faire. ibid.
- Oiseau qui a esté blessé de coup, quels
remedes sont propres pour le guarir.
40. a
- Oiseau se grattant & demangeant les
pieds, les moyens pour y obuier.
43. b
- Oiseau autres que Faucons de leurre
& de poing, & de leur nature. 4. b
- Oiseaux de riuere. 5. a
- pour tenir les Oiseaux sains & en bon
estat. 92. b
- de tous Oiseaux de proye, qui seruent
à la Fauconnerie. 119. a
- pour Oiseler toutes manieres d'oi-
seaux. 92. a
- L'Ongle, mal qui vient en l'œil des Fau-
cons. 17. b
- pour Ongle rompu renouveler.
7. b
- les Ongles des oiseaux estans rompus
quels remedes sont propres pour les
guarir. 48. a
- quand les Ongles se descharnent, ou
viennent droicts & non crochus;
le signe, de ce, la cause, & le remede.
85.
- Oppilation, le signe, la cause & le reme-
de. 76. a
- Os rompu, ou hors de son lieu, pour
le faire reprendre. 80. a
- Palais qui enfle aux oiseaux par froidu-
re & rheume de teste. 21. a
- Pantais de la gorge, ses causes & reme-
des. 30. a
- Pantais venant de froidure, ses causes
& remedes. 30. b
- Pantais, qui tient aux reins & ronguons,
ses signes, causes & remedes. 31. b
- Pantais, les signes, causes & remedes.
80. b
- Paupieres de l'oiseau, voyez Pouplieres
cy dessouz. 76. a
- Past & chair bonne & mauuaise pour
paistre oiseau. 64. b
- Pelerin Faucon, & de sa nature. 2. a
- Pelerin Faucon en quoy different au Fau-
con Gentil. 8. b
- election du Faucon Pelerin. 86. b
- du Faucon Pelerin. 113. b
- pour muer le Pennage de l'oiseau en
blanc. 73. b
- pour Penne froissée redresser, ou rom-
puë entrer, ou desioincte reserrer, ou
perdue renouveler. 64. a
- pour penne rompuë d'un costé, & qui
tient de l'autre. ibid.
- Penne arrachée par force, ou tirée en-
saing, le moyen de la faire reuenir.
50. b
- Pennes des ailes, rompues, par quels
moyens les doit on racouster. 49. b
- Pépie, maladie des oiseaux, de ses cau-
ses signes, & remedes. 20. b 76. b
- pour desaccoutumer oiseau de soy Per-
cher en arbre. 71. a
- quand l'oiseau se bat trop à la Perche.
73. b
- Pieds enflés del'oiseau, quelles en sont
les causes & remedes. 41. b

TABLE.

Pierre, maladie des-oiseaux, ses especes. causes & signes.	23. b. 8. 3b. 96. a.
Playe receue par l'oiseau en heurtant.	79. b
des playes qui sont en l'oiseau.	99. a
Podagre autrement nommee cloude & galle, la cause & le remede.	84. b. 97. a
aux Podagres oiseaux comment faut rompre la jambe.	45. a
Porter & contregarder l'oiseau, & luy acoustumer les chiens	69. b
maladie de poulmon de l'oiseau, & le remede.	80. b
Pouls comment se peuuent oster aux Faucons, ou faire mourir,	49. a 78. a 101. b
Paupieres d'oiseaux malades par froideur de rheume.	17. a
Poupieres de loiseau enflees, & le remede.	76. a
Purger l'oiseau en tout temps, luy faire bon-appetit & bon ventre.	67. a

R

R Amage oiseau:	63. b
Raucité seiche de l'oiseau	77. b
Recepte pour garder les oiseaux en santé.	13. a
Remede pour le mal de rheume enraciné de long temps.	15. a
autre remede pour la maladie dessol-diste	16. a
Remede pour descharger l'oiseau du rheume de la teste.	16. a
Remede pour oster rheumes & eaux de la teste en lieu de tirer.	12. b
Remede contre le mal qui aduient à l'oiseau par trop hastiement manger.	65. a

Remede pour faire aimer à son Faucon les autres.	126. a
Remedes propres pour guarir le mal de teste des oiseaux.	13. b
Remedes pour guarir les oiseaux qui ont mal aux yeux.	14. b
Remedes pour le mal de rheume enraciné de long temps.	15. a
Remedes pour le mal des aureilles qui vient aux oiseaux.	16. b
Remedes pour mal de paupieres.	17. a
Remedes propres pour guarir le mal d'ongle.	17. b
Remedes pour guarir l'oiseau qui a coup en l'œil	17. b
Remedes pour le mal de la taye en l'œil des oiseaux	18. a
Remedes pour le mal des narilles & du bec	19. a
Remedes propres pour l'oiseau qui ne enduit & ne passe la gorge.	33. b
Remedes pour guarir l'oiseau qui remet sa chair & ne peut enduire.	34. b
Remedes pour remettre l'oiseau de sa gousté.	35. a
Remedes pour vn oiseau alenry & paresseux.	35. b
Remedes pour remettre sus vn oiseau, quand il est trop maigre.	35. b
Remettre sa chair, & ne pouuoit enduire.	34. b
pour bien faire reuenir l'oiseau quand il a volé, & la cause pourquoy ne reuient.	70. b
Rheumes, ausquels sont subiers les oiseaux, le remede.	12. b. 15. b. 16. a
Rheume enraciné de long temps, & qui procede de froidure.	15. a
Rheume de la teste comme doit estre deschargé de l'oiseau.	16. a
Rheume au cerueau de l'oiseau, la cause & le remede.	74. b

TABLE.

Rheume sec au cerueau de l'oiseau, les
signes, causes & remedes, 75. a
Rheume engendré au cerueau de l'o-
iseau par fumee, le signe & le remede.
75. a

S

Sacre Faucon, & de sa nature. 3. b
Sacre, & ses especes, condition &
proye. 58. a
du Sacre, & de son Sacret. 108. a
Saffie Faucon, & des autres Faucons
89. a
Sang assemblé & figé au ventre de l'o-
iseau, & le remede. 81. a
Sangsuës qui entrent dedans la gorge
des oiseaux ou narilles. 21. b. 77. a
Santé de l'oiseau, comment doit estre
conseruee. 10. b. 14. b
les signes communs de Santé en l'oiseau
de proye. 68. a
pour entretenir l'oiseau en Santé, & le
preseruer de maladie. 66. a
pour cognoistre la Santé de tous oiseaux.
93. a
pour cognoistre la santé & la maladie
par la cure & par l'esmut, 94. a
Signes communs de la maladie en oi-
seau de proye. 74. b
les signes des infirmités vniuersellemēt.
93. a
Soif de l'oiseau, la cause & le remede.
65. b.
Sor oiseau. 63. b
Surdité des oreilles signe, la cause & le
remede. 76. a

T

Taigne, qui vient aux ailes & queues
des oiseaux, & de ses especes.

36. b. 78. b
Taigne des oiseaux, premiere espece.
37. a
Taigne des oiseaux seconde espece.
ibid. b
Taigne des oiseaux, troisieme espece.
38. a
du Faucon Tartarot, ou de Tartarie, ou
Barbarie. 2. a. 11. 4. a
Taye en l'œil des oiseaux. qu'aucuns ap-
pellent verole. 78. a
Thraciens & les oiseaux de proye, gib-
boient ensemble aux oiseaux. 122. a
du Tiercelet masle. 109. b. 114. b
de la Tignolle, & de sa medecine.
99. a
Tremblement de l'oiseau, & le remede.
79. a
du Faucon Tunicien, ou Punicien. 4. a
114. a

V

V grand Vautour cendré. 106. b
du moyen Vautour, brun & blan-
châtre. 107. a
Venes des iambes de l'oiseau estouppees,
pour le garentir des enflures 44. a
pour estancher les Venes de l'oiseau, le
remede. 79. b
pour esslargir le Ventre & le boyau de
l'oiseau. 67. b
Ventosité engendree au corps de l'oi-
seau, les signes & le remede. 83. a
98. b
Verole des oiseaux comment se guarist.
18. a
Vers ou filandres maladies des oiseaux,
de quatre especes. 126. 127. 128 &
96. b

TABLE.

Vessie enflée en la plante de l'oïseau &
le remede. 85. b
Vol pour le gros. 5. b
Volerie des champs. 5. b
quand l'oïseau n'a volonté de voler, le
remede. 17. a.
Voler vn nouveau faucon. 125. a

Y

Yeux malades des oïseaux, à cause de
rheume, ou distillation du cer-
veau. 14. b
Yeux de l'oïseau enflés, & le remede.
76. a
contre le mal des Yeux de l'oïseau. 76. b


Fin de la Table de la Fauconnerie.



Oesterreichische Nationalbibliothek



+Z:7864.1801



W. EN
GEBURDEN BEY
F. KRAUSS
BÜRGERSPITAL

